

815

VJ




BIBLIOTHECA
UNIV. JAGELL.
CRACOVENSIS

910357

kat.komp.

Mag. St. Dr.

I



910357 I

Mag. St. Dr.

9418

Virginia

Shelburne



r 1627.

RESPUBLICA,
Sine Status Regni
POLONIE, LITUANIE,
PRUSSIE, LIVONIE,
etc.

diversorum Auctorum.



LUGDUNI BATAVORVM.
Ex Officina Elzeririana.
ANNO MDLXXXVII.
Cum Privilegio.

Wesinsla Ph.
et Prop.

BIBLIOTHECA
V. H. H. H. H. H.
C. H. H. H. H.

910 357

I

WYDZIAŁ HISTORII, GEOGRAFII I
KOLEKCYJ
FUNDUSZ HISTORICZNY
(Za zbiorów Prof. Józefa Łepkowskiego)

*Wydawnictwo
Polskie*

ST. D. 2016. D. 89/43 (55)

*Wydawnictwo
Polskie*

ADMONITIO

AD LECTOREM

rei Politicæ studiosum.

EN tibi, Benevole Lector, jam secundam editionem commentarii de Regno Poloniae. & quidem priore multo copiosiore & nonnihil perfectiorem: è priore enim quædam exemimus, quæ minus ad institutum nostrum facere videbantur, & in eorum locum alia magis opportuna substituímus, ut facile ex indiculo capitum per te animadvertes. Paucula adhuc sunt quæ te desideraturum credimus, & quæ magnopere jam addere optabamus; nimirum pleniorum patrimonii Regii, & reddituum annuorum Regni explicationem; itemque Ecclesiasticorum opes, quas summas esse

nemo ignorat; denique Illu-
strum Nobilium familias &
dignitates; siquidem nulla est
Regio in Christiano orbe quæ
antiqua nobilitate æque glo-
rietur. verum quia in hisce si-
ne certo & indubiæ fidei au-
thore, qui præeat, facile & vul-
go peccatur; & in postrema
præsertim parte multorum in-
dignatio merito metuenda est:
jam quidem nobis in hac parte
cessandum judicavimus: con-
sultius judicantes, Polonos per
patriæ suæ decus obtestari, ut
nobis in hac parte auxilio esse
velint, & ut ea quæ desiderant,
ipsi nobis submittant: ita enim
& de publico & de patria sua
bene mereri poterunt; & stu-
dium nostrum, politicarum re-
rum studiosos adjuvandi, ma-
gis magisque accendent. Bene
vale.

INDICVLVS

Capitum quæ hoc commenta-
rio continentur.

I.

Stanislai Krzistanowvic Iuris-
consulti Status Regni Polonia
compendiosa descriptio. Pag. 1.

II.

*Polonia descriptio Martini Cro-
meri. Pag. 32.*

III.

*Polonia Regni descriptio ex Thua-
ni Historiarum lib. LVI. 234.*

IV.

*De Valachia, ex Thuani Historia-
rum lib. LVIII. 254.*

V.

*De Litwana gentis origine & mo-
ribus, ex Alexandri Guagnini
Sauromatia Europea. 256.*

* 3

VI. Qua-

VI.

Quadam ad Lithuaniam pertinentia, ex fragmentis Michalonis Lituani. 265.

VII.

De Ducatu Samogitia, ex Alexandro Guagnino. 274.

VIII.

Ioannis Lasicii Poloni de Diis Samogitarum caterorumque Sarmatarum. 291.

IX.

Articuli constitutionum bellicarum magni Ducatus Lituania, in comitiis generalibus constituti, à supremo & generali copiarum imperatore fortissimo, & heroë perpetua memoria dignissimo, illustri D. Gregorio Chodkievicio Castellano Vilnensi confirmati, & militibus imperati. 309.

X. Prus-

X.

Prussia cum suis Provinciis & civitatibus compendiosa descriptio, ex Alexandro Guagnino. 318.

XI.

Origo & Series Principum Teutonici ordinis. 343.

XII.

Livonia descriptio, addita est quoque brevis narratio quomodo hac regio in ius invictissimi Regis Polonia, Sigismundi Augusti &c., cesserit. 366.

XIII.

Ioannis Boteri Polonia descriptio. 402.

XIV.

De Novo in Polonia Rege eligendo, Honorii dissertatio. 424.

XV. Ioan-

XV.

Ioannis Barclaii iudicium de Polonia & ingeniis Polonorum.
436.

XVI.

Series ac ordo Principum & Regum Polonia, ex Alstedii Chronologia. 440.

XVII.

De Re nummaria Polonorum, ex Historia Salomonis Neugebaueri à Cadano. 443.

XVIII.

De Vectigalibus Regis Polonia, ex eodem Salomone Neugebauero.
448.



I.

STANISLAI KRZISTANOVVIC
Iuriscoſultus

STATVS
REGNI POLONIÆ
COMPENDIOSA
DESCRIPTIO.

Rex Polonia.



V T à Rege, tanquam ſuo
capite, totum negotium
initium capiat, Rex Polo-
niæ, provincias diſtinctas
ſubſectas, eſque in ſe
fere omnes, vel diſtictis ſ. ſ. ſ. ſ. ſ.
nullas diſtictas, habet ſ. ſ. ſ. ſ. ſ. ſ.
nam Majorem, & Minorem: Ma-
gnum Ducatum Litchanix, Ducatus
item Ruſſiæ, Pruſſiæ, Maſſoviæ, San-
cigitæ, Pomeanix, Livonix. Ex his pro-
vinciis habent nomen ſ. ſ. ſ. ſ. ſ. ſ.
& regno Poloniæ feudatarii ſ. ſ. ſ. ſ. ſ. ſ.
in Pruſſia, Livonia & Pomerania.

Valachia quoque, ſ. ſ. ſ. ſ. ſ. ſ. ſ.
inferioris, quæ eſt Ruſſiæ continetur,

A

Fin.

Princeps, Regum Poloniae per multos annos fuit Feudatarius; cuius etiam homagii, Regibus & regno Poloniae saepius praestiti, extat in Statutis regni, forma iuramenti. Invalescente postmodum Turcarum potentia, Principes illi, sive, ut vocantur, Palatini, Turcarum quoque Imperium comiter colere, & tributis annuis pacem redimere ceperunt; ita tamen, ut Poloniae quoque regum maiestatem & fidem agnoscerent, ac mittendis etiam, statis temporibus, honorariis, muneribus, nempe equis Thracicis generosis, bobus in usum culinæ, vinis Creticis, & id genus aliis, subjectione fiduciarium profiterentur; & fœdere æquo inter Polonos & Turcas in pacem mutuam sancito, disertis verbis caveretur, ne Provinciam illam cuiquam, Turcarum Princeps, unquam, præter Poloniae regis voluntatem committeret: utque is, qui eam obtineret, regi quoque Poloniae fidelis esset. Nuper autem, anno salutis humanæ MDXCV, cum Turcarum Princeps eam Provinciam, contra pacta, Tartaris inhabitandam concessisset, à Polonorum exercitu, opera Ioannis Zamoscii Cancellarii Magni, & Generalis exercituum regni, Tartaris egestis, deductus in illam est unus ex indige-

nis illis, jure regni Poloniæ ac prærogativis nobilitatis ante donatus: isque eam nunc regi Poloniæ juramento obstrictus pacate administrat.

Sunt & alii in regno, titulo Ducum & Marchionum insigniti: qui tamen cum reliquis regni Proceribus, Comitibus, Baronibus, ac Nobilibus, communi jure utuntur. Ordo etenim equestris, cum magnam sibi apud ipsos Principes & Rempublicam parasset laudem, & merita, bellicis artibus, ac fortitudine militari, ad eam cum Titulatis æqualitatem pervenit, ut æquo jure, & ad capeflendos honores, & ad liberam novi Regis electionem pertineat. Vnde tanta omnium & par libertas. Quamvis nobilium filii, vel studio civilitatis, prudentiæque usu rerum comparandæ, incitati, vel tenuitate fortunarum adacti, contra Occidentalium morem, non modo in Magnatum, Episcoporum, Sacerdotumque clientelas; verum etiam in parium, ac tenuiorum, inferiorumque nonnunquam, eorum præsertim qui Magistratus gerunt, aut aliquo sunt in aula Regis numero, aut opibus, industria, eruditione, gratiave populari valent, ministerium se tradunt; aut à parentibus suis traduntur. Nec pudendum aut

dedecori affine est genus hoc ministerii, sed liberale & sociabile: nec rara est in eo vicissitudo, ita ut eum quis habeat in ministerio, cujus parentibus ipse serviret: honestaque habetur hæc juventutis Equestris educandæ ratio, æqualitatem quandam etiam in æqualibus fortunis continens. Hinc fit, ut multos ex humili loco ac tenui fortuna, non modo ad mediocres, verum etiam ad summos nonnunquam honores, amplissimasque facultates, & opes, ipsorum virtus, Heroumque beneficia, provehant.

Provinciarum Polonia divisio.

PROvinciæ omnes dividuntur in Diceses & Palatinatus. Hi in Castellatus, sive Districtus. Qui item subdividuntur in Capitaneatus, sive Præfecturas, easque duplices: cum Iurisdictione videlicet, & sine Iurisdictione, quæ sunt bona regia, sive patrimonii Principis. In bona deinde hæreditaria Ecclesiæ, Dominorum ac Nobilium.

Diceses.

Diceses latius se extendunt nonnullæ, quam ut uno Palatinatu comprehendantur. Cracovientis namque (Archiepiscopatus quondam) tres Pala-

DESCRIPTIO.

5

Palatinatus suo continet ambitu; Cracovientem, Sendomirientem, & Lublinensem. Vilnensis totius Magni Ducatus Lituaniæ finibus, licet admodum amplis, terminatur. Samogitia itidem (Regnum olim) unicum habet Episcopum. & sic quædam alix.

Diœceses in regno Poloniæ numerantur in universum sedecim, dux quidem Archiepiscopales, reliquæ Episcopales, hoc ordine.

Archiepiscopales.

Gnesnensis.

Leopoliensis.

Episcopales.

Cracoviensis.

Cuiaviensis.

Vilnensis.

Posmaniensis.

Plocensis.

Varmiensis.

Luceoriensis.

Præmislensis.

Samogitiæ.

Culmensis.

Chelmenensis.

Kioviensis.

Camenecensis.

Vendenensis.

Gnesnensis Sedis Archiepiscopus, est Legatus natus, regni Primas, ac primus

A 3

Prin-

Princeps. Hic non solum iurisdictionem habet in universum in regno Clerum, ac primum in ordine senatorio locum: verum etiam summam in consiliis auctoritatem: & qui inter regni tempore DD. Senatores regni, ad consultandum de rebus ad Rempublicam pertinentibus convocatur, legationes externas audit, diem & locum electioni novi Regis indicit: eundem electum nominat, & promulgat, ac postea in solemnibus coronationis Comitibus, Cracoviæ celebrari solitis, diademate capiti imposito inauguratur. Metropolitanae sedis Leopoliensis Archiepiscopus secundum locum in Senatu obtinet. Eum sequuntur ordine supra declarato Episcopi, qui in ordine senatorio omnes seculares præcedunt. Ea namque fuit regum Poloniae pietas, ut statim à receptione fidei Christianae, Catholicae, orthodoxae, Romanae, redacto regni sui ad imitationem aliarum, quae fidem jam susceperant, Provinciarum regimine omni, illud insuper addiderint, quod Ecclesiarum antistites primum debeant perpetuo in Senatu Regni obtinere locum; eosque, uti Ecclesias illorum curae subjectas, atque adeo universum Clerum, amplissimis donavere immunitatibus: quibus etiam nunc

gaw

gaudent, maximo regni illius commo-
do, emolumento, adjumento, addo
& ornamento.

Pa'latinatus.

Palatinatus (ut à Diocēsesibus ad eos
tranſeamus) omnes certos habent
limites & diſterminia. Proprie autem
Palatinatus ſunt Ducatus, ſive ſpectes
amplitudinem territorii cujuſque, ſive
Nobilitatem in quolibet Palatinatu
degentem. Ex ea namque, cum ſit nu-
merofa, juſta ſemper haberi poteſt ma-
nus, ad hoſtes propulſandos, vel etiam
laceſſendos bello. Proinde Palatinus
quilibet, eſt Princeps creatus, prima-
rius in ordine ſecularium Senator, &
Dux exercitus ſui Palatinatus. Sed præ-
ter munus ſenatorium, non exercet
ſuum militiæ officium, niſi tempore
generalis ex univerſo regno expeditio-
nis. Ad quam non recurritur niſi in-
gruente aliqua hoſtis potentiffimi vi.
Pacis tempore habet juſ in ſuo Palati-
nato, conventus Nobilitatis inſtitue-
re: iſque & judiciis præſidere: pretia re-
bus venalibus, præter tempus comicio-
rum & belli, imponere: ponderum &
menſurarum curam gerere. Iudæorum
quoque Iudicia ad Palatinum perti-
nent. Sunt Palatini in toto regno Po-

lenie Magnaeque Ducatu Lituania
xxxiv. Cui quibus nonnulli, quoad
locum in Senatu, Castellani & unus
Capitaneus, praerogativa quadam ut-
tuntur: & inter eos Castellanus Craco-
viensis, ex quodam singulari privile-
gio, omnes secularis ordinis Senatores
praecedat. Hic autem ordo servatur.

Castellanus

Cracoviensis.

Palatini

Cracoviensis.

Posnaniensis.

Vilnensis.

Sendomiriensis.

Castellanus

Vilnensis.

Palatini

Calissiensis.

Trocensis.

Siradiensis.

Castellanus

Trocensis.

Palatinus

Lenciciæ.

Capitaneus

Samogitiæ.

Palatini

Brestensis.

Kioviensis.

Inoulodillanienfis.

Ruffic.

Ruffiæ.
 Volhiniæ.
 Podoliæ.
 Smolcensis.
 Lublinensis.
 Polocensis.
 Belzenfis.
 Novogrodenfis.
 Plocensis.
 Vitebscensis.
 Maffoviæ.
 Podlachia.
 Ravenfis.
 Brescienfis.
 Culmenfis.
 Mfciflavienfis.
 Mariæburgenfis.
 Brallavienfis.
 Pomeraniæ.
 Minfcenfis.
 Vendenfis.
 Derpatenfis.
 Parnavienfis.

Castellanatus.

Sequuntur Castellanus: Illi sunt Districtus, Territoria, five partes Palatinatus cuiusque; qui etiam certis circumscripti sunt limitibus; uti quoque bona Regia, à bonis Ecclesiæ, Dominorum ac Nobilium, hæreditariis ibidem

A s

existen-

existentibus, discreta. Sunt autem in Palatinatu uno, aliquando quaterni, terni, bini minimum Castellanus. Castellanus vero ad munus Senatorium, quo itidem fungitur, obtinet vires in exercitu sui Palatini, illiusque loco præest sui quisque districtus Nobilitati, hac eadem generali, ad bellum, expeditione. Nullam præterea Iurisdictionem extra belli negotium in territorio, quamvis senatoria dignitate gaudeat, exercet. Castellani in regno sunt numero LXXXII, duplicis tamen ordinis: Quidam vocantur majores: quidam minores. Majores sunt XXXI.

Posnaniensis.

Sendomiriensis.

Calissiensis.

VVoïinicensis.

Gnesnensis.

Siradiensis.

Lenciciæ.

Samogitiæ.

Brestensis.

Kioviensis.

Inoulodislaviensis.

Leopoliensis.

Volchinæ.

Camienecensis.

Smolscensis.

Lubli-

Lublinensis.
 Polocensis.
 Belzensis.
 Novogrodensis.
 Plocensis.
 Vitebscensis.
 Cernensis.
 Podlachia.
 Ravensis.
 Bresciensis.
 Culmenensis.
 Mscislaviensis.
 Elbingensis.
 Brastlaviensis.
 Gedanensis.
 Minscensis.

Hi propterea dicuntur majores, quia cum cæteris Senatoribus, tam Ecclesiasticis, quam secularibus, ad omnia etiam secretissima consilia admittuntur. Minores sunt LII.

Sandecensis.
 Medirecensis.
 VVislicensis.
 Bieensis.
 Rogosnensis.
 Radomiensis.
 Zavvichostensis.
 Lendensis.
 Sremensis.
 Zarnoviensis.

Malogostensis.
Vielunensis.
Præmißliensis.
Haliciensis.
Sanocensis.
Chelmenſis.
Dobrinensis.
Polanecensis.
Premetenſis.
Crivinenſis.
Czechoviensis.
Naclensis.
Roſpieriensis.
Biechoviensis.
Bidgoſtienſis.
Brefinenſis.
Krutvicenſis.
Oſvviēcimenſis.
Camenenſis.
Spicimirienſis.
Inovvlodenſis.
Kövalienſis.
Santocenſis.
Sochacoviensis.
VVarſoviensis.
Goſtinenſis.
VViſnenſis.
Raciaſenſis.
Sieprcenſis.
VWyſogrodensis.
Ripinenſis.

Zakrocimensis.

Cziechanoviensis.

Livensis

Slonscensis.

Lubacoviensis.

Conariensis, terræ Siradiensis.

Conariensis, terræ Lenciciæ.

Conariensis, terræ Cuiaviæ.

VVendensis.

Derpatensis.

Pernaviensis.

Minores vero vocantur ideo, qui etiamſi cum cæteris ſupradictis Senatoribus regni, Senatorum privilegiis in reliquis gaudeant, & ſint vere Senatores; à ſecretioribus tamen conſiliis nonnunquam excluduntur.

Et hi ſunt triplicis ordinis Senatores regni: Epifcopi cum duobus Archiepiſcopis, Palatini, & Caſtellani. Sequuntur officiales regni.

Officiales Regni.

Hi ſunt duplicis ordinis: Quidam ſunt ordinis Senatorii, qui cum prædictis Senatoribus iſdem prærogativis utuntur: Quidam autem extra ordinem Senatorium. Ordinis Senatorii ſunt x.

Maſchaleus regni ſupremus.

Mar-

Marschalcus supremus M. Duc. Lituaniae.

Cancellarius regni.

Cancellarius M. D. Lit.

Vicecancellarius regni.

Vicecancellarius M. D. Lit.

Thesaurarius regni.

Thesaurarius M. D. Lit.

Marschalcus curiae regni.

Marschalcus curiae M. D. Lit.

Marschalcus est Magister Aulae regiae, & administer consilii publici: per quem jus est, convocandi Senatum, iussu Regis, vel Primatis: praestandi silentium & audientiam: faciendi potestatem in Comitibus, dicendae sententiae: Legatos externos adventantes excipiendi, illisque de rebus necessariis providendi: ejiciendi è consilio eos, qui ad id non pertinent: pronuntiandi decreta regia in causis infamiae & ultimi supplicii, illaque exequendi: promulgandi ad populum Senatusconsulta: moderandi pompis publicis: Hospites Illustres suscipiendi: compescendi motus inquietorum atque turbulentorum, non modo circa Senatum, & in publico, sed etiam in privatis Regis coenaculis & habitaculis: animadvertendi in delicta, quae in loco & opido domicilii, sive hospitii regii, vel comitiorum, admittuntur.

tuntur. Denique in Comitibus, & in comitatu regio, diversoria distribuendi: & imponendi rebus venalibus pretia. Marschalci etiam est, in aulicum Regis comitatum & administratos mensæ regię, aliorumque munerum aulicorum, (profanos duntaxat intelligo) iurisdic-
tio, censura & animadversio, ne vel suum negligent officium, vel contra decorum aliquid committant. In publicis conventibus, & Regi, in publicum prodeunti, præfert erectum sceptrum ligneum, seu baculum. Hæc eadem privilegia habent Marschalci curię in absentia Supremorum.

Cancellarius, Vicecancellarius, tam regni, quam M. D. Lit., nominibus & loco distincti: potestate & munere æquati. Diplomatis, edictis, mandatis, epistolis, & aliis Scripturis regiis conscribendis, atque signandis, quæq; ad eum mittuntur, accipiendis & legendis præsent. Itaque in potestate sua habent signa Regia. Cancellarius quidem majus; Vicecancellarius minus. Auctoritas eorum eousque patet, ut multa inconsulto rege signare; quæ vero contra leges esse videntur, jubenti illi negare possint. Dant etiam responsa regio nomine; & quibus de rebus consilium haberi debet, in senatu proponunt.

ponunt. Denique senatusconsulta, regiaque & comitialia placita ac decreta literis mandant, & in publicum edunt. Sunt etiam cognitores privatarum querimoniarum, & provocationum, ab Urbanis & Opidanis, Præfectorumque judiciis, ad regium tribunal devolutarum. Secretariis scribis, sacerdotibus, concionatoribus & cantoribus aulicis, cæremoniisque circa regem ecclesiasticis, is præsertim qui est de sacro ordine, moderatur. Lege enim, alterum ex iis sacri, alterum profani ordinis esse oportet. Unde consuetudine longa introductum, ut Vicecancellarius, mortuo Cancellario, propter loci & sententiæ dicendæ prærogativam succedat. Quare huic dignitati, viri doctrina insignes, & in regni negotiis optime versati, semper solent deputari: qui prudenter, quid fieri, vel concedi possit, quid item non, Regem cum suæ Majestatis debita dignitate, informant. Nec debet quinquam existimare, officium hoc simile esse scribarum muneri, quod antiquitus vile fuisse, docuit Reverendus admodum pater Nicolaus Serarius de Societate lesu SS. Theologiæ Doctor; suarum Meditationum rerum lib. 1. cap. 29. ubi demonstravit docte, illud Officii ge-

nus in dignitatis honorem transf-
iisse.

Theſaurarius, ipſo nomine indicat officium ſuum. Eſt enim promus & condus theſauri Regis: ſymbolorum ſeu inſignium Regni, quæ ſunt, corona pomum, ſceptrum, & gladius: ſupplectiſis, & reddituum regionum ſcripturarumque, & monumentorum publicorum, actor: & moderator quorumvis quæſtorum, curatorum, atque diſpenſatorum Regis: & rationum reddendarum exactor: monetariæ officinæ magiſter: ſtipendiorum, tam militarium, quam aulicorum ſolutor. Reddendæ rationi Regi obnoxius.

Atque hic addendum neceſſario, Officiales iſtos ordinis Senatorii, etſi videri loco eſſe poſtremo inter Senatores: auctoritatem tamen habere eos maximam: & quorum cuique ad primas in regno dignitates, ipſo jure patet aditus. Nam cum hi exſequantur quicquid in Senatu unquam concluſum fuerit: uti ſufficientiam quicquæ ſnam teſtatam facere, imo & diligentiam, in negotiis expediendis ſatagit: ita pro magis commendato & bene merito habetur.

Officiales ordinis non Senatorii.

Officiales extra ordinem Senatorium dividuntur rursus in tres classes: vel enim sunt totius regni & M. D. Lit., vel sunt aulae Regiae, vel Districtuum. Totius regni seu Generales sunt hi:

- Exercituum regni Generalis.
- Exercituum M. D. Lit.
- Exercituum regni Campestris.
- Exercituum M. D. Lit. Campestris.
- Militiae aulae Praefectus.
- Secretarius major regni spiritualis.
- Referendarius regni spiritualis.
- Referendarius M. D. Lit. spiritualis.
- Referendarius regni secularis.
- Referendarius M. D. Lit. secularis.
- Pocillatores utriusque gentis duo.
- Dapum incisores duo.
- Gladiferi etiam duo.
- Thesaurarius curiae regni.
- Thesaurarius M. D. Lit. curiae.
- Thesaurarius Prussiae.
- Assessores iudiciorum curiae.
- Notarius causarum curiae.
- Notarius Cancellariae M. D. Lit.
- Regentes Regni Cancellariae.
- Instigatores causarum fisci.
- Notarii campestres.
- Excubiarum contra Tartaros praefectus.

Telo.

Teloniorum, fodinarum argenti,
plumbi, salis, præfecti.

Pecuniæ cudendæ præfectus. &
Præfectus sylvarum.

Circa hos Officiales hoc observandum.
Ut enim ordinis senatorii officialibus,
ad primas dignitates: ita hisce ad ordi-
nem senatorium major patet aditus:
præcipue vero Secretario majori, Refe-
rendarii. Censentur namque de Rege
& Republica esse præ reliquis bette me-
riti: & qui ob usum rerum, & faculta-
tes ampliores, dignitatem Senatoriam
tueri commodius possunt.

Exercituum regni Generalis & M.D.
Lit. est Dux & moderator belli secun-
dum Regem, & vicarius Regis. Ducit
exercitum: capit locum castris: acies in-
struit: dat signum pugnae & receptus:
commeatus & annonæ curam in bello
gerit: precia rebus venalibus imponit,
ponderibusque & mensuris earum
modum statuit: in delinquentes ani-
mad. ertit: & ut paucis reliqua com-
prehendam, in exercitu, & tempore
belli indicti, uterque auctoritate regia
plenipotenter utitur. Hoc etiam usi-
tatum in hac dignitate conferenda,
quod ferme semper demandetur ali-
quibus ex ordine Senatorio, qui magis
habentur apti. Ideo non est, quod mi-

retur quifiam, tam amplas dignitates, & quarum maximus in regno Polonix utus, in fenatu non cenferi. Senatoritus nanque conferuntur: vel etiam dignitas fenatoria conferitur una, fi quis ex privatis tanto muneri exifimatur idoneus effe.

Campeliris Dux exercituum tam regni quam M. D. Lit, et Vicarius Generalis Dux à Rege datus. Excubiarum potifimum explorationumque curam gerit, mercenariis militibus, illo præfertim abfente, præeft, totalemque iurifdictionem in exercitu eodem tempore exercet.

Militix Aulicæ Præfectus, eft præfes illorum militum, qui ad eufodiandam regiam, præfente rege, in caftis ordinantur, exercetque in eos iurifdictionem, fecundum Regem, plenariam. Durat autem ejus potestas, quouique Rex manet in caftis.

Secretarius major regni, abfentium Cancellariæ præfidum vicem fupplet in aula & comitatu Regis: nec tam en ut illi, gellat fignum regium, fed quoties opus eft, pedito ab illo annuo fignatorio, tam diplomata publica, quam Epifcylas ipfo præfente fignat. Habet hic fecundum Cancellarium prærogativam ante omnes, capeffendi honores

honores Episcopales, qui vacaverint. Habet & locum honoratiorem inter ceteros Officiales, tam aulae, quam terrarum, seu districtuum.

Referendarii utriusque gentis & ordinis, sunt supplicum libellorum Magistris, & querimoniis hominum audiendis, Cancellariaeque, ut verbo legis utamur, referendis praesunt. Quin etiam in litibus urbanis disceptandis, eidem Cancellariae praesto sunt: ejusque permittu exponunt Regi cum consilio causas & controversias litigantium: habentque locum in judiciis Regis, extra comitorum tempus celebrari solitis, sententiae ferendae.

Pocillatores, utriusque gentis duo, ipso nomine indicant officia sua: quibus adungere licet dapum incisores.

Gladifarii in pompa publica Regi praeferrunt enses.

Thesaurarius curiae regni & M. D. Lit. supremae Thesaurarii regni absentis vices gerit, adhibeturque aliquando & a praesente, ad pleraque omnia, quae ipsum concernunt.

Thesaurarius Prussiae est, qui pecuniam omnem, & rationes a Praefectis & ministris bonorum Regis & proventuum, atque etiam tributorum publicorum exigit: & vel ipse admini-

strat, vel Thesaurario regni tradit. Assessores judiciorum curiæ, sunt plerique Officiales, qui in aula regis præsentés sunt, utpote supplicum libellorum Magistri, sive Referendarii, Vicecancellarius, & nonnulli ex Secretariis.

Notarii curiæ, tam regni, quam M. D. Lit. nomine declarant munus suum.

Regentes Cancellariæ sunt illi, qui Notariis curiæ cum potestate præsunt.

Instigator causarum fisci est, qui bona jure caduco ad Regem & fiscum ejus devoluta, judicia à possidentibus repetit, & fisco vendicat: sive illa civium, sive eorum, sive nobilium, per confiscationem Regi competentia fuerint.

Notarius Campestris, est mercenariorum militum conscriptor: & stipendiórum solutor.

Præfectus excubiarum contra Tartaros, qui in finibus regni, versus Scythas assiduas gerit excubias, ne inopinas excursiones in regnum faciant: teneturque is semper tempestive Generalem exercituum præmonere, ut mature hosti cum exercitu occurratur.

Præfecti teloniorum sunt; qui tributa & vestigalia regni exigunt, eorumque rationes Regi competenti tempore reddunt.

Præ-

Præfecti fodinarum argenti, plum-
bi, salis, curam gerunt horum metal-
lorum: jurisdictionemque exercent in
operarios: rationibus reddendis Regi
-obnoxii.

Præfecti pecuniæ cudendæ, sunt po-
tissimum Thesaurarii, ad quorum offi-
cium pertinet, ut proba & iusti valoris
moneta in regno cudatur.

Præfecti sylvarum sunt, qui in sylvis,
in quibus Rex solet venationibus ali-
quando indulgere, prohibent, ne qui-
vis promiscue venetur.

Officiales Aula regis.

Camerarius supremus.

Pocillatores.

Incisores Dapum.

Vexilliferi.

Stabuli Præfecti.

Culinæ Præfecti.

Curruum Præfecti.

Camerarii, vulgo lectistratores.

Pincerna.

Subdapifer.

Stabuli Vicepræfectus.

Venator primarius.

Aulici, quorum magnus nu-
merus.

Secretarii.

Salariati.

Pueri Regii.
 Cubicularii.
 Notarius thesauri major.
 Stripatores.
 Doctores Medici.
 Capellani.
 Notarii thesauri.
 Musici.
 Ostiarii.
 Satellites.
 Hospitiorum distributor.
 Curruum vicepræfectus.
 Dispensator.
 Vini distributor.
 Tibicines.
 Tympanistæ.
 Equisones.
 Argenti custodes.
 Culinæ familia.
 Artifices omnis generis.
 Artifices Stabuli famuli.
 Artifices & famuli curruum.
 Venatores & aucupes.
 Apparitores.

Horum Officialium munera, ex ipsis
 nominibus nota esse possunt: sunt ta-
 men plerique, qui peculiare quid ha-
 bent quorum officia paucis adnotabo.

Camerarius supremus præest cu-
 biculo, Lectistratoribus & cubicula-
 riis regiis, advenitque ut omnia pro
 digni-

dignitate Regis administrantur.

Subdapifer curat, ordine fercula mentis regis adferri, præcedens cum sceptro seu baculo dapiferum.

Aulici, quorum magnus est numerus, sunt primarii ex Nobilibus constituti, equis stipendia merentes, præsidii honorisque regii causa quem equestrem seu curulem equestres fere comitantur. Qui equitatus numerosus est, atque splendidus. huic Maschalei moderantur, & delinquentes omnes puniunt. Sunt etiam quidam aulici, qui non habent necesse equos alere: hi prodeuntem in publicum Regem pedestres deducunt: quanquam in sollemnibus pompis non inusitatum est, ut equites quoque equestrem Regem antecedant.

Secretarii, quamvis nullum peculiare certumque munus attributum habeant, ad nutum tamen Regis præsto sunt, in obeundis ejus nomine legationibus, inscriptionibus, & lectionibus publicarum ac regiarum scripturarum: in acciendis & deducendis ad Regem vel in senatum Illustribus hospitibus & Legatis Principum: in exquirendis & referendis sententiis, ægrotorum, & à consilio absentium primariorum senatorum: in recognoscen-

dis pro Rege locis & factis, & causis controversis, regionum præsertim hominum & administrorum, inter ipsos, vel cum magistratibus suis: & si qua sunt alia honesta, & cum dignitate conjuncta ministeria.

Salariati, sunt Concionatores, servitores interioris cubiculi, & similes, quibus certa stipendia, & certa merces numerari solet.

Pueri regii & Cubicularii præsto sunt ad quævis domestica regis ministeria. Cubiculariorum tamen peculiaris usus est in acciendis in Senatum & ad Regem Consiliariis, & deferendis quoquo versus literis, mandatis edictisque regiis. Quam ad rem opidatim, & vicatim, illis mandato regis equi subministrantur.

Officiales Districtuum.

Officiales Districtuum possunt commodè dividi in duas classes, ut quidam sint Officiales terrestres: quidam Officiales castrenses.

Terrestres Officiales sunt:

Succamerarius.

Vexillifer.

Iudex.

Dapifer.

Pocik

Pocillator.

Venator.

Subjudex.

Pincerna.

Subdapifer.

Notarius.

Gladifer.

Quæstor.

Tribunus.

Succamerarius est, qui regendis finibus agrorum, ac bonorū terrestrium, tam ad Regem, quam ad Nobilitatem, capitula, cives, pertinentiam, præest. Qui juratus oportet ut sit: habetque is ad id munus obeundum Vicarios, qui Camerarii vocantur: eosque sibi legit arbitrato suo ex Equestri ordine ejusdem territorii, & jurejurando adigit, mutatque quoties vult.

Index terrestris, causis & controversiis privatis, Nobilitatis, disceptandis & judicandis cum Subjudice præsidet; qui est ejus socius, non vicarius, loco tamen inferior: quibus adjungitur Notarius seu Actuarius judicii, qui habet quoque in illis judiciis jus dicendæ sententiæ.

Quæstor est exactor contributionum publicarum in certo territorio, obnoxius rationibus reddendis.

Tribunus custos est Arcis, in sito quis.

quisque territorio, durante bello: ob
eamque causam vacationem habet
militiæ.

Cæterorum Officialium ministeria
ex nominibus nota sunt.

Officiales Castrienses.

Capitanei cum iurisdictione.

Capitanei sine iurisdictione.

Burggravii.

Vicecapitanei.

Iudices.

Notarii.

Capitanei cum iurisdictione sunt
prædicti arcium & civitatum regia-
rum, qui vocantur brachium regale.
Isti iudicia exercent, querelarum qui-
dem nomine appellata, utpote quæ
sunt in causis levioribus, singulis dua-
bus ordinariè septimanis. Castrensia
vero, ubi videlicet disceptatur de causis
gravioribus, singulis sex septimanis:
nisi quid obstet. Habent hi Vicecapita-
neos, Iudices, Notarios: imo & fami-
liam numerosiore[m] & peditatum, ad
prohibendum, ne cuiquam vis infera-
tur, vel insolentiores contra leges pa-
tritiæ delinquant impune. Habent ita-
que iurisdictionem coercitionemque
late patentem, non modo in agrestes
& opidos: verum etiam in Equestreis
ordinis

ordinis homines. Præterea omnium aliorum judicium, ecclesiasticorum juxta, ac profanorum, sententias executioni mandare possunt, si executores vel noliat, vel non proficiant. Cærent etiam curam commodorum & reddituum regis, qui ex re familiari ac pensionibus opidanorum proveniunt. Qui tamen redditus, quarta detracta, illis ob merita eximia donantur. Illis etiam inter reliquos officiales cujuscunque ordinis, major patet ad ordinem senatorium capiendum aditus.

Capitanei sine jurisdictione sunt qui vulgo tenutarii bonorum regalium nuncupantur. Hi nulla judicia exercent: intolerantias tamen leviores coercendi jura quandoque habent.

Burggravii sunt custodes arcium, qui pacis juxta ac belli tempore, nocturnas, atque etiam, quando opus est, diurnas excubias, per se vel suos administratos servant, Capitanei auctoritati subiecti.

Sequuntur nobiles, barones, comites, duces, possessiones ibidem habentes suas, & hæreditates: Tum & Ecclesiasticum, sive Cathedralium & Collegiatum Capitulares, sive Parochiales, aliarum quarumvis Rectores: Ut omittam civitates, opida, villas,

arces:

arces: demum & mercatores, artifices, & id genus plebem.

Iam ex his nobilibus, baronibus, & reliquis assumuntur ad dignitates senatorias, solius arbitrio Regis. Interim vero opera, cuius vel quorum visum fuerit, utitur Rex in legationibus, in commissionibus, in finibus regundis, in contributionum publicarum exactionibus, in militia, & id genus muniis publicis.

Sed & ipsimet de medio sui, per electionem & liberis suffragiis, n. agis idoneos quand'que ablegant cum potestate. Nunciorum terrestrium ad Comitiam regni generalia: nonnunquam mittunt ad Regem de suis necessitatibus acturi: aliquando deputant iudices ad Tribunal Regni. Quod cum sit ultimæ instantiæ, provocatio ab eo non datur, nisi ex paritate sententiarum causa aliqua remittatur ad Comitiam, Regi & Senatui discutienda, & decidenda. Cum enim Rex causas & actiones Nobilium per appellationes ad iudicium suum devolutas, expedire ob occupationes, quæ illi semper maximæ, non usquequaque potuisset: consultum illi esse volentes iustitiæ & rebus suis; eam iudiciorum formam adinvenerunt, deq; indulgentia Principis confirmationem ejus-

ejusdem obtinuerunt. Non tamen Rex iam vacat à jure dicundo: civitatum & opidorum omnium quæ jure utuntur Saxonico, causæ agitantur in curia. Causæ item Fisci ad iudicium ejus pertinent regium, & quædam aliæ. Criminalium vero inter Nobiles causarum, ipse est unicus cum Senatu iudex. In ejus namque manu fidei honores omnium politici & pœnæ.

Illud quoque libertatis habent præcipuum, quod una cum DD. Senatoribus ad electionem novi Regis pertineant, non solum deficiente, post obitum Regis, prole mascula, quæ succedere debeat, (quis enim invitis illis regni sibi habenas sumeret?) verum etiam dum Princeps legitimus successor, secundum leges regni, in Regem debet eligi. Hic etenim, licet succedat semper, præcedit tamen facta in personam ipsius electio. Neque hoc imminuit quidquam de majestate tanti Regis, cum & duo præcipua orbis Christiani capita, eadem ratione constituentur in imperio quisque suo, per modum videlicet electionis: atque ii tamen idem jus in suos, quod & cuique Principi hæreditario itidem in proprios. Faciunt demum cum debito in reges suos cultu, observantia, & subjectionis re-

stifi-

stificatione, animis nimirum promptis, & volentibus: nec unquam committunt, quin hic eligatur, cui ipso jure debeat successio. Non tamen eum modum negligunt, ne tantam libertatem ire perditum videantur: cum & regi eo maiorem, in populum benevolentiam hac se ratione magis promereri ac retinere existant, & necessitate quadam Principem suum obstringere, quo filium, quem sibi designatum velit successorem, literis, rerum usu, cæterisque virtutibus, inprimis vero pietate sedulo curet imbuendum: ab his namque omnibus instructum eum esse oportet, qui tam amplis, longe lateque patentibus, tum in medio potentiæ morum hostium sitis Regnis, imperaturus unquam est, & habenas eorum moderaturus.

II.

P O L O N I Æ

MARTINI CROMERI

LIBER PRIOR.

De situ Poloniae & gente Polona.

N. lis libris, quos triginta de origine & rebus gestis Polonorum conscripsimus, ostendimus, Polonos gentem esse Slavi-

Slavicam & Sarmaticam : Quæ quodam tempore è Sarmatia progreſſa, tranſmiſſo Viſtula flumine, in iis Germaniæ locis, quæ prius Venedi & Vandalis tenuerant, conſederit, ſineſque domicilii & imperii ſui verſus occaſum & ſeptentrionem longe lateque protulerit, ita, ut à Sarmaticis montibus, in ſeptentrionem quidem ſecundum utramque fere ejus fluminis ripam, in occaſum vero ſecundum dorſum Herciniæ ſylvæ, quo Boëmia clauditur, atque inde porro ſecundum Albi fluvium, ad ejus ipſius, atque adeo uſque ad Viſurgis ſeu Veſeræ oſtîa, & finem Venedicum ſive Baltheum, quicquid terrarum eſt, ejus gentis ditione teneretur. Ac univerſe quidem eos populos Slavos ſeu Slavinos teſe dixiſſe. A ſinitimis vero cum Venedos ſeu Vinidas, tum Vandalos etiam, eorum, qui prius ea loca incoluerant, populorum nominibus appellatos eſſe : peculiariter vere, eos, qui verſus occatam Germaniæ erant vicinioreſ, partim Sorabos, partim Obotritos, Lutitios, ſive Luſitios, Vinulos, Ranos, Vilzoz, Rugioſ, Vetalabos, Retarioſ, Licicavicoſ, Heveldoſ, Vuloinoſ etiam, quod nomen cum Poſonerum nomine cognatione habet, dictoſ eſſe. Quos omnes Slavice

nationis atque linguæ fuisse, & partim domesticis satraparum ac ducum defectionibus & factionibus, partim armis in finitimorum Saxonum & Germanorum ditionem nomenque postea transiisse, memoriæ prælitum est. Polonorum autem nomen vernaculum an commune fuerit horum omnium, an peculiare unius cuiusdam populi & vetustumne, an recentius, non liquet. Ante septingentos quidem annos, nusquam in annalibus ullis externis id invenio: Nec unum ejus etymon memoratur, quemadmodum alibi ostendimus. Nonnulli enim à Lecho seu Lacho duce, Polachos, quasi posteritatem Lachi, dictos esse: Alii vero à campestri planicie, quam incolunt, vel à venationibus, quibus impensius delectantur, Polacos & Polanos, mutataque una litera Polonos, & ab iis regionem Poloniam appellari volunt. Ejus autem non iidem semper fines fuisse. Nam Russiæ permagnam partem cum Podolia subactam, & Prussiæ nonnullam & Polesiensem tractum barbaris lazibus sive lazingis ademptum quodam tempore, Poloni suo adjecerunt imperio. Præter illa autem dudum memoratorum à me populorū occidentaliū detrimenta, posteriori tempore
Silesia

Silesia fere omnis Polonis sese subduxit, & Pomeraniæ Castubiæque reliquæ magna pars detracta est. Decellèrat & Russia Podoliæque pars magna, & Volynia, & Polesiensis tractus. Culmenfis quoque ac Dobrinum, & Masovia fere. Sed hæ provincie his duobus non amplius seculis recuperatæ sunt: Recuperata est etiam nonnulla pars Silesiæ & Castubiæ, Pomeraniæque ea qua nunc Prussia continetur. Rursus tamen Lithuani, securis fœdere & societate ipsorum Polonis, Polesiensem tractum fere omnem, & Volyniam, & magnam partem finitimæ ei Russiæ & Podoliæ, avorum nostrorum memoria, regibus vel faventibus, vel conniventibus, ad se revocarūt, quemadmodum suo loco exposuimus. Sed ii populi nuper adeo, extremo regni Sigismundi Augusti tempore, cum hoc opus nos ad finem perduxissemus, relictis Lithuanis, ultro in ius & ditionem Polonorum æquo fœdere prorsus venerunt. Quin & Lithuani ipsi, exemplum secuti, sese cum Polonis, renovato & ampliato antiquo fœdere, conjungere. Instituta tamen sua, & magistratus, & jurisdictionem peculiarem retinere. Cæterum nos quemadmodum illa superius recensita Poloniæ de-

trimenta in hac descriptione præterivimus, ita modo commemoratas accessiones cujusquam alius operi referimus, aliis jam differenti studiis & occupationibus. Nec Livoniam attingimus, cujus à vicinis principibus mitere disceptat, maxima pars ante pauculos annos in ditionem ejusdem regis venit. Ne Prussiam quidem ducalem exactius describimus. Licet enim ea jussu annis regitella ac domita, ex terrore majestatem regi Poloni, à centum amplius annis comiter agnoscat, ne ꝑ linguam tamen, neque instituta & leges Polonorum accepit. Sed deletis pene præcis Prussis, à Germanici sanguinis hominibus habitatur & regitur ea parte excepta, quæ finitima est Mæovii: Quæ à Polonis colitur antiquitus, & Poloni iure iuris olim fuit. Nec citioris autem Pomeraniæ partem eam, in qua est oppidū Lembergum, & atx Bythovia, complectemur, propterea, quod ea beneficio regum superiorum in jus ducum ulterioris Pomeraniæ transit. Quo nomine sunt tamen & ipsi beneficiarii regis Poloni, qui antequam ritu solenni in verba ejus, quemadmodum & dux in Prussia, & ante eum, nostra memoria creatum, Magistri cum primoribus ordinis Crucigerorum, seu

Teu-

Teuthonicorum Sanctæ Mariæ militum, cum eus provinciæ dominarentur, jurabant. Valachiam quoque prætermittemus: quæ fuit & ipsa intra hos ducentos annos in clientela regum Polonorum, sed suis legibus, sua lingua, suisque duobus utens, qui Vojevoda seu Palatini dicuntur. Qui duo primum fuere, Transilpinensis, & Moldavicus: quorum hic à nostratibus peculiariter Valachiæ Palatinus dicitur: ille vero Multanicus. Verum exitit postea tertius Bessàrabicus ad pontum Euxinum, divisio inter fratres principatu Moldavico. Ac Bessàrelia quidem jampridem subacta est à Turcis: Reliquarum autem duarum Palatini & ipsi jam dediti sunt ejusdem gentis, patrum, avorum, & præavorum nostrorum memoria in verba regum Polonorum, nonnunquam Vngaricorum quoque, & ipsi jurare soliti.

Poloniæ fines & ambitus.

Nunc igitur Polonia, quæ quidem uno regno & jure cōtinetur, quatenus à nobis describitur, secundum longitudinem terræ habitabilis, è sententia geographorum, & imprimis secundum delineationem amici mei Vencelhi Grodecii, à tricesimo octavo gradu ad

quinquagesimum secundum vel tertium (incerti sunt enim in illa solitudine Scythica fines ejus) ab occasu æstivo versus ortum hibernum obliqua protenditur, amplius quam per ducenta miliaria Polonica: (quorum unumquodque quatuor Italica in se continet: Tamen si Russica & Podolica sunt aliquanto longiora.) Quin certis literatum monumentis doceri potest, Ociacoviam arcem ad ostium Borysthenis LIV gradu longitudinis sitam, aliquando in dirione Polonorum regum fuisse. Latitudo autem Poloniæ, qua maxime Orientalis, & qua Occidentalis est, xxx plus minus milliariorum est. Et Occidentalis quidem habet imam poli elevationem LII, summam LIV graduum XL fere minutorum. Orientalis vero summam quidem LI ferme, imam autem XLIX graduum. Pocuensis tamen Russiæ tractus, à quadagesimo octavo incipit. Cæterum in medio, qua latissime centum miliaris patet Polonia, & cum in meridiem paululum recurvatur, tum in septentrionem magis ad mare Balthicum seu Venedicum, & secundum extremam oram Masoviæ dorso prominet, imam quidem poli elevationem habet in ora Scepusii quadraginta novè graduum,

sum.

summam vero in litore maris, & in
Pusculi ora quinque ferme & quin-
quaginta: ita ut figura ejus intensi ar-
cus speciem præ se ferat: cujus nervus
paululum reductus ad meridiem &
occasum hybernū quadamtenus spe-
ctet, exterior vero curvatura in septen-
trionem & ortum æstivum obversa
sit. Quod si quis novas accessiones Po-
lessiæ, & ei confinis Russiæ, Volyniæ,
Podoliæ, & Livoniæ, Prussiamque du-
calem, & Lithuaniam cum sua Samo-
gitia, & Russia alba Moschis finitima,
(quæ omnia jam uno regno continen-
tur) annumeret, multo longius & la-
tius versus orientem solem & septen-
trionem ea patebit. Ad Nieprum enim
sitæ sunt arces & oppida, Kiovia, Ca-
niovia, & Circassi, ultra LIV gradum
longitudinis. Prussiæ vero ducalis &
Samogitiæ latus septentrionale quin-
quagesimum sextum, finitimæ autem
Russiæ albæ LVII gradum latitudinis
attingit. Porro continens his Livonia,
quatenus cum duce novo Curoniensi
sive Cuiandico (qui partem ejus non-
nullam obtinet) regis Poloni Majesta-
tem agnoscit, LXI gradum excedit.
Atque ita longitudo regni Polonici, à
finibus Marchiæ Brandenburgensis ad
Nieprum ducta recta linea, non mi-

nus cexl milliaria complectitur, si xv
milliaria uni gradui respondent: Lati-
tudo vero, ab ora Pucensî ad Per-
naviam Livoniz, ducenta plus minus.
Cingitur autem Polonia, sicut eam
nunc circumscribimus, ab occidente
sole incipientibus, Marchia Brande-
burgensî & Pomerania ulteriore: a
septentrione mari Venedico & Sar-
matico: cujus adversa litora tenent
Sueones sive Sueti. Inde Pru-
sia ducali, eique continente Lithu-
ania in ortum æstivum fere vergente. Hinc porro
campestribus Scytharum sive Tarta-
rorum solitudinibus prorsus orienta-
libus, & flexa in Euronothum Bialo-
godensium Turcarum ora. Inde vero pla-
ne australi Valachia sive Moldavia:
Deinceps Vngaria, & in africanum &
occidentum hybernium obversa Silesia
Boemicae dirionis, ad Marchiam per-
tinente. Et à Silesia quidem, & Mar-
chia, & Pomerania ulteriore, & Li-
thuania, palustres denseque sylvæ eam
fere dirimunt: Mare à Suetia: Ab Vn-
garia vero sylvestrium montium ca-
cumina: itemque ab occidentali parte
Moldaviæ. Nam à reliqua Moldavia,
quæ in ortum & ad Pontum vergit,
Nester fluvius eam & finitimam ei Po-
doliæ dividit: idemque, nisi fallor,
limes

limes est eius ipsius Podoliæ cum Bi-
logiodesi Turcarum ora: ut Nieper
& Ponti Euxini sinus cum Tartaris
Ociacoviensibus, aut certe cum utrius-
que incertus is est, ut diximus, propter
vastitatem & solitudinem. Equæ soli-
tudine pensitant tamen opiliones Tur-
cici regi Polono vestigal pascuorum
nomine. Prussia vero ducalis sic est
implicata regis (hoc enim nomine à
ducali sejungenda est) difficulter ut
queant distingui. A Masovia tyberem eam
dirimunt.

Polonia partes.

Partes insigniores Poloniæ sunt, ma-
jor & minor Polonia, Russia, & Prussia
regia, Podolia, Masovia, & Cuiavia.
Quæ & ipsæ deinde satrapiis, vel, ut
vulgo loquuntur, palatinatibus ac ter-
ritoriis fere distinctæ sunt. Major Polo-
nia duas satrapias, nimirum Polnani-
ensem, & Calissensem, complexa, occi-
dentalis est; Silesiam, Marchiam Pome-
raniamque ulteriorem, meridionali oc-
ciduo & arctico latere attingens. Magis
autem ad occidentem vergit Polna-
niensis satrapia; Calissensis contra ad
orientem & septentrionem, qua parte iacent
Palucia, Craina, & Castubia, tractus ter-
re porro commendati. Minor Polonia

Orientalis est, Cracoviensi, Sandomiriensi, & quæ hujus pars quondam fuit Lublinensi satrapiis definita, hoc ipso ordine, quo nunc sunt enumeratæ, versus aquilonem & ortum æstivum sitis. Quæ à septentrione, Masovix & Polessemi tractui, qui dudum Lithuanicæ ditionis erat; ab ortu, Russiæ; à meridie vero, Vngariæ & Silesiæ finitima est. Sunt autem satrapiæ Cracoviensis partes, tractus Sciricius, & Submontanus, uterq; Scepusio & Vngariæ finitimus: Ac Sciricius quidem ad occidentem vergens, Cracoviæ vicinior est: Submontanus vero Russiæ & Sandomiriensi satrapiæ jungitur. Lublinensis item satrapiæ pars est Polesse reliquum, quod à Lithuanis detractum non fuit, utrumque à sylvis ita dictum verius, quam Podlasse dialecto Russica, quasi Poloniæ finitimum. Nisi quis forte Podlasse Polonis subjectum interpretari malit. Silesiæ pars ea, quæ adhuc est Polonicæ ditionis, sic implicata est Cracoviensi satrapiæ, ut ab ea magna ex parte ambiatur. Satrapiam ea nullam habet: Sed in Cracoviensi fere centetur: Habet autem tria territoria. Oluencimense, Zatorienfe, & Saverienfe. Quorum duo priora superiori tempore suos habuerunt duces. Nunc

præfecturæ regis sunt. Severiense est in
 ditione Episcopi Cracoviensis. Meri-
 dionale & occidentale latus ejus ipsius
 Silesiæ : cætera tenet Silesia Boemicæ
 ditionis, nempe Cessinensis, & hujus
 pars quondam Pelcinensis: Ratiborien-
 sis item & Opoliensis principatus sive
 ducatus, ut vocant. Ab ortu vero
 hiberno Scepusiensem tractum vix &
 modice ea attingit. Est autem Scepu-
 sium non exiguus terræ tractus, olim
 cum Polonici juris esset, ad Vngaricum
 traductus : de quo alibi suis locis atti-
 gimus. Deinde vero nonnulla pars
 ejus cum tredecim oppidis & arce Li-
 blio, sive Lubovulia iuribus Polono regi
 certo pacto ab Vngaricis Regibus addi-
 cta est, atque etiam nunc ab ejus præ-
 fecto & ejus nomine administratur,
 Cracoviensi satrapie tractuique Sci-
 ricio versus meridiem adjacens. Inter
 minorem vero & majorem Poloniam
 primarias totius Poloniæ partes, inter-
 mediæ sunt Satrapie, Siradiensis, Len-
 ciciensis, & Ravensis, nullum commu-
 ne nomē habentes. Quarum prima ad
 meridiem & Silesiam, Lenciciensis &
 Ravensis ad septentrionem vergunt,
 Masoviamque attingunt. Harum au-
 tem occidentalior est Lenciciensis.
 Nonnunquam ex tres una cum Cui-
 via,

via, imo & Masovia, majori Poloniæ, sicut Russia & Polonia minori, accensentur. Cuiavia vero ab ortu, Masovix & Ravensi satrapix; à meridie Leucienfi & Calificienfi jungitur. Continet autem in se duas satrapias, Brestensem, quæ magis ad ortum & meridiem vergit, atque Inonladiavientem, sive Iuninladiavientem, quæ magis est occidua & septentrionalis. Cuius non exigua pars est Dobrinum, ultra Vistulam, ab oppido sic dictum: latere orientali confine Masovix; septentrionali vero, Prusix; Masovia quoque eodem latere Prusiam, orientali Lituaniam & Polensensem tractum, & versus ortum hibernum Poloniam minorem, cuiusque satrapiam Sendomiriensem, meridionali vero Ravensem attingit: Duabus satrapiis distincta: Plocensi nimirum, quæ occidentalis est; & ea, quæ peculiariter Masovix nomen retinet, propterea quod diutius ducum suorum, de Polonorum principum stirpe oriundorum, dominatu segregata, postrema omnium nostra memoria defecta ducibus, ex pactis, & iure feudi, ut vocant, Poloniæ redintegrata est. Quæ quidem orientalis est. Ravensi quoque satrapia quondam pars Masovix fuit, suosque duces habuit, sicut

& Plocensis, & pleraque omnes. Prussia regia præter meridionale latus, quod jam est expositum, ab occasu ulteriore Pomeraniam confinem habet. A septentrione sinu Baltheo seu Venedico, sive Codano: ab ortu Prussia ducali cingitur. Tribus autem satrapiis distincta est, Culmensi, Marienburgensi, & Pomeranica. Quarum hæc occidentalis est: Reliquæ duæ, Vistula flumine ab illa diremptæ, orientales. Ex his autem Culmensis ad meridiem spectat, Marienburgensis vero ad septentrionem. Varmia, & ipsa pars est Prussiae regiae, ad aquilonem seu euroaquilonem vergens, ducali fere undique cincta, & ab ea quodam tempore majorem in modum accisa: Marienburgensem quoque satrapiam contingit: Nec in ulla satrapia censetur, subjecta episcopo suo, & sacro Ecclesiae eius collegio, Regiæ Poloni Majestatem agnoscantibus. Michaloviense autem territorium est in satrapia Culmensi Masoviae ac Dobrino finitimum: olim pars Masoviae. Ducalis Prussiae (ut eam quoque, quo magis perspicua sit hæc Poloniae descriptio, hic obiter attingamus) præter regiam Prusiam, limes est, à septentrione mare Sarmaticum, cum lacu Curonensi, & ora Livoniae:

Ab

Ab ortu Samogitia, cæteraque Lithu-
 nia: A meridie vero Malovia Satra-
 piam ea nullam habet: præfecturas per-
 multas. / Olim Prussia priusquam sub
 jugum Christi missa est, alios fines ha-
 buit, & aliter divisa fuit. Fuit autem ea
 decem regionibus sive tractibus descri-
 pta: videlicet Pomesaniensi, in quo est
 Mariæburgum, Christiamburgum, Quizi-
 num sive Marięverderum: Pogesaniën-
 si, in quo est Elbinga & Hollandia:
 Erminio sive Varmiensi, qui retinet
 etiam nunc in lingua Germanica vetus
 nomen, & Ermeland vocatur: Natan-
 gino, ubi est Balga, Brandenburgum,
 Cruciburgum: Sambieni, in quo sunt
 Mons regius sive Kœnixberga & Loch-
 stete: Nadraveni, quo Tapelacoca,
 Insterburgum, & Vondorfia conti-
 nentur: Salaveni, in quo est Ragneta
 & Labia: Sudino, qui & ipse nomen
 suum retinet, & ad Aquilonem ortum-
 que æstivum inter utrumque Habum
 & mare longe prominet: Bartheno,
 quo Rastenburgum, Barthesteinum,
 & Resla sive Reselia continentur: &
 Salindo, qui nescio an is sit, in quo
 Galindas populos ponit Ptolomæus.
 In his Sudinus tractus fuit primarius,
 opibus & viribus maxime pollens, ita
 ut ad sex millia equitum, peditū etiam
 ingen-

ingentem numerum conficeret. Cæterorum quilibet minimum ter mille equites, peditum vero decem millia conficere potuit, si vera sunt ea, quæ nos in vetusto quodam libro Germanica lingua scripto legimus. Cæterum Culmensis tractus, & Pomerania, Polonia, non Prussia partes fuere. Sed nos cætera prosequamur. Russia, quam rubram nonnulli vocant, latere occidentali minori Poloniae iungitur. A septentrione Russiam albam & Volyniam habet: Ab austro Vngariam, eiusque populum Ceculos, & nonnullam Moldaviae partem attingit eo tractu terræ qui Pocuce appellatur. Nam cætera Moldavia sive Valachia, qua Podolia quoque iungitur, magis est orientalis Russiae. Continet Russia duas satrapias, nempe Belensem, quæ ad Volyniam & Lithuaniam vergit, & eam, quæ peculiariter Russica & Leopoliensis dicitur, australem magis & orientalem: Nisi quod Chelmenis tractus eius non exiguus ad septentrionem, etiam ultra Belensem prominet, & Polessia finitimus est. Reliquum autem orientale latus eiusdem Russiae, ac totius Polonici regni, claudit Podolia, ab aquilone & euro albæ Russiae, à cætero ortu vastis campis Tartaricis
atque

atque Turcicis , ut diximus , à meridie
 vero Moldaviæ continens : Totaque
 una satrapia censetur , quam Podoli-
 cam vocant. Olim Podolia & Rulia,
 tam ea , quæ nunc Poloniæ pars est,
 quam ea , quæ est in ditione Lithua-
 norum & Moschorum , suos habuit du-
 ces , quemadmodum luculentius o-
 stendimus in historia : Quorum stirps
 cum late propagata esset , partim ipsa
 sese intestinis dissidiis atque civilibus
 bellis confecit, partim à Polovuciis, qui
 Gothi fuisse videntur , ac Tartaris ex-
 tirpata, partim Polonorum & Lithua-
 norum adjuncta est imperio , partim
 in nomen & jus de se ortorum Mo-
 schorum transiit. Extant etiam nunc
 permulti, ducale nomen , sed plerique
 nudum propemodum, retinentes : In-
 ter Polonos vero nulla ducum super-
 est memoria. Hi nunc sunt Poloniæ,
 quatenus hic eam descripsimus, fines.
 hæ partes.

Soli cælique qualitates.

Est autem regio tota fere plana &
 aprica , maxime qua ad occidentem
 solem & septentrionem vergit. & quæ
 penitus orientalis est Podolia , ac vel
 nomine ipso declivitatem præ se fert,
 vicinorum Moldaviæ , Russiæ & Vn-
 garix

gariæ montanorum intuitu. Minor Polonia itidem atque Russia, quo propius accedit ad fines Vngariæ, hoc magis montana est & sylvestris Quo longius autem inde recedit, eo lenius declivis est, magisque culta & meliore gleba. Tamen in medietullo quoque Sendomiriensis satrapia, aliqua ex parte leniter montosa, seu verius clivosa est. Prussia pleraque omnis, excepta Mariæburgensi satrapia, qua ad Habum & mare vergit, collibus molliter & ad fertilitatem amenitatemque commode distincta est. Item que pars nonnulla Cuiaviæ. Montes Sarmatici, qui Poloniam & Russiam ab Vngaria dirimunt, ardui & sylvestres, non ignoti sunt etiam veteribus Geographis & Historicis. Et in his celebris est imprimis Carpathus, quem nos Crempacum, ni fallor, vocamus. Alii Biełciadi, Modia, Turza, Vapienna, vernacula lingua appellati, externis ignoti sunt. In medietullo vero minoris Poloniæ Lysecius est, quasi tu dicas calvum, sive calvastrum, in quo monasterium est, S. Crucis nomine lignoque celebre: & Vavelus, arce Cracoviensi quam suo ipsius nomine nobilior, & is in quo situm est Cienstochoviense monasterium, quem Clarum latine monachi, ni fallor, incolæ

colæ appellavere. Sylvestris sane fuit superioribus temporibus pleraque omnis Polonia: Ex eone autem tempore, ex quo habitari cœpit, an postea pestium bellorumque incommodis eo redacta, non liquet. Sed Sigismundi senioris, illique ejus Sigismundi Augusti, optimorum & mitissimorum, sapientiumque regum studio, diuturnam pacem nata, nunc ubique diligenter excolitur, frugum leguminumque terax, & pratis abundans. Nec tamen deest etiam nunc sylvarum copia. Neque enim ex penitus exciduntur & extirpantur, partim propter pascua & mellificia, partim propter ædificiorum materiam, & ligna mitigando frigori utilia ac necessaria, partim etiam propter saxosi vel arenosi soli sterilitatem. Sunt autem sylvæ pleræque piceæ, quernæ, FAGINÆ, & ABIEGNÆ: Ac piceæ quidem tere in planis & arenosis locis, abiegnæ & faginæ in montanis, quernæ in utriusque, sed uberiore gleba præditis. Multæ sunt etiam in planis juxta ac montanis locis mixtim omni genere arborum cœntæ, & pascuis opimæ. Ex his abietes, tiliæ, piceæ, quercus, apum alvearibus gravidæ fiunt, materiamque ædificiis navium ac domorum, malis, tabulis, & vasis aptam, ut & taxi & terebinthi,

thi, suppeditant: Quercus & fagi etiam
pastum uberem porcis ferisque pra-
bent. Omnes autem focorum. & for-
nacum, furnorumque ignibus alimen-
ta subministrant. Tanta est enim vis
frigoris in his regionibus interdum, ut
radicitus arescant arbores, & aqua ex
æditiori loco effusa, priusquam terram
contigerit, in glaciem concreseat. Lacus
quidem & paludes & flumina duobus
tribusve mensibus hibernis, non-
nunquam autem vel in quintum ac
sextum usque glacie concreta non mo-
do peditibus, verumetiam equitibus &
curribus ac claustris, quamvis oneratis,
multis simul longo spatio pervia & se-
cura præbent itinera. Equidem quo-
dam tempore ultima die mensis Mar-
tii Vistulam in Malovia, per firmam
adhuc glaciem, cum curru & quadrigis
& aliquot equitum comitatu transivi.
Hac etiam præterita hyeme in Prussia
glacialis piscatio in lacubus post ini-
tium Novembris coepta, duravit per
totum Martium: gelu autem per to-
tum Aprilem. In tanta autem calis in-
temperie pomaria tamen sunt non in-
frequentia, & fructuosa, ad Vistulam
præsertim, & in suburbanis Cracovien-
sibus, Sendomiriensibus, Vartaviensibus,
Torunensibus, Gdanensibus: El-

bingensibus item , Fraumburgensibus ,
Veliscensibus & Eochnensibus , licet
remotioribus à Vistula. terroque tractu
Submontano atque Sciriciensi. In qui-
bus pirorum , malorum , prunorum ,
perficorum , cerasorum , & nucum bo-
nitas & varietas certat cum Vngaricis
& Italicis. Sunt & vites , quarum uvæ
in minore Polonia esui quidem non
insuaves sunt , præsertim si æstas & au-
tumnus temperiem suam servant : sed
vinum inde expressum acerbius , ubi
defecatum est. Aliquanto suavius &
copicus exprimitur apud Crosnam
Silesiæ in finibus majoris Poloniæ. A-
pud Toruniam quoque in Prussia vi-
næ coli cœpere non infeliciter , ut au-
dio. Neque negat solum Polonicum
castaneas , more , coronea , ficus , amy-
gdalas , pepones , melopepones , herbas
& flores cœnis generis , & alias hor-
tentes Italiæ delicias , palatinumque
lenocinia , si adhibeatur cultura dili-
gentior. & à gelu custodia. Nec metalla
fossiliaque defunt in montanis : plumbi
quidem intermixto argento apud Il-
cullum , Slacoviam , Chranoviam , &
Novagoram oppida satrapie Craco-
vientiæ , & in finibus Silesiæ : argenti
vivi apud Tustanum in Russia : æris &
lazurii , & plumbi item apud Chenci-

nos: ferri plurimis in locis sylvestribus:
nitri apud Viliiciam & alibi: salis apud
Bochnam & Veliscam in satrapia Cra-
coviensi, & apud Haliciam, Colo-
meiam, Solum, (quod quidem à sale
nomen habet,) & aliis compluribus in
locis Russiæ. Ac in Russia quidem id ex
aqua ex profundis puteis hausta deco-
quitur, & partim in modum farinæ vel
nivis minutum relinquitur, partim in
frustula conformatur: in tractu vero
Cracoviensi, partim lapidea duritie so-
lidum instar ingentium saxorum &
rupium in subterraneis specubus, alte
lateque excavatis, & villas, templa, op-
pidaque superædificata sustentibus,
ferro excinditur, comminutumque de-
inde, & mola tritum, ad usus homi-
num accommodatur, partim & ipsum
ex aqua injectis lapidei salis frustulis &
quisquiliis, quæ secantibus id abradun-
tur, decoquitur. Color lapidei in massa
lividus est fere, ac luto respersus. Can-
didum, & in modum crystalli pelluci-
dum, rarius est. Tritum candet aliud
alio magis. Costum vero despumatis
sordibus candidissimum redditur, nivi
non dissimile. Fertur, in salinis Boch-
nensibus reperiri quiddam pici concre-
tæ simile, quod vocant carbunculum:
Quod tritum & epotum solvat alvum.

Ibidem exaudiuntur nonnunquam canum, gallorum, & aliorum animalium assimulatæ voces in profundissimis specubus: idque mali & incommodi alicujus imminentis portentū vulgo habetur. In maiore quoque Polonia apud Pincum salinæ sunt, verum tenuiores. Sunt etiam in confinio Osvecimensis territorii & Scepusii aquæ falsæ, unde salern coctum vidimus regi exhibitum. Salinæ tamen nullæ sunt. Porro in desertis Podaliæ, & Borystheni vicinis locis, lacus est, cujus aqua sereno & ardente sole, in solidum salern concrevit, ita ut homines cum jumentis & curribus in eo, tanquam in glacie versentur, sectumque in frustra arbitrati suo aveniant. Quamprimum autem pluit, solvitur illa glacies non sine periculo insistentium. Apud Biezzum vero sive Beciam oppidum in submontana regione, vitriolum effodi, ac in viridem lapideamque duritiem decoqui, nuper cepit: *Copperwasser*, hoc est, æris aquam, Germani, & nostrates item, appellant. Antiquitus autem id conficitur ad æris metalla in Scepusio. Marmor quoque & alabaster quibusdam in locis effodiuntur. Est in maiore Polonia prope Sremum oppidum collis, ubi res incredibilis; sed à multis
 confir-

confirmatur) olla, amphoræ, cacabi,
& aliarum figurarum vasa fictilia spon-
te nascuntur, & sub terra effodiuntur
mollia, in aerem autem prolata dure-
scunt. Vidi unum atque alterum, quod
inde erutum esse dicebatur, rude, nec
satis bene conformatum. Porro in
mari Sarmatico Prussiam alluente col-
ligitur succinum, sive electrum; (am-
bram etiam externi vocant.) quod flu-
ctibus appulsum ad littora, homines
nudi obviam euntes parvis retibus ex-
cipiunt & extrahunt, molle primum,
sed mox in aëre durefcit, tornoque ac
scalpro varie conformatur. In lacubus
quoque nonnullis à mari remotiori-
bus id reperitur: ut in Pillia Episcopæ
Varmienlis, modicum tamen. Quin &
in editioribus locis fossâ altius lamo
fertur inveniri. Spumane maris con-
creta id sit, an succus & gummi arbo-
ris, an quippiam aliud, non est hujus
loci disputare. Est sane leve & pelluci-
dum: Estque fulvum & candidum:
Candido majus pretium. Ferunt, si in-
cendatur, odore venenum necari. Vi-
suntur in nonnullis frustulis formicæ,
muscæ, culices & alia insecta, non arti,
sed vel opinio naturæ, vel fortuitis
casibus inclusa.

Flumina Polonia.

Aquis irrigua est pleraque omnis Polonia: sed fluvios navigabiles non multos habet: Præcipui sunt Vistula, Donaiecius, Sanus; Vieper, quasi quis dicat porcum; Varta, Notellus, Nester, Prutus, Bugus, Bohus sive Bogus, Pripetius, Narva, Drevancia. Nam Odra, quem veteribus Gotalum seu Viadum esse volunt, in confinio Moraviæ & Silesiæ existens, & per hanc secundum Poloniæ limitem, perque Marchiam ac Pomeraniam ulteriorem permeans, infra Scecinum in Venedicum sinum decurrit. Olim intra fines Poloniæ tum oriebatur, tum decurrebat. Nieper Rassiæ albam, eique confinem Podoliani alluens, longo tractu in pontum Euxinum apud Ociacoviam munitionem Tartaricam sese exonerat, ortus in Moschovia. Borysthenes is est veteribus Græcis & Latinis, omnium scriptorum consensu, præter Bernardum Vapovium. Qui similitudine nominis, ut credibile est, adductus, Borysthenem vult esse Berezinam; qui in Nieprum ab æstivo occasu influit, minor eo & ignobilior. Vistula in Cessinensi ora è Sarmaticis montibus exoriens, versus æstivum occasum & septentrionem pri-

primum, mox versus orientem aliquantisper, deinde à Sendomiria versus septentrionem rursus per minorem Poloniam decurrit. A Varsavia vero rursus ad occasum æquinoctialem, & mox æstivum flexus, Masoviam interluit, Dobrinumque à reliqua Cuiavia dirimit. Vbi autem Prussiae fines attingit, in septentrionem reflexus, deinceps mediam eam dividit. Supra Marienburgum autem in duos alveos præaltis aggeribus objectis sectus, intulam insignem & fertilem, quam Zulavam majorem vocant nostri, efficit, & nomen amittit. Ac sinister quidem alveus, qui major est, Lenivuca, dexter vero Nogatus vocatur: Quorum hic in Habum lacum tribus ostiis, ille vero duobus partim in eundem Habum, partim in mare infra Gdanum sese exonerat, longitudinis quidem gradu 41, latitudinis vero 54. Fontes autem Vistulae sunt longitudinis itidem 41 gradu, latitudinis 49, minuto 20. Fluens autem amplius centum milliarium Polonicorum spatio Vistula, Solam, Premiã, Scavam, Donaiecium, Vislocam Ropa auctam, Nidam, Sanum, Viepram, Pilciam receptis Drevice & Volberia, Bsuram, Narvam cum Bugo, Drevanciam, Berdam, Olsam, & Morlaviã

D 3 minora

minora flumina excipit : & Oſtenci-
 num, Zatoriam, Cracoviam, Cazumi-
 riam, Sendomiriam, Varſaviam, Plo-
 ſcum, Vladislaviam, Teruniam, Cul-
 mam, Grudentum, Quizinum, No-
 vum, Gnevum ſive Mevam, Mariæbur-
 gum, Derſaviam, & Gdanum urbes &
 oppida non ignobilia præterfluit. Ar-
 ces item Lipoveciam, Nepolomice,
 Corcinum, Zavichofum, Cervenſcum,
 Monaſterium, Zacrocinum, Viſſegra-
 dum, Sochacioviam, Dobrinum, Bo-
 brovunicos, Racianzum, Sluzoviam,
 Dyboviam, Nieſlöviam, Starigradum,
 ſive Althauſum, & Suece, & adhæren-
 tes eis vicos alluit. Donajecius (quod
 nomen parvum Danubium ſignificat)
 ex eiſdem Sarmaticis jugis non longe à
 Viſtulæ fontibus patilo orientior ex-
 ortus, per Scepuſium & Submontanum
 tractum decurrit, Sorſtenumque &
 Muſſinam, & Melſtinum arces & San-
 deciam oppidum, ubi Popruto auge-
 tur, præterlapſus, non longe ab Opa-
 rovecio vico Viſtulæ miſcetur. Sanus
 à Bieſciadis jugis, longitudinis gr. 44,
 latitudinis 48, minuto 30, naſcens, &
 verſus ſeptentrionem & occaſum æſti-
 vum profluens, poſteaquam Lieſum,
 Sobenum, Sanacum, Brozoviam, Præ-
 miliam, Radimnum, Iaſoſlaviam,
 Lezei-

Lezeiscum, Russiæ arces & oppida prætergressus est, Vistlocumque alium à Villoca, & Viatum minores fluvios in se recipit, apud Sendoiniriam oppidum long. gr. 44 fere, lat. 50, minuto 30, Vistulam & ipse subit. Varta apud Cromoloviam satrapia Cracoviensis oppidum ortus, longitudinis gradu 40, min. 50, latitudinis gradu 50, min. 30, per Siradiensem satrapiam & majorem Poloniam versus occasum æstivum fere decurrit, Olstinum, Censtochoviam, Mestoviam, Siradiam, Vartam, Vneoviam, Colum, Cominum, Pyldros, Sremum, Curnicum, Posnaniam urbem, Obornicos, Stobniciam, VVroncos, Siracoviam, Mezichodum, oppida & vicos cum adjunctis arcibus, & Landisbergam veteris Marchiæ præterfluens, Nyrumque, VVresniam, Velinam, Prosniam, Obiam, & Notessum minores fluvios excipiens: & apud Costrinum oppidum, in Odiam è Silesia occurrentem influit, long. grad. 37, lat. 52, min. 50. Notessius vero apud Crusuiciam Cuiaviæ oppidum è Goblo lacu existens, & ipse per majorem Poloniam versus occasum hybernum means, Pacosium ambit: Labissinum, Naclum, Pilam, Vise, Drénuniquæ arces & oppida præterlabitur. Ne-

ster,

ster, quem Tyram veteribus vocari volunt, in Russia è Sarmaticis jugis non longe à Tybisci & Sani fontibus ortus, initio versus Aquilonem profluit, deinde ad ortum conversus, Bistriciam, Lipam, Seretum Rulicum, alium à Valachico, Sbrucium, Smotricium, Vsciam, & Moraquam ignobilia flumina absorbet, & Zidacioviā, Haliciam, Cessibiefos, Cervonum, Chocimum, Valachix, & alia quædam oppida præterlapsus, infra Pocuse Podoliam à Valachia longo spatio dividit: Ad extremum deflexo nonnihil in meridiem alveo, supra Bialogrodum urbem Scythicam, sive Turcicam, quæ & Moncastrum dicitur, in Pontum Euxinum sive continentem ei Obidovum lacum influit, long. gr. 53, lat. 47, min 30. Bugus in Russia & ipse non longe ab Oleſco oppido, long. gr. 46, lat. 49, exiens, & primum in occasum, mox in septentrionem secundum occidentale latus Volyniæ tendens, postremo ad occasum reflexus, ubi Poleſſensem tractum, receptis Volodaroa Belſo, Rata, Suinia, Muchavecio fluviis, emensus est, & Euscum, Grodecum, Grodium, Lubomliam Russica, Brestequæ, Ianoviam, Drochicinum Poleſſensia, & Cameneſiam Masoviticam oppida præ-

prætergressus est, apud Seroceciū vicum, long. gr. 43, lat. 52, min. 40, Narvæ à septentrione & ortu æstivo è Lithuania profluente ægre miscetur, nigrorem suum retinens aliquamdiu. Nec multo inferius victor Narva apud Nouidvuorum oppidum Vistulam subit. Est autem peculiaris Narvæ natura, sicut & Dlugossius annotavit, quod non fert venenosa animalia, usque adeo, ut serpentes, qui navibus Bugo delatis adhæserint, edito sibilo refugiant, cum primum ad aquam ejus fluminis attigerint. Priperius in Chelmenſi tractu è palude non longe à Lubomia existens, long. gr. 47, lat. 50, præter occidentum & septentrionale latus Volyniæ, diversus à Bugo, per Russiam albam longo spatio versus orientem solem progreditur, & cum nonnullis aliis, cum Styro, Turo, Slucio, Suiflocio grandibus fluviis auctus, Nieprum sive Borysthenē supra Kioviā subit, long. gr. 51, lat. 53 fere. Bohus autem, sive Bogus, è palude ortus in finibus Podoliæ, long. gr. 49, lat. 49, min. 30, itidem per Russiam albam meridionalior longo terrarum tractu ad ortum tendit: ad extremum deflexo in meridiem cursu, & ipse in Borysthenem non longe ab ostiis ejus, long. grad. 55, lat. 48, sese

exone-

exonerat. Prutus è iugo montium Sarmaticorum, longitud. gr. 46, min. 50, lat. 47, min. 30, versus aquilonem in Pocuce delapsus, & Coloniciam Suiatunumque præterlapsus, inde per Valachiam sive Moldaviam primum orientalis, deinde australis versus Bulgariam in Danubium decurrit, long. gr. 52, lat. 45 fere. In Prussia vero Alla & Passaria, non longis inter se spatiis orti, versus septentrionem fluunt: Et Passaria quidem infra Olstinecium, sive Hochsteinum, (ut vocant Germani,) ducale oppidum existens, Morango, Libstadia, Brunsberga. & Helgebeila oppidis præteritis, Habum lacum subit, long. gradu 42, min. 34, latit. 54: Alla sive Alna vero supra Allesteinum S. Collegii Varmiensis arcem & oppidum, cui etiam nomen dedit, oriens, præteritis Vartemberga, Guteftadia, Heilsberga, sive Allelberga, Varmiensibus, & Bartheleino, Sipelbeino, Friedelandia, Allemburgo, ducalibus oppidis, apud Velam Prægolæ, ab ortu hiberno per ducalem Prussiam decurrenti, miscetur, & cum eo infra Kœnigsbergam, hoc est, Regium montem urbem, long. gr. 43, lat. 54, Habo lacu recipitur. Drevantia vero non ita longo ab iis intervallo oriens, diversoque

meatu vertus Austrum fluens, supra
Toruniam à Vistula excipitur. Atque
hæc de fluminibus nunc sufficiant.

Lacus Polonia & Prussia.

Lacubus, piscosis imprimis, abundat
Prussia. In his nominatissimus est Ha-
bus, cujus modo mentionem fecimus:
quem etiam recens mare vulgo vo-
cant: Ad quindecim milliaria in longi-
tudinem, inter Gdanum & Regium
montem urbes, secundum mare pa-
rens, & ab eo angusta insula, quæ Ne-
ringa appellatur, disunctus: In latitu-
dinem vero duo milliaria plus minus.
Ac Elbingam quidem urbem non lon-
go spacio adspicit, eique portum effi-
cit, ejusdem nominis flumine naviga-
bili influente. Tolkemitam vero,
Fraumbergam, (cui basilica Varmiensis
in modum arcis munita impendet,)
Balgam, Brandenburgum, & Fischhausen
oppida & arces alluit, receptisque, ut
dixi, Vistula & Prægola, & aliis mino-
ribus fluminibus, apud Locstete arcem
mari miscetur. Hoc aliquanto amplior
lacus alter est eodem nomine, cogno-
mento Curoniensis, in Prussia ducali,
in quo sunt ostia Nemenis fluvii Me-
melam vocant Germani) per Lithua-
niam defluentis. Inter hos duos Habos

&

& mare peninsula est, quæ & ipsa Ne-
 ringa, sed Curonienſis, appellatur, ar-
 ces & oppida continens. Secundum
 hos est Drusus ſive Draufenus lacus
 in Mariæburgenſi ſatrapia, unde Elbin-
 ga flumen profluit: Partecinus Libnus,
 Reuſina, & Viecininus in Culmenſi:
 In Pomeranico vero Stuoizonagaci,
 quaſi quis ſtratum vel factum aggerem
 dicat, inter Choiniciam, Slochoviam,
 ac Tucholiam oppida, ſeptem millia-
 rium ſpatio longus, quinque laus: Un-
 de Berda fluvius profluens, per Cremp-
 ſcum, Lubovum, & Charſicovum mi-
 nores lacus in Viſtulam influit infra
 Bydgostiam. Nec ignobiliores his ſunt
 Vidice, Lubſcus, Oſſiecinus in eodem
 tractu: Alii minores. Sunt & in Var-
 mienſi ditione non pauci: Præcipui
 vero Dadaius, Zainus, Vadangus, Viſ-
 ſia, Blanke, quaſi albus, Sinter, Lin-
 genaſ, Lemanglus, Ellingus, Plauci-
 cus, Vulpingus, Clebergus, Coſnicus,
 Obelus, Marangus, & alii complures.
 Sunt & in ducali Pruſſia multi & gran-
 des, quos omittimus. Habet & major
 Polonia & Cuiavia nonnullos piſco-
 ſosque. In quibus Goplus princeps eſt,
 quinque milliaria patens in longum,
 ſemis in latum. Secundum hunc ſunt
 Blendnus, Fovizus, Slefſinus, Sanus,
 Pied-

Piednicia, Niezamyſlus, Vonieſca, Lomunice, Peievus, Lubſtovus, Dravufcus, Noblim, Tulangus, Ielen, & Lednicia, in cujus intula Chelinenſis baſilica initio condita fuiſſe, indeque propter difficilem aditum, in eum, quo nunc eſt, locum tranſilata eſſe putatur, quemadmodum Dlugofſus memorat. In Cuiavia vero Tur, Lanſcus, Bielleus, Lubotinus Orlic, Berdovus, Borimovus, Crevianta: Et in Dobrinenſi tractu Gorznus, Mocovus & Scampſcus, minores aliquanto ſuperioribus. Pro lacubus minor Polonia, Sileſia, Ruſſia, ac Podolia piſcinas habent arte manuque factas permultas ac grandes. Non carent tamen & lacubus, Lublinenſis maxime & Chelinenſis tractus. E quibus Biale, hoc eſt, Albus, per antiphrasim ſic dictus, prætereundus non eſt: Cuius aqua Aprili & Maio menſibus fuſcos reddit lavantes: Piſces autem pinguiſſimos profert. qui braſmi, à noſtratibus autem cleſcii vocantur. Eſt & in Beſſenſi lacus Crinice, non amplius, verum profundus. De quo illud memorabile annotavit idem Dlugofſus, quod certis temporibus altero vel tertio quoq; anno cum mugitu fluctus attollens exhauritur prope ad fundum uſque, aquis vicini montis cavernas

subeuntibus. Atque ibi tunc facileprehenduntur pisces in aqua vadabili. Post dies aliquot ea refluit. In cæteris lacubus, atque etiam in majoribus piscinis & fluminibus, hyberno tempore commodiores fere sunt pascationes, quam æstate, pertusa certis interval-
lis glacie, retique per majus foramen in aquam immisso: quod longis funibus ad perticas aliigatis hominum equorumve opera longo spacio in diversum tractum, coëuntibus rursus piscatori-
bus, alio foramine piscibus refertum extrahitur. Sunt autem eadem genera piscium in lacubus & piscinis. Utrobique enim sunt lupi, sive lucci, præs-
mi, percæ, rhombi, (si modo sic appel-
landi sunt ii, quos nos carassios dici-
mus,) sumi, sendacii, cirtæ, sive certæ,
à delitiis, ni fallor, apud Germanos no-
men sortitæ, tineæ, anguillæ, ruboculi,
carpones, quos reginas vocant Itali,
Latini Cyprinos, quemadmodum vult
Ioannes Dubravius Olomucensis Epi-
scopus. Tametsi minus frequentes hi
sunt in lacubus, quam in piscinis: In
quas parvuli tanquam in vivaria stu-
diose includuntur. Ferunt etiam lacus
nonnulli eos, quos sulvizas & sielavas
nostrates, Germani marenas vocant.
Piscis est dulcis & sapidus, aleci simi-
lis.

lis. Fluviales vero sunt cum iisdem
fere omnes, tum delicati inprimis, tru-
ta, barbo, sive mullus, (barvenam vo-
cant,) fundulus, oculata, quæ lampre-
da quoque dicitur, alosa, sive borbo-
cha, cuius jecur potissimum est in deli-
ciis: à nostratibus mientus vocatur.
itemque lipien, sliz, berzana, ucleia,
jafdez, & quæ bialariba, hoc est, albus
piscis, à nostratibus appellatur: quibus
latina nomina dare non habemus.
Quamquam quid vetat, Alberti Magni,
& aliorum scriptorum, qui ejusmodi
res persecuti sunt, exemplo, eos ver-
naculis nominibus ad latinum sonum
conformati appellare? Quod in supe-
rioribus quoque nonnullis factum est.
Canceris & anguillis abundat inprimis
Nida fluvius. Anguillis etiam & stintis
Habus, & alii nonnulli lacus Prulici.
Marinis piscibus non admodum abun-
dat ea regio. Nobiles autem præcipue
sunt haleces, quos haringas Germani
vocant, quorum sale conditorum ma-
ximus est vulgo usus in rota Polonia,
atque adeo in Lithuania quoque, Boë-
mia, Silesia, Moravia & Vngaria. Tan-
ta eorum copia est. Sed in Prussia pau-
ci apprehenduntur: A Cymbrica autem
Cheroneo, & Scandia, & ex Oceano
Germanico plurimi & optimi navibus

eo importantur. Pomuchlae non desunt, neque passerres. Salmonem sive esocem, & flurionem, inter marinos ne an fluviatiles numerem: nescio. Vtrobique quidemprehenduntur: Sed è mari fursum fluminum certis temporibus enatant,transilientes obstacula. In quibus etiam insidiosis caysis collocatis capiuntur. Tanto sunt autem suaviorres, quante longius à mari & Habo recesserint. Quin universe pisces ii, qui in fluviis juxta ac lacubus & mari victitant, sapidiores sunt in fluviis, quam in mari vel lacubus capti. Non est hic prætereunda quarundam aquarum non vulgaris natura. Est in Scepusio rivus ex arduis montibus profluens, cujus guttae in lapideam duritiem concresecunt, ita ut ex iis sponte existant fulcra sustentantia canales, quibus rivus ille ad moletrinas deducitur. Est & fons sive lacus pestilentem aquam & vaporem emittens, cujus non modo gustu, sed etiam afflatu animalia & aves necantur. Sunt etiam nonnullis in locis Poloniae scaturigines tepidarum aquarum, sulfuris & aluminis odorem redolentium, quibus scabies & ulcera hominum & jumentorum curantur. Sed nos ab aquis & aquatilibus ad terrestres animantes transeamus.

Ani-

Animantia & fera Polonie.

E ferarum animantium genere fert hæc regio copiam leporum, dorearum, sciutorum: cuniculorum quoque alicubi: cervorum etiam, & aprorum, & urtorum, & luporum nonnullis in locis. In primis autem Nepolomicensis & Radomiensis saltus nobiles sunt cervorum venationibus. Et horum autem, & onagrorum atque bisontium, Prussia ducalis, eique finitima Masovia, ferax est, & imprimis Podolia: ubi agminatim in campis non modo hæc feræ, verumetiam feri equi pascuntur. Est autem bisons prægrandis, verum perniciosissima fera, magnis & introrsus leniter incurvis cornibus nigris armata, quibus equum cum fessore correptum in sublime identidem jactat, & arbores mediocri crassitudine evertit. Magnitudinis ejus illud quoque est argumentum, quod in capite ejus inter cornua, duo, imo tres etiam homines, possunt confidere. Habet villosum & hispidum corium, & sub mento palearia. Caro ejus sale condita in delitiis est magnatibus & principibus. Cornu, sonorum, & ob id venatoribus in usu est. Zubrum seu zambrium vocant nostrates: imo & Græci recentiores: Onager

vero los appellatur. Alcem hanc esse volunt : De qua scribunt Plinius , & nonnulli alii ex veteribus. Fera est longis cruribus & auribus , aliquanto major equo , colore cæsius & fusco , mas capite cornuto : Cujus ungula posteriorum crurum , si Autumnii initio spiranti adhuc desecentur , expetitur , comitiali præsertim morbo laborantibus salutaris. Ferunt etiam capreas montana loca , Vngariæ finitima. Cæterum uri , hoc est , boves sylvestres , quos nos thuros dicimus , in solis Matoviticiis sylvis apud Vyskitcos extant. Et harum quidem ferarum carnes aptæ sunt humano esui : Cultui vero pelles subministrant panthera , sive is est lupo cervarius , (ris appellatur à nostratibus ,) maculosis ventre & pedibus : quæ partes maxime in precio sunt. martes , sive mardures , quas cunas dicimus. vulpes , lupi , rotomaci. lutri item & castores amphibia. Atque horum , castorum , inquam , caudæ etiam inter delicatos cibos & pro piscibus habentur , reliqua carne inutili propemodum. Extruit autem sibi hoc animal cubile ligneum in marginibus fluminum & lacuum , cameris compluribus aliis super alias distinctum , ac secundum incrementum aquæ domicilium mutat,

mutat, ita ut cauda natante reliquum corpus in sicco maneat. Pellem habet in dorso hispidam, sed mollem: unde fimbriae sunt exornandis vestibus hibernis & pileis. Visorum quoque volæ cum digitis cillantur: pelles etiam stragula vestis usum præbent. Quin & vestire his famulos cæperunt ii, qui feroculi videri volunt. Cuniculi, lepores, & sciuri cultui juxta ac esui apti sunt. Sunt etiam in Podolia animalia sciurorum vel cuniculorum magnitudine, in cavernis degentia, varias & maculosas pelles habentia, quæ & ipsæ ad vestitum & pallia feminatum expetuntur. Cræcicos vulgo vocant. Omni autem genere ferarum magis abundat Lithuania, propter vastitatem sylvestrem. De bisontium venatione scire operæ pretium est, quod in campis Podolicis segregati ex agmine singuli ab equitibus sagittariis ordine in gyrum dispositis conficiuntur. Vnus enim post alium feræ adequitantes, jaculantur, citatisque equis refugiunt. Effærata autem illa ictu & vulnere, refugientem insequitur. Interim ferit eam alius: Quem illa rursus priore dimisso insequitur, donec defatigata labore & vulneribus concidat. In sylvis vero ii comprehensi oportuno aliquo loco, detectu

arborum à rusticanis hominibus ad id coactis, quasi intra sepes includuntur, plures etiam quam singuli, ita ut effugere inde non possint. Deinde extructa ex tempore principibus & magnatibus ac fœminis cavea sive tabulato editiori, ex quo tuto spectare possint, venatores cum venabulis ad suam quisque arborem disponuntur. Mox ab equitibus, strepitu & clamore, admistūque canum, fera excitata è vepretis in medium propellitur. Quæ à venatore post arborem latente, ut cuique maxime appropinqua, efferata ictu, arborem, cujus objectu ille se regit, cornibus petit, & cum arbor sit gracilior, quam ut ambobus cornibus in eam possit impingere, fronte ac toto corporis nisu in eam incumbit, cornibus utrinque prominentibus. Urget interini semel adactum in præcordia ferarum venator, sensim cedens appetenti se feræ ac circum arborem gyanti: nec desunt canes grandiores morsibus adjuvantes, donec ea exanimata vel defatigata prorsus concidat. Quod si venator ictum frustratus sit, aut minus oportune intulerit, aut à fera etiam correptus & proculcatus fuerit, aliquis è vicinioribus rubrum pannum feræ obiectat. Hoc enim colore maxime effe-

effertur. Ibi ea dimisso priori, hunc perit, recipientem se ad suam arborem, & ab eo feritur & conficitur. Linguae ejus contactus vitatur, qua longius exerta attrahit ad se hominem, si vel extremam vestis ejus oram contingat. Est enim ea scabra. Ursi vero, quamvis prægrandes, etiam vivi capiuntur, reti implicati, venatoribus compluribus simul accurrentibus, & ligneis furcis caput pedesque feræ ad terram deprimentibus, donec ea fune constringatur. Constricta in arcam ligneam concluditur, ita, ut se commovere nequeat, & avertitur. Vnde post, ubi libitum est, ad spectaculum & urbanam vel campestem venationem emittitur. Sic autem colligatur, ut uno tractu funis ex arca prominens solvatur. Vidimus aliquando in spectaculo equulum, & quidem castratum, cum urso prægrandi commissum. qui ex intervallo accurrens, obverso tergo calcibus ursum petebat & refugiebat, urso ad stipitem, laxiore tamen fune, alligato. Sed alia perlequamur. De jumentorum genere. Bobus & equis abundat Polonia: camelis, asinis & mulis caret. Aliunde ii nonnunquam adducuntur, sed non durant. Ovium item & caprarum ferax est.

Volucris Poloniae.

Avium quoque magnam habet copiam. Præter altilis autem, nempe gallos gallinaceos, domesticos juxta ac Indicos, (qui nuper adeo inveci sunt,) anseres, anates, & columbas, in deliciis hæ sunt: Pygargus, quem quidam bistardam vocant, eo quod tardior sit propter molem corporis, & vix à terra evoler: pavo, grus, cygnus, perdix, bonosa, coturnix, sturnus, sive starnus, & quæ cietizem & cieciorca, & glulleiz, quasi surdaster, à nostratibus vocantur. Et ut rapaces, aquilas, falcones, accipitres, milvius, vultures, nisos, ardeas, & multas alias mittamus, minorum quoque avicularum aptarum esui ingens est copia. In his nobilis imprimis ea, quæ in solis fere Loviciensibus campis cum nive existit ac disparet: avicula passere non multo major: quam à nive sniegulam vocamus. Turdus rarior est, itemque parva, quam ita vocamus nomine vernaculo, quando latinum non habemus. avis est sylvestris, gallina non multo minor, in campis Rusticis & Podolicis. In iisdem reperiuntur coturnices virentibus pedibus, quarum esus spasmodum inducit. Ex avibus majores atque teneriores sub hyemis initium

rium gregatim avolant, vereque novo redeunt: Nonnullæ minores, velut hîrundines & cypseli, implicitis inter se pedibus & alis conglobatæ in lacus, paludes, & piscinas sese immergunt, ac vere novo emergunt, & explicantes sese evolant. Hiberno quidem tempore retibus extractæ à piscantibus, sine ullo sensu & motu, & ad ignem admotæ, vel in hypocaustis calidis positæ, reviviscunt & evolant, sed statim la sæ frigore, vel ignis calore atque vapore insolito, emoriuntur. Cæteræ hyemis tolerantiores, in sylvis vel circum domos & villas vitam degunt. Nec plura nunc de situ, ubertate & omni descriptione Poloniæ.

*Idioma, mores & ingenia
Polonorum.*

Genti Poloniæ sicut originem, ita & linguam communem esse cum Boëmis, Russis, Moschis, Croatis, Moravis, Silesiis, Castubiis, Bulgaris, Ratiis, Serbis, Illyriis, & universo nomine Slavico seu Venedico, alibi exposuimus. Tamen si dialectis ea tam varia est, ut nonnulli ex his populis ægre & vix se invicem intelligant. Cæterum ab aliis omnibus linguis ea prorsus diversa est: Nisi quod multa instrumentorum,

operum, & aliarum rerum ad opificia
& communem vitam pertinentium
vocabula à finitimis, & priscis, ni sal-
lor, incolis Germanis, mutuata est.
Sunt hodieque non modo mercatores
& opifices Germani multi sparsim in
urbibus habitantes, verum oppida pe-
ne tota & pagi pleni utentium lingua
Germanica in submontana regione, ei-
que finitimis Russia & Scepusio, item-
que in extrema ora majoris Polonix,
deductis eo, sicut & in Silesiam & in
Prussiam, quodam tempore Germano-
rum coloniis, & multis de plebe com-
pendii sui causa subinde inimigranti-
bus. Quin & equestres quædam familiæ
antiquitus è Germania ducunt originē.
Cui rei argumento sunt stemmata sive
insignia, & eorum nomina. Sed jam ii
atque etiam oppidani & pagani diutur-
nitate temporis ac domicilii, & connu-
biis, magna ex parte in Polonos trans-
ierunt. Libenter autem & Poloni pro-
pter multum usum & commercia cum
Germanis condiscunt linguam Ger-
manicam. Libentius etiam Latinam,
propter sacrorum ritus & sacerdotia,
scribendique usum, qui vulgarissimus
fuit antiquitus hac lingua, cum in pri-
vatis scripturis & epistolis, tum in actis
publicis ac diplomatibus, mandatis,
edi-

edictis, decretisque principum, & omnium iudicum & magistratuum. Estque etiam nunc, aliquanto tamen minus, in usu. Nostras enim lingua neque tam copiosa est quam alia, neque scriptu lectuque facilis. Sed Prussiae incolae, cum maxima ex parte Germani, aut e Germanis oriundi sint, in conscribendis actis iudiciorum Germanica lingua magis utuntur, vulgo mixtim Polonica & Germanica loquentes. Prisci Prussi, quorum pertenuēs adhuc extant reliquiae, peculiarem habuerunt habentque ab utraque penitus diversam. In Russia, meridionali praesertim, jam fere usitator est Polonica dialectus, quam vernacula, ex quo gens ea Polonorum cessit imperio, Polonis propter ubertatem soli & militiam adversus Tartaros libenter ibi figentibus domicilia. Sunt etiam in Rudia Podoliaque Armeni, mercaturam exercentes: Hebraei vero longe frequentiores, etiam in caetera Polonia, praeter Prussiam, sparsim oppida & vicos incolentes. Vtrique sua lingua utuntur: sed & Polonica, vel Russica: Hebraei vero passim & Germanica. Penetrarunt & Itali mercatores atque opifices in urbes primarias nostra fere memoria: Estque nonnullus ejus linguae usus etiam apud

Polo-

Polonos elegantiores. Libenter enim
ii peregrinantur in Italia.

Civitates & oppida Polonie.

Pagis autem & vicis potissimum, atque etiam oppidis, gens Polona antiquitus habitat: quibus fere castella & arces adjunctæ sunt, dominorum & præfectorum domicilia. Vibes munitas atque cultas non multas habet. Princeps est *Cracovia* in minore Polonia, regum & regni domicilium: Quæ cum ædificiorum privatorum juxta ac publicorum splendore atque munitione, tum rerum omnium ad victum cultumque corporis pertinentium, & mercium exoticarum copia, emporio, magnis ad vitam degendam commoditatibus, hominumque frequentia, civilitate & elegantia, facile primum locum obtinet, & cum clavis Germaniæ Italiæque urbibus certat. Germanis autem mercatoribus abundat antiquitus. Neque caret Italis. Habet oportunitatem *Vistulæ* fluvii, quo pisces, ligna, & omnis ædificiorum materia, & alia quædam è vicina *Silesia* importantur. Nonnulla etiam, cum alio, tum in *Prusiam* deportantur, & inde merces exoticæ reportantur. Habet item suburbana ampla & frequentia, & cum hortis

tis atque pomariis delicatis, tum vivariis piscium & prædiis culta, ac temperie cœli amœna. Adjuncta sunt ei duo oppida: à meridie quidem Cazimiria, ponte ligneo junctæ, interlabente Vistula. Est tamen intermedius urbi & ponti continens viculus, cui nomen est Stradomia. Quem flexus Vistulæ tria latera ambientis, & influentis in eum Kudaviz occurfus facit insulam. A septentrione vero pomariis urbis continens est Cleparia, non tamen cincta mœnibus, ut est Cazimiria. Habet & arcem peramplam Cracovia à latere Australi in colle seu rupe, Vistulæ & Stradomix imminens, mœnibus turribusque munitam, & magnificis regie ac basilicæ, in qua sedes est Episcopi, duorumque præterea delubrorum, & aliarum privatarum domuum ædificiis exornatam. Regiam quidem Sigismundus rex senior nostra fere memoria in eam, quæ nunc visitur, formam, amplitudinem & splendorem redegit. Habet Academiam quoque omnium disciplinarum atque doctrinæ studiis & professione florentem. Olim tamen, quam nunc, honestis disciplinis & frequentia præceptorum juxta ac studioiorum florentiorem, cum principes viri ornamentis patriæ magis faverent ac student,

rent, necdum vel Luteranismo infectæ, vel ferro Turcico divexatæ, & ferme subactæ essent gentes finitimæ. Sitæ autem urbs ea non procul à finibus Silesiæ, Vngariæ & Russiæ, longitudinis quidem gradu 42, latitudinis vero 50.

Secundum hanc sunt haud ignobilia oppida, in eadem minore Polonia ac diœcesi Cracoviensi. *Lublinum*, tricesimo sexto milliariorum versus ortum æstivum, long. 45 fere, lat. amplius 51 gradu non spaciosum quidem, sed bene exædificatum, & externarum gentium, Christianarum juxta ac barbararum, emporio nobile: Deinde *Sandomiria*, *Sandecia*, *Tarnouca*, *Biezzum* sive *Becia*, *Vislicia*, & *Ilcussum* & *Osuencium* in Silesia.

In maiore Polonia *Poznania* urbs est, æmula Cracoviæ, quinquaginta milliariorum ab ea distans, longitudinis quidem gradu 39, lat. vero 52, min. 30, itidem commerciis & emporio Germanorum exulta. Quæ & ipsa Academiam, opera & sumptibus Ioannis Lubrantii episcopi nostra ætate fundatam, sed à successoribus ejus neglectam habet. Nunc tamen ea cura & munificentia Episcopi Adami Conarii instauratur. Habet & arcem, & basilicam sedem-

sedemque episcopi, cum oppidis Srod-
ca & Valislévo, interlabente Varta
flumine disjunctam.

Secundum hanc sunt oppida Calis-
sia, Gnesna, vetustate & Archiepiscopi
tede basilicaque nobilis, Vuschovua,
quam Freistadium Germani vocant,
Costenum & Slupcia episcopi.

In Russia *Leopolu* long. gradu fere
46, latitud. 49, sita quinquagesimo à
Cracovia milliaris: Vrbs est satis mu-
nita, duas arces adjunctas habens;
emporio civiumque elegantia & hu-
manitate florens, ac sede alterius Ar-
chiepiscopi, duorumque episcoporum,
nempe Armenici atque Russici, non
ignobilis.

Sunt etiam oppida *Præmissia* & *Cro-
na*: Quorum Præmissia arce munita,
& duobus episcopis, latino sive catho-
lico, & Russico, cohonestata est. *Chel-
ma* quoque itidem duos habet episco-
pos sed propter oppidi seu vici inmu-
niti infrequentiam, Tartaricasque ex-
cursiones, catholici episcopi cathedra
Czashnostaviam tranilata est.

In Podolia *Camenevia* est, urbs cum
arce, natura loci manuque permuni-
ta, triginta milliaris bene longis di-
stans à Leopoli: vertus ortum hyber-
num long. grad. 49 ferme, lat. vero 48.

min. 30. Habetque & ipsa suum episcopum.

In Masovia *Varsavia* est, longitudinis 43, lat. 52 gr. & minuto 20: pari fere spatio, hoc est, quadraginta milliaris, à Cracovia & Posnania. Deinde *Placum* basilica nobile & episcopo, e-
jusque episcopi oppidum Pultovia cum arce, & Lomza.

In Cuiavia sunt, *Bresle*, & *Vladisla-*
via sedes & oppidum episcopi, cum arce, quam Stanislaus Carnovius episcopus nuper splendidiorem & magis habitalem reddidit.

In Prussia vero *Gdarium* sive *Dantiscum*, octogesimo ferme à Cracovia milliaris, à Posnania vero quadragesimo: à mari, uno ferme: longitudinis eodem gradu 41, minuto 30, latitudinis vero 54, min. 20. urbs est è tribus oppidis coagmentata, portu, navalibus, & horreis nobilis: copia & varietate mercimoniorum, partim maritimarum ex toto occidente & septentrione, partim terrestrium ex diversis mundi partibus, & fluvialium, maxime *Vislulæ* præterlabentis opportunitate, abundans: munitione firma, civium & convenarum industria ac diligentia culta.

Gdano proxima dignitate nunc est

Tortu-

To unia, viginti quatuor milliariis introrlum versus Polnaniam & Ciacoviam ab eo distans, & in ripa Vistulæ sita, longitudinis grad. 41, lat. 52, duobusque oppidis distincta. Olim emporio & omnibus rebus florentior. Sed Gdanæ incrementa eam non parvis detrimentis afficere, & infrequentem reddidere: quod ab ipsa itidem Culmæ prius una venerat: quæ civitas ea dignatione fuit antiquitus, ut ab ea cætera omnis Prussæ atque etiam Masovia pleraque, jus peteret: quod inde etiamnum Culmense dicitur. Viguerunt in ea non ita pridem etiam bonarum literarum studia. Nunc ea pro amplitudine sua infrequens est admodum: Cumque superiori tempore in ditione regia fuisset, nunc patet episcopo, qui inde nomen habet. Tamen cathedra ejus est in oppido Culmesca, uno milliario inde distante.

Elonga etiam Prussæ urbs est gemina, permunita & copiosa: nisi quod ejus quoque laminibus, ut ita dicam, officium, ab altera parte Gdanum, ab altera Regius mons sive *Kanixberga*, vicinæ, & majore commoditate portuum copiosæ urbes. Est autem Regius mons, ducalis Prussæ caput, tribus oppidis & arce magnifica, nostraque memoria etiam basilica & sede episcopi.

Sambiensis insignis: terrestri quidem itinere decem octo milliarium, per Habum vero aliquanto minore intervallo à Gdano distans, long. gradu 43, lat. 54, min. 50. Prægola flumen oppida interfecat, & uno ferme milliario infra ea in Habum influit. Minoribus item oppidis frequens est admodum utraque Prussia, & quidem nec incultis, nec immunitis. In regia primum est *Mariaburgum*, cum ipsum per se mœnibus turribusque permunitum, tum arce amplissima & munitissima nobile, situm ad Nogatum brachium Vistulæ, sexto ab urbe Gdano milliario: Propter adjacentis autem insulæ, cujus mentionem supra fecimus, ubertatem glebæ, pagorumque frequentiam & cultum, copiosum & frequens. Ea vero insula in palustri olim stagnantis Vistulæ solo operibus & præalti ac firmi aggeris objectu effecta, magno hominum labore non sine periculo ab inundatione fluminis defensatur. Maior vocatur. Minor autem appellatur ea planicies, quæ ad Gdanum est inter alterum ejusdem Vistulæ brachium dorsumque montis vicini usque ad mare: & ipsa palustris fere olim: nunc autem fossarum ductibus exculta & facta compascua. Mariaburgo
non

non multum ulla recedit *Allesberga*,
sive *Heilsberga*, episcopi Varmienfis
domicilium. Cathedra enim supra
Fraumbergam est, quemadmodum su-
perius attigimus. Initio vero, *Funns-
berga* ea fuit collocata. Quod ipsum
quoque oppidum geminum, permu-
nitum, frequens & copiosum est, ita
ut inter primarias urbes Prussie nume-
rari queat. Quam nuper vir amplissi-
mus Stanislaus Hofius, S. R. E. Cardi-
nalis & Varmienfis episcopus, una cum
facio ejus ipsius Ecclesie collegio, stu-
diis literarum atque doctrinae nobilio-
rem reddidit, nobis adiutoribus, & in
religione catholica conservat, collegio
religioso eorum hominum, qui de so-
cietate Iesu vocantur, in ea collocato.
His oppidis non multum cedunt Gu-
testadia, Allesteinum, Resla, Vormita,
Mellacum, Vatemberga, Sebergum in
eodem tractu ac diocesi Varmienfi. In
Pomerania, Tucholia, Choinicia, Stat-
garta sive Starigrodum, Novum, Cneam,
Dersavia. In reliqua Prussia, Neimar-
cum, Brodnicia, Stuma, Grudentum,
Lubavia, Razinum, & inter hæc inter-
jectum ducale Quizinum, quod Ger-
mani Marivverder vocant, non ita pri-
dem sedes Pomelanensis episcopi: Cu-
jus diocesis insulam quoque majorem

& Stumense territorium complectebatur. Nunc ea caret episcopo. Haec omnia oppida & ipsa per se non nil uscinctasunt, & fere arces validas & bene exædificatas, sed vetustas, adjunctas habent. In cætera quoque Polonia non infrequentia sunt oppida, aut si vicos appellare malimus, pleraque sine ullis mœnibus, nec nisi ligneis ædificiis: præter templa & castella sive arces adjunctas. Sunt item arces in editioribus locis & rupibus extructæ, nullis adjunctis oppidis: Melstinum, Tencinum, Landiscorona, Ogrodenechia, Lipovecia, Olstinum, Pilcia, Sorstenum, Soben, Ocecium, Visnice. Sunt & monasteria ad munitionem pariter & commoditatem habitatorum exædificata, & vicis pagisve non longe distantibus frequentata: Tinecense, Mogilense, Miechoviense, Andreoviense, Brescense, Stananticense, Coprivunicense sive Pocrivunicense, Lyslécense, Cienstochoviense, Vitoviense, Suleoviense, Landense, Lubinense, Cervenescense, Paraditense, Mogilnense, Tremesnense, Secechoviense, Vangrovecense, & Samovicense, Pelplinense, Olivense, Zucoviense in Prussia. Pagi plerique omnes ad lacus, rivos, & flumina siti sunt, sparsim duplici, ut plurimum, ordine

dine disiectis agrestium domiciliis. In his casæ sunt lignæ vel lateæ, numiles pleræque, omnes stramentis, nonnullæ assæculis intectæ, præter prædia domolque dominorum, quæ ampliores sunt & cultiores. In Prussicis tamen pagis agrestes Germani minus inculte habitant: Oppidani vero cultius etiam, lateritiis fere domibus interjectu tabium firmatis, & ad omnem commoditatem instructis: Quæ tamen pleræque stramentis testæ sunt: nonnullæ lateritiis tegulis. Vibes longe sunt cultiores, nisi quod habent domos angustiores. Cæteræ vero Polonæ urbes primariæ laxioribus domibus, nec minus cultis habitantur. In quibus cum Germani mercatores superiori ætate lateribus & lapidibus elegantius ædificare cœpissent, nunc Poloni quoque eodem studio tenentur, illosque superare contendunt: Nec in urbibus modo, sed etiam in villis lautius habitare student, Italorum fere opificum opera & industria. Hypocaustorum permagnus est usus majore parte anni in tota Polonia, præter Cassubiam, & Prussiam partem quandam: ubi agrestes per hybernium tempus accenso in medio domicilii loco cum pecudibus, jumentis, ac cæteris animalibus & avibus dome-

iticiis in sordibus, fextore, atque fumo (licet non desint ampla fumaria) vitam degunt: sicut & in Samogitia, & aliis ad Septentrionem vergentibus regionibus. Quanquam hypocaustra quoque, agrestium duntaxat, pleraque fumosa sunt, (ut quæ furnis ad coquendos cibos & panes intus extructis calorem excipiant, & fumariis magna ex parte careant,) & anserum, anatum, gallinarumque cum pullis suis, ac ovicularum quoque, capellarum, vitellorum, ac fucularum, propter hybernunageiu, admissu & receptu sordida.

Polonorum instituta & mores.

Balnearum item excafactarum frequens est Polonis usus æstate juxta ac hyeme ad abluenda & levanda sudore corpora. In quibus mares seorsum lavant à feminis. Vestium genus neque unum est, neque certum, aut suum cuique ordini, conditioni, ætati & generi hominum. Exoticis delectantur plurimi. Fœminæ passim cum alio cultu vario, tum virorum amiculis utuntur. Quanquam id novum est. Reticulis tamen, aut lineis velis sive flammeis, cæ capita integunt. Puellæ antiquitus nuda capita fertis aureis, gemmatis, vel sericeis, vel floreis, vel herbaceis redimitæ,

mitte, progrediantur in propatulum:
Sed nunc ex, atque etiam matronæ,
pileis sericeis, pellibus suffultis, itidem
ac mares fere, tectæ incedunt. Victus
genti antiquitus vulgo & in plebe, agre-
fli præsertim & vicana, succidia, lacta-
riis, pisciculis, oleribusque potissimum
constat. Nunc multi vervecina quoque,
& viculina, & bubula carne victitant:
Quarum carniū fora in pagis quoq;
apud templa & paræcias festis diebus
instituantur. Urbanis, atque nobilita-
ti, victus est dapfilior: Et iam lautior
etiam: mensæque cum altilibus, tum
feris animalibus, avibusque, & piscibus
lautis, instructæ: in quibus permagnus
est aromatum, neque exiguus saccari,
& aliorum exoticorum condimento-
rum usus: Nec oleribus exquisitis &
pistatiis ex carent. Nec desunt bella-
ria, aliæque lautitiæ, cum domi na-
tæ, tum exoticæ. Triticei panis vinique
usus non ita pridem inolevit apud
elegantiores. Nunc quidem utroque
multum utitur etiam vulgus in convi-
viis: Vino quoque, præsertim in mi-
nore Polonia vicina Vngariæ & Mora-
viæ. Nec obstat pretium. Cæterum sili-
ginei panis, & cerevisiæ, promiscuus
est usus in tota Polonia. Fit autem ce-
revisia in Prussia quidem ex ordeo,

in cætera vero Polonia etiam è tritico minutatim molito seu confracto & aqua decocto cum lupulo. Admiscetur nonnunquam tritico siligo, vel spelta, vel avena. Mel quoque itidem cum lupulo aqua decoctum in frequenti usu est: Russis præsertim & Podoliis, apud quos permagna est apum & mellis optimi ex dictamno & aliis bene olentibus herbis ac floribus collecti copia. Nec Præulis & Masoviis mel deest; Qui & ipsi itidem id decoquunt. Medonem vulgo vocant. Solet autem is condiri Variavia peculiariter succo è cerasis rubive malis expresso, aut aromatibus: & pro ratione condimentorum, keristrangi, malinici, ac tromici nomen accipit. Color hominum fere candidus est: capillus flavus, vel magis albicans: statura mediocris, aut mediocrem paulo excedens. Habitus corporum succulentus, nisi quod fœminis, & maxime puellis nobilioribus urbanisque, studium est, ut se reddant curatura junceas, quemadmodum inquit ille. alioqui formæ atque teneritudinis non magna ab iis adhibetur cura. Fucare autem faciem, & capillos tingere, indecorum habetur. Sed est in viris juxta ac fœminis naturalis quædam formæ bonitas, ingenuo rubore tinct

nia Tolonorum sunt aperta & candida, & falli quem fallere magis apta: non tam irritabilia, quam placabilia: minime proterva aut pertinacia: imo valde tractabilia, si commode ac placide tractentur. Exemplis autem inprimis si commoventur: & sunt principibus & magistratibus suis satis morigeri. Ad comitatem, civilitatem, benignitatem & hospitalitatem prompti, ita ut ignotos & externos non modo libenter suscipiant hospitio, sed etiam invitent, & omni officio prosequantur: & non modo ad convivium atque familiaritatem quorumlibet faciles, verumetiam ad mores & imitationem eorum, cum quibus vivunt, externorum præsertim, flexibiles. Juventutis laxior est paulo & neglectior educatio: Sed ea naturæ bonitate compensatur. Ad Scholas quidem & magistros mittere mares liberos, & latinis literis teneram ætatulam imbuere, omnibus, pauperibus juxta ac divitibus, nobilitati ac plebi, oppidanæ præsertim, studiū est. Multi pædagogos domi alunt. Itaque ne in medio quidem Latio quis reperiat tam multos vulgo, cum quibus latine tamen loqui possit. Puellæ quoque nobiles & urbanæ, vel domi vel in monasteriis, vernacula, imo & latina

latina lingua legere & scribere discunt: Adultiores, puellæ quidem rei familiarum, culinariæ præsertim & pecuariæ curandæ, lanificioque seu linificio potius, atque textrina, & acu pingendi arti, manus admovent: Mares vero agriculturæ, vel opificio cuipiam, vel mercaturæ, vel magistratum & procerum sacerdotumve opulentiorum ministeriis vel affectationi sese addunt. Multi domi cum parentibus vitam degunt, eosque in re familiari curanda sublevant, ac decedentibus eis, patresfamilias facti, rem suam agunt. Complures libenter peregrinantur, dispendiorum rei familias negligentes, egestatisque & omnium, quæ peregrinantes consequuntur, incommodorum tolerant. Externa enim magis, quam domestica admirantur. Itaque linguas earum gentium, ad quas pervenerint, cupide & facile discunt. Quin etiam in victu cultuque corporis & moribus, novi aliquid peregre afferre student, indeque elegantia laudem querunt. Quod jam ad opiniones quoque de religione proferat. Sunt autem docilia hominum ingenia, & valent quocunque intenduntur: Sed alienis inventis perdiscendis ea magis accommodant, quam ut novi aliquid ipsi

excogitent, & excellere magnopere ulla re studeant. Id adeo fit, siue quod uni alicui arti & studio non libenter sese addicunt, sed multa nosse cupiunt: siue incuria, segnitie, laborisque turgitatione, quæ plerisque in rebus peculiaris est huic genti: præsertim quod homines, ad quorum usum fere liberalia iuxta ac mechanica studia referuntur, mediocritate contenti, exquisitam artificum & operum præstantiam non magnopere requirunt: seu denique quod ditiores otio deliciisque sese dedunt, relictæ tenuioribus ingenii & industriæ exercitatione; hos vero, cum sit difficile, ut ait Philosophus, egentem bene operari, præsidii vitæ comparandis distineri, & alienis nonnunquam ab ingenio suo studiis & negotiis implicari necesse est. Atque ubi, quod satis est, compararint, & ipsi ferme superiorum similes evadunt, vel rei familiaris tuendæ cura, litiumque anfractibus, vel potentiorum consecratione distrahuntur: idque siue ambitionis stimulis incitati, siue quo se suosque certo aliquo præsidio ab aliorum injuriis & contumeliis vindicent. Nescio enim quomodo fit, ut ad vitæ commoda & ornamenta non modo comparanda, sed etiam tuenda non satis præsidii sit, hæc nostra præ-

præsertim ætate, in solis animi & ingenii bonis, & in legibus ac jure communi. Non tam autem ad artes mechanicas tractandas Poloni apti esse videntur, quam ad studia doctrinæ. Nisi forte illas contempnere potius, quam assequi nequiverint. Externis quidem plerique opificibus antiquitus usi sunt, & utuntur etiam nunc non paucis. Bonarum literarum atque doctrinæ studia accuratius consueverunt, imprimis illi, qui his præsidus ex humilitate sordibusque domesticis emergere cupiunt, aut qui sua vel parentum voluntate ad sacerdotium animos adiciunt. Severiores autem disciplinas ad nostra usque tempora potissimum consueverunt sunt Poloni. Non defuisse nobis sane superioribus temporibus insignes mathematici, astrologi, dialectici & philosophi, atque etiam theologi, si præsertim, qui vocantur Scholastici, cum instituta Cracoviæ ante centum septuaginta annos Academia, magistri ejus generis Lutetia Pragaque acciti, admirationi essent vulgo & primoribus, atque ipsis etiam regibus. Humanitatis & linguarum eruditarum studia diu neglecta jacuere: Nec solum apud maiores nostros, verum & alibi fatali quadam temporum conditione. Proinde non erat,

erat, unde nostrates ea discerent post
a ceptas cum religione Christiana li-
teras & cultum vitæ mitioris. Quo fa-
ctum est, ut illi quoque, qui tunc docti
habebantur, & erant, nihil propemo-
dum literis mandarent, nec in publi-
cum sibi edendum esse ducerent, si
quid forte excitandi sui aliorumve do-
cendorum causa conscripsissent. Ne-
que sane expedita erat edendi ratio,
cum careret Polonia typographis. Ita
doctorum virorum memoria cum ipsis
pariter extincta est. Nunc certe postea-
quam animadversum est, in pretio esse
linguarum, eloquentiæ humanitatis-
que studia, cupide ea quoque nostrates
amplexi sunt, sed ad usum civilem vul-
garem magis quam ad gloriam. Non
desinere tamen nostra hac ætate, neque
nunc desint, cum in studiis humani-
tatis & eloquentiæ, tum in omni ge-
nere doctrinæ, magni quidam & ex-
cellentes viri, qui, cum commoda vitæ
honestissimis disciplinis, & gloriæ, sive
utilitati publicæ posthabuissent, eo eva-
serunt, ut admirationi sint, si non suis,
certe externis, incorruptius judicanti-
bus. Sed eos recensere nunc necesse non
est. Nec medicinam posthabent, post-
eaquam ea, vulgatis delicatior & la-
xior vultu ratione morbis, in precio
esse

esse coepit. In aliis minus elaborant, propterea quod minus ea conducere videntur ad commoda & ornamenta vitae comparanda. Non est enim novum, plurimos mortales hunc finem studiis laboribusque suis statuere, patretque similes illius habere, de quo canit poëta quidam:

Sape pater dixit, Studium quid inutile tentas?

Rem porro familiarem diligentius curare, non ita pridem, & eodem prope tempore, quo bellorum incommodis vacui luxum splendoremque, consecrari cepimus. Sed in ea minor est vulgo parva tuendi ac dispensandi quam acquirendi diligentia. Majores quidem nostri comparandis divitiis non magnopere incubuere, satis habentes, sine magna cura & labore, unde in diem propemodum, si non laute, non dare quidem certe, nec parce cum suis viverent: itaque tranquilliores tunc res domi erant. Minus apperebatur alienum: Minus erat litium: Minus jurgiorum atque cedium: Minus fraudium & perjuriorum. Major autem erat fratrum & agnatorum, cognatorum, affiniumque inter ipsos concordia & benevolentia. Major non modo parentum, sed etiam quorumvis natu grandio-

rum reverentia. Ferrara finium regun-
dorum judicia. Hercifundæ vero fa-
milie nulla propemodum. Caterorum
enim cognatorum aut vicinorum na-
tu majorum interventu & intercessio-
ne componebatur, si quid ulla de re
exortum erat controversiæ, quod ipsi
inter se vicini vel necessarii transigere
familiariter nequissimè. Res militaris
quoniam cum instituto gentis tum
temporum quadam conditione in he-
noie fuit superioribus, atque adeo o-
mnibus fere seculis, extiterè multi vir-
tute bellica præstantes viri, maxime
nostra memoria, non ita pridem ex-
tracti. Et quamvis in diuturna pace &
otio, extant etiam nunc nonnulli. Nec
enim vulgo in Polonis vigor ille
animorum, laudisq; bellicæ studium,
si qua se usquam offerat idonea virtu-
tis exercendæ occasio. Meditationem
& exercitationem viri sapientes requi-
runt. Idque ideo fortasse, quia desunt
virtuti suæ præmia, & quod ignavo
otio & conviviis pluscumque indulge-
tur. Ad hæc autem, & festas epulas,
conveniunt plerumque vicini & neces-
sarii inter se, ad unum aliquem viri soli,
vel pariter cum faminis. Nec turpe ha-
bet ut puellas interesse, & earum collo-
quia, convivia; choreasque à juvenibus

frequentari, parentibus earum cognatisque natu majoribus præsentibus: Atque ita plurima conciliantur matrimonia. Nec raro in ejusmodi conviviiis similitates & inimicitiae abolentur, & vel dissolutæ vel nutantes amicitiae sedintegrantur. Quamquam intemperantioribus computationibus interdum cruentæ quoque pugnae inter convivas, amicos & necessarios accenduntur, jargiis plerumque inter vtiliora servitia coortis. Potantibus enim dominis, nec illa à poculis arcentur. Quin illiberalis convivator habetur, cui curæ non est, ut servitia convivarum bene pasta ac pota sint. Quo fertiliores enim sunt hæ regiones, eo magis indulgent comines vulgo crapulae proluxioribusque conviviiis & computationibus, ita ut multi eum solum ducant fructum laborum atque divitiarum suarum. Vigent autem passim inter mares computationes ad æquales haustus, non solum in conviviiis, verum etiam in cautionis, ad quas vulgus computandi causa convenire solet: Eoque provecta est hæc licentia, ut quod profestis diebus partum est, festo die potando fere prodigatur. Atque inde fit, proserpente potandi etiam profestis diebus & cui consuetudine & inertia, ut angustiore

fiore re familiari utantur multi: præsertim cum n. n. ini curæ sit, quid privatus quisque gerat negotii, unde & quomodo sese sustentet: & fructuosa sit autem dominis & magistratibus illa potandi licentia. Etenim non exigua vestigalium publicorum juxta ac privatorum portio è cauponis corrogatur. Exolefcit tamen sensim apud honoratiores illa ad æquales haustus potandi consuetudo, eorum studio, qui apud eas gentes, quæ humanitatem studiosius colunt, peregrinati sunt. Sed lautitia in victu potuque magis ac magis indies inolefcit. In cultu quoque corporis, vestiumque numero, varietate ac pretio, major luxur exiit. Nec solum exoticis pannis & pellibus, verumetiam serico & purpura vestiri, & argento, auro, margaritis, gemmis exornari mos inolevit, inferioribus quibusque præstantium genere, honore vel facultatibus, exempla cupide amplectentibus, nullis autem legibus sumptuariis modum in victu cultuque corporis cuiquam ordini aut homini præscribentibus.

Hominum ordines in Polonia.

Quo planiora autem & absolutiora sunt omnia, quæ de gente Polona per-

sequimur, ordines & genera hominum describamus: Quæ descriptio rei publicæ quoque fundamenta continebit. Distinguitur populus Polonus partim genere, partim ex religione sumpto vitæ instituto. Ac genere quidē in equestrem ordinem sive nobilitatem, atque plebem distribuitur: Religionis autem instituto in sacrum & profanum ordinem. Liceat autem nobis eum qui sanctorum atque sacrorum administrationem non habet, profanum appellare. Vulgo ecclesiasticum & laicum, vel spiritualem & secularem statum & ordinem vocitant. De his posterius: Nunc de nobilitate & plebe. Nobilitas Polona ad regimen atque defensionem ceteræ multitudinis regionisque segregata est: Atque inde qui sunt hujus ordinis, antiquitus milites, nunc equites, fere ab equestri militia, cui sunt obnoxii, à latine loquentibus & scribentibus appellantur: Vernacula autem lingua Schliachta, à generis nobilitate mutuato nisi fallor à Germanis vocabulo, (quasi *geschlechter*,) vocantur: & Ziemianie, quasi agrarii, vel, ut vulgo interpretantur, terrigenæ, à terra & agris, quos fere colunt & habitant, antiquitus hæreditariis, pretiove seu principis beneficio partis, vocantur. Habet au-

tem ea multas & magnas prærogativas, quæ partim regum & principum munificentia firmatæ sunt, partim moribus & institutis invalere: Quæ magna ex parte sparsim opportunis locis huic & historico operi à nobis insertæ sunt. Regi quidem ea soli fere subjecta est. Iudicatur tamen ad præscriptum legum & à magistratibus regni & regis, quemadmodum posteriori libro ostendemus. E cæteris, privatis præsertim, nemo nobilitatem cum agris & pagis subjectam habet: Nisi forte in Russia, antiquitus, & prælo ducum gentis jure. Habet etiam Cracoviensis Episcopus in Severiensi ditione: Habet & Varmiensis, ejusque ipsius ecclesiæ collegium: Quin & Plocensis Præpositus: & alii fortasse. Licet tamen homini nobili sive equiti scultetiam, ut vulgo vocant, sive advocatiam, in bonis alienis paganis juxta ac oppidanis voluntate domini obtinere. (De Scultetiis autem & Advocatiis posteriore libro dicemus.) Licet etiam privati conditione in urbem vel oppidum cujusbet commigrare, salvis personæ suæ prærogativis, nisi is decus nobilitatis amittat. Nobilitas porro genere censetur & meritis, adjuncto vitæ instituto. Habentur enim nobiles, quorum

maiores aut parentes virtutis ergo in eum ordinem allekti, militiaeque adscripti, & gentilitio signo donati sunt, quive ipsi huc meruere virtute sua. Sed praestabilius habetur, nobilem natum esse, quam factum. Nasci autem patre sinful & matre nobilibus oportet legitimo conjunctis matrimonio. Quamquam nec plebeia mater liberorum nobilitatem minuit, dummodo pater sit nobilis. Nothi quamvis nobilibus & illustribus orti, non censentur in familiis, neque nobilitatis praerogativis fruuntur. Conferendi porro hujus decoris, hoc est, nobilitatis, potestatem, solus habet Princeps: Idque vel suo ipsius judicio & beneficio facit, vel interveniente testimonio, & quasi adoptione clarorum & principum alicujus familiae virorum, stemma & gentem suam cum eo, qui ita creatur, communicantium. Eiusmodi tamen creatis nobilibus obtinere & possidere bona terrestria statuto quodam novo non licet. Sed posteritas eorum pari cum aliis natis equitibus jure esse incipit. Amittitur porro nobilitas decreto Principis, ob admissum dedecus, & atrox aliquod facinus. Contaminatur etiam, & abdicatur quodammodo, si quis desentis militiae & agriculturae studiis,

for-

sordidum quæstum faciat arte mecha-
nica, vel tenuiore & minutioribus
mensuris ac ponderibus utente merca-
tura & cauponatione. Est autem pari
dignatione Polonica omnis nobilitas:
Nec est ullum in ea patriciorum comi-
tumve discrimen, exæquata quodam
tempore omnium conditione. Nuper
adeo paucis quibusdam, parentum, vel
ipsorummet amplitudine atque meri-
tis, & principum beneficio, Comitum
decus denuo partum est. Ducum, qui
peculiares haberent dominatus vel ter-
ritoria, nunquam aliud genus fuit
apud Polonos, quam id, quod à Bole-
slao Krivousto Principe propagatum
fuit, cum is principatum inter liberos
divisisset. Verum id jam defecit. Russi
habuerunt antiquitus suos duces, ha-
lentque etiamnum ii, qui dudum Li-
thuanicæ ditionis fuere, aut sunt et-
iamnum, & Volynii. Neque enim sub-
actis, vel in deditionem acceptis ea
prærogativa adempta fuit. De Prussio-
rum & Curonienfium ducibus post at-
tingemus. Multæ sunt autem nobilita-
tis Polonæ gentes, & quasi tribus, non
locis, & regionibus, verum signis qui-
busdam gentilitiis, quæ arma & insi-
gnia vocant, eorumque appellationi-
bus distinctæ, quæ singulæ rursus mul-

tas stirpes & familias cognominibus & agnationibus distinctas complectuntur. Verbi gratia, Lelivicorum gens cuius signum est, nova luna superne stellam inter cornua continens in cælestimo scuto, Tarnoviam, Pileciam Melitiniam, & alias nonnullas honestas & amplas familias comprehendit. Signa vero gentilitia, sive insignia, partim à rebus, quarum sunt notæ, quemadmodum Topororum ab ascia, partim ab eventu, ut Ielitorum à visceribus transfixis, appellationem habent. Plurimorum ratio obscura est. Nisi forte à primis conditoribus gentium ea sumpta sunt. Neque enim olim, ut nunc, ab arcibus, villis & pagis, quibus denominabantur, denominabantur equites. Sed undelibet sumpta aut indita nomina; ad longam posteritatem, amisso etiam vel commutato Patrimonio, recte trans mittebant. Qualia supersunt etiam nunc multa cum alibi, tum in Submontano & Sciriensi tractu, & in Russia. Vt sunt Herborth, Dunin, Iordan, Gladis, Pienianscus, Pirschala, Cmita, Farureius, & alia eiusdem generis. Nunc malunt plerique de arcium, oppidorum & pagorum nominibus, deflecta paululum per denominationem in *ky* sive *ky* voce, appellari.

lati. Ea vero deflexio vel adjectio syllabæ a latine loquentibus & scribentibus in *ius* commutatur, ita ut à Choina Choinski, & pro ea Latine Chonius, à Crasne Crasinski, & pro eo Crasinius, à Lasco Laski, appelletur: Cæterum pro eo non Laicius, sed Lascus dicitur. Qued nos in historia securi sumus, perspicuitati orationis & externorum auribus inservientes. Idem veteres historicos Græcos & Latinos in barbaris nominibus tactitasse animadvertimus. Interdum autem sine hac deflexione vel adjectione, arcis vel oppidi, vel pagi nomen, unde quisque ortus, vel cuius dominus est, cum præpositione *de*, vel *à*, vel *ab*, vel *in*, cognominis loco usurpatur, à magnatibus præsertim & clarioribus: ita ut verbi gratia, in Tencin, vel à Gorca, vel de Feltleia quis appelletur. Observaturque in his vulgo discrimen quoddam non magis à Polonis, quam à Germanis & Boëmis: qui iidem utuntur huiusmodi appellationibus. *In* enim præpositionem iis fere attribuunt, qui domini sunt locorum: cæteras etiam iis, qui inde duntaxat orti vel oriundi sunt, etiam si ibi non habeant ubi pedem figant. Gentiliorum autem signorum, quæ quidem querendo investigare potuimus,

appellationes hæ sunt. In quibus enu-
 merandis ordinem primarū literarum
 & vernaculæ linguæ sonū servabimur.
 Abram sive Valdorf: Amadei: Bialina:
 Biberstein: Bodulia: Bohoria: Boitza:
 Brog: Bozestado: Buincia, sive Buincza:
 Byliny: Ciolk: Copaczina: Comia: Cic-
 lantcoua: Coruitz sive Bies: Choleua:
 Cotficz: Corab: Corciak sive Corczak:
 Dambroua: Dábroua altera: Dembno:
 Doliva: Dolenga: Dizevicza: Druzina:
 Drija: Działosła: Godziemba: Gosdoua:
 Grabia: Griph, quod & Snieboda: Gry-
 zima: Grzimala: Habdanc: Herburtho-
 vva: Helm: Ianina: Iastrzembiec: Ielita
 sive Kossarogi: Iednorozez: Iunosła:
 Korsboc: Kerdei: Labents: Larisła: Leli-
 va: Liada: Levat sive Leopardus: Lodzia:
 Lzavia: Lis, quod & Murza: Mozela:
 Morskicot: Mandrostca: Nalencz: Nie-
 sobia: Nieczuia: Novina: Oliva: Osma-
 rog: Odrovvanz: Ostioia: Orlia: Olobog:
 Ouada: Oxa: Pilava: Pirzchala: Povalia
 sive Ogon: Poboze: Pogonia: Poluco-
 sia: Pravyda: Pomian: Pizegina: Prus:
 Prus alterum, quod & Navilli: Prosnia:
 Rava: Radvan: Roza: Rogala: Rucłaba:
 Rolia: Scheliga: Slepovvren: Socolia:
 Servicaptui: Schilde: Staricon: Starza,
 quod & Osloria: Strzemien: Strzego-
 mia: Sternberg: Sienava: Sulima:
 Svvic-

Svirczek: Siocomlia: Schumberg sive
 Corfitza: Svinca: Tarnava: Topor: To-
 pacz: Trzaski: Tramby. Varnia: Vienia-
 va: VVzelie: Vieruslova: Venzik: Vad-
 vva: Vierzinkovva: Zabavva: Zadora
 sive Plomien: Zagrobia. Duorum nomi-
 na non tenemus. Ea sunt albæ aquilæ,
 anterior pars dimidia à capite cauda te-
 nus erecta, cū duabus stellis à tergo: &
 quinque rosæ albæ in quincuncem col-
 locatæ. Vnde simul ex gente Iastrzem-
 becia ego maternum genus duco: Pa-
 ter vero meus è Pirzchalia & Osmaro-
 gia. Nihil autem vetat his nostrū quoq;
 adungere, quo me una cum fratribus
 meis, & omni posteritate nostra opti-
 mus rex Sigismundus Augustus orna-
 vit, dimidiam aquilam, pectore tenus
 naturali colore, extensis alis, laurea co-
 rolla circum collum redimitam in ru-
 bro scuto impartitus. Cui Ferdinandus
 Rom. Imp. electus immortalī memoria
 dignissimus, cum legatione apud eum
 ejusdem regis nomine in septimum
 annum fungeret, gentilitium Austriacæ
 familiæ suæ stemma, rubram in albo
 scuto tæniā per transversum ductam
 subdidit, & duo nigræ Imperialis aqi-
 læ capita galeæ coronatæ superposuit.
 Cur autem minus liceat cuiquam, à se
 parato, quā ab aliis relicto, decore gau-
 dere?

dere? Et hætenus quidē de nominibus gentium Polonæ nobilitatis nobis dictum sit. Signa, origines, familiasq; describere, longum & operosum esset, ne dicam infinitum. Antiquitus sparsim nobilitas in agris habitat, in sua quisq; villa, vel castello, vel arce, rem familiare operis & laboribus adscriptitiorum suorum vel mercenariorum curans, & agricultura, gregum, armentorum, & apiariorum fructu, itemq; venatione & aucupio, nō modo sustentans sese cum domesticis suis familiis, verumetiam honestas divitias comparans, vendēdis iis quæ supersunt usui domestico, quæq; defunt, inde vicissim comparandis. Matres autem familias, & puellas nobiles, lanificium, & linū, canabumque, & rem pecuariam tractantes, non dedecet vendere ea, quæ ex huiusmodi re familiari & fructibus ejus superiunt usui domestico. Quin & culinæ curam earum gerunt, exceptis illustrioribus & senatoriis, quæ hæc pleraque dedignantur, aut pedilēquarum opera peragunt. Iter facientes, feminae quidem carpentis, vehiculis aut curribus vehuntur: Mares vero vel iisdem, vel equis potius. Pedestrem incedere per viam, longiorem præsertim, minus honorificum vulgo habetur, nisi paupertas necessitatem imponat. Iam
autem

autem lautiores & elegantiores de nobilitate in urbib⁹ domicilia figere, villis & rusticis prædiis relictis, incipiunt. Prodeuntem in publicum nobilem virum juxta ac feminam assæclis maribus, feminam vero etiam puellis pedissequis stipari, honorificum habetur. Et in eum usum alit quisq. domi suæ famuliciam pro modo facultatum: indeq. simili figura & colore vestium, nō sine sumptu & luxu vestiri, usitatum est. Aluntur & equi complures. Equitantem enim aut vehentem heram tanuli honoratiores non nisi per urbem, vel ad suburbana, pedestres assæctantur. Ac Senatores quidem primarii, pedestres juxta ac equestres medii fere inter assæclas mares incedunt, honoratioribus antecedentibus, cætera vero turba cum pueris subsequente. In cætera nobilitate assæclæ omnes heros subsequuntur. Matronas autem & puellas nobiles mares quidē antecedunt, feminae subsequuntur, præter filias, & quæ in filiarū loco habentur, & sorores puellas, quæ secundū antambulones proxime matrem vel sororem præcedunt. Spectatur autem in famulis & pedissequis tam usus ad ministeria, tum statura, forma, elegantia & genus. Nec deest copia equestriū ac nobilium juvenum, qui vel studio civilitatis, prudentiæ.

dentiaque usu rerum comparanda incitati, vel tenuitate fortunarum adacti, vel praesidii contra vim potentiorum sibi suisque comparandi causa, non modo in magnatum & episcoporum, sacerdotumque ac doctorum clientelas, verumetiam in parium, ac tenuiorum inferiorumque nonnunquam, eorum praesertim, qui magistratus gerunt, aut aliquo sunt numero in aula Principis, aut opibus, industria, eruditione gratiaue populari valent, affectationem & ministerium, parva, vel nulla mercede, a parentibus & propinquis traduntur, vel ipsi sese addicunt: Duratque ea servitus, quoad utrique, heredes, inquam, & servo sive clienti placet. Multi etiam de ditioribus necessariorum & amicorum liberos pio quodam & honesto juventutis educanda studio ultro sibi in familiaritatem & ministerium adsciscunt. Ad eundem modum & feminae feminis famulantur. Nec pudendum aut dedecori affine est genus hoc servitutis, sed liberale & sociabile: Nec rara est in eo vicissitudo, ita ut eum quis habeat in ministerio, cujus parentibus ipse serviverit: Honestaque habetur haec juventutis equestris educanda ratio, aequabilitatem quandam etiam in inaequalibus fortunis continens:

nens : Et multos ex humili loco ac tenui fortuna, non modo ad mediocres, verumetiam ad summos nonnunquam honores, amplissimasque facultates & opes, ipsorum virtus herorumque beneficentia provehit : idque maxime conciliandis luculentis conjugis vel sacerdotiis. Honestatis magna semper à nobilitate ratio habita est. Fraudem facere, promissum fallere, pejerrare, mentiri, probrosum & infame semper habitum est, atque etiam nunc habetur, quamvis in maiore, quam olim, habendi studio & licentia. Quod si quid ejuscemodi in probri loco cuiquam obiciatur, præsertim ab ejusdem ordinis viro non tam legibus & magistratum judicio & auctoritate, quam ferro manuque vindicatur. Dissimulare quidem probrosum habetur. Loci tamen ratio ducitur. Plebeiis minor est cura dignitatis, atque pomposa ambitionis, exceptis urbanis fœminis, quæ & ipsæ bene cultæ & una aut altera pedissequa comitatæ incedere student: Vita autem laboriosior & sollicitior, tam mulierum, quam virorum, nullo fere sexus discrimine : nisi quod fœminæ opificia non exercent, neque vesturam, neque negotiandi gratia peregrinantur. Vicina tamen oppida intra

fines regni adeunt, domique negotian-
 tur. In iudicio standi jus non habent. In
 plebe autem numerantur, quicunque
 nobiles sive equites non sunt, sive sint
 agricolæ, olitores, apiarii & pecuarii, si-
 ve opifices & operarii, sive caupones,
 propolæ, vectores, & mercatores, & sive
 in agris, quemadmodum superius atti-
 ginus, pagis atque vicis vitam degant,
 sive in oppidis & urbibus. Ac urbes qui-
 dē & oppida à mercatoribus, opificibus
 & propolis habitantur. Vici autē & pa-
 gi, & suburbana prædia, ab aratoribus,
 olitoribus, pecuariis & apiariis. Caupo-
 nes vero, molitores, operarii, vectores,
 jumentorūque locatores, utrobique sunt.
 Sunt autē aliquando meliore & liberio-
 re conditione urbani & oppidani, quā
 agrestes. Ac censum quidem annuum
 utrique dominis suis pensitant: verum
 agrestes & vicani plerique omnes, operas
 præterea gratuitas ad colendos eorum
 agrōs, & alios usus domesticos, non so-
 lum manuales verumetiam cum ju-
 mentis, ipsi, per se, vel per mercenarios
 & operarios suos præstāt. Nec alio cui-
 quam commigrare incōsulto domino
 licet: ita ut videantur esse glebæ adscri-
 pticæ, nec multū à servis differant, præ-
 sertim ut nunc sunt tempora. *Cmetes*
 seu *cmetones* vulgo vocantur. His autē
 dete-

deteriore conditione hortulani, qui hortos colunt. Vtriq; *ch^l.p* appellantur: Quam appellationem velut probrosam non fert nobilitas. Habent sane in eos domini vitæ necitq; potestatem; præter eos, qui ab incunte ætate literarum studiis sacrorum, quæ ministerio seise addixerunt. In plebe urbana non desunt, qui rem lautiorē per famulos & vicarios administrantes, & in ocio, honestioribus studiis, vel deliciis vacant. Multi lautius & sumptuosius vivunt. Atq; inde crescunt rerum pretia; & non pauci ex iis ad egestatem rediguntur. Et hætenus quidem de nobilitate & plebe. Iam de sacro sive ecclesiastico ordine. Quod ut planius fiat, de religionibus prius pauca attingamus. Christianam religionem Polona gens, abjecto semel impio demonum cultu, sexcentis amplius annis constanter retinet, religioseque colit, hæreticarum novationum insolens & impatiens ante nostram ætatem. Nuper adeo nostra memoria Lutherana primum, mox etiam Berengaria seu Calviniana labe à mercatoribus, & bonarum literarum studiosis juvenibus, levitate animorū & curioso studio novitatis inductis, peregre inuenta, multorum animos infectit. Quod olim quoq; de Hussitica &

Viclefica, extremis VVladislai Iagellionis regis, & primis filiorum ejus VVladislai & Cazimiri temporibus (cum horum juxta ac illius ætas contemneretur,) usu venire cœperat. Sed principum & episcoporum virtute, auctoritate, studio, ac diligentia, cæterorumque procerum pietate, gravitate & constantia, malum altius radices agere permissum non est. Itaque retinuerunt ii tunc cum prisca religione etiam dignitatem, auctoritatemque suam, & rempublicam. Quæ qui nunc vivunt, utinam posteris etiam suis relinquant! Iam autem non solum illæ, quas dudum memoravi, verumetiam Picardorum, Anabaptistarum, Ariænorum, Pneumatomachorum, Tritheitarum, Photinianorum, Ebionitarum, Recutitorum, & nescio quæ non pestes, prohi nefas, Poloniam, laxatis semel licentiæ habenis, agminatim invadunt, & prætextu, seu verius abusu libertatis, præeuntibus nonnullis de nobilitate, sibi quisque religionis magister, atque adeo rex & lex, esse incipit. Sed hæc alibi prolixius deploravimus. Præsi aliquanto posterius Christo nomina sedere: Citius autem & cupidius Lutheranum dogma amplexi sunt, urbani præsertim, & qui sunt Germanici
san-

fanguinis, propriè mercatorum & opificum Germanorum frequentiam & commercia, & lectionem librorum importatorum è Germania. Quum enim ea colluvies hominum quasi ad pileum vocata, semel ecclesiasticæ disciplinæ jugum excussisset, à magistratibus sive timore, sive perversa animi inductione, & ob jusjurandum præceptoribus suis in Germania datum, eodem inclinatis, non modo non repressâ est, sed magis etiam confirmatur & incitatur. Multi tamen adhuc pia majorum instituta retinent, præsertim ubi magistratus officium suum faciunt, alienum non usurpant. Masovi tenaciores antiquæ religionis & pietatis, à profanis novationibus ferme abhorrent. Abhorrent etiam Russi imprimis. Græcos autem hi sequuntur, quos ab initio religionis magistros habuere, & cum iis à nobis, hoc est, à Romanæ & catholicæ ecclesiæ consensu, sese per sacrilegum schisma præcidunt tanta pertinacia, ut nihil commune habere velint cum Latinis. Sic enim nos appellant, qui in cultu divino publice Latina lingua utimur, & cum sapientissimis & sanctissimis majoribus ipsorum, Græcorum juxta ac nostris, summam Romani Pontificis dignitatem & auctoritatem

in universo Christianorum & populorum
 coetu agnoscimus. Nec in multis prae-
 terea à nobis ii dissentiunt : & quidem
 ritibus & institutis ecclesiasticis magis,
 quam dogmatibus religionis. Vulgata
 autem divortia, quamvis levi de causa.
 Plurimi tamen ex iis, ex quo tempore
 Polonorum ditione tenentur, ad nos
 & Romanæ ecclesie societatem & in-
 stituta transierunt, eodemque eum ex-
 teris Polonis iure sunt. Armeni oppida
 quædam Russiæ Podoliæque incolen-
 tes, suis & ipsi ritibus suaque lingua in
 sacris utuntur. Non aliohorrent ii ta-
 men, sicut accepimus, à Romana eccle-
 sia & Romano pontifice : Qui Principi-
 patum ejus in universa Christi ecclesia
 agnoscant. Hebræi vero, quibus aliun-
 de pulsus, Russiæ & Lithuanix, ac totius
 fere Poloniæ oppida referta sunt, tuam
 retinent religionem : nisi forte super-
 stitio vel impietas ea potius dici debet.
 Teruntur etiam Tartari Ceremissi in
 uno aut altero oppido Podoliæ suis uti
 ritibus & impietate Mahometana,
 quemadmodum & Lithuanici. Quo-
 rum in delubro apud Srocos nihil præ-
 ter pileum turbinatum, qualibus vulgo
 ea gens utitur, in suggesto editiore po-
 situm, ante multos annos aspeximus. Sed
 mittamus barbaros incolas cum falsis
 suis

suis religionibus, & ad institutum no-
 strum revertamur. Tam apud Russos
 igitur, & Armenos, quam apud Polo-
 nos, qui Christi Dei ac magistri nostri
 institutis convenienter pietatem co-
 lunt antiquitus, certus est ordo eorum
 hominum, qui religioni sacrisque pecu-
 liariter moderantur & inserviunt, non
 genere, sed eorum, penes quos ejus rei
 potestas est antiquitus & jam inde ab
 temporibus Apostolicis (Episcoporum
 inquam) auctoritate, segregatione, &
 initiatione sive consecratione, à cate-
 tra omni multitudine distinctus: queni
 sacrum & ecclesiasticum & spiritua-
 lem dici supra memoravimus. In quo
 non modo episcopi & sacerdotes, ve-
 rumetiam ceteri sacrorum admini-
 stri, & monachi monachæque cen-
 sentur, è plebeio juxta ac equestri or-
 dine allecti. Vtrisque enim antiquitus
 jam inde ab initio patuit aditus ad
 hunc ordinem. Patrum demum aut
 avorum nostrorum memoria ab epi-
 scopalibus nō tam functionibus quam
 sedibus, & primariis quarundam opu-
 lentiorum basilicarum, sive ecclesia-
 rum, ut vulgo vocant, cathedralium
 honoribus, quæ prælaturæ & canoni-
 catus dicuntur, plebeii (theologis, jure-
 consultis, & medicis aliquot exceptis)

excludi cœpere. Quod jam ad Abbacias quoque & monasteria (ubi ex professio mundana omnia abdicantur) inducitur. Secernitur etiam sacer ordo vestitu & cultu corporis à cætera multitudine: Sed & inter se non modo à cæteris sacerdotibus episcopi, & ab utrisque monachi, verumetiam ipsæ inter se monachorum & monacharum sectæ, partim figura, partim colore vestium, partim toto vitæ instituto distinguuntur. Quæ quoniam communia sunt Polonis cum cæteris Christianis populis, persequi hic prolixius necesse non est. Proinde distinctis ordinibus, reliquam rei familiaris Polonica rationem paucis concludamus.

Res nummaria Polonia.

In magna rerum omnium copia, ut sit, major aliquanto fuit superioribus temporibus, quam nunc est, argenti & auri, rei que nummarie penuria, præsertim cum auri & argenti metalla nulla extarent, & minus nota essent nostris majoribus transmarina mercimonia. Neque proprium habebant numum Poloni, sed externis & maxime Boëmicis usi sunt aliquandiu. Cœpit deinde ante ducentos, ni fallor, annos à Casmiro Magno rege æs & argentum signari

signari ad exemplum Boëmorum. Aureos vero numos primus omnium Sigismundus rex, hujus Sigismundi Augusti pater, nostra memoria signavit, bonitate & pondere Vngaricorum. Tametsi Alexandri quoque fratris ejus aureum numum vidimus. Sic autem crevit jam auri pretium, ut pro duplo carior nunc sit aureus numus, quam fuit avorum nostrorum memoria. Id adeo, partim propter luxum, & crebriorem auri usum, exportationemque ad exteros, partim quia deterior nunc esse fertur reliqua moneta, cum ponderis diminutione, tum aris admixtione. Est autem ea multiplex. Ac grossius quidem argenteum numisma est cum admixto ære, olim vicesima octava, nunc quinquagesima secunda vel tertia, imo jam quarta & quinta pars aurei Vngarici, sexagenæ sive copæ sexagesima, marcæ quadragesima octava, floreni tricesima, fertonis duodecima, scoti vero dimidia. Sic vulgo dicuntur pondera sive genera, quibus pecuniam numeramus & computamus. Sunt & minores grosso numi. Medians quidem grossi dimidium, nona fere parte superans cruciatum Germanicum: Sed jam exæquatus. Solidus tertia pars grossi, ternarius sexta, obolus

lus vero decima octava. Atque hi quidem nunc ærei sunt inalbati: Superiori tempore habuerunt admixtum argentum, ut etiam nunc habent grossi & mediantes. Argentei vero sunt trigrossi ac segrossi. hic quidem sex, ille vero tribus grossis æstimatione par. Utumque primus signavit Rex Sigismundus senior. Sed jam pauci extant. Exportantur enim, & conflantur ab avaris Iudæis, mercatoribus, & argentariis apud gentes finitimas. Permagnum est autem etiam nunc apud nos usus externæ monetæ, quæ pro mercibus undelibet importatur.

Commercia Polonorum.

Magna sunt enim nunc, si unquam alias, Polonis variarum rerum cum exteris gentibus commercia: quanquam commutatione mercium permulta peraguntur. Exportantur autem in primis siligo, triticum, hordeum, avena, & alia legumina, linum, lupulus, coria boum, sebum, alutæ, mel, cera, succinum, pix, cinis, mali, assères, cæteraque materies fabricandis navibus & ornandis domibus apta: Cerevisia quoque & herba quædam tingendis lanæ & serico idonea. Iam vero & boum, vervecum & equorum permagna vis

non modo finitimis, verumetiam remotioribus populis suppeditatur. Ac equi partim propter pernicitatem & laboris incommodorumque tolerantiam, partim propter molliorem incessum à remotioribus etiam populis expetuntur. Importantur autem vicissim aliunde panni, non modo sericei & aurei, sed etiam lanei lineiq; subtiliores, aulae, tapetes, & alia parietum, equorum & hominum ornamenta, quorum opificia minus exquisita sunt apud Polonos, licet non desit materia, & aliis gentibus suppeditetur. Margaritæ item & gemmæ. & pelles sabelinæ, pantherinæ, sive lupicervariæ, hermelinæ, mardurinæ, murium ponticorum, vulpinæ, lupinæ, ursinæ, & aliarum ferarum, quarum maiorem copiam produciunt interiores septentrionis orientisq; sylvæ. Husiones quoque sive mariani, & haleces, & alia balsamata, & vento vel sole durati pisces marini. Adhæc argentum, æs, orichalcum, & chalybs, cum facta, tum infecta. Boun etiam copiam auget uber pascuis Valachia, sive Moldavia, & Bestaria: sicut equorum Vngaria. Vina plurima ex eadem Vngaria & Moravia: Ex Austria, Rhetia, Slavonia, Italia, Creta, & Græcia, importantur etiam, sed pauciora.

Gedanum autē , Renense, & Gallicum, & Hispaniense , Canariense quoque & Creticum navibus advehitur. Porro aromata , & varia eduliorum condimenta atque cupediæ , quæ una cum vino, & pannis aureis ac sericis , gentem hanc atque regnum vehementer exhauriunt, de longe ab oriente & occidente importantur. Harum autem rerum atque mercium exportandarum & importandarum commercia sunt Polonis , maritima quidem cum accolis sinus Venedici & Oceani Germanici , Pomeranis , Mechelburgensibus, Holsatis, Danis, Frisiis, Hollandis, Brabantis & aliis Belgis, Gallis, Livonibus, Moschis, Sueonibus sive Suetis, Norvegiis, Anglis , Scotis , Hispanis etiam & Lusitanis. Itemque per Pontum Euxinum cum gentibus Turcicæ ditionis: Terrestria vero cum Germanis , Moravis , Silesiis , Boëmis , Vngaris , Italis , Moldavis , Moschis , Armenis , atque Turcis. Sed jam hunc librum claudamus , altero Reipublicæ Polonæ rationem descripturi. Ac primum quidem de Magistratibus & muneribus publicis persequemur : deinde vero judiciorum , comitiorum & belli rationem explicabimus : sic tamen , utrobique ut Prussios ad calcem operis

operis vitandæ perplexitatis causa re-
servemus.

P O L O N I Æ

M A R T I N I C R O M E R I

L I B E R A L T E R .

De Republica & Magistrati-
bus Polonorum.

Princeps.

DE tribus primis & simplicibus
rerumpublicarum formis,
quæ vel unius, vel paucorum
imperio, vel multorum om-
niumve quadam æquabilitate juris
continentur, unius principatum Polo-
ni semper, præter duo quadam tempo-
ra, de quibus in historia memoravi-
mus, amplexi sunt, bonis plerunque &
moderatis, & à tyrannide alienis usi
Principibus. Fuitque contenta Polonia
Principis sive Ducis nomine, & impe-
rio, donec Otto III ejus nominis Im-
perator Romanus Botellauum cogno-
mento Chrobrum (Chrabrum vulgo
vocant) paulo post susceptam religio-
nem Christianam, hoc est, anno post
Christum natum millesimo & primo,
regio diademate & honore dignatus
est.

est. Nec tamen ultra quartum regem tunc is honos mansit apud hanc gentem. Nam post alterum Boleslaum, prioris illius pronepotem, ducentis amplius annis, Principes Polonorum regio nomine abstinerunt. Deinde vero anno Christi 1295 revocatum & renovatum id in Præmisso, manet in hanc diem: Et quidem ad externos plerumque liberis liberi populi suffragiis delatum, cum antea Poloni externum Principem non habuissent: Ac neque ex alia familia per quadringentos amplius annos, quam ex ea, quæ à Biaſto duxit originem. A centum & amplius octoginta annis regnavit perpetua successione Jagellonia magnorum ducum Lithuaniae progenies. Non hæreditatio tamen, sed electionis jure. Fuit autem initio liberior dominatus principis, & nullis propemodum legibus adstrictus, infinitam non modo omnium rerum, sed etiam vitæ necisque omnium potestatem habens. Post susceptam vero publice religionem Christianam, temperari ea cœpit primum piis monitis atque doctrina episcoporum & sacerdotum, (quorum permagna erat dignatio & auctoritas in rudi etiam tum & literarum experti populo,) ac cæterorum Christianorum populorum imitatione

& moribus: deinde vero bellatricis nobilitatis meritis & obsequiis, fortalis autem & contentionibus, multa de suo jure remittentibus & indulgentibus equestri ordini regibus & principibus. Nunc sane angustis finibus regia potestas in sacrum & equestrem ordinem, & utrique subjectos homines atque bona, circumscripta est. Ac in sacerdotes quidem jam inde ab initio susceptæ religionis Christianæ rex nihil proprius juris habet. De equitis vero capite & fama non nisi in Comitibus cum Senatu judicat, certis aliquot causis exceptis. Senatu autem inconsulto, neque bellum cuiquam facit, neque foedus publice cum quoquam icit, neque tributa, vectigalia, ac telonia nova instituit, neque alienat quicquam de bonis regni, neque rem ullam majorem ad rempublicam pertinentem statuit aut facit. Porro leges novas condere, pecuniam extra ordinem publice imperare, moneta signare, successorem sibi designare, ne cum Senatu quidem potest absque consensu cæteræ nobilitatis, siue equestris & militaris ordinis: De quo fere Magistratus etiam publici & Senatores leguntur: ita ut penes eum ordinem nunc sit propemodum summa reipublicæ. Itaque nunc regnum

& respublica Polonorum à veteri Lacedæmoniorum , vel hujus temporis Venetorum , reipublicæ ratione non multum differt. Ius creandi regis penes Senatum est, de quo paulo post dicemus. Atque id etiam equester ordo sibi vindicare cœpit, ita ut tum demum in eo ratum sit senatus judicium, si assentiatur cætera nobilitas. Non temere tamen disceditur à stirpe regia rascula, si qua extat. A novo Rege jusjurandum exigitur in hanc sententiam, Quod secundum leges & instituta majorum regnaturus sit, & suum cuique ordini & homini jus privilegiumq; & beneficium, à prioribus Regibus collatum, saluum conservaturus, neque de regni finibus & bonis quicquam diminuturus, quin amissa etiam ab aliis pro virili sua recuperaturus. Vicissim autem senatus omnis in verba ejus jurat. Inauguratur autem (si tamen hoc verbo uti fas est) olim quidem in Gnesnensi, nunc vero in Cracoviensi basilica, ritu solenni Christianorum, ab archiepiscopo Gnesnensi sacris operante, ac duobus proximis episcopis: unctusque inter scapulas sacro oleo ante aram maximam, ubi etiam sacrosanctam Eucharistiam venerabundus accipit, & corona aurea redimitus, accepto

cepto in dextram sceptro & in lxxviii
pomo aureis, in editiore folio ex tem-
pore præparato collocatur, omnibus-
que rite peractis coronatus in regiam
reducitur. Postridie pompa itidem so-
lenni coronatus in forum urbis equo
vehitur, senatoribus equestribus, epi-
scopis quidē pone sequentibus, profa-
nis vero antecedentibus longo ordine.
E quibus tres primores pomum, sce-
ptum & strictum gladium proxime ei
præferunt. Ibi erectum ex tempore ta-
bulatum sublime cum iis pedester con-
scendit, & in editiori folio collocatur.
Sedentem senatus paulo inferior ordi-
ne circumfidet. Deinde assurgens ille,
versus quatuor mundi partes gladium
vibrat, rursumque residens, ejus con-
tactu sive leni ictu inter scapulas cujus-
que, nobiles & equites auratos creat:
quod perinde est, ac si baltheo militari
donet. Urbani autem & oppidani ma-
gistratus in verba novi regis jurant. In-
de rite peractis omnibus, in arcem cum
eadem pompa reditur, & festis epulis
indulgetur. Nec multo diversa est regi-
næ inauguratio: quæ sit præsentē, de-
ducēte, & postulante pro ea rege.
Deducit autem eam coronatam etiam
ad forum rex ipse quoque coronatus
cum simili pompa. Sed non juratur in
verba

verba reginæ, nec ei defertur ulla potestas aut iurisdicção.

Vestigalia regia.

Vestigalia Principis aliquanto luculentiora & ampliora olim fuere, quam nunc sunt. Pensitabant enim ei omnes agrestes & adscriptitii quotannis tributum *porelline*, quod nos rastrale dicere possumus, (regale etiam vocatur) in iugerum, seu laneum & mansum, ut vulgo vocant, duodenos grossos, & quidem latos sive Pragentes: qui dimidio eos, qui nunc sunt in usu, grossos vernaculos excedunt. Quin si bonitatem & pondus argenti spectes, quadruplo, quemadmodum earum rei unipeniti affirmant, melior tunc erat grossus quam nunc est. Pensitabant & alias quasdam cum numarias, tum pecunarias, frumentarias, avenarias, & aliarum rerum pensiones: Nec modo agricolæ, sed & oppidani: Quin & equites sive milites non penitus immunes erant. Et iumenta autem hi ei, quacunque iter faciebat, alii secundum alios suppeditabant, & canes cum venatoribus ejus alere necesse habebant. Ne monastica quidem & alia ecclesiastica bona initio prorsus erant libera ab huiusmodi oneribus ac tributis: quorum appellationes videre

videre licet in vetustis Principum diplomatis: Nempe Przewod, Povvos, Stoza, Stan, Povvolove, Targove, Crova, Podvvodii, Voginia, Narzas, Sep, Podvvorove, Opolie. Liberæ autem Principi erant ubique piscationes atque venationes: Aliis non erant, ne in suo quidem cuiquam fundo, abique peculiari Principis indulgentia. Multæ quoque maleficiorum Principi dependebantur. Quæ cum ita essent, cumq; permagna esset rerum omnium ad victum pertinentium vilitas, & necdum maritima cum externis populis commercia extitissent, aut vulgata essent, non distrahebantur fruges & alii fructus prædiorum Principis. quæq; expensionibus in cellam eius comportata erant, neq; ad unum aliquem totius regni locum (quod non sine gravi agrestium pressura futurum erat) convehiebantur: sed in præfecturis attēvabantur. Cunque ad officium Principis pertinere estimaretur, non desidem & uni alicui loco affixum hæere, sed obire omne regnum, & fines ejus tueri, omnium usibus sese exponere, querimonias afflictorum audire, jus dicere, tenuiores à potentiorum injuriis vindicare, quoquo is venerat cum equitatu & comitatu suo aulico, ejus præfecturæ fructibus &

proventibus alebatur, quoad ei manere ibi libuisset, opusve esset, sive quoad horrea cellarumque sufficerent, seu denique descriptis cuique praefecto, pro ratione praefecturae & proventuum, certis temporum spatiis. Atque hoc illud est, quod scriptores quidam externi rerum Polonicarum imperiti ante nostram memoriam in eam partem acceperunt, & literis mandarunt, quasi rex Polonus egestatis causa regnum suum obire perpetuo necesse habeat, quo à suis hominibus quasi precario sustentetur. Cæterum postea cum Principes vel certo se loco continere, vel bellis distenti peregre diutius abesse coepissent, distrahi coepere fructus praediorum, qui praefectorum cum sua cuiusque familia moderatis usibus superessent. Remissa sunt deinde Principum beneficentia sacro equestri ordini, & utriusque adscriptitiis & subditis pleraque omnes pensiones & onera. Nunc sane equestris & ecclesiastici ordinis homines nihil Regi pensitare necesse habet. Ac ne oppidani quidem eorum, aut agrestes adscriptitii, praeter binos grossos vernaculos de manso, sive laneo (quæ idem sunt) pagano, & eo quidem solo, quem adscriptitius ipse sibi colit. Nam qui sacerdotibus & equitibus colun-

tus,

tni, itemque suburbani & scultetorum
 (de quibus post attingemus ag.) ab ea
 quoque pensione immunes sunt. Ne
 subseruiunt quidem Principi sacerdo-
 tum & equitum homines agrestes &
 oppidani, præterquam ad arces tempo-
 re belli reficiendas, atque etiam novas,
 si id à senatusconsulto fiat, condendas.
 Non ita pridem Abbates & Præpositi
 monasteriorum certas pensiones, quæ
 Stationes vulgo dicuntur, Regi denuo
 pensitare cœperunt. Adscriptitii quo-
 que ipsorum ad colendos Principi a-
 gros, subvectiones, & pensiones quas-
 dam frumentarias revocantur, quo
 præfectorum regionum præsidio tutio-
 res sint ab injuriis improborum. His
 autem exceptis soli præfecturarum ad-
 scriptiti, in suis quique præfecturis a-
 gros colendo, & vestigalia pensitando,
 rem familiarem Principis sustinent:
 Quæ nunc tamen aliquanto exquisi-
 tius curatur, quam olim. Habet is et-
 iam è metallis mediocri vestigal. In iis
 autem conductitiarum operarum usus
 est: Quarum impensa deducta, reli-
 quam cedit Principi. Omnium vero
 metallorum in Polonia fructuosissimæ
 sunt salinæ. Sed habet in iis equester
 ordo hanc prærogativam, ut in usum
 suum domesticum, statis anni tempo-

ribus aliquanto minoris erat saltem quam cæteri homines. E teloniis quoque mercium & vectorum provenit vectigal Principi. Cæterorum hominum nemo jus ullum habet instituendi & exigendi telonii, præter peculiarem regis indulgentiam: idque ob necessariam extra ordinem sefectionem viarum, pontium, & aggerum. Cæterum naulum à trajectu fluminum in suo cuique solo instituire licet. Duplex autem est telonium: vetus & novum. Ac vetus quidem exile est, quod ab iis penditur, qui intra fines regni negotiantur. Novum vero majus aliquanto, quod boum, equorum, coriorum, frumenti, lanæ, ceræ, sebi, & aliarum mercium, quæ ad exterarum oras exportantur, & earum, quæ aliunde importantur, nomine penditur. Vtriusque immunitatem habent ecclesiasticus & equester ordo, modo ne mercaturam quis exerceat, hoc est, venum ea exportet, quæ ipse aliunde emerit, ac non de suo pararit. Si quis tamen boves emptos suo pabulo & frumento per hyemem aluerit, perinde habetur, ac si domi ejus nati sint. Publicæ quoque civitates nonnullæ habent immunitatem veteris telonii. De novo fuit superiori tempore controversia inter equestrem ordinem atque

atque regem. Hæc igitur nunc sunt perpetua Principis vectigalia: Quæ diltrahere, aut addicere cuipiam jure hereditatio, Alexandri regis lege prohibetur. Atque ea lex neglecta post, & ante paucos annos acerbius revotata, multos conturbavit, & non exiguos motus excitavit: qui nondam prius sopiti sunt. Extra ordinem nihil à quoquam, nisi forte à Judæis, regi pensatur. Ex his autem vectigalibus is eum domestica familia sua se sustenat. inde comitatui suo aulico stipendia præbet: inde in legationes, dotes, & elocationes filiarum, arcium præsidia & sartatecta, viarum publicarum refectio- nes, machinas & apparatus bellorum, præmia bene merentium de se ac republica, & in alios usus impendit: inde & senatoribus fere, ac magistratibus publicis, & nonnullis sacerdotibus, certi ac perpetui redditus antiquitus constituti sunt, partim pietate & beneficentia Principum attributi, partim accepto in usus necessarios pretio venditi. Et hætenus quidem de Principe sive Rege ac vectigalibus ejus. Iam de legibus.

De Legibus Polonia.

Legum scriptarum nullus fuit usus apud Polonos vetustioribus temporibus:

bus: Nec ullæ extant antiquiores iis, quas Cazimirus Magnus rex condidit: Quæ sane pauculæ sunt. Nec multæ iis à filiis ejus Ioanne Alberto & Alexandro adjectæ sunt. Extremis demum fere temporibus Sigismundi senioris, & regnante filio ejus Sigismundo Augusto, magis ac magis exarsit & longius progressus est pruritus & libido novarum legum condendarum, & antiquiorum mutandarum. Quo fit, ut hæ propemodum exolecant, novæ autem vix, aut ne vix quidem inolecant; sed utræque, hæ quidem novitate, illæ vero vetustate sua, in contemptum vulgo veniant, maxima reipublicæ perniciæ. Earum autem condendarum potestas est simul penes regem, senatum, & nuncios nobilitatis; nec nisi in comitiis. Statuta regni vocantur. Priscis temporibus viva lex erat Rex sive Princeps: Qui cum unus in tam amplo regno omnia neque præstare, neque providere, ac ne judiciorum quidem difficultates recte explicare possit videretur, & lubricus autem proclivisque ad tyrannidem gradus in summa potestate esse soleat, adhibiti sunt ei Senatores sive Consiliarii, qui & consilia actionesque ejus ad salutem reipublicæ, & iudicia ad iustitiæ & æquitatis trutinam

nam dirigerent, & monitis consiliisque salubribus, quasi vivis quibusdam legibus, pro re nata cum animus ejus informarent, tum potestatem modificarentur.

Senatus Regius.

Hic est Senatus Regius, multo amplior modo, quam olim: certo hominum numero constans, quos Senatores & Consiliarios regni appellamus. Qui non nisi jurati ad hoc collegium & ad consilium admittuntur. Et perpetuum est hoc munus quoad vivit quisque, certis annexum honoribus & magistratibus, partim ecclesiasticis, partim profanis. Sunt autem in Senatu antiquitus Archiepiscopi duo, septem Episcopi, Palatini quindecim, Castellani quinque & sexaginta. Archiepiscopi sunt, Gnesnensis in majore Polonia, Leopoliensis in Russia. Episcopi vero sunt, Cracoviensis in minore, Posnaniensis in majore Polonia: VVladislaviensis in Cuiavia & Pomerania, qui tamen jam à certo tempore Posnaniensem loco antea: Plocensis in Mavsovia: In Russia Præmissiensis & Chelmenensis: Camenenensis in Podolia. Qui omnes, quo ordine nunc à nobis enumerati sunt, eum perpetuo servant in

senatu dicendaque sententia, & in publicis celebritatibus. De Prussicis suo loco dicemus. Sunt quidem præterea tres Russici & Græci schismatis episcopi in Russia, quos ipsi Russi VVladicas vocant, nimirum Leopoliensis, Præmissiensis, & Chelmenensis: qui una cum sectatoribus suis, & aliis Russicis itidem episcopis, qui sunt in ditione Lithuænica, à Kioviensi metropolita, & à Patriarcha Constantinopolitano, quod ad religionem & iniunctiones attinet, dependent. Habent & Armeni suum episcopum. Sed neque hic neque Russici pertinent ad regium consilium. Superioribus sæculis, cum latius paterebant versus occidentem solem fines Poloniæ, VVratislaviensis quoque & Lubussensis episcopi, & Camenensis, in senatu sua loca habebant: Atque etiam nunc duo priores in provincia Gnesnensi, censentur. Et nostra memoria habuit uterque certa bona in Polonia. Nunc Camenensis episcopatus in ducum Pomeraniæ, Lubussensis in Marchionum Brandenburgensium faucibus, VVratislaviensis in regum Boëmiæ ditione est. Secundum episcopos in Senatu sunt Palatini, hoc ordine: Cracoviensis & Posnaniensis, alternis vicibus inter se priora & posteriora habentes loca

loca & suffragia: Deinde Sandomirien-
sis, Califfiensis, Siradiensis, Lencicien-
sis, Brestensis, VVladislaviensis, sive
Iunivvladislaviensis, Leopoliensis sive
Russiæ, Podoliæ, Lublinensis, Belten-
sis, Plocensis, Masovix, & Ravenfis.
Castellani, Cracoviensis, Voiniciensis,
Sandecensis, & Bieccensis in Satrapia si-
ve Palatinatu Cracoviensi: Poshnien-
sis, Medireccensis, Rogoshensis, Sremen-
sis, Pramentensis, Crivinenfis, & San-
tocensis in Poshnienfi: Sandomirien-
sis, Villicienfis, Radomienfis, Zavicho-
stensis, Zarnoviensis, Malogostensis,
Polanecensis, Cechoviensis in Sendo-
mirienfi: Califfiensis, Gnesnensis, Lan-
denfis, Naclensis, Biechoviensis, Ca-
menensis in Califfienfi: Siradiensis, Ro-
spirenfis, Spicimirienfis, Velunensis &
Conariensis in Siradienfi: Lenciciensis,
Brezinensis, Inovvlodensis, & Cona-
riensis alius in Lencicienfi: In Brestenfi
Brestensis, Crusuiciensis & Covalienfis:
In Iunivvladislaviensi Iunivvladila-
viensis, Bydgostienfis, & Conariensis
item alius: itemque Dobrinensis, Ripi-
nensis, & Slonnensis in terra Dobri-
nensi: In Russia Leopoliensis, Præmi-
slienfis, Haliciensis, Sanocensis & Chel-
menfis: In Podolia unicus Camene-
ensis: In Lublinenfi item Lublinensis:

In Belfensi Belfensis : In Plocensi Plocensis, Racianzensis & Siepercensis: In Masovia Cyrnensis, Viznensis, Varšavienſis, Viſſeogradenſis, Zacroci menſis, Ciechanoni enſis & Livenſis: In Ravenſi Ravenſis, Sochaciovi enſis, & Coſtinenſis : In Sileſia unus Oſuincimenſis: Palatinum ea non habet. Ex his Caſtellanis qui primi in unaquaque ſatrapia modo à nobis enumerati ſunt, eum inter ſe ſervant ordinem, quo Palatinos recenſuimus, excepto Cracovi enſi, qui ex quodam tempore Palatinos omnes loco ſuffragioque anteit. Voinici enſis item & huic proximus Gneſnenſis prærogativa quadam inter Califfienſem & Siradienſem Caſtellanos interjecti ſunt. Cæterorum hic eſſe legitimus ordo exiſtimatur, ut Ravenſi, qui ſuperiorum extremus eſt, proximus ſit Sandecenſis: deinde Medirecenſis, Viſlicienſis, Biecenſis, Rogoſnenſis, Radoni enſis, Zavichoſtenſis, Landenſis, Sremenſis, Zarnovi enſis, Malogoſtenſis, Velunenſis, Præmiſſienſis, Halicienſis, Sano cenſis, Chelmenſis, Dobrinenſis, Polanecenſis, Prementenſis, Crivinenſis, Eechovi enſis, Naclenſis, Roſpirenſis, Biechovi enſis, Oſuencimenſis, Brezi nenſis, Cruſuici enſis, Bydgotti enſis, Camenenſis, Spicimirienſis, Inovvlo denſis,

denſis, Covalienſis, Santocenſis, So-
chaciovienſis, Goſſinenſis, Viznenſis,
Varſavienſis, Racianzenſis, Siepercen-
ſis, Viſſegrodenſis, Ripinenſis, Zacroci-
menſis, Ciechanovienſis, Livenſis, Slo-
nenſis: extremi tres Conarienſes: In
quibus primum locum is, qui eſt in Si-
radienſi ſatiapia, medium qui in Len-
cicienſi, ultimum qui in Inovvladiſſa-
vienſi, obtinet. Sunt item in Sena-
tu Magiſtratus quidam & adminiſtri
Principis, quos Officiales regni vocant:
Nempe Mareſcalcus, qui magnus dici-
tur Cancellarius, Procancellarius ſive
Vicecancellarius, ac Theſaurarius. Eſt
etiã unus de magiſtratibus aulicis,
ſed curiæ Principis, Mareſcalcus curiæ.
Putantur etiã duo Præfeſti ſeu Capi-
tanei, nempe majoris Poloniæ, & Cra-
coviienſis, ad conſilium pertinere. Sed
perraro uſu venit ut ii non aliquo alio
honore Senatorio præditi ſint. Horum
autem omnium magiſtratum loca &
ſuffragia in conſilio ſunt ſecundum Ca-
ſtellanos eo, quo hic à nobis conſcripti
ſunt, ordine. Niſi ſi quo alio emin-
tiori honore ii cohoneſtentur: Quod
ſit plerunque. Hoc igitur eſt Conſilium
publicum apud Polonos, & Senatus
regius ſive regni, ſex & nonaginta con-
ſiliariis conſtans: Quorũ alii vocantur
majo-

maiores, alii minores consiliarii. Sunt autem maiores Archiepiscopi, Episcopi, Palatini, primarii aliquot satrapiarum Castellani usque ad Siradiensem fortassis: Ceteri omnes minores: qui posterius in consilium adhiberi ceperunt: & excluduntur nonnunquam à consiliis secretioribus. In hoc senatu censentur etiam Prusici consiliarii. Verum de his & omni republica Prusica separatim posterius persequemur. Accessere nuper (posteaquam hæc nos conscripsimus) & Lithuanici, cum antiqui, tum quos Sigismundus Augustus Rex ad numerum eorum adiecit. Eos quoque alii loco reservabimus. Porro Secretarii admittuntur quidem & ipsi iurati in Senatum, sed, ut auditores modo, & quasi seminarium quoddam senatus: Neque locum habent in consellu consiliariorum, neque dictionem sententiæ. Ex his autem unus primi si-
ve majoris Secretarii nomen & honorem obtinet, de quo plura paulo post: Duo referendarii siue supplicum libellorum magistri sunt. Putantur & succamerarii aditum habere ad locum habendi senatus, claudendi & aperiendi officii causa, idque in suo tantum quilibet territorio. Iam & Senatorum, primariorum præsertim, filios adolescentes
admitti

admitti in Senatum, non inusitatum est. Quanquam solent & ii sacramento adigi in numero secretariorum, quo liberius intersint consiliis. Convocantur autem Senatores à Principe ad consilium: præsentem quidem quoties opus est: qui vero longius absunt, non nisi arduis de causis, utpote ad comitia, vel celebritatis alicujus gratia, nimirum ad nuptias Principis, seu liberorum ejus, aut si quis socius & obnoxius regno dux in verba Principis juraturus sit. Cum iis vero, qui adsunt, Princeps pro re nata consultat. Nisi forte res gravior ac difficilius incidat, quæ plurimum consilio & consensu sit explicanda, velut de indicendis comitiis. Tunc enim absentes singuli per epistolas regias consuluntur, majores præsertim. Atque hæc de genere, numero, ordine & officio senatorum sive consiliariorum regni susceperint, si unum illud addiderimus, quod subserviunt ii quoque Principi & reipublice quoties opus est; domi quidem in judiciis, cum aliis, tum recuperatoriis, quas commissiones vulgo vocamus, foris autem in legationibus obeundis, aut si quid aliud publice cum dignitate peragendum est. Cum autem ii certis magistratibus & ho-

& honoribus præditi sint, habent etiam præter commune senatorium munus, curamque totius reipublicæ, peculiaria officia pro diversitate magistratuum sive honorum attributa. Ac archiepiscopi quidem & episcopi officia quæ sint, nemini Christiano incognitum est: Nec ullum ii peculiare habent in Polonia, præcæteris nationibus: Nisi quod Archiepiscopus Gnesnensis perpetua quadam Pontificis Maximi legatione fungitur, & legatus natus sedis apostolicæ appellatur. Quo nomine ampliorem habet jurisdictionem: de qua suo loco attingemus. Habet etiam primatis honorem ab eadem sede apostolica, absque eo, quod antiquo gentis instituto & prærogativa primas regni, & princeps senatus. Proinde penes eum est potestas indicendi comitia, convocandi senatum, senatusque consultum definiendi & edicendi, absente Rege, & regno vacante. Sed nos institutum nostrum persequamur. Palatini munera sunt, esse ductorem copiarum, sive satrapæ in expeditionibus bellicis: indeque nomen habet lingua vernacula, ut Voievoda dicatur, quasi dux belli, sive copiarum. Palatinus autem dicitur Romanorum imitatione, apud quos suo imperatoribus non obscurum erat nomen

nomen honosque Comitum Palatinorum. Porro in pace, Palatini est, in sua cuiusque satrapia conventus nobilitatis instituere, iisque, & iudiciis præsidere: pretia rebus venalibus præter tempus comitiorum & belli imponere: ponderrum & mensurarum curam gerere: ludæorum quoque patrociniū & iudicia ad Palatinū pertinent. Castellani quasi legati sunt Palatinorum, ductoresque & præfides nobilitatis sub suo quisque Palatino. Appellantur autem Castellani etiam vernacula lingua mutuato à Latinis vocabulo, à castellis sive oppidis, eorumque territoriis, quæ singuli singula habent attributa: non quod dominatum, iurisdictionem, aut curationem in eis habeant, sed legationem tantum bellicam, cujus modo fecimus mentionem: plerique etiam certos redditus anniversarios. Indeque suam quisque denominationem sumit, videlicet, ut Voiniciensis vel Sremensis, vel alius cuiuspiam loci Castellanus vocetur. Vocantur etiam persæpe nomine vernaculo domini, loci appellatione in *ki* vel *ski* syllabam deflexa, verbi gratia, pan Pohnanski, pan Ploski. Solus autem Cracoviensis Castellanus, præter nomen & redditus, nihil habet commune cum aliis: Sed liberum is honorem

rem habet, absque ullo prorsus mune-
re, præter commune Senatorium: Tam
Palatinum autem, quam Castellatum,
leg. esse non licet quenquam in ea sa-
tapiā, in qua nullum proprium habet
fundum seu bona terrestria. Vocan-
turque ii utrique vulgo communi vo-
cabulo dignitarii, quasi dignitate &
honore præditi, addito fere iatrapiz
seu terræ nomine.

Magistratus & Officia'es Regni.

Magistratus vero sive officiales re-
gni ab officiis, & functionibus quibus-
dam publicis, quibus funguntur, ad
universam rempublicam pertinenti-
bus, hanc sumunt communem appel-
lationem. Nam peculiaris eorum no-
mina superius jam indicavimus. Qui-
bus singulis R E G N I nomen adun-
gitur, ut, verbi gratia, Marescalcus &
Cancellarius regni dicatur, eodemque
modo cæteri. Officia vero singulorum
hæc sunt:

Marescalcus quidem magister est au-
læ regis, & adn. inister consilii publici,
penes quem jus est convocandi sena-
tum iussu Regis, vel primatis, præstan-
di silentium & audientiam, faciendi
potestatem dicendæ sententiæ, legatos
externos introducendi, ejiciendi & con-
silio;

filio eos qui ad id non pertinent, pronuntiandi decreta regia in causis infantie & capitalibus, promulgandi ad populum senatus consulta, moderandi pompis publicis, hospites illustres suscipiendi, compescendi motus inquietorum atque turbulentorum non modo circum senatum & in publico, sed etiam in privatis Principis cœnaculis & habitaculis, animadvertendi in delicta, quæ in loco & oppido domicilii sive hospitii regii, vel comitiorum admittuntur, denique in comitiis & in comitatu regio divertoria distribuendi, & imponendi rebus venalibus pretia, unde etiam vectigal seu tributum forale ipsi proveniat. Marefcalci etiam est, in aulicum regis comitatum & administratos mensæ regie, aliorumque numerum aulicorum, profanos præsertim, jurisdictio, censura & animadvertio: eoque gestat is in publicis conventibus, & regi in propatulum prodeunti præfert erectum sceptrum ligneum sive baculum.

Cancellarius & Vicecancellarius, nominibus & loco distincti, sed potestate & munere æquati, diplomatis, edictis, mandatis, epistolis, & aliis scripturis regis conscribendis atque signandis, quæque ad eum mittuntur acci-

piendis & legendis præsumt. Itaque in potestate sua habent signa regia, Cancellarius quidem majus, Vicecancellarius vero minus. Autoritas eorum eousque patet, ut multa inconsulto Principe signare: quæ vero contra leges esse videntur, jubenti illi negare possint. Dant etiam responsa regio nomine, & quibus de rebus consilium haberi debet, in Senatu proponunt: denique senatus consulta, regiaque & comitialia placita ac decreta literis mandant, & in publicum edunt. Sunt etiam incognitores privatarum querimoniarum, & provocationum ab urbanis & oppidanis, præfectorumque judiciis, ad regium tribunal devolutarum: Secretariis, scribis, sacerdotibus, concionatoribus, & cantoribus aulicis ceremoniisque ecclesiasticis moderantur: is præsertim qui est de sacro ordine. Lege enim, quamvis non antiqua, alterutrum ex iis sacri, alterum profani ordinis esse oportet, cum antiquitus soli fere sacerdotes eo munere fungerentur. Sunt autem ii in proximâ expectatione honorum sui uterque ordinis. Sed neque sacerdoti cum episcopatu, exceptis Præmissiensi, Culmensi, Chelmensi & Camenecensi, neque profano siue seculari cum ullo Palatinatu vel

Castel-

Castellania retinere munus hoc licet, præter peculiarem indulgentiam, aut conniventiam: est autem usitatum, ut de Vicecancellario fiat Cancellarius, propter loci & sententiæ dicendæ prærogativam.

Thesaurarius ipso nomine indicat munus suum. Est enim promus & condus thesauri regii; symbolorum sive insignium regni, quæ sunt, corona, pomum, sceptrum, & gladius; suppellestilis & redituum regionum, scripturarumque & monumentorum publicorum: auctor & moderator quorumvis quæstorum, curatorum, atque dispensatorum Principis, & rationum reddendarum exactor, monetariæ officinæ magister: stipendiorum tam militarium quam aulicorum solutor: reddendæ Principi rationi obnoxius. De Marefcalco curiæ, & præfectis, referendaris, & secretariis, dicemus postea.

Numerantur etiam inter Magistratus & Officiales regni, duo duces exercitus: quorum alter generalis & supremus exercituum regni Capitaneus, alter Campiductor, seu campestris Capitaneus dicitur. Ac ille quidem dux est & moderator belli secundum Principem, & vicarius Principis. Ducit exercitum, capis locum castris, acies in-

struit, dat signum pugnae & receptus, commeatus & annonae curam in bello gerit, pretia rebus venalibus imponit, ponderibusque & mensuris earum modum statuit, & in delinquentes animadvertit. Campestris vero, hujus est quasi vicarius à Principe datus: excubiarum potissimum explorationumque curam gerit, & mercenariis militibus, illo praesertim altero absente, praest. Neuter tamen in Senatu locum habet: Quin temporarii esse perhibentur, neque inter magistratus regni habiti superioribus temporibus. Longe minus autem alii quidem, qui ipsi nostra fere memoria pro magistratibus regni haberi & appellari coepere. Neque tamen in Senatu locum habent, neque functionem ullam ad universum regnum pertinentem. Ii vero sunt gladiifer, pocillator sive pincerna, structor mensae, quem incisorem vocant, dapifer, subdapifer, magister culinæ, qui dapibus apparandis & cocis regiis praest. Et certe aut iidem sunt terrestres Cracoviensis satrapiae, aut ea sola de omnibus nullos habet. Itaque nos quoque de sententia peritiorum inter terrestres honores & magistratus eorum officia exponemus. Dicuntur autem terrestres honores & magistratus, qui non universi

verſi regni, ſed terrarum atque ſatrapiarum ſunt peculiares. Officia terreſtria vulgo appellantur: & his qui præditi ſunt, Officiales terreſtres. Sunt autem ii, ſuccamerarius, capitaneus, gladifer, vexillifer, pincerna, ſuppincerna, inciſor, dapifer, ſubdapifer, tribunus, iudex, ſubjudex, notarius, theſaurarius, venator, agaſo ſive equorum curator. Habentque certas ſuas functiones ſive curationes antiquitus, in ſua quiſque ſatrapia ſive tractu, ac terra, ut vulgo loquuntur: quarum quælibet olim, diſcerpto in multos dominatus regno, ſuum ducem habuit. Ejus autem hi fuerunt adminiſtri peculiares. Nunc magna pars ſolum nomen eundemque honorem retinent. Quales ſunt gladiferi, pincernæ, ſuppincernæ, inciſores, dapiferi, ſubdapiferi ac theſaurarii: niſi quod in extraordinariis judiciis, quas commiſſiones vocât, regiis mandatis ſubſerviunt, & in colloquiis aſſident. Tametſi etiam nunc ii peculiaribus ſuis muneribus fungi recte poſſe exiſtimantur, in ſuo quiſque tractu, à quo denominationem habet, quoties eum Princeps adit: Nempe ut gladifer Poſnaniensis in Poſnaniensi ſatrapia gladium ipſi præferat in ſolenni pompa: pincerna poculû adminiſtret: inciſor ſive ſtructur menſam apponat:

dapifer dapes inferat: subdapifer dapiferum cum sceptro seu baculo præcedat, suppincerna potus curam gerat, thesaurarius condus ac promus pecuniæ sit ac supellectilis ejus. Cæteri sane funguntur etiamnunc fere suis muneribus. Ac vexillifer quidem in bello vexillum præfert exercitui lux sátrapia. Tribunus custos est arcis in suo quisque tractu, durante bello: Itaque vacationem habet militiæ. Venator venationibus & sylvis præest. Agaso equitio sive armento equorum. Iudex causis & controversiis privatis nobilitatis disceptandis & judicandis præsidet una cum subjudice: qui ejus est locius, non vicarius, loco tantum inferior. Notarius scriba est & actuarius judicii: Sed habet ipse quoque in judiciis jus dicendæ sententiæ, consuetudine magis, quam legum præscripto. Cæterum Succamerarius (ut ejus partes postremo loco explicemus licet honore omnibus his anteeat) olim fortassis præfuit cubiculo & cubiculariis Principis in sua quisque terra: Nunc regendis modis finibus agrorum ac honorum terrestrium præest. Quem itidem atque judicem, subjudicem, & notarium, juratum esse oportet. Habetque is ad id munus obeundum vicarios & ipsos

juratos

juratos, in singulis territoriis singulos, qui camerarii vocantur, sive cubicularii, propterea fortassis, quod antiquitus ministri cubiculi Principis ad id munus legebantur à succamerario. Nunc is eos sibi legit arbitratu suo ex equestri ordine eisdem territoriis, & jurejurando adigit, mutatque quoties vult. Cracoviensis Succamerarius præ cæteris ea prærogativa præditus est, ut salinarum ejus ipsius tractus arbiter sit & inspector. Capitaneorum officia statim exponemus. Cæterum hi, de quibus modo egimus, non omnes in omnibus satrapiis sunt, neque in singulis singuli. Et Cracoviensis quidem satrapia succamerarium, gladiferum, dapiferum, tribunum, judicem, subjudicem, & notarium habet singulos: Posnaniensis cæteros quidem habet itidem singulos: Succamerarius vero, judices, subiudices & notarios binos. Habet enim hoscæ terra Vschoviensis peculiare, quæ à Polonia quodam tempore seiuncta fuit. Sendomiriensis satrapia cæteros quidem & ipsa singulos habet, præter tribunum, quem etiam Prilöviense territorium non ita pridem suum habere cepit. Calisiensis item eisdem omnes habet singulos. Siradiensis struttore & subdapifero caret: gladiferum,

pincernam, dapiferum habet singulos: Succamerarios, vexilliferos, iudices, & notarios binos. Habet enim hos Velu-
nense territorium suos, ex quo tempo-
re avultum fuit à Polonia, sicut arbi-
tror. Tribuni item duo sunt in eadem
satrapia, Major & Minor. Lenciciensis
gladiferum, structorem & subdapife-
rum nō habet, cæteros habet singulos.
Itemque Brestensis. In ovvladislaviensis
vero gladiferum unum habet, structo-
rem & subdapiferum nullum: Reliquos
omnes binos. Habet enim Dobrinensis
terra peculiarem succamerarium, vexil-
liferum, pincernam, dapiferum, tribu-
num, iudicem, subjudicē, & notarium.
Russia quinos habet succamerarios, ve-
xilliferos, pincernas, dapiferos, tribu-
nos, iudices, subjudices, & notarios:
Nempe Leopoliensem, Præmislensem,
Sanocensem, Haliciensem, & Chelmen-
sem: Gladiferum, structorem, & subda-
piferum nullum. Podolia itidem nul-
lum de his tribus: Reliquos vero singu-
los, exceptis tribunis, quos duos habet,
Camenecensem atq; Trebovvlensem.
Lublinensis satrapia gladiferum, stru-
ctorem, & subdapiferum nec ipsa ha-
bet: vexilliferum, pincernam, ac dapi-
ferum singulos: cæteros binos. Lugo-
viense enim territorium peculiare ha-
bet

bet succamerarium, tribunum, iudicem, subjudicem, & notarium. Bellensis succamerarium, vexilliferum, pincernam, dapiferum, iudicem, subjudicem, & notarium habet singulos, cæteros non habet. Plocensis succamerarium, pincernam, dapiferum, ac tribunum singulos: Iudicem vero & subjudicem & notarios binos. (Habet enim hos Zauvrense territorium suos.) Structore ac subdapifero ea satrapia caret Ravenfis vero structore item & gladifero: Subdapiferum unum habet: reliquos autem ternos, territoriis distinctos, videlicet Ravensem, Gostinensem, & Sochaciovensem. Masovia iudices habet undecim, totidem quot territoria: Nimirum Cynensem, Viznensem, Varfaviensem, Nurensem, Vyslegrodensem, Zacrocimensem, Ciechanovientem, Lomzensem, Ostrolencensem sive Zembroviensem, Rozanensem, & Livensem: Subjudices & notarios totidem: Succamerarios uno minus: Zembroviense enim territorium eo caret: Pincernas atque dapiferos octonos: Rozanente enim & Livense, atq; item Zembroviense territoria hos non habent: Vexilliferum ne Lomzense quidem: Subdapiferum autem neq; hæc ipsa, neque Nurense: neque Vyslegrodense: porro suppin-

ceinas & thesaurarios totidem, quot subdapiferos habet Masovia, nempe quinque: Suppincernam item Ravensis satrapia habet: Brestensis vero thesaurarium: Cæteræ omnes neutrum: Magistrum culinæ nulla præter Cracoviensem, si modo non regni is est: Agasonem nulla præter Russiam: Venatores solum Cracoviensis, Posnaniensis, Siradiensis atque Lenciciensis singulos: Sendomiriensis vero & Masovitica binos: Hæc quidem Vitsnensem & Lomzensensem: Illa vero Sendomiriensem & Radomiensem. Habeant & Olsinienensis & Zatoriensis terræ suos iudices singulos: habet etiam Severiensis ab episcopo. Cæterorum terrestrium magistratuum nullum habet Silesia, Præfectis sive Capitaneis exceptis: De quibus iam dicendum est. Capitaneus, quem Præfectum recte dixerimus, addito nomine arcis, cui præest, cultos est ac defensor non solum arcis regie, verum etiam pacis atque tranquillitatis publicæ, in sua quique præfectura, quam à vi tutam debet præstare & vindicare, & furibus latronibusque repurgare. Itaque jurisdictionem coercionemque habet late patentem, non modo in agrestes & oppidanos, verum etiam in equestris ordinis homines: Quæ de re
accu.

accuratius suo loco tractabimus. Ad-
hæc omnium aliorum iudicum, eccle-
siasticorum iuxta ac profanorum, sen-
tentias ad extremum executioni man-
dat, si executores alii nolint, vel non
proficiant. Cerit etiam curam commo-
dorum & redituum Principis, qui ex
re familiari, ac censibus & pensionibus
oppidanorum & agrestium prove-
niunt. Et omnino arces, & villæ, seu
rustica prædia cum suis fartis testis, &
oppida pagique Principis in ditione
præfectorum sunt. Solus omnium Cra-
coviensis præfectus licet amplissimam
iurisdictionem habeat, tamen fartor-
um testorum arcis, & redituum Prin-
cipis curam non habet. Est enim ma-
gnus procurator eius arcis, qui utrun-
que hoc onus sustinet. Nam Posna-
niensis præfectus, licet maiores etiam
prærogativas & iurisdictionem in tota
maiore Polonia obtineat, atque ob id
generalis maioris Poloniæ Capitaneus
vocetur, curat tamen farta testa ar-
cis Posnaniensis duntaxat, & redi-
tus regios eiusdem territorii. Cætera
enim territoria iurisdictioni eius sub-
iecta, habent fere suos curatores, quos
etiam minus proprie præfectos appel-
lamus: de quibus post agemus. Oportet
autem præfectum esse equestris ordi-
nis,

nis, agros & fundos proprios in ea ipsa
præfectura, cui præficitur, habentem.
Neque externo autem, neque regio vel
ducali genere orto, conferri præfectu-
ram fas est. Nec duas cuiquam habere
licet: Ac ne unam quidem primariam
duntaxat & iurisdictione præditam
cum primaria Castellania vel Palatina-
tu ejusdem satrapix: Posnanienſi &
Cracoviensſi exceptis; in quibus non
idem jus est. Ne Silesiæ quidem ca-
dunt sub hanc legem. Habet Præfectus
quilibet suum Vicarium, quem Viceca-
pitaneum vel Burgrabium vulgo vo-
cant: Nos Suppræfectum fortassis non
inepte dixerimus. Penes quem est vi-
caria præfecturæ totius potestas, & re-
rum judicatarum executio. Habet &
alterum administrum, statorum ac cer-
tis temporibus peragi solitorum judi-
ciorum, quem judicem castrensem di-
cunt. Vtrunque arbitrato suo creat
& abdicat: Sed utrumque juratum iti-
dem, atque ipsum præfectum, & ex-
questri ordine esse, certa que bona ter-
restria in ea ipsa præfectura habere o-
porteret. Nec eundem judicem suppræ-
fectum, terrestremve & castrensem ju-
dicem, esse fas est. Habet item præfectu-
ra quæque actuarium juratum, quem
notarium castrensem nominat. Non
sunt

sunt autem satrapiis, verum arcibus ac territoriis fere, quæ districtus vocantur, distinctæ præfecturæ: nonnullæ etiam complura territoria in se complectuntur.

Præfectura totius Poloniæ.

Sunt vero hæc totius Poloniæ præfecturæ: In maiore quidem Polonia unica generalis, Posnaniense, Cestense, VVichovense, Calitense, Gnesnense, Pyzdrense, Coninense, Keinense, & Nacense territoria complexa: In minore autem Cracoviensis, quæ præter primum, alia tria territoria, videlicet Prossoviense, Xianzense & Leloviense in se continet. Præter eam sunt Sandecensis & Bieccensis, præfecturæ cum iurisdictione. In Sendoniriensi vero satrapia sunt: Sendomiriensis, Radomiensis, (Stenzicense quoque territorium dudum complexa, quod jam peculiarem præfectum habet,) Corcinenſi, quæ & novæ civitatis dicitur, Chencinensis, Opocinensis, Pilsnensis. In Lublinensi ejusdem nominis præfectura est, & Lucoviensis. In Siradiensi Siradiensis, quæ Schadcoviense quoque & Radomſcense & Petricoviense territoria annexa habet: Velunensis item & Ostreiloviensis. In Lenciciensi unica est, tria habens territoria,

nimi-

nimirum Lenciciense, Brezinenſe, & Orloviense. In Cuiavia Breſtenſis, Cuiſuicienſe item & Covalienſe, & Prædenſe, territoria adiuncta habens: Iuſſiſlaviensis cum annexo Bydgoſtiensi territorio: & Bobrovniciensis, Dobrinenſe, Ripinenſe & Libnenſe territoria complexa. In Ruſſia Leopoliensis, Præmiſſienſis, Sanoceniſis, Halicienſis, Chelmenſis, & Craſnoſtaviensis. In Podolia Camenecenſis atque Trebovlienſis. In Belteni ſatrapia Belſenſis, Buſcenſis, Grodlenſis, & Grabonecenſis. In Plocenſi unica cum tribus aliis territoriis, Zavoerenſi, Mlavenſi, Srenenſi ſive Srencenſi. In Maſovia Cyrenſis, Viznenſis, Varſavienſis, cui Nurenſe quoque territorium parer, Vyſſegrodienſis, Zacrociemenſis, Ciechanoviensis, Lemzenſis, Rozanenſis, (in qua eſt Macoviense territorium,) & Livenſis. In Ravenſi vero ſatrapia tres præfecturæ ſunt, Ravenſis, Goſſienſis, & Sochaciovienſis. In Sileſia ſunt Oſuiencimenſis & Zatorienſis. Præter has præfecturas ſunt & aliæ de ſuperioribus fere detractæ, & pecuniariter, quamvis minus Latine, tenuta, earumque præfecti tenutarii vulgo vocantur: qui partim non habent ſua territoria, partim habent, verum ſine ulla iuriſ-

iurisdictione in nobilitatem. Nam ea est penes veros præfectos, quibus ex tenuræ voluntate regia propter utilitatem, vel aliqua de causa detractæ sunt. Sunt autem ii tenutarii curatores, modo regionum prædiorum atque redituum, & castellorum, plebisque subiectæ, non dissimili conditione magni procuratoris arcis Cracoviensis. In iis leges eæ, quæ de præfecturis quidem commemoratæ sunt, locum non habent. Omnium autem præfecturarum reditus, partim ex agricultura, & re pecuaria, partim è molis frumentariis & sylvis, partim è censibus & pensionibus agrestium & oppidanorum proveniunt, & vel certo pacto præfectis locantur à Principe, vel eorum fidei committuntur, ita ut rationibus reddendis obnoxii sint. Condonantur etiam interdum ob eximia merita. Oppignorari quoque præfecturas non inusitatum est, eas præsertim, quæ iurisdictione carent, quæque non sunt primariæ cuiusque satrapie. Sed ita demum id legitimum est, si rata redituum portio quotannis de capite deducatur. Quod cum in desuetudinē abiisset superiori tempore, comitiorum decreto nunc revocatum est. In iis vero præfecturis, quæ iurisdictionem habent, si usus reipublicæ

blicę oppignorationem requirat etiam
allensu Senatus comitali opus est. Sola
Sendomiriensis privilegio quodam ne-
que oppignorari, neq. locari perpetua
locatione potest. Habent & episcopi, &
proceres, atque equites locupletiores
nonnulli arces & præfectos suos: Sed
hoc nomine Principi nequaquã obno-
xios. Habet arx Cracoviensis peculiari-
ter decē custodes, qui burggrabii, sum-
pto à Germanis vocabulo, appellantur,
sine ulla potestate, præfecti auctoritati
obnoxios. Qui pacis juxta ac belli tem-
pore nocturnas, atque etiam diurnas,
quãdo opus est, excubias, per se, vel per
administratos suos servant. Habentque
miluix vacationem: & eo nomine am-
bitur id munus à multis, & à rege con-
fertur. Salinæ & alia metalla habet suos
curatores & administratos juratos, & ra-
tionibus reddendis obnoxios. Præst
autē salinis Bochnensibus & Veliscen-
sibus, earumque administris & operis,
unus salinator, quem zopparium Cra-
coviensem vocant. Russicis item unus,
quem Russicum appellant. Et est hono-
rata hæc utraque curatio. Sed neque in
regni, neque in curiæ, neq. in terrestri-
bus magistratibus numerantur: Quem-
admodum neque telonæ, sive quæsto-
res teloniorum, neque tributorum atq;
exa-

exactionum publicarum exatores. Et ii vero utrique rationibus reddendis obnoxii sunt. Telonæ quidem, si non redemerint telonia: Quod faciunt plerunque. Hos omnes in hunc locum terrestrium magistratuû conicere libuit, propterea quod eorum curationes ad præfectorum officia nonnihil accedunt. Scribam quoque sive notarium thesauri regii nihil verat his adicere, quem rex ipse edit, ac thesaurario vicarium adjungit. Est & scriba castrensis, quem etiam notarium campestre vocant, mercenariorum militum conscriptor, & solutor stipendiorum.

Ministeria aulica.

Sunt etiam à terrestribus magistratibus non multum diversa ministeria quædam in aula Principis, quæ officia culinæ dicuntur. Quorum administri terrestrium plerorumque & regni officialium (quorum sunt cognomines) quotidianis ministeriis in aula Principis funguntur, fidemque suam Principi ad suum quisque ministerium iureiurando obstringunt. Sunt autem ii: Marescalcus, Thesaurarius, seu Vicethesaurarius, Succamearius, Referendarii duo, Pincerna, Structor melle Dapifer, Subdapifer, Magister culinæ, & Præfe-

Æus curruum. Nuper etiam his accessere Vexillifer, ac ductor aulicæ militiæ. Qui omnes addito nomine curiæ, à superioribus magistratibus & officialibus cognominibus suis distinguuntur: nempe ut Marefcalcus curiæ, Theſaurarius curiæ, atque eodem modo alii dicantur. Nec ſcio an & Secretarii in hunc ordinem referri debeant, licet nullum peculiare certumque munus attributum habeant, ſed ad nutum Principis præſto ſint in obeundis ejus nomine legationibus, in ſcriptionibus & lectionibus publicarum & regiarum ſcripturarum, in acciendis ac deducendis ad Regem vel in ſenatum illuſtribus hoſpitibus & legatis Principum, in exquirendis & referendis ſententiis ægrotorum, & à conſilio abſentium primariorum ſenatorum, in recognoſcendis pro Principe locis, factis, & cauſis controverſis, regiorum præſertim hominum, & adminiſtrorum inter ipſos, vel cum magistratibus ſuis, & ſi qua ſunt alia honeſta & cum dignitate conjuncta miniſteria. Numerus eorum certus non eſt. In his eminet unus, qui appellatur primus ſeu major Secretarius. Is abſentium Cancellariæ præſidium vicem ſupplet in aula & comitatu Principis: Nec tamen, ut illi, geſtat ſignum

signum regium, sed quoties opus est, petito ab ipso annulo signatorio, tam diplomata publica, quam epistolas ipso presente signat. Quod si is quoque absit, peragit ea quispiam de cæteris Secretariis, quem Princeps iusserit. Habet autem primus quoque Secretarius secundum Cancellarium & Vicecancellarium prærogativam capeßendi honores publicos & magistratus qui vacaverint in arbitrio tamen regis positam. Habet & locum honoratum supra omnes officiales terrestres & aulicos, excepto Marefcalco. Marefcalcus curiæ absente Marefcalco regni agit omnia quæ illius muneris sunt: A præsentente etiam socius adhiberi solet ac debet ad ea quæ sunt maioris momenti peragenda, præfertque cum eo pariter Principi erectum sceptrum, Thesaurarius item Thesaurarii regni absentis vires gerit, adhibeturque & ipse à præsentente ad pleraque omnia. Succamerarius, est magister cubiculi atque cubiculariorum puerorum, aliorumque domesticorum Principis ministrorum: Sub cuius potestate est supellex ad lectum & cubiculum Principis cultumque corporis pertinens. Ianitoribus quoque idem præest. Referendarii, supplicum libellorum magistri sunt, &

querimoniis hominum audiendis, Cancellariæque, ut verbo legis utamur, referendis præsumunt. Quinetiam in libris urbanis disceptandis præsto sunt eidem Cancellariæ, ejusque permixtis exponunt Regi cum consilio causas & controversias litigantium. Nuper adeo sententias quoque rogari cœperunt in regis judiciis. Sunt autem duo pari potestate, alter ecclesiastici, alter profani ordinis. Ductoris copiarum, magistri stabuli, magistri culinæ, & præfecti currum quæ sint officia, ipsa eorum nomina satis ostendunt. Cæterorum munera jam sunt explicata in terrestribus officiis & curationibus. Eadem enim sunt horum atque illorum: Sed cedunt hi illis præsentibus in sua cuique satrapia sive terra. Hæc autem omnia honorata sunt ministeria: Minus illa, interioris cubiculi servitoris, curatoris lecti atque dispensatoris. Cæterum stipendiarii & aulici Principis equites, concionatores, & sacrifici, quamvis honorato sint loco, tamen inter officiales non censentur: Melto minus stipatores, sive satellites, cubiculariique & pueri: Sed perpetui sunt administræ Principis, & præsto sunt ipsi iter facienti, & quovis loco manenti. Ac sacrifici quidem per vices operantur sacris quotidie præsentem re-

ge.

ge. Canunt etiam fcllis diebus, benedictionesque & gratiarum actiones ritu Christiano ad mensam ejus peragunt. Concionator sacris concionibus fungitur. Aulici vero (sic enim vocantur) equites equis stipendia merent, præsidii honorisque regii causa, & equestrem cam vel currulem equestres fere comitantur. Qui equitatus numerosus est atque splendidus, nobili juventute constans. In qua sunt complures magistratibus & officiis non modo aulicis verum etiam terrestribus præditi. Ei vero Marscalci moderantur. Cæteri ministri non habent necesse equos alere. Itaque pedestres prodeuntrem in publicum Principem deducunt. In solennibus tamen pompis non inusitatum est, ut equites quoque aulici pedestres equestrem Principem antecedant. In longioribus autem itineribus ii, qui equis non merent, vel regiis, vel oppidatim suppeditatis, vel conductitiis equis aut curribus vehuntur. Ex his stipatores præsidii causa sunt circum Principem: Quod tamen recens est in Polonia: sed auget majestatem Principis. Cubicularii & pueri præsto sunt ad quævis domestica ministeria. Sed cubiculariorum peculiaris usus est in acciendis in Senatum & ad Regem consiliariis, & perferendis

quoquo versus literis, mandatis, edictis, & rebus. Quam ad rem oppidatim & vicatim eis mandato Principis equi subministrantur. Quæ subvectiones, & lingua vernacula, *podunda* vocantur: Currum publicum Latini vocant. Incedentem in publico Principem, aulici quidem antecedunt: stipatores prælongis securibus more pedum Germanorum armati latera ejus cingunt: cubicularii vero cum pueris subsequuntur, sed ita, ut & aulici proceribus atque senatoribus præfani ordinis, & cubicularii puerique episcopis ac secretariis ecclesiastici ordinis proxima Principi loca honoris causa concedant: Nisi forte regem regina sequatur. Tunc enim episcopi quoque & secretarii cum proceribus antecedant: Reginam vero longus ordo sequitur nobilium matronarum & puellarum. Hæc igitur est ratio universæ aulae & comitatus regii. Mitto enim cantores, abacustodem, mapparium, canum venaticorum curatores, dimensionum distributores, janitores, tibicines, tubicines, opifices, & alia viliora ministeria: Quæ magna est turba, & sumptibus Principis alitur. Et quoniam omnia persequimur: volumus quidem certe. Habet etiam Regina suum comitatum, nec modo

modo puellarum & matronarum quæ
in gynæceo sunt, sed etiam puerorum
cubiculariorum & aulicorum, & in his
peculiares ministros sive officiales.
In primis Magistrum curiæ, qui omni-
bus præest, Reginamque prodeuntem
cum sceptro antecedit: Magistram cu-
riæ matronam gynæceo moderantem:
Deinde Cancellarium, vel Secretarium:
Cujus sunt munera, literas nomine Re-
ginæ conscribere, & signare, & legere,
& compellantibus eam responsa dare.
Quod quidem nescio an cum Magistro
curiæ commune habeat. Est autem &
hic discrimen inter cancellarium & se-
cretarium, quod hic non gestat signum
Reginæ, sicut ille: sed ab ea, quoties opus
est, utendum accipit. Habet Regina et-
iam thesaurarium suum, & pincernam
sive pocillatorem, & structorem men-
sæ, & subdapiferum, & dapiterum, &
culinæ ac stabuli magistros singulos:
Itemque dispensatorem, abaci custo-
dem, mapparium, & janitores, eodem,
quo regii sunt, honoris discrimine:
Quibus omnibus victus, vestitus, &
mercedes à Rege præbentur. Indidem
ipsius quoq, Reginæ mensa instruitur,
res vestiaria, mundus muliebris, & ju-
menta comparantur. Quod si ea Regi
superstes sit, vidua de suo ac de fructi-

bus & redditibus eorum honorum, quæ Rex ipsi dotis ac donationis propter nuptias nomine de amplissimi Consilii sententia attribuerit, sese cum univèrso comitatu suo deinceps sustentat. Atque hæc de magistratibus regni terrestribus, & aulicis, nobis decursa sunt.

De ordine Ecclesiastico.

De ecclesiasticis magistratibus, honoribus, ministeriis & curationibus, quales sunt secundum archiepiscopos & episcopos, suffraganeorum, abbatum, præpositorum, decanorum, archidiaconorum, scholasticorum, cantorum, custodum, cancellariorum, vicariorum in spiritualibus, officialium, committariorum ministrorum, priorum, custodum sive guardianorum, pœnitentiariorum, parœcorum, quos etiam plibanos vocant, non est operæ pretium hic nos persequi: Ne de collegiis quidem, canonicorum, monachorum, & monacharum, fratrum conventualium, vicariorum, psaltarum, mansionariorum, & si qua sunt alia. Neque enim peculiare quicquam habent apud Polonos præ cæteris gentibus & nationibus Christianis, neque ad rempublicam pertinent, exceptis archiepiscopis & episcopis, & si quibus
forte

forte præterea peculiariter quædam reipublicæ munera, quorum superius mentionem fecimus, mandantur. Magnus tamen, ut par est, honor eis & omnibus sacerdotibus habetur solo sacerdotii nomine. Major etiam olim habebatur: id quod è vetustioribus literarum monumentis deprehenditur. Omnes autem ii episcoporum & archiepiscoporum potestati & jurisdictioni subiecti sunt, præter, si qui Pontificis maximi, cuius eximia potestas est, auctoritate exempti sunt.

Reliqui magistratus Polonia.

Plebes urbanæ, oppidanæ, vicinæ, & agrestes, partim Principi parent, partim proceribus & equitibus: partim certis sacerdotiis attributæ sunt. Reguntur autem à suis quæque dominis, eorumque præfectis ac procuratoribus, ex æquo & bono, sive ex arbitrio magis, quam certis legibus. Quanquam non carent tamen suo quæque jure: Quod non est unius modi, quemadmodum posterius ostendemus. Præter dominos autem, eorumque præfectos & procuratores, habet plebs quæque oppidatim, vicatim, & pagatim suos magistratus. Ac in pagis quidem scultetum sive advocatum hæreditarium vocant,

qui est quasi deductor ac detentor coloniarum: qui vel ipse, per se, vel per vicarium suum, & ipsum advocatum, sed judicalem, vocant,) cum adjunctis aliquot ex aratorum numero scabinis (sic appellantur iudices, sive assessores iudicii) jus dicit. In civitatibus autem & oppidis & vicis præter hos sunt etiam consules. Ita vocamus eos, qui à veteribus decuriones appellantur: penes quos est civitatis cujusquam gubernatio & custodia: in delinquentes animadversio: publicorum commodorum administratio, curaque ædificiorum & sartorum tectorum publicorum. Inter eos autem unus præsidet magister civium, quem vulgo proconsulem vocitant, qui eos, quoties opus est, convocat, & in consilium adhibet. Nam leviora sine illis ipse gerit. Consulum non idem est ubique numerus. Habent item singulæ opificum societates & contubernia in qualibet civitate & oppido suos magistratos, & his adjunctos aliquot seniores. In maioribus urbibus sunt etiam ædiles unus & alter, de numero decurionum electi, pecuniæ publicæ quæstores, & sartorum tectorum curatores. In oppidis vero & vicis communiter hæc à decurionibus curantur. Hos magistratus, in oppidis præter-

præsertim, iuratos esse oportet, præter
advocatos hæreditarios. Nullos autem
communes magistratus pagi inter se,
neque civitates, habent. Hæc de ple-
beis magistratibus.

Electio magistratum & Cleri.

Creandorum magistratum, & ho-
norum mandandorum, in Polonia
non una est ratio. Olim episcopi ex
præscripto sacrorum canonum à col-
legiis primariorum sacerdotum, quæ
capitula cathedralium ecclesiarum vul-
go nominant, legebantur: Nunc Prin-
ceps, umbratili quadam electione illis
reliæta, aut ne reliæta quidem, solus ar-
bitratu suo edit episcopum, & Pontifici
max. commendat (quod fiebat etiam
à collegiis) ut eius auctoritate appro-
betur, præficiatur, & ab aliis episcopis
consecratur. Cæperunt autem sic editi
sive nominati indulgentia vel conni-
ventia quadam admitti ad consilia pu-
blica priusquam approbentur à Ponti-
fice: Non item ad functiones sacras, &
iurisdictionem ecclesiasticam, & admi-
nistrationem bonorum: Sed à morte
episcopi collegium sacrum, distributis
inter se curationibus, bona vacantia
administrat: excepta Gnesnensi diocæce-
si, quæ peculiarem habet Oeconomum,
etiam

etiam vivente Archiepiscopo. Ius autem dicit in ea juxta ac in aliis diocesisbus vacante sede unus aliquis, quem collegium administratorem temporarium renunciaverit. Abbatum & præpositorum eligendorum jus collegia monachorum hætenus retinere: Sed jam vix retinent, ab episcopis primum, deinde à regibus etiam labefactum & violatum. Ad electionem quidem certe, regius assensus & episcopi auctoritas accedat, oportet. Cæterum in sodalitiis & conventibus fratrum mendicantium neutrum horum requiritur. Ne in inferioribus quidem & quasi vicariis locupletiorum monasteriorum curationibus, quas fere præposituras vel prioratus vocant, prælati & canonici ecclesiarum cathedralium, partim à pontifice maximo, partim ab ipsarum episcopis, alternis mensibus creantur. Primariorum tamen secundum episcopos in unaquaque ecclesia prælatorum & nonnullorum canonicorum edendorum sive commendandorum, &, ut vulgo loquuntur, præsentandorum jus regi concessum est pontificum superiorum indulgentia. Indultum est idem jus etiam privatim quibusdam, præsertim episcoporum curatoribus, in aliis quibus

hustam sacerdotiis. In paræciis vero
 & aliis minoribus sacerdotiis usita-
 tum & legitimum est, ut ius edendi
 sit penes eos unde profecta est donatio
 cuiusque sacerdotii, vel in quorum bo-
 nis id proventusque ejus siti sunt, sic
 tamen, ut penes episcopum sit appro-
 batio editi. & reprobatio, si non sit ido-
 neus: aut si plures pariter edantur, di-
 judicatio. Quod de illis quoque, qui à
 rege vel alio quopiam profano com-
 mendantur, siue præsentantur, intel-
 ligendum est. Vocantur autem patroni
 usitato juri pontificio nomine: colla-
 tores etiam vulgo, qui ius hoc edendi
 siue præsentandi habent: Quibus invi-
 tis obtrudi sacerdotem siue beneficia-
 rium per legem non licet, ne pontificis
 quidem maximi auctoritate: nisi ii sese
 indignos eo jure reddiderint, aut intra
 tempus legitimum uti eo neglexerint.
 Obtruso pœna est proscriptio. Quæ sic
 obiter, & præter institutum propemo-
 dum, hic nobis perstricta sunt. Ad
 proprios reipublicæ Polonæ magistra-
 tus revertamur. Palatinos & Castel-
 lanos, & reliquum omnem senatum
 regni, Princeps legit, & jurejurando
 obstringit sibi, & regno, siue reipubli-
 cæ. Idem confert præfecturas, cæte-
 rosque omnes magistratus, honores
 & mi-

& ministeria publica. Sed in magistratibus regni illud receptum est, ut non nisi in comitiis renuncientur. In iudice vero & sub iudice, & scriba sive notario, terrestribus ita adstricta est legibus potestas Principis, ut nobilitas eius satrapiae sive territorii, cuius iudex, vel sub iudex, vel scriba decessit, conventu instituto, auctore & praeside Palatino, quatuor patresfamilias equites eligat: de quibus Princeps unum, quem vult, in locum vacantem surrogat. Abrogari vero magistratus aut honor ullus nemini potest, nisi per maximam vel mediam capitis diminutionem, hoc est, libertatis civitatisve, sive nobilitatis & bonae famae amissionem: aut si quis alium magistratum honorisve adeptus sit, quem cum priori retinere jure non possit. Ipse se quisque abdicare arbitrato suo potest. Praefectura, & metallorum, teloniorumque curatione, Princeps amovere quemlibet, quando vult, potest, nisi cui ipse promiserit, ac diplomate caverit, ut ad certum tempus, vel quoad vixerit, amoveri nequeat. Aulico item magistratu & ministerio amovere quemque Regi licet. Non temere tamen id facit, nec fere sine nota ignominiae: nisi lex jubeat. Exactores tributorum annui
fere

fere creantur à Rege, vel comitali placito. Plebeios magistratus partim domini vel præfecti creant, partim ipsi sibi cives & oppidani legunt, præter Cracoviam: ubi Palatinus jus legendi senatus habet: abrogandi non habet: Nec nisi morte, aut maxima mediave capitis diminutione honoris amittitur: Ex omni etiam numero viginti quatuor consulum, quotannis octo, quos vult, Palatinus rebus gerendis præficit, quos præsidere vocant: de quibus certo ordine singuli sunt magistri civium in sex hebdomadas. Nec multum diversa est ratio consulum in aliis quibusdam civitatibus & oppidis: Nisi quod præfecti in suæ quisque ditionis oppido unum aut alterum legendi facultatem habent. Cazimiræ, Clepariæ, & Prosoviæ magnus procurator arcis Cracoviensis, cum in legendis consulibus, tum in aliis rebus, præfecti vicem obtinet. Idem advocatum & scabinos juris supremi Theutonici sive Magdeburgensis legit. Cæteros autem scabinos, ipsi consules sive decuriones in sua quisque civitate & oppido legunt, & sacramento adigunt. Cracoviæ advocatum quoque judicalem. Cæterum scultetus sive advocatus hereditarius in quovis oppido, vico atque pago semel à domi-

no constitutus, magistratum hunc, obnoxium ipsi domino ad equestre ministerium, reique publicæ ad expeditionem bellicam, etiam ad hæredes transmittit. Quin & in externum transferre assentiente domino potest. Est tamen jus fasque domino amovere scultetum, & advocatum hæreditarium contumacem aut inutilem, persoluto ipsi pretio, quod habet inscriptum in diplomate, vel secundum æstimationem emolumentorum atque ædificiorum. Nisi quid enorme & privatione dignum commiserit. Quo quidem jure multiplicabuti cœpere ad augenda commodasua, ut scultetis & advocatis hæreditariis sine ulla culpa ejectis prorsus, vel in ordinem redactis, agros eorum prædiis suis adjunxerint, judiciis vero judiciales advocatos arbitrato suo præsticiant. Reditus magistratuum regni exigui terrestrium vero & aulicorum nullifere sunt. Ne urbanorum quidem, & oppidanorum, & agrestium ulli fere certi sunt. Honorem Poloni satis amplum & luculentum virtutis & honestorum laborum præmium esse duxerunt, etiam sine compendio: quod minus generosi animi magis plerumque consectantur. Sunt tamen certæ mercedes, & quasi sportulæ, quæ judicibus judi-

judiciorumque administris penduntur à litigantibus. Primores aliquot Palatini & Castellani, mediocres tamen habent redditus, partim ex agris & prædiis, partim è salinis, vel teloniis, sive aliis quibusdam pensionibus à Principe antiquitus in omne tempus attributis. Episcopi nonnulli peramplos habent, unde non modo ipsi commode & cum dignitate vivere, & senatoria munera laute sustinere, verumetiam inferioris ordinis sacerdotes, socios & administratos suos recte alere ac tueri, & omnem cultum divinum cum dignitate administrare, & egenis denique liberaliter subvenire queant. Habent etiam decimas omnium segetum publico principum ac totius Poloniæ consensu jam inde ab initio susceptæ religionis Christianæ attributas, & aliis quibusdam pensionibus postea vel cumulas, vel commutatas: indeq. cum aliis quibuslibet sacrorum administris, tum paræcis, prælatis, & canonicis certas portiones antiquitus segregarunt. Habent & luculentos fundos, prædia, pagos, oppida, arces & territoria, partim prætorum itidem principum regum, partim privatorum munificentia adjecta. Ne abbatum quidem & cæterorum sacerdotum, prima-

riorum præsertim, quos prælatos vocant, & monasteriorum, atque etiam paræciarum piis & honestis usibus male prospexit similis pietas & beneficentia. Ipsi etiam superiorum temporum episcopi, abbates, & sacerdotes successoribus & posteris suis permultum addiderunt, patrimonia sua, vel empta aliunde bona, censuve sacerdotiis adiungendo, templorumque splendorem, ædificiorum atque donariorum omnis generis magnificentia augendo, quo angustiore cultum divinum redderent. Atque hæc omnia cum ipsis adeo personis ecclesiasticis maiorum legibus ac Principum benignitate immunita sunt à plerisque omnibus muneribus & oneribus publicis. Quo prolixior autem fuit hominum in ordinem sacrum munificentia superioribus temporibus, hoc erant abundantiores & ipsi, qui de suo liberales erant, licet minus curæ laborisque rei familiari impenderent. Nunc passim in alienas donationes ac decimas invaditur longe maiore avaritiæ rapacitatisque infamia, quam egestatis relevatione. Multi tamen ex hoc ordine nullos habent certos redditus sed partim Episcoporum & opulentiorum non modo sacerdotum, verum etiam profanorum stipendiis, partim
cæteræ

cetera multitudinis quotidiana beneficentia & quasi stipe vitam sustentant. Quales fere sunt etiam ii, qui vocantur Mendicantium conventus, sive collegia.

Judicia Ecclesiastica.

Sed nos honorum & magistratuum omni ferme ratione explicata, ad judicia transeamus. Eorum autem ratio varia & perplexa est in Polonia. Habet ordo ecclesiasticus, quemadmodum & apud alios Christianos populos, sua, quibus ceteri quoque homines, nobiles pariter ac plebei, obnoxii sunt aliquatenus, in iis præsertim causis, quæ cum religionis, aut personarum, rerumve sacrarum ratione aliqua ex parte connexæ sunt: Quales sunt, de institutis & ritibus religionis: quæque his advertantur, de impietate, hæresi, schismate, magia, incantationibus, fœnore, sacerdotiorum cauponatione, quam Simoniam vulgo vocant: Itemque de decimis, & fundis, & quibusvis censibus ac redditibus ecclesiasticis, de cæde, vi, & injuria sacris initiato homini, rei,ve, aut loco sacro, seu sacerdotii fundo illata. Adhæc de jure patrociniæ sive patronatus, quod vocant, & de sacerdotiorum jure quævis controversia:

itemque de jure matrimonii & natalium, & de miserabilium egentium personarum injuriis, quæque ex obligatione in foro ecclesiastico facta oriuntur. Testamentariæ causæ profanorum hominum in hoc æque ac profanis foris disceptantur, dummodo extra judicium testamenta sint condita. Aliæ enim in eo foro disceptantur, in quo sunt condita. Nisi quid forte legatum sit pietatis ergo, & ad piam causam, ut vulgo loquuntur, hoc est, templis, ecclesiarumve ministris aut egenis: Quæ causa propria est ecclesiastici judicii. Est autem judiciorum ecclesiasticorum summa penes episcopos: quorum vices gerunt ii, quos vocant vicarios in spiritualibus, Cancellarii & Officiales: Inter quos unus, qui est primarius, generalis appellatur: Cæteri foranei. Ab Episcopis, eorumque vices gerentibus provocatio est ad Archiepiscopos: & ad Gnesnensem quidem ab ipso etiam Leopoldensi Archiepiscopo: Idque eo nomine, quod ille est legatus perpetuus, sive, ut vulgo loquuntur, natus sedis apostolicæ. Pertinent autem ad ejus provinciam hi episcopi: Cracoviensis, VVladislaviensis, Peshnaniensis, & Plocensis in Polonia, VVratillaviensis in Silesia Boemiæ ditionis: Lubetlensis in

Marchia Brandenburgensi: Vilnensis in Lithuania: & Mednicensis in Samogitia: Olim Culmensis quoque in Prussia, & Camenensis in Pomerania sub eo fuerat: sed avulsi sunt postea. Ad Leopoliensem vero, Præmiliensem, Chelmenensem, Camenecensem, Lucensem, sive Luceoriensem, atque Kioviensem. Extrema tandem provocatio est ad Pontificem maximum antiquissimo Christianæ religionis instituto. Omnes autem iudices ecclesiastici iudicant, sive ad eo iudicare debent, è præscripto ecclesiasticorum & pontificiorum canonum: & præter diras sive censuras & interdicta ecclesiastica, habent ius quoddam coercendi fontes, in sui quidem ordinis homines laxius, in profanos autem restrictius, ita ut contra hos ad executionem rerum iudicatarum, urbanorum ac terrestrium magistratum opem ad extremum implorasse necesse habeant. Nec ii iure eis deesse possunt aut debent.

Iudicia Politica.

Habent & profani inter se nobiles iuxta ac plebei sui iudicia: quibus factoris initiatum aut sacerdotio prædictum præesse non licet. Ac nobilitas quidem terrestribus iudiciis peculiariter

subest: quæ à iudice, sub iudice, & notario terrestribus exercentur, alibi quidem quater, alibi sexies quotannis, alibi vero singulis mensibus: Nisi forte iudex, sub iudex, aut notarius desit: aut bellica expeditio, vel comitia, colloquiave (de quibus paulo post dicemus) interveniant. Tunc enim silent judicia nobilitatis, non terrestria modo, sed & alia. Sunt autem in qualibet satrapia sive palatinatu certa oppida, in quibus jus hoc dicitur nobilitati, in eo ipso territorio bona agrosque habenti. Nec evocari quenquam è suo territorio licet, nisi ipse certa obligatione nominatim ab hac prærogativa recesserit. Cæterum qui nulla habet bona terrestria, conveniri hoc jure non potest. ne sacerdos quidem, exceptis causis finium regundorum, & adscriptitii alieni profugi, cæsi, vel vulnerati: aut si ullo alio quam sacerdoti nomine bona terrestria possideat. Oppida vero ac territoria judiciaria hæc sunt: In Cracoviensi quidem satrapia Cracoviensis, arx, Proslavia, Xianzum, Lelovia, Biezzum, Cichovia: In quo oppido & Sandecense territorium judicatur: In Posnaniensi, Posnania, Costenû, VVschonna: In Sendomiriensi, Sendomiria, Radomia, Opocinum, Chencini, Villicia,

cia, Pilsna: In Calisiensi, Calisia, Gne-
za, Pyzdri, Coninum, Kcina, Naclum: In
Siradiensi, Siradia, Schadcovia, Petrico-
via, Radomfci; Item Velnia & Ostref-
sovia: In Lenciciensi, Lencicia. Brezini,
& Orlovvia: In Brestensi, Brestle, Crusui-
cia, Conale, & Prædecia: In Inovla-
dislavvienti, eiusdem nominis oppi-
dum, & Bydgosia: itemque Dobri-
num, Ripinum, & Lipnum: In Russica,
Leopolis, Præmilia, Sanocu, Halicia &
Chelma: In Podolica, Carrenecia, ac
Trebovvia: In Lublinensi, Lublinum,
& Lucovia: In Belsensi, Belsum, Bu-
scum, Grodlum: In Plocensi, Ploscum,
Plonscum, Bielscum, Racianzum, Za-
vverze, Mlavva ac Srenscum: In Mase-
vica, Cyrscum, Vizna, Varsavia, Nurg
Vyssegradum, Zacrocinum, Ciecha-
novia, Lonza, Zembrovia, Rozanum,
& Liva: In Ravensi, Rava, Gostinium
& Sochaciovia. In Silesia vero Osuien-
cimensis & Zatoriensis territoria suas
utrumque peculiare habet iudices, qui
cum delectis de nobilitate ius dicunt,
præfecto præidente. Ad eundem mo-
dum & Severiensis, episcopi Craco-
viensis ditio, suum habet. Olim in Si-
lesia ipsi duces in sua quisque ditione
iudiciis præsidebant. His iudiciis disce-
pantur pleræque omnes causæ nobili-

tatis privatæ, ac civiles, quemadmodum loquuntur iureconfulti, ac civiliter institutæ. Regundorum finum controversia hoc ipso quidem iudicio primum disceptatur inter equites, vel inter equitem & sacerdotem: Sed ad extremum ad Succamerarium terrestrem remittitur: Qui in rem præsentem veniens, ipse per se vel per vicarium suum camerarium illius territorii cum definit, certisque metis atque signis fines controversos designat. Atque hæc est unica Succamerariorum iurisdictio. Cæterum si cum regis bonis equiti sit controversia, non apud terrestre & Succamerarii iudicium ea disceptatur; sed Princeps equite postulante edit recuperatores aliquot de senatu ac terrestribus magistratibus sive officialibus eius satiapix, in qua est controversia: quos commissarios appellamus. Inter quos etiam Succamerarius esse solet. Qui in rem præsentem venientes iudicium id peragunt. Idem fit, si sacerdotalis fundus & ager cum regio controversos fines habeat: Nisi quod episcopus quoque eius diocessios editis à Principe recuperatoribus unum aut alterum de suis adiungit. Eademque ratio est petendi recuperatores à Principe in causa heriscundæ familiæ, sive dividendæ

dendæ hæreditatis inter fratres & propinquos. Quanquam hoc iudicium etiam præfectus exercere potest. Criminales vero causæ de stupro, incendio, latrocinio, & vi armata alienis ædibus illata, ad præfectorum sive capitaneorum in sua cuiusque præfectura iudicium pertinent. Civiles item, quæcunque adversus eos equites instituuntur, qui certos agros & bona terrestria nulla habent, & qui, licet habeant, obligatione tamen sua ei foro obnoxios se fecerunt, aut merent publica stipendia, aut sacris iniuncto homini damnum vel iniuriam intulerunt, aut alienum adscriptitium detinent, aut obstaculis denique liberam fluvii navigationem impediverunt, aut si quis executionem rei iudicatæ prohibeat. Dicit autem ius præfectus in arce, aut alio loco publico suæ quisque præfecturæ, sexta quaque septimana, per se ipse, vel per vicarium suum iudicem castrensem. Atque hæ sunt iudicii castrensis causæ. Officii vero, sunt, rerum iudicatarum executio: viduarum de bonis dotalibus eiectionum, & aliorum spoliatorum restitutio: Itemque in deprehensos in scelere & recenti, ut dicunt, crimine, aut si quis rem alienam apud se deprehensam non reddat domino repetenti: ad hæc

in turbatores conventuum & judiciorum, & qui vetitis armis utuntur: in tolerantes censuras ecclesiasticas ultra annum in injustos teloniorum exactores, & in sacerdotes, qui juri patronatus profanorum hominum derogant, aut profanos præter jus ad forum ecclesiasticum evocant, animadversio. In quibus causis quovis tempore cuivis querenti præsto esse debet præfecti auctoritas, per seipsum, vel per sup præfectum suum: Cuius jurisdictio ad causas officii pertinet, si præfectus ipse jus non dicat. Denique furti suspectosprehendendi, reosque judicandi, & supplicio afficiendi jus habet præfectus & sup præfectus ejus. Equestres tamen non nisi eos, qui ter ab eodem crimine damnatis editi, & in album furum relati sunt. Porro status controversæ, hoc est, cum de genere cujusquam ambigitur, & ex causâ, quæ infamiam, confiscationis bonorum, vel capitis poenam (præter eas, quas dudum præfectis attributas esse exposuimus) annexam habent, atque etiam de cæde equitis, ad solius Principis judicium pertinent. De quibus is in comitiis demum cum senatu cognoscit. Præter si maleficium in loco domicilii Principis ipsius & sub aspectu eius patratum sit. Tunc enim,
si actor

si actor recenti & calenti, quod aiunt, facinore comprehendatur, absque citatione Princeps eum ipse per se, vel Marefcalcum judicat. De personalibus vero causis civilibus, aut civiliter institutis, quæ alioqui ad forum terrestre vel castrense pertinent, Princeps iudem quovis loco ac tempore cum iis, quos ad manum habet, consiliariis, citatum judicat. Quæ citatio curialis, & post curiam, vocatur. Sed eius usus ita restrictus est, ut ea in minore Polonia contra eum, qui in maiore tantum agros ac domicilium habet, non valeat: neque contra. Id autem iudicium regionum terminorum nomen habet. Vbi etiam in præfectos & administratos suorum bonorum & reddituum, quod ad munera eorum attinet, quicumque & undecunque ii sint, Princeps ipse sibi, instigatore, ut vocant, officii petente, & cuius postulanti jus dicit: Ac de provocationibus quoque ab officio castrensi ad se delatis cognoscit. Iniusus tributum publicum exactor etiam apud Episcopum, Palatinum, vel Castellanus loci recte convenitur. Belli autem & expeditionis publicæ tempore, cum silent omnia supramemorata fora, penes Principem est ius omne, & iudicium eorum, quæ in castris & in ipsa
expe-

expeditione flagitiose aut scelerate admittuntur. De injuriis quidem damnisque datis in expeditione bellica palatini vel castellani, cuivis querenti contra suæ quisque satrapiae vel territorii homines, jus dicunt. Si quis autem non pareat, principi deferunt. Ab omnibus porro judiciis nobilitatis provocatio est ad principem: Nisi quod ex, quæ fiunt à terrestribus judiciis, in Colloquiis fere prius disceptantur. Appellatur autem Colloquium, peculiare palatini cum dignitariis, ut vocant, ac terrestribus magistratibus judicium: Quod semel quotannis autumni tempore in qualibet satrapia sive palatina exerceri debet, provocationum à terrestribus & castrensibus ejusdem satrapiae judiciis disceptandarum causa. Quod etiam terminos generales vocat. Vbi & alienationes & obligationes honorum terrestrium recte fiunt. Ab hoc itidem ad regem est provocatio. Silesii soli Colloquiorum usum non habent, neque Principem, sed vicinorum duorum triumve Principatuum judicia appellant, in eisque acquiescunt. Verum id quoque jam exolescit, pleraque omni nobilitate in jus terrestre Polonicum se transferente. Fuit autem aliquando in comitiis facta mentio instituendæ

in Polonia novæ judicium decurrit, quæ de omnibus provocationibus absque provocatione cognoscerent, quale est in Gallia, quod parlamentum vocant. Sed non placuit, summam judiciorum cuiquam præter Principem concedere. Quo fit, ut Principe plurimis & variis judiciis dissentio, & aliis multis & gravibus tam ampli regni negotiis distracto, lites in multos annos comperendinentur, non sine dolore & querimonia multorum, præsertim auge-
 scente indies cupiditate hominum, nullaque, aut exigua certe, temere litiganti, & provocanti, & injusto judici, pœna imminente. Vnde capitales existunt inter necessarios quoque & cognatos inimicitiae, cædes innumerabiles patrantur, coactisque hominibus & justis prope exercitiis nonnunquam configitur, dum offensus longa judicii comperendinatione, armis jus suum quisque persequi ac tueri contendit. Sed ad provocationes redeamus. Earum duplex est ratio. Est enim appellatio, qua inter litigantes solos disceptatur, justene an injuste judicatum sit. Motio vero est, in qua iudex à quo provocatum est, necesse habet tueri sententiam suam, ut si iniqua & legibus adversa fuerit, ipse pudeat, mulcteturque.

Quod

Quod tamen iam ferme exolevit. Vtrobique autem regio vel colloquiorum iudicio iniustum decretum rescinditur, vel corrigitur, univertaque causa disceptatur ac diiudicatur, etiam si ab interlocutoria sententia provocatum sit. Tamen non temere admittitur eiusmodi provocatio. Cognitionum quoque Principis de provocationibus non una est ratio. Nam de iis, quæ sunt à colloquiis, non nisi in comitiis cum frequenti senatu cognoscit. Ad eundem modum de iis etiam, quæ sunt à terrestribus iudiciis. Nam de iis quoque recte à rege cognoscitur in comitiis, si prius ea instituantur, quam colloquia. Itaque indiscriminatim provocari solet ad colloquia, vel ad comitia. De cæteris vero provocationibus, quæ sunt ab aliis iudiciis, etiam extra comitia cognoscit is cum iis consiliariis, quos ad manum habet, quovis tempore & loco: sed tamen intra fines regni modo. Foris enim nemo equitum sistere se Principi necesse habet ulla ex causa, exceptis fiscalibus. Tam in comitiis autem, quam extra ea in iudiciis regis, adhibentur in consilium etiam supplicum libellorum magistri sive referendarii: Itemque iudex, subiudex, & notarius eius satrapæ sive territorii in quo

quo iudicium exercetur: præter, cum de provocatione ab ipsorum iudicio facta cognoscitur: Habentque inopostremi omnium dictionem sententiæ. Atque his fere foris atque rationibus nobilitatis iudicia peraguntur. Nam barbaricus ille mos, & à religionis Christianæ institutis alienus, provocandi adversarium ad singulare certamen, & ferro usque ad necem vel dedicationem de iure & iniuria veroque & falso decernendi, nihil habet commune cum iudicio. Quod tamen nostra memoria semel tantum à Sigismundo rege seniore admissum est. Cum autem liberrimus sit nobilitati Polonæ armorum usus, ad iudicium tamen terrestre & castrense, & ad comitia nemini armato venire licuit antiquitus: Nunc ea lex propemodum obsolevit. Iudicatur autem nobilitas suis legibus, quæ paucæ sunt, & constitutiones vel statuta regni vocantur: tametli Matovii peculiaris habet, vel moribus, vel ex æquo & bono, sive adeo iudicium opinionem. Magnam autem in iis iudiciis vim habet exemplum, & res in simili causâ à Principe iudicata. Per magnam item, ne dicam nimiam, iusiurandum. Magnus est etiam usus præconum, quos ministeriales terrestres appellant, magna-

magnaue eis fides habetur, itidem ac tabellionibus in jure civili Romano & pontificio. Sed sunt ii fere illiterati, plebei, & rustici homines, palatini vel delegati cujuspiam regii arbitrio, nec semper exquisito delectu, creati. Verum in omni fere functione sua unum aut alterum equitem testem adhibeant oportet. Actori nulla est pena, si causa cadat, vel e. in non proficquatur: Ac ne litis quidem impensas reus solvit. Reus condemnatus si judicatum non solvat, multatur & pignorat. Condemnatur autem actori in civili causa, quanticunque is litem jusjurando interposito aestimaverit. Licet tamen judici ante jusjurandum ejus aestimationem moderari. Si non paruerit rei judicatae reus, condemnatur in duplum: quod per lucrum appellant: Prior enim condemnatio lucrum dicitur. Si duplum ad certam diem non exolverit, praefecti regii ejus territorii, in quo reus bona vel domicilium habet, opem actor implorat. Et decreto autem praefecti bona rei possidenda ei traduntur, adiecta certa multa, quod vadium vocant, si is prohibuerit. Sin iterum id fecerit, duplicatur multa: Sin tertium, triplicatur. Quae vadia duplicata & triplicata appellantur.

tur. Quæ tamen sublata jam sunt. Et post interpositum unum vadium, reus, si pergat esse contumax, proscríbítur. Proscríptus vero, si vi sese nihilominus suaque tueatur, cuncta illius præfecturæ nobilitas contra eum armatur. Ac ipse quidemprehenditur, bona vero ejus à præfecto possidentur, donec de redditibus eorum non modo judicatum, sed multæ etiam & vadia solvantur. Indicta vero causa, hoc est, non citatum, neque convictum equitem, qui modo agri aliquid habeat, prehendere nulli magistratui, ac ne Principi quidem licet, præter furem à servis pœnæ inter confcios & complices ter editum, aut in maleficio quovis deprehensum, aut qui satisfacere nolit, vel non possit. Præfecto remissiori, in executione rei judicatæ, pœna est abrogatio præfecturæ: nisi forte eam oppignoratam teneat. Tunc enim centum marcarum multa ipsi à Principe irrogatur, detrahenda de summa ejus capitali, quoties officium suum non fecerit. Oppidanis vero & plebeiis magistratibus equitem etiam in scelere deprehensum sine præfecti auctoritate judicare omnino fas non est. Sed sufficiant hæc nunc de judiciis nobilitatis. Neque enim omnem judiciorum rationem &

formam persequi hic nobis propositum est. Habet plebs peculiaris iudicia, in pagis quidem simplicissima, quæ vel ab advocatis iudicariis, & scabinis, vel à sculteris, vel à præfectis sive dominis, eorumve procuratoribus & administris, sine strepitu & figura iudicii exercentur. In urbibus vero & oppidis exactiora sunt: quibus equites quoque, qui in iis domicilia & ius civitatis habent, sunt obnoxii in causis civilibus duntaxat. Ea vero partim penes advocatum & scabinos, partim penes decuriones sive consules & magistratum civium sunt, partim etiam penes magistris contuberniorum. Consules ac magistri contuberniorum sine strepitu & figura iudicii iudicant: Hi quidem singuli cum adiunctis sibi primoribus sive senioribus de levioribus causis sui quisque generis opificum: Consules vero de quibusvis, proprietatis modo & possessionis rerum soli, & hæreditatis, itemque capitalibus atque sanguinariis exceptis: Quæ ad scabinorum & advocati iudicium peculiariter pertinent. Parvi momenti causas etiam magister civium solus cognoscit. A quo itidem, atque à magistris contuberniorum, ad consensum Consulum est provocatio. Ab his porro ad Regem. Inolevit tamē multis

multis in locis mos, ut prius Præfectus, vel qui Præfecti loco est, appelletur, atque inde demum ad Regem provocetur. Idque de regis modo oppidis intelligendum est. Nam quæ alii cuiquam subfunt, in iis provocationes fiunt ad eorum dominos: Ab iisque sine provocatione iudicantur. Sed si quis adversus eum, qui ipsi non subest, iniuste iudicaverit, sive per se, sive per vicarium, & procuratorem suum, vocari potest eo nomine in ius, cui est obnoxius. Porro episcoporum & aliorum ecclesiasticorum hominum subditis opem superioris (nempe episcopi, vel archiepiscopi, vel pontificis maximi) contra vim & iniuriam dominorum suorum implorare licet. In iurato autem iudicio (sic enim vocatur id, cui scabini cum advocato iurati præfident) accuratior servatur processus iudiciarius. Exerceaturque id fere inter concives quintodecimo quoque die, nisi is festus sit: Externis vero & hospitibus postulantes, quoties opus est, exponitur. Atque hoc quidem emptum dicitur, illud expositum. Est & tertium genus iudicii huius, quod magnū vocant, ac ter statis anni temporibus ob graviores causas magistro civium præfidente exercetur. A iurato autem iudicio legitima est pro-

vocatio ad aliud quoddam iudicium primariarum urbium. Quod quidem duplex est, itidem ac leges, quibus oppidani & agrestes fere utuntur. Neque enim iidem ii cum nobilitate legibus tenentur. Ac in Masovia quidem, ubi ius Culmense viget, ad Varsaviensem, vel Plocensem, hinc porro olim quidem ad Culmensem, nunc autem ad Torunensem in Prussia magistratum, atq; inde demum ad Regem provocatur. In cæteris vero partibus Poloniæ, ubi iuris Teuthonici Magdeburgensis usus est, olim ad Magdeburgensem civitatem provocabatur. Sed Cazimirus Magnus rex aliud quoddam iudicium in arce Cracoviensi instituit, quod iuris supremi Teuthonici sive Magdeburgensis appellavit. In quo advocatus cum septem scabinis, magno procuratore eiusdem arcis præfidente, non tamen iudicante, iudicant de provocationibus, quæ fiunt à iuratis quarumvis civitatum & oppidorum iudiciis. Inde vero provocatio est ad aliud iudicium, quod sex civitatum dicitur. In quo, eiusdem Cazimiri instituto, bini certe cum oppidorum decuriones sive consules Cracoviam convenientes in arce ius dicunt sine provocatione. De quo in historia fusius persequuti sumus.

Cogno-

Cognoscit autem Princeps de provocacionibus iis, quæ ab urbanis & rusticis judiciis veniunt, & omnino de controversiis plebeiiorum suæ ditionis, atque etiam de querimoniis adversus præfectos suos, ubi libet, etiam extra regnum, & cum quibus vult consiliariis. Sæpe etiam consiliariis & referendariis, aut secretariis earum cognitionem delegat, sed ita, ut ipse tamen ad extremum, iis referentibus statum controversiæ, decernat: præsertim si causa ad equitem pertineat. Soli Cracovienses cives hoc præditi sunt privilegio, quod à Senatu urbano non nisi ad Principem est provocatio, & quod ejus, itemque Cazimiriensis & Clepariensis civitatum causæ ab eo non nisi Cracoviæ judicantur. Habent & sculteti sive advocati hæreditarii pagorum & oppidorum nonnullis in locis inter se peculiaria judicia. A quibus item ad jus supremum Teuthonicum, & inde ad sex civitates, vel ad Principem provocatur. Iure autem suo quisque judicatur, præter, quod causæ cædis & vulnerum Polonico tantum jure judicantur: Quo reus actoris jurejurando peragitur. Ac in recenti quidem crimine comprehensus, eadem capitis luit supplicio. Post interpositam vero viginti quatuor hora-

rum moram, ad certam & lege constitutam capitis æstimationem damnatur: quæ diversa est equitis ac plebei: Pro plebeio capite partim domino eius, partim liberis & hæredibus cæsi cedit multa: Pro equestri vero, solis liberis & hæredibus exolvitur. Equiti tamen pro equitis cæde ultra multam pœna est etiam carcer annuus. Sed Mafiorum legibus carceris pœna solvitur is, qui profugus annum totum exulaverit. Cæterum plebeio equitem interfecisse capitale est, nisi transigat cum a ðore. Vulnerum certæ sunt æstimationes. Fit autem contemptu harum pœnarum, & capiendæ ex multa pecuniæ, ut crebrescant magis indies iurgia cædesque. Executio rerum iudicatarum contra oppidanos & urbanos penes magistratum est in sua quemque civitate, aut si is negligat, domini vel præfecti auxilium imploratur. Et hætenus quidem de iudiciis.

Comitia publica Polonia.

Comitiorum ratio nobis deinceps exponenda est. Duabus autem de causis ea habentur: propter consultationes de republica, & propter iudicia. Cum enim Polonis, quemadmodum supra memoravimus, ea potissimum forma
rei u-

reipublicæ placuisset, in qua penes unum quidem esset iudiciorum & rerum omnium in bello & in pace summa, sed ut is rerum agendarum & iudicandarum consilia, cum compluribus consiliariis communicaret, hi porro cum propter alias functiones publicas, tum etiam propter curam rei suæ familiaris, ad latus Principis assidui esse non possent, placuit, ut ii ad certum locum & diem convocarentur à Principe, ad exercenda cum ipso iudicia, consiliaque de republica capienda. Hæc sunt comitia publica: Quæ etiam generales regni conventus vocant. Qui olim simplicioribus & melioribus sæculis bidui vel tridui spacio peragebantur. Augescentibus deinde iudiciis, & rebus agendis, extrahi cœpere in longius tempus comitia: Sic tamen, ut pro re nova & insolita annotavit Ioannes Dlugossius, in nonum diem ea extracta esse. Atque hæc fuit vetustorum comitiorum ratio. Posteriori tempore, hoc est, avorum fere non trorum memoria, cum universa nobilitate, & una de omnibus civitate Cracoviensi, communicata sunt comitia: cœperuntque adhiberi legati nobilitatis, sive, ut vulgo loquuntur, nuntii terrarum, hoc est, satrapiarum atque territoriorum, &

civitatis Cracoviensis. Principio quidem unam ob rem, quemadmodum in historia ex Dlugosſo retulimus: nempe ſciſcendi in bellum tributi cauſa. Deinde vero, cum ſive incuria Principum, ſive conſiliariorum conniventia, multa, quæ ad ſalutem & amplitudinem reipublicæ pertinebant, negligi, & nobilitatis prærogativæ minui viderentur, ad alias etiam conſultationes de republ. accedere cœperunt, non ut conſiliarii, ſed ut monitores Principis atque conſiliariorum, & cuſtodes libertatis, & prærogativarum nobilitatis, ac legum publicarum. Laudabile ſane & ſalutare in primis genti Polonæ (ſi eo recte utatur) inſtitutum, & ad optime conſtitutarum olim rerum publicarum Romanæ & Lacedæmonix mores accedens: Quarum in altera Ephori, in altera Tribuni plebis, Principū & potentium libidini inertique & inutili adminiſtrationi reipublicæ objecti erant. Nunc igitur ſine Nuntiis terrarum non habentur legitima comitia. Atque eam ob rem quoties ea debent inſtitui, indicuntur prius à Rege nobilitati conventus, quos vocant particulares, ad certos dies certaſque oppida: Majoribus quidem Polonis, hoc eſt, Poſnaniensis & Califfienſis ſatrapiarum equitibus, Srodam:

dam: Cracoviensi vero satrapia Prof-
 soviam: Sandomiriensi Radomiam: Si-
 radiensi Schacoviam; excepto Velu-
 nensi tractu, qui suum peculiarem con-
 ventum Veluni habet: Lenciciensi Len-
 ciciam: Cuiaviis Radeoviam; Dobri-
 nenses tamen separatim Ripini conve-
 niunt: Russis Vilnam: præter Chelmen-
 ses, qui & ipsi Chelmæ suum habent:
 Podoliis Cameneciam: Lublinensi sa-
 trapia Lublinum: Belsensi Belium: Plo-
 censi Razianzum in eodem tractu: Ma-
 soviis Varsoviam: Raveni nobilitati
 Ravam: Sochacoviensi Sochacoviam:
 Gostineni Gambinum. His igitur locis
 (nisi iusta causa obstet) nobilitas cum
 consiliariis & magistratibus terrestri-
 bus, sive, ut vulgo loquuntur, cum di-
 gnitariis & officialibus ejusdem satra-
 pia, vel tractus, ad templum convenit,
 & implorata sacro publico ope divini
 numinis, legationem regiam audit, ubi,
 quando, & quibus de causis opus sit ha-
 beri comitia: Deinde præeuntibus con-
 siliariis legatos suos sive nuncios deli-
 git, eisq; vel peculiaria dat mandata ad
 comitia, vel universæ potestatem facit
 curandi ea, quæcunque in commune
 è republica fore videbuntur. Lege au-
 tem ab hoc munere legationis excludi-
 tur, qui privatum habet negotium &

Item in comitiis. Finitur nunciorum potestas unicis comitiis. Nec idem sane est in omnibus satrapiis eorum numerus: Verum pro numero territoriorum esse debere existimatur. Nuncios ita creatis in particularibus conventibus, mox instituuntur alii conventus, quos generales vocant. in maiore quidem Polonia Coli, in minore autem Corcini, quæ etiam Novacivitas nuncupatur. Et ad hunc quidem Cracovienſis, Sendomiriensis, Ruſſicæ, Podolicæ, Beſſenſis & Lublinenſis ſatrapiarum; ad illum vero reliquarum proceres, & nuncii recens creati, ac de nobilitate qui volunt, conſtituta itidem à Principe die conveniunt, auditisque iterum mandatis regiis, mandata nobilitatis, & quæ poſtulat uſus rei publicæ, inter ſe conferunt. Atque inde itur ad maiora comitia. Quo ubi conventum eſt, re ſacra ſolenni itidem in templo publice peracta, itur ad aulam. Ibi Principe & conſiliariis in corona conſidentibus, adſtantibusque pone ſecretariis & nunciis, Cancellarius vel Procancellarius Principis nomine proponit in medium, quibusde rebus in commune conſuli oportet. etiam ſit: deinde conſilarii ab archiepiſcopis & epiſcopis oſi, ordine dicunt ſententias.

Hinc

Hinc nuncii petita à rege venia secedunt in aliud conclave, iisdem de rebus inter se consultaturi. Reversique sive eadem, sive alia die, per unum aliquem exponunt id, quod ipsis in commune visum est, quid probent, quidve requirant. Nonnunquam pluribus mandant, si plura sint negotia proponenda, ut suum quisque edisserat. Non modo enim iis de rebus, quæ Principis nomine propositæ fuere, sed etiam si quid aliud ipsis in mentem venit, de republica postulant vel admonent. Id vero si est eiusmodi, ut consultationem requirat, & ab eorum functione non alienum esse videatur, dicuntur etiam de eo sententiæ à senatoribus, exclusis nunciis: interdum etiam non exclusis. In omnibus autem consiliis postremus omnium dicit Princeps. Et quod ei placuit, decreti comitalis & legis habet vigorem, dummodo prioribus legibus, nobilitatisque aut sacri ordinis prærogativis ne adversetur. Tunc enim refragari placito Principis non solum senatui, sed etiam nunciis fas est. Itaque in eiusmodi consultationibus suspendit fere sententiam suam Rex, donec inter nuncios & senatores maioremve eorum partem conveniat. Sed hoc iam aliter modificatum est.

Cætera

Cætera autem consilia de republica, quæ legibus diserte excepta non sunt, nec prærogativis nobilitatis præjudicant, cû senatu solo Princeps communicat. Quemadmodum judicia quoque cum eo solo exercet, minimum biduo vel triduo singulis hebdomadis per tempus comitiorum. Sed interdum ea delectis aliquot è senatu delegat. Atque ii quotidie fere, festis diebus exceptis, judicant. Verum ab his quoque assessoribus (sic enim vocantur ii iudices) ad Regem provocatur. Atque ii statum controversiæ cujusque, decretumque suum, in consessu reliqui senatus exponunt. Sententias tamen denuo non dicunt. Publicarum inter sacrum & militarem sive equestrem ordinem controversiarum arbitrium atq; transactio penes Regem est. Comitia quotannis, nisi quid forte impediat, institui usitatum est. Nihil tamen prohibet, quo minus, vel rarius, vel crebrius instituantur. Crebrius quidem ut id fiat, requirit iudiciorum & provocationum disceptandarum multitudo: Tametsi extrahuntur ea nonnunquam in quartum & quintum, ac sextum fere mensem. Locus certus comitiis habendis olim nullus erat. Sed ubi Principi collibuerat, etiam sub dio

dio & in territoriis ea peragebantur. Postea lege in unum conclusa sunt oppidum in umbilico fere & medietulio totius Poloniæ situm Petricoviam. Sed ea iam inde nova lege in gratiam Lituanorum Variaviam translata sunt. Potest tamen Rex assentiente senatu, iusta aliqua de causa alibi quoque ea instituire. Nec illud prætermittendum est, quod initio comitiorum nuntiis nobilitatis singulis certa pecunia in victum de publico numeratur; Senatoribus non item. Cæterum non venienti ad comitia senatori sine iusta causa, lege multa irrogatur: Sed ea vix unquam à Rege exigitur. Habet ecclesiasticus quoque ordo in Polonia sua comitia: quæ synodi græco, sed latinis non inusitato, nomine appellantur. Quarum causas & universam rationem è iure pontificio petat, qui volet. Hic illud modo annotandum est, quod licet Archiepiscopus Leopoliensis suam habeat provinciam à Gnesnensi distinctam, tamen & ipse, & socii, vel, ut vocant, suffraganei eius Episcopi, Gnesnensis Archiepiscopi auctoritatem agnoscunt, cum in provocationibus & iudiciis tum in Synodis: Ad quos ab illo evocantur. Et autem ius, motque, Petricovix, Lenciciæ, aut Loviciæ p. o.

vin.

vincialem synodum tertio quoque anno, nisi res maiorem celeritatem, alimve locum episcoporum consensu postulet, institui; & adhiberi in consilium abbates & præpositos monasteriorum, & collegiorum sacrorum primariorum (quæ capitula cathedralia vocantur) legatos binos, vel singulos duntaxat. Sed nos à synodis & comitiis ab bellum transeamus.

Bellica instituta & potentia.

Id autem in hac gente à nobilitate geri usitatum & legitimum est antiquitus: Quæ cuncta equestris militat, quemadmodum antea diximus, idque pro modo bonorum & reddituum salutare debet. Sed cum nulla publice instituta sit bonorum æstimatio, modus hic fidei cuiusque creditus, labente in deterius disciplina & fide, arbitrarius factus est, non sine reipublicæ totius incommodo & iniuria. Arbitrarium est genus armorum. Tenuiores, & qui equum alere non possunt, pedestres militant. Sculteti quoque sive advocati hæreditarii, & quicumque fundos terrestres hæreditarios habent, non sunt immunes à militia. Multatur autem agris & bonis omnibus, si quis paterfamilias à bello abstulerit, aut filium adul-

adultum, fratremve, qui ipse separata bona & militandi-necessitatem non habeat, pro se non miserit. Ceterum pupillis impuberibus, ægrotis senio confectis, & viduis, per necessarios & famulos militiam obire licet. Habent autem vacationem militiæ trii uni terrestres, præfecti arcium in finibus regni sitarum, vicarii cæterorum præfectorum jurisdictionem habentium, vicecapitanei & burggralii: & qui rei publicæ causa absunt. Habet item ordo cunctus ecclesiasticus, præter eos sacerdotes, qui bona terrestria hæreditario, seu alio quovis, quam sacerdotiorum iure & nomine obtinent. Evocatur ad bellum nobilitas antiquo more, dimissis quoquo versus per præfecturas literis signo regio consignatis: Quæ deinde in pertica resti alligatæ (unde *restum* nomen acceperunt) à præconibus sive ministerialibus terrestribus ad dignitarios & officiales, sive magistratus, primoresque nobilitatis cuiusque præfecturæ, sublimes & conspicuæ circumferuntur, & in foris urbium & oppidorum alta voce publicantur. Ter autem id fieri oportet, interpolatis quaternis septimanis: Nisi decreto comitali tempus id accidatur, binæque restes coniungantur. Post tertias de-

mum

num testes domo se quisque movet ad
suar satrapie conventum ad certam
locum certamque diem indictum. In-
de porro auctore ac ductore Palatino
cum sui quisque territorii Castellano
ad constitutum à Principe prope fines
regni locum pacati proficiscuntur. Ve-
rum hoc quoque, ut alia nonnulla recte
à maioribus instituta, augescente in-
dies equitum licentia, conniventiaque
magistratum, in desuetudinem abiit,
magno non modo sacerdotalium, ve-
rum etiam regionum, & ipsius nobili-
tatis prædiorum, & adscriptitiorum in-
commode damnoque. Necessè autem
habet Princeps equestris ordinis homi-
nes ab hostibus in bello captos redime-
re, ac damna amissorum equorum, quæ
in extra fines regni acceperint, exolvere.
Captum vero hostem, nobilem præser-
tim, is qui cepit, Principi tradere debet,
acceptis pro eo duobus florenis. Viu-
venit nonnunquam, ut hæ copiæ divi-
dantur à Principe de sententia amplis-
simi consilii: ac ceteris quidem adver-
sus hostem proficiscentibus, unius aut
alterius satrapie nobilitas, vel plurium,
si opus sit, ad præsidium ejus oræ, unde
item belli aliqua est suspicio, relinque-
tur. Hæc est apud Polonos belli geren-
di ratio: Hoc robur militiæ in equi-

ratu situm. Hæ sunt opes & vires gen-
 ris: hæ copiæ externis pene incredibi-
 les, & cum quibuscvis maximarum gen-
 tium opibus ac divitiis comparandæ:
 quibus olim Principes Poloni res ma-
 gnas & præclaras gesserunt, non domi-
 modo illata bella propulsando, sed for-
 ris etiam hostes ulciscendo, fines im-
 perii longe lateque proferendo, & ami-
 cis atque sociis succurrendo. Sed cum
 abuterentur ii nonnunquam obsequio
 nobilitatis, eamque crebriorum ac diu-
 turnorum, minimeque necessariorum
 bellorum incommodis exercerent, lege
 cautum est, intra hos ducentos annos,
 ut ne liceat Regi bellum facere sine co-
 mitiis & assensu amplissimi consilii: &
 ut nobilitas fines quidem regni, quo-
 ties, & ubi opus est, absque ullo stipen-
 dio tueri necesse habeat, non sine
 Principe tamen, præterquam in inter-
 regno: Cæterum extra fines ne ad ul-
 lam militiam educi possit invita, nisi
 acceptis à Rege in quemlibet hastatum
 equitem quinque marcis, quod perin-
 de est hoc tempore, ac quinque coro-
 nati Galli vel Italici. Peditatus nullus
 est fere apud Polonos præter merce-
 narium, si quem Princeps conduxerit.
 Mittunt quidem ei oppidani currus
 commeatu onustos cum peditibus:

O Verum

Verum is peditatus non multus est, & sternendis muniendisque viis, quam armis tractandis accommodatior. In extrema tamen necessitate & graviori bello, evocata ad expeditionem nobilitate, oppidani quoque & agrestes decimum quenque peditem decreto comitali armant & expediunt. Cum autem lentior sit expeditio hæc universa, & nonnunquam civibus & amicis magis, quam hostibus incommodare soleat, excogitata est ratio conducendi militis mercenarii pedestris & equestris, ad subitarias Tartarorum & aliorum hostium excursiones reprimendas, expugnandas munitiones, & alios militares labores subeundos aptior & promptior. Quæ copiarum pariter cum decanis, centurionibus, turmarum & cohortium ductoribus, tribunisque militaribus, ab alterutro duce exercitus longe laxiori potestate, & severiore disciplina, quam in expeditione publica reguntur. Est autem stipendium trimestre in equitem quidem senum, in peditem vero quaternorum florenorum antiquitus constitutum. Perexiguum id sane est, nisi in magna alioqui rerum omnium ad victum pastumque pertinentium copia & utilitate longe levius etiam pretium rebus venalibus bellica
lex

lex imponeret, & charitas patriæ, studiumque bellicæ virtutis & gloriæ, & spes adipiscendorum publicorum honorum magis, quam ulla merces juventutem multitudine & otio abundantem ad facienda stipendia excitaret. In hoc vero stipendium publice conferitur pecunia, tributo, quam exactiorem vulgo vocant, agris ac oppidanis, regi iuxta ac nobilitati subiectis, imperato. Quo illi non inviti agrorum domorumque suarum vexationem redimunt, si modo redimunt; mercenariorum etiam militum, non contentorum stipendiis suis, licentia & rapacitate indies magis ac magis progrediente, & nec sacerdotum nec nobilitatis, atque adeo neque regis ipsius bonis abstinente. Id autem tributum ex agris quidem in lancum seu mantum, (certus agri modus est) ex oppidis vero ostiatim penditur. Quinetiam venalis cujuslibet potus nomine in oppidis juxta ac in pagis pensatur. Pendunt & molitores de moletrinis quiddam: & sculteri sive advocati de suis agris, itemque equites ii, qui nullos habent adscriptos, & plebei, qui neque domos, neque agros habent, & arte aliqua vel opera sua victitant. Doctores, magistri, & scholastici, & qui literarum doctri-

naque studiis vacant, immunes sunt. Est & aliud quoddam tributum, in magna necessitate aliquando plebi universæ, exceptis scholasticis, imperatum: Quod quia de singulis capitibus pendebatur, capitale dictum est. Imponit nonnunquam & ipsa sibi nobilitas cum Rege & proceribus tributum de agris vel de censibus suis pensitandum, si usus & necessitas postulet. Non nisi in comitiis autem hæc tributa sciuntur ac decernuntur, & quidem consentientibus consiliariis pariter & nunciis terrestribus. Cæterum ecclesiasticus ordo una cum bonis & hominibus suis jam inde ab initio susceptæ religionis Christianæ, non modo militiæ perpetuam, sicuti superius attigimus, vacationem, sed tributorum etiam publicorum immunitatem habet in Polonia. Verum ipse superiori tempore oppidanos & agrestes suos tributis, quæ cæteris imperantur, ultro reipublicæ gratia subjecit. Nunc jam pro lege habetur, ut quoties regis & equitum subditis tributum imperatur, nec hi exortes sint. Pensitant ipsi etiam nonnunquam sacerdotes cum Episcopis rogati, urgente necessitate, & charitate patriæ suadente, de suis sacerdotibus certam reddituum suorum portionem.

nem. Quam pensionem contributionem appellant. Ejus vero decernendæ jus est penes synodum provincialem. Exigendæ vero penes eos, quibus episcopi cum primario suo collegio in sua quisque diœcesi mandaverit. Superiorum autem illorum tributorum, quæ plebi atque, etiam nobilitati imperantur, exactio plerunque regis arbitratu, nonnunquam de senatus atque nunciorum sententia, per satrapias compluribus imponitur: Nec diutius id munus durat, quam ipsum tributum. Dispensatio penes Regem fere & thesaurarium regni manet. Nonnunquam tamen & ipsa aliis comitiorum decreto mandatur. Dum hæc recognoscimus, excogitata est nova ratio comparandæ in defensionem regni militumque mercenarium pecuniæ. Rex enim benignissimus Sigismundus Augustus quantam partem reddituum regionum in eum usum perpetuo reipublicæ concessit. Quæ pacis tempore in fiscum, in arce Raveni constitutum, deponitur. Atque hæc habuimus in præsens, quæ de ratione belli, ac de universa republica Polonica in medium afferremus. Si quid præterea requiritur, cæcèntioribus comitialibus constitutionibus petatur.

Prussia Regia descriptio.

Prussia Regia nobis reliqua est, quæ quamvis eodem cum Polonis regno contineatur, tamen quia peculiare consilium publicum, peculiare leges, peculiaria judicia & comitia, ærarium. que, & belli gerendi rationem à reliqua Polonia diversam habet antiquitus, de his nunc separatim persequamur. Nec abs re fortasse fuerit si de Ducali quoque obiter attingamus. Igitur ea pars Prussiæ quæ nunc Ducalis dicitur, ex eo tempore, ex quo devictis barbaris populis sub jugum Christi missa est, simul cum episcopis suis Sambienſi & Pomeſanienſi ad nostra usque tempora Ordini Teuthonicorum Crucigerorum, qui se de hospitali S. Mariæ militiæ Hierosolymitanæ dixerunt, paruit. Cujus Ordinis præses Magister generalis, socii vero administrationis & præfecti territoriorum, Præceptores & Commendatores appellati sunt. Qui cum pro amicis & locis, Polonorum hostes facti essent, armis eorum adacti quodam tempore, una cum episcopis in verba Regis Poloni jurarunt, & aliquandiu maiestatem ejus comiter conservarunt. Sed cum id deinde aliquoties, & ad extremum nostra memoria Alberto Mar-

Marchione Brandebu. genſi Magiſtro,
viro excelli animi, & rei militaris pe-
rito, auctore detraſtallent: Sigismur-
dus rex ſenior, ut ſe & poſteros ſuos il-
la perpetua defectionum bellorumque
moleſtia liberaret, & Poloniæ Litua-
niæque tranquillitatem maiorem præ-
ſtaret, fractis iis bello, & ad neceſſita-
tem deditiſionis redactis, & partim de-
cedentibus è Prussia, partim habitu &
religione abjecta manentibus, illum
ipſum Albertum ſororis ſuæ filium ſin-
gulari clementia pro Magiſtro ducem
in Prussia juſſit eſſe, hæreditariumque
Principatum ipſi cum fratribus & po-
ſteris eorum maribus attribuit, ea lege,
ut ii in verba regis Poloni ritu ſolenni
jurarent: cum centum equitibus haſta-
tis, quoties & ubi uſus poſtularet, ei
militarent: & in ſenatu regni locum
haberent iudem ac Magiſter habuiſſet.
Extant pacta conventa. Ex eo igitur
tempore pars illa Prusiæ ampla & co-
pioſa, duarumque epiſcoparum ſup-
preſſione auctior, ſub Duce eſſe cæpit,
ſummam omnium rerum poteſtatem
Rege tamē Polono obnoxiam haben-
te, & arbitratu ſuo conſiliarios ſibi le-
gente, & præfecturas ac magiſtratus
mandante. Utinam quidem is ſacra
intacta reliquiſſet. Nec plura nunc de

ducali Prussia. Regia vero, ex quo à
Crucigerorum imperio ad Polonum
nomen (unde fere detracta erat) ante
centum annos sese recepit, recepta ea
quidem est à Polonis in societatem ju-
ris & reipubl., sed leges tamen suas &
instituta à Teutlonibus fere hausta, vel
post subactos & ferme extirpatos pri-
scos & barbaros Prussios deductione
coloniarum è Germania importata re-
tinuit. Consilium quoque à senatu re-
gni sejunctum obtinuit. Habuit etiam
initio suum gubernatorem, à rege da-
tum. Sed postea suppressus est hic ma-
gistratus. Vtitur autem omnis ferme
Prussia, ducali juxta ac regia, jure mu-
nicipali, quod Culmense vocatur. Quod
tamen non satis certum est in hanc us-
que diem. Eruitur id quidem è tenebris
& colligitur, sed nondum in lucé pro-
dit. Solæ Elbingensis, Brunsbergensis &
Fraumburgensis civitates Lubecense
amplexæ sunt, vel secum fortassis attu-
lere. Et quoniam utrumque id paucis
capitibus continetur, in cæteris recurri-
tur ad Saxonicum & Magdeburgense:
indeque etiam ad Romanum. quibus
de rebus, neque Culmensi aut Lubecen-
si, neque Magdeburgensi & Saxonico
jure, neque plebisceitis civitatum, aut
constitutionibus regis cautum est. De-

dit enim constitutiones & leges quas-
dam sapientissimus rex Sigismundus
senior, partim toti Prussie regie, par-
tim Gdanensi civitati peculiariter. Eas-
que auxit optimus ejus filius Sigismun-
dus Augustus, cum in ea urbe esset an-
te annos duos & viginti. Quibus con-
scribendis nos adfuimus. Non ita pridē
etiam, cum idem Rex comitali decreto
clarissimos & prudentissimos aliquot
senatores ad Elbingensem & Gdanen-
sem civitates corrigendorum quorun-
dam erratorum & abusuum causa cum
summa potestate delegasset, condide-
runt ii leges nonnullas, rebus, locis, at-
que temporibus accommodatas. Quas
nuper is qui fuit Princeps ejus legatio-
nis, vir amplissimus, Stanislaus Carno-
vius VVladislaviensis Episcopus, in lu-
cem edidit. Vestigalia regia non ampla
sunt in Prussia: Eaque proveniunt po-
tissimum ē civitatum pensionibus, a-
gris & prædiis insularis, & præfecturis:
Quarum tamen pleræque donationi-
bus, venditionibus, & hypothecis in
impendia bellorum, superioribus tem-
poribus accisæ, aut prorsus alienatæ
sunt. Quod itidem aliis quæque vesti-
galibus in civitatum jus traditis fa-
ctum est. Verum ea detrimenta crebris
tributis, populariter in gratiam Regis

scitis vel decretis, superiori tempore compensabantur. Metallorum ea regio ferax non est: Fruges non maligne profert, & linum, & lupulum: easque merces trans mare mittit. Mittit & materiam fabricandis navibus & vasis, exornandisque domibus aptam, & ceram, & cinerem, & bulula coria, imo & carnes. Sed hæc ei fere suppeditat Russia, Samogitia, & Lituania: Quin & frugum, & aliarum rerum ad victum pertinentium majorem copiam eadem regiones, & Masovia cæteraque Polonia ratibus & navibus fluvialibus subministrant. Accipit autem ea vicissim transmarinis commerciis vina, oleum, aromata, saccharum, sal, & alia condimenta mensarum: telam etiam & pannos laneos juxta ac criceos, & quas præterea mittit Lusitania & India dives cupedias. Eaque omnia Polonis & Lituanis Prussia transmittit. Hinc est vulgo simul & nobilitati res lautior, vestitusque & habitatio cultior. In victu quidem frugalitas prisca adhuc ferme retinetur. Vinam computationes essent moderatiores. Sed est in commune vitium Septentrionalium populorum. Eæ tamen computationes Prussis ordeacea cerevisia crassiore ferme peraguntur. Vini non magnus est usus.

Distin-

Distinguuntur Prussi, itidem ac Poloni, sacro & profano ordine: nobilitate ac plebe. Sed paulo meliore est conditione plebs in Prussia, quam in reliqua Polonia. Eodem quidem cum nobilitate jure, & iisdem legibus utitur, prærogativis modo quibusdam inferior: per quas tamen plebei neque à bonis terrestribus, neque ab honoribus & magistratibus, neque à sacerdotiis, neque à consilio publico arcentur. Nec nobilitas modesta & frugalis eos dedignatur. Quin decedit ea quoque una cum sacro ordine nonnihil de immunitate sua, reipublicæ & concordia gratia. Sacerdotibus justus honos habetur, à catholicis præsertim. Monachi & monachæ cum nostra memoria præfultore Luthero domicilia sua reliquissent, manent ea etiam nunc propemodum vacua & ruinosa, aliquot exceptis: quæ sane infrequentia sunt, & incolentes ea contemptibiles. Regis potestas in Prussia minus est restricta, quam alibi. Senatus constat duobus Episcopis, tribus Palatinis totidem Castellanis, totidem Succamerariis, & tribus primariis civitatibus: quarum non mediocris est potentia. Earum vero bini consules legati sive nuncii pro singulis habentur, & alternis diebus sententias.

tentias. Episcopi sunt, Princeps, senatus, & moderator Varmienfis. In qua episcopa me Pius ejus nominis quintus pontifex maximus, ultro petente D. Sigismundo Augusto rege, amplissimo Cardinali Stanislao Hosio, (ipso liberrissime assentiente) ante sex annos, Coadjutorem, ut vocant, dedit, successoremque designavit, & collegium sacrum accepit. Sed revertamur ad institutum. Est ergo Princeps senatus Prussicis Varmienfis Episcopus: Huic proximus Culmenfis, qui olim cum anteibat: Quorum hic Theutonũ Crucigerorum opera quodam tempore de Gnesnensi provincia detractus, Rigenfi addictus fuit, vehementer accisis redditibus & episcopa, ecclesiæque in ditionem ordinis ipsius redacta. Ille vero, Varmienfis, inquam, initio quidem Rigenfis Archiepiscopi metropolitica auctoritatem agnovit. Nunc vero à permultis annis in nulla provincia censetur, & soli subest in rebus ecclesiasticis Romano Pontifici: Magistri & Ordinis dominatum nunquam agnovit: amicitiam & societatem, cum & ipse plerunque Germanici esset sanguinis, libenter coluit: nec sine malo ac detrimento suo & ecclesiæ suæ. Ad regnum vero Poloniæ ante centum annos certis pactis cum
Rege

Rege Cazimiro initis sese adunxit. VVladislaviensis Episcopus habet non contemnendas possessiones in Pomerania. Atque ea tota ferme in diœcesi ipsius est, indeque Pomeraniæ quoque Episcopi titulum is usurpat, sed ad Prussicum consilium non pertinet. Palatini sunt, Culmenfis, Mariæburgensis, qui antehac Elbingensis dictus fuit, & Pomeranicus: Castellani, Culmenfis, Elbingensis, & Gdanensis: Succamerarii itidem atque Palatini: Civitates, Torunensis, Elbingensis, & Gdanensis, in singulis satrapiis sive palatinatibus singulæ, eundem ordinem servantes inter se in consilio, quem sui Palatini. Hoc est consilium Prussicum. Consiliarios terrarum Prussiæ vocant. Quos & ipsos more aliorum iuratos esse oportet. Varmiensis tamen Episcopus diversam ab aliis iurisdictioni rationem & formulam pacto præscriptam habet. Nam is, si Rex est in Prussia, ipso præsentem: sin minus, nonnullis magistratibus Prussicis ad id delegatis in arce Mariæburgensi, præeunte verba aliquo Episcopo, jurat. Civitatum delegati injurati ad consilium admittuntur, aliquone privilegio, an per abusum, nescio. Habent autem consiliarii Prussici sua loca, & jus dicendæ sententiæ in amplissimo
totius

totius regni Polonici consilio. Verum ea loca ante aliquot annos post actum Lituanorum accessione senatum aliqua ex parte variata sunt, ita tamen, ut nihilominus Episcopi inter Episcopos, Palatini inter Palatinos, Castellani inter Castellanos confideant. Ad calcem operis hujus ea singula secundum novam constitutionem Comitalem inter alios notata sunt. Palatinorum jurisdictio & auctoritas in Prussia major est, quam in cætera Polonia. Penes eos sunt multæ & supplicia delinquentium, rerumque judicatarum executio. Tranquillitatem quoque publicam in agris & extra urbes ii præstant. Castellani & Succamerarii eodem sunt jure, quo in Polonia. De Episcopis paulo post dicemus. Præter hos autem magistratus, habent Prussi thesaurarium, præfectos arcium, sive capitaneos, gladiferos, judices, & scabinos: verum ii non pertinent ad consilium. Thesaurarius est, qui pecuniam omnem & rationes à præfectis & ministris regionum bonorum & proventuum, atque etiam tributorum publicorum exigit, & vel ipse administrat vel thesaurario regni tradit. Olim is œconomus fuit seu procurator Mariæburgensis. Gladiferos singulos habent Culmenfis

menſis & Pomeraniæ ſatrapiz. Iudices novem ſunt. In Culmenſi quidem & Mariæburgenſi ſatrapiaz ſinguli: in Pomeranica vero ſeptem, nempe totidem, quot territoria. Sunt autem ea, Slochoviænſe, Tucholiænſe, Suecenſe, Derſaviænſe, Zucoviænſe, Puſcenſe, & Mirachoviænſe: habentque ſinguli iudices in conſilio ſcabinos juratos aliquot. Præſecti, arcium & reddituum regionum in ſua quiſque præſectura curam & adminiſtrationem habent: Iuriſdictionem nullam ferme habent, præſertim in nobilitatem: neque in oppidanos amplam; In agreſtes amplio- rem. Solus Mariæburgenſis neque reditu- um regionum curam gerit, neque in agreſtes iuriſdictionem habet: arcis modo præſecti, ejusque præſidio: quod perpetuum eſt. Caterum conſtitutione quadam, ampliores iſ cæteris præſectis & magiſtratibus prærogativas habet, velut generalis locum-tenens Regis in Pruſſia. Redituum vero & ſubditorum regionum, & ſartorum tectorum ejus iplius arcis curationem habet theſau- rarius. Igitur primaria totius Pruſſiæ præſectura Mariæburgenſis eſt: Cui Polonus antiquitus præſecitur. Nunc pri- mus de Pruſſis, e Polonia tamen oriun- dus, ei præſect, vir vigilantiffimus, & omni

omni genere virtutum ornatissimus, mihiq[ue] amicissimus, Ioannes Cotta, nuper, dum hæc nos recognoscimus, Palatinus Sendomiriensis à novo Rege Henrico creatus. Secundum hanc in eadem satrapia sunt hæc præfecturæ, Stumensis, Gnevensis, Novensis & Starigardensis sive Starigrodenfis. In Culmensi, Brodniciensis, Grudentina, Radinensis, Golubensis, Rogoznensis, Bratheinensis, Covaliensis, Coprivvñensis: In Pomeranica, Slochoviensis, Suecensis, Tucholiensis, Dersaviensis, & Pufnensis. Torunensem vero, Elbingensem, & Gdanensem præfecturas, civitates ipsæ sibi regia indulgentia & ex pacto vendicarunt, & per magistratus urbanos administrant. Episcopi cum collegiis suis suos & ipsi habent arcium atque territoriorum præfectos, quos fere Buggrabios vocant, suosque iudices & advocatos, & oppidanos magistratus. Habent & Cancellarios & officiales suos in causis ecclesiasticis uterque Episcopus. Habent enim utramque jurisdictionem & amplissimam potestatem in suos. Varmiensis quidem episcopa in nulla censetur satrapia: Vno autem & non interpolato ambitu, in modum Principatus, bona certis finibus peculiariter circumscripta & arcibus

bus atque oppidis exulta habet: Eaque
 sic divisa, ut duas partes Episcopus, ter-
 tiam collegium sive capitulum obti-
 neat. In his utrique subjectam nobilita-
 tem habent, & liberam jurisdictionem,
 ab omni Regionum magistratuum ju-
 risdictione exemptam. Præterea perti-
 net etiam Elbingensis civitas cum suo
 territorio ad Varmiensem diocesim:
 Quamvis jam aliquandiu hæretica labe
 infecta conniventibus regibus ab ec-
 clesiastica episcopi jurisdictione sese
 subtrahere nitatur. Bartenæ quoque terra
 & Natangia ante 60 annos ejusdem
 episcopi jurisdictioni subjectæ fuissè, &
 supra sex millia mansorum tunc Epi-
 scopo Varmienti per fraudem & inju-
 riam Cruciferorum detracta esse me-
 morantur. Subditi episcopi & collegii
 Varmienfis eodem, quo cæteri Pruni,
 jure municipali utuntur: Sed habet et-
 iam peculiaria, inter se autem commu-
 nia instituta: quæ *Landt-ordnung*, hoc
 est, terræ constitutiones, vocant. Con-
 ventus etiam communes habet. Ad eos
 autem nobilitas, civitates, & sculteti cum
 liberis (de quibus postea dicemus) evo-
 cati, pro se quique binos vel plures etiam
 è singulis territoriis procuratores sive
 legatos mittunt, iis de rebus, quæ in
 consultationem veniunt, cum episcopo

& legatis collegii constituturos. Cæterum ea nobilitas omnis, & advocatus, & civitates, præter iusjurandum, quo partim in episcopi, partim in facii collegii ve. ba jurant, novo quoque Regi, ac deinde decimo quoque anno ei ipsi ex pacto fidem suam obstringunt. Tamen si de decimo anno in detuetudinem abiit, sublata causa, hoc est, pacatis prorsus rebus Prussicis, & extirpato ordine Teuthonicæ militiæ. Iurant etiam Sacerdotes, quando certum aliquod sacerdotium adipiscuntur: Primarii tamen, qui Prælati & Canonici cathedrales appellantur, intra mensem, posteaquam in id collegium cooptati sunt. Sed hæc Regum fortassis indulgentia pacatis prorsus rebus Prussicis in desuetudinem abiit. Eos autem Pontifex quidem maximus creat, collegium vero una cum Episcopo eligit alternis mensibus: Excepto Præposito, qui à Rege editur, sive præsentatur, ab episcopo præficitur. Sed neque is, neque cæteri tres prælati locum & suffragium habent in collegio, sive capitulo, nisi sint etiam canonici. Culmensis ecclesiæ collegium ad quatuor canonicos redactum est. Qui singuli à cæteris una cum episcopo cooptantur. Ipse autem episcopus à solo rege designatur,

gnatur, à pontifice maximo creatur. Cæterum Varmienſis ex pacto recenſioni è quatuor canonicis indigenis à rege propoſitis, unus ab ejus ipſius eccleſiæ collegio deligitur: deinde hic quoque à pontifice renunciatur, & confirmatur. Ac tum demum ſacris pontificalibus ad præſcriptum eccleſiaſticorum canonum initiatur. Magiſtratus terreſtres in Pruſſia quoque itidem, ac in Polonia, à Rege creantur: ludex tamen ex aliquot, à Palatino cum dignitariis & cætera nobilitate de conſectis ſcabinorum delectis, ab eo editur: Scabini ſoli à Palatino cum cæteris dignitariis illius loci creantur. Sunt autem & Pruſſici magiſtratus omnes perpetui, præter præfectos: qui regis arbitratu mutari poſſunt, niſi beneficio ac diplomate regio ſibi protulerint. Civitates à decurionibus, ſeu conſulibus, & quidem Germanicæ linguæ & ſanguinis (Polonos enim pro externis habent, & neque ad artes mechanicas perdiſcendas admittunt) reguntur: Quorum non idem ubique, certus tamen eſt numerus. Et ipſi jus habent cooptandi, quos volunt, in ſua collegia, quoties vacat locus: eoque majore ſunt dignatione & auctoritate, quando volunt, & obſequentiorem habent

plebem. His præſident magiſtri civium, à decurionibus ac de numero ipſorum delecti, & ipſi, itidem atque decuriones, perpetui, in primariis quidem urbibus quaterni, in cæteris vero oppidis bini, per vices annum gerentes magiſtratum. Habent item ſingulæ civitates juratos judices, ſive ſcabinos, qui à decurionibus ſive conſulibus leguntur. Et ipſi autem perpetui ſunt, niſi forte in numerum conſulum cooptentur. Neque enim eundem conſulem & ſcabinum eſſe licet, præter Elbingam & Brunsbergam: ubi pars conſulum loco ſcabinorum judicia exercet. Cæterum unus è conſulibus eis præſicitur, quem ſcultetum vel judicem vocant. Primariæ tres civitates etiam præfectos habent ſingulos, ut dudum memoravimus, quos vocant burgrabios, & eos quidem annuos fere: Qui tranquillitatis urbanæ, ac totius territorii curam gerunt, cauſasque privatarum injuriarum & ſanguinarias judicant, & pro iis multas irrogant. Hunc ſolum magiſtratum Rex in civitatibus creat, ſed non niſi unum è ſex vel octo è numero conſulum ejusdem civitatis ab ipſo collegio delectis. Iidem autem conſules ex omni civium numero, Gdani quidem centum viros, alibi vero

vero pauciores deligunt, qui sint capita multitudinis & quasi tribuni plebis: cum quibus communicant nonnunquam consilia de republica, & ex iis cognoscunt postulata plebis. Vitantur enim coitiones multitudinis propter externorum omnis generis hominum frequentiam, nequando in seditionem eumpant, ut nonnunquam factum est. Iudicia nobilitatis iudices terrestres cum suis scabinis, præfidente Palatino, bis quotannis exercent in certis oppidis. Infamie tamen causa, & status controversia, iidem ac in Polonia, ad Regis iudicium pertinet. A terrestribus iudiciis provocatio est ad consiliarios Prusæ: inde vero ad Regem. In oppidis vero iudiciaria potestas fere omnis est penes consules, exceptis paucis causis, quarum mentionem dudum fecimus, & si quæ sunt aliæ ad burggrabios vel palatinos pertinentes: Sed eam ipsi consules, quod ad privatorum hominum inter ipsos controversias attinet, cum iurato iudicio, cuius mentionem dudum fecimus, communicarunt. Ab eo vero iudicio in primariis quidem civitatibus ad consules civitatis cuiusque, in cæteris autem oppidis ad consilium totius Prusæ: Inde porro utrimque ad

regem provocatur. Rex vero de quibvis provocationibus ubilibet, & cum quibus vult, cognoscit. Plerumque etiam cognitionem delegat Cellariis & Iureconsultis. Alioquin privatim neminem è Prussia Regi evocare licet, exceptis iis causis, quæ sunt fisci & iudicii regii propriæ. Magistratus terrestres juxta ac urbanos evocat de iis duntaxat, quæ in magistratu perperam & præter officium egerint: vel, si mavult, consiliariis Prusicis eas delegat, in comitiis cognoscendas. Delegat etiam vel iisdem, vel quibus vult, causas fisci sui, finium regendorum cum suis bonis, ac dividundæ inter fratres & cognatos hæreditatis: quasvis item alias ab aliis ordinariis iudicibus per provocationem ad se devolutas. Comititia bis quotannis habentur in Prussia statis temporibus: Majo quidem mense Mariæburgi, Septembri autem extremo Grudenti. Sed Grudentina jam Toruniam, propter majorem commoditatem urbis, translata sunt. Ex iustis tamen causis ea quoque loca mutari possunt. In iis comitiis à consiliariis de republica in commune consultatur, sive ultio, sive ex præscripto regio: de provocationibus terrestrium & oppidanorum iudiciorum cognoscitur:

scitur : & omnino judicia vel à rege delegata , vel si qua sunt alia , exercentur. Cum ducalibus quoque Prussis, seu ducis ipsius legatis, nonnunquam Elbingæ ex fœdere , vel Mariæburgi, constituta certa die conventus habentur , & consultationes de legibus , & aliis rebus communibus , & controversiis. Non ita pridem in Prussia quoque nuncii nobilitatis & minorum civitatum in comitiis adhiberi ceperunt, tributis sciscendi causa : curus decernendi potestatem neque rex neque consiliarii soli usurpant. Ad regni quoque comitia nuncii nuper adeo nunci ceperunt. Sciscitur autem cerevisiarum tributum plerumque in usus publicos, vel in gratiam regis : & non in modo à cauponibus , verumetiam ab iis, qui eam in suos familiæque suæ privatos usus coquunt , penditur : vocaturque id vulgo eisa vel accisa. Nonnunquam etiam de censibus, agris , domibus, bonis & facultatibus, estimatione facta , certa portio pensanda determinitur. Varmiensis episcopæ subditi nihil habent negotii cum comitibus. Solum iis interest & præest episcopus, ac deinde iis , quæ ibi constituta sunt , ad peculiarem conventum suorum refert, de tributo præsertim. Nec temere ii

disfentire folent ab epifcopi fui & conventus Pruffici fententia. Nihil tamen verat, ipfos arbitratu fuo, auctoritate epifcopi & capituli præeunte, peculiares leges, & ut vocant, ordinationes fibi condere, tributumque feifcere. Quinetiam magiftratus primaria- rum civitatum non raro imperant civibus fuis tributum peculiare, & operas, aliaque onera in ufus publicos urbium fuarum, adhibitis capitibus plebis. Portus maris tres habet Pruffia. Regia quidem Gdanenfem & Elbingenfem. Quorum hic in Habum lacum, ille recta in mare procurrit. Ducalis vero Regiomontanum five Kœnixbergenfem, qua Prægola fluvius in Habum influit. Atque hic quidem cum portoriis & omni jurifdictione & impendiis in ducis; duo vero reliqui in ipfarum civitatum, quibus adjacent, & magiftratus poteflate funt. Verum is tamen, magiftratus, inquam, fine permiffu vel mandato regio claudendi & aperiendi portus poteflatem non habet. Quod de tributo quoque decernendo itidem nuper conftitutum eft. Quod ad bellum attinet, fi qua vis hoftilis ingruat Pruffiæ, domesticis communibusque plebi cum nobilitate viribus depellitur. Ac nobilitas quidem

dem cum procubibus equestribus militat, scultei item & liberi: (quos ita vocant, propterea quod & ipsi ab operis & laboribus, quos rustici domini suis præstant, gratuitam immunitatem habent, medii quodam modo inter nobiles & rusticanos agricolas: Ferunt tamen nonnulla onera extra ordinem.) Civitates equitatum atque peditatum suppeditant: Rustici peditatum tantum. Hæc ante institutam coadunationem (quæ necdum maturitè videtur) de Prussia & in universum de Polonia nobis *συφέρον*, quod ajunt, *ἢ ἀναφέρον* sunt exposita. Quæ cum civibus nostris, tum externis, non ingrata fore speramus. Sic enim fiet, ut minus peregrinentur in historia nostra.

III.

POLONIÆ REGNI DESCRI-
ptio ex Thuani Historiarum
lib. LV I.

Vltra Vistulam, qui limes est Germaniæ orientem versus, late jacent Sarmatiæ, Europæa prima, deinde Asiatica, ad Septentrionem porrectæ, quæ Tanai fluvio, & Mæotide palude discriminantur. In Europæa Poloniæ regnum situm est, quod etiam citra Vistulam versus occasum ad Oderam seu Viadrum usque protenditur, & Pomeraniam ac Prussiam amplissimas Poloniæ ditionis beneficiarias provincias, quanquam & eisdem Imperium Germanicum sibi vindicat, Poloniam denique proprie dictam, à qua toti regno nomen, inter Vistulam & Oderam amplectitur. Totum igitur regnum ab Odera ad Vistulam & à Vistula ad Borysthenem hodie Nieperum dictum, à Ponto Euxino ad mare Balticum, ab extremis Lithuanorum finibus ad Moscorum & Suecorum usque limites extenditur. In Europææ Sarmatiæ spatio maximæ ac frequentissimæ regiones moribus ac lingua differentes, Polonia, Prussia,

Prussia, Masovia, Samogitia, Livonia,
Lithuania, Volhunia, Podolia, in unum
fortissimum regni corpus coaluerunt.
Polonia, cui à *Pols* nomen, quod vo-
cabulum planiciem & venationem so-
nat, eo quod plana majori ex parte
provincia & venationibus exercendis
opportuna sit, in maiorem & mino-
rem dividitur, & ab occasu Oderam
habet, & trans Oderam Germaniam
omnium Europæ provinciarum maxi-
mam, à meridie Pannonias, ab ortu
Lithuaniam respicit. regio ferax, oppi-
dis ac vicis & castellis frequens, fluviis
crebris irrigua, & adhæc generosa no-
bilitate abundans, quæ armorum cu-
ram fere cum literis conjungit. itaque
& regionum visendarum gratia nobi-
les ac primores adolescentes crebro la-
res paternos deferunt, & magnam se-
cum doctrinæ copiam & optimarum
rerum usum non mediocrem, quod il-
lis inclementis cæli rigore denegatur,
ex peregrinationibus collectum do-
mum referunt. Slavica lingua utun-
tur, ut & in Germania Boemi, Silesii &
Moravi, a Slavis è Roxolania populi
profecti, qui circa Attilæ Hunnorum
Regis tempora vacuas Vandalorum
sedes occupasse, & in interiorem Ger-
maniam victoricia arma intulisse me-
moram-

morantur. ab iis, ut genus, sic lingua propagata hodie quam latissime per septentrionem & orientem patet, ea-que fere præter eos, quos dixi, Vindæ, Baltico mari vicinæ gentes, Pomeriani, Lusatii, Roxolani, Mosci, quorum non solum in Europa, sed etiam in Asia latissimum est imperium, Circassii etiam Quinquemontani ad Pontum habitantes, Rasciani, Mœsii, Serviani, Bulgari, Bosnenses in Illyrico, Dalmata, Istri, Carniolani, ac denique Carinthii utuntur. Poloni Miecislao duce circa annum Christi 100000 LXV sacra Christiana susceperere, Ioanne XIII Romæ sedente. Antiquissima apud eos urbium Gnesna, à Lecho primo gentis duce, uti fertur, condita; & à *Gniafido*, quod nidum patria lingua significat, appellata, quod in eo loco aquilarum nidum reperisset Lechus; unde Principibus Polonis alba aquila expansis alis insigne etiam hodie manet. urbs archiepiscopali sede decorata est. archiepiscopus legatus R. S. natus & totius regni primas habetur; & subtracto è vivis Rege, etiam munere apud Polonos fungitur regio; mittendarumque ad externos legationum, custodiendorum finium & promulgandorum comitionum jus habet: Regem electum pronunciat,

nunciat, facio oleo inungit, regium-
que diadema imponit. in supremæ di-
gnitatis signum sublatus præfertur ei
baculus, & cibum sumpturo tympana
militaria pulsantur, qui honos soli Re-
gi in Polonia habetur. aula nulla post
Regiam præterquam archiepiscopalis
censetur; & aulici familiares ejus, non
famuli, ut cæterorum episcoporum,
vocantur. postea Cracus, qui circa an-
num Christi 1000 regnasse scribitur,
Cracoviam ad Vistulæ ripam ædifica-
vit, in eaque Regiam sedem fixit. po-
stea Popielius senior, regionis monta-
næ pertæsus, in qua sita est Cracovia,
regium tribunal Gnesnam retulit. &
rursus Vladislaus Regiam circa annum
c1000 xx Cracoviam transtulit; quæ
& episcopali sede, & arce à Sigismun-
do I in colle Vouelo constructa maxi-
me insignis est, & tribus oppidis con-
tiguus, Casimiria, Cleparia, & Strado-
mio frequentissima efficitur. Casimiria
Stradomio & interlabente Vistula, qui
receptis amplius xlii magnis flumini-
bus apud Gedanum urbem Borealis
oræ nobilissimam & emporium illis
locis celeberrimum in mare exonera-
tur, à Cracovia separatur, amplissimo
ponte interjecto, facultatem ultro ci-
troq; commeandi præstante. Casimiriæ

con-

conjunctus est Hebræorum vicus, quem illi olim promiscue cum Christianis habitabant postea separatim, ut se à plebis injuriis assererent, locum hunc multis magnis & elegantibus ædificiis exstructis occuparunt. præterea Cracoviæ gymnasium est & schola ab Vladimao I Jagellone instituta, in qua mathematicarum artium, philoſophiæ, theologiæ, ac juris studia florent ac docentur. Altera Poloniæ urbs est Poſnania, quam Varta celebris fluvius alluit, post Cracoviam & superbarum ædium splendore ac magnificentia mercatorum atque opificum omnis generis numero, & omnium rerum, non solum ad usum, sed etiam ad luxum necessariarum copia ceteras antecellens, episcopali & ipsa dignitate insignis. Secundum has duas primarias Vladislavia sive Cuiavia numeratur, quanquam nec ædificiis, neque opibus cum utraque comparanda, cujus episcopo amplissima diœcesis subest, nempe tota Pomerania & Gedanum ipsum, de quo modo diximus. Sunt in ea provincia præter ea aliæ urbes & oppida, quibus & ab illis cognominatis regionibus Palatini, quos lingua patria Vaivodas appellant, quasi militiæ duces dixeris, præficiuntur, lique sunt,
qui

qui amplioribus provinciis præfunt. nam Castellani angustiorum regionum sunt præfecti. Lithuania post Poloniam sequitur, amplissima sed vassa provincia. campestris pabuli ferax, nemorosa, & pluribus ætate locis, postquam nives colliquatæ sunt, palustris. fluvios nobiliores habet Narvam, Carononem & Beresinam, copia piscium maxime abundanteis; præterea Vilnam & Veliam, qui ad Vilnam de alterius nomine dictam urbem totius provincie metropolim confluunt. vitibus regio propter cœli rigorem, ut & Polonia, caret, sed populares birra atque cerevisia ex aqua, tritico, vel hordeo & lupulo cocta, item medone ex aqua, melle, lupuloque confecto utuntur. martarum, castorum, harmelinorum, aspreolorum, nigrarum & albarum vulpium, luporum, pantherarum, urforum pelles Lithuani in omnem Europam transmittunt; Hercinia silva bonam provincie partem occupante. in qua præter alia animalia visuntur & jubati bisontes taurorum specie cornibus quandoque sic diductis, ut treis procera statura viros eorum intervalum capiat. alces item cervina effigie, colore tamen ad albedinem inclinate, cornibus nonnihil differentibus

pro-

producit. quæ velocissime currunt, sed
 instar equi gradatim. pellit us bilontis
 & aliis preparatis in bello utuntur mi-
 lites. carnes etiam inter delicata obso-
 lia numerant, & aleinæ quidem un-
 gulæ, si statis temporibus abscindan-
 tur, præsentissimum adversus comitia-
 lem morbum remedium credunt. A
 Libone quodam Roma exule fabulan-
 tur nomen provinciæ inditum, quasi
 Libeniam dicas, quæ postea primus
 mutatis literis Lithuania appellata sit.
 & argumento eam fabulam firman-
 tur, quod multas Latinas voces eorum lin-
 gua admistas habeat. Nobilitas in ea
 magna, & primariæ dignitatis viri: in
 quibus dux Slucensis, qui incredibili
 privatarum opum apparatu vel aliqui-
 bus Germaniæ & Italiæ Principibus
 exæquari potest: item Olicæ duces ex
 illustissima Radevilliorum familia, ex
 qua Sigismundus Augustus Barbaram
 lætissimam in uxorem duxit Nicolai
 sororem, cujus industria & virtute ju-
 ris Polonici Livonia facta est, sicuti
 suo loco diximus. magna & clarissima
 Chodkieviciorum comicum gentis in-
 ter Lithuanos & aliorum dignitas est.
 Ultimi septentrionalium ad illas partes
 Christianis sacris initiati sunt circa an-
 num 1500, episcopo Vilnæ
 ab

ab Vladislao Iagellone tunc instituto, cuius successores Græcorum ritibus addicti diu Patriarcham Constantinopolitanum, ut & Roxolani, solum agnoscētes, Romano Pontifici obtemperare noluerunt. Prope Vlnam Tatarum gens Scythica supra Vacam amnem agros colunt, Mahumetanæ superstitioni addicti, quos Vitoldus anno S. c. d. cccxvi ex media Scythia abductos cum uxoribus & liberis in media Lithuania collocavit. in suis legibus vivunt, & ex æquo cum Lithuanis magni Principis imperium agnoscunt, eorumque opera Rex in bello uti consuevit. cum cæteris Tataris continuum magis quam infestum bellum gerunt Poloni, quippe in Podoliam & Russiam usque fere excurrentibus. & hoc quidem anno in feriis Paschalibus c. d. m. cccc ex iis, Baca & Sicoza ducibus, ad Baram usque arcem progressi sunt, vicisque aliquot & prædiis circumjacentibus succensis, dum onusti præda revertuntur, à familia Buczacii præfecti Camienecensis inopinata eruptione circumventi sunt ac trucidati, spoliis receptis. Lithuaniae Principes magni Ducis titulum usurpabant, non ab imperatoribus concessum, sed ut Moscorum Principes plurius Ducum

ditio.

ditionibus in unum coalescentibus hanc prærogativam sibi privata auctoritate sumpserunt, ita & Lithuanos duces fecisse vero simile fit. Caterum inter magnos Lithuaniae duces præstantissimus fuit Jagello à Gedimino genus trahens, Olgirdi F., qui abrogatis gentilium superstitionibus primus Christianorum sacris initiatus est, Vladislai nomine accepto, & Reginam Heduvigen Ludovici Hungariae & Poloniae Regis filiam, quam Poloni regio diademate ornaverunt, uxorem duxit, & dotale regnum cum uxore accepit anno S. c. d. ccc. xxvi, atque ut patrem Polonis omnibus tam præclari beneficii referret gratiam, post consummatum cum Regina conjugium, Lithuaniam omnem cum Samogitia, & ea Roxolaniae parte, quæ in ditione ejus erat, Poloniae regno jure sempiterno adjunxit, & regibus Polonis obnoxiam fecit. ab eo stirps regum Poloniae propagata est, quæ in Sigismundum Augustum anno superiore defunctum desinit. Lithuaniae Roxolania regio subest. quod nomen tamen latius patet, & ut nomen ipsum præfert, disseminatam gentem significans, quicquid terrarum est inter mare Balticum & Livoniam, Sueciam, Oceanum glaciale,

lem, Volgam, qui Rha hodie appellatur, Maotim paludem, Pontum Euxinum, montes Sarmaticos, Poloniam, Lithuaniam, & Samogitiam, completitur, in duasque regiones dividitur. quarum altera Carpathios montes non longe à Cracovia attingit, & secundum Tyram ad Valachorum finis, atque ex altera parte Borysthenem & pontum Euxinum porrigitur: tum ad utramque Axiaci fluminis ripam vergit, & à Tanai Europæ & Asiæ limite ad Astracatum nobile emporium in citiorem Volgæ ripa ad ejus tere ostia, ubi à Medis, Persis, Armeniis, Scythis, & Moscis nundinæ celebrantur, per vasta terrarum spatia extenditur: inde Volga non magno interjecto spatio in LXX ramos scinditur, plurimis insulis factis; totidemque per ostia navigabilia in mare Hyrcanum sive Caspium evolvitur. & hæc quidem Roxolania, quæ ultra Borysthenem ad Persarum usque finis extenditur, magno Moscoviæ duci paret: hæc, quam Regiam vocamus, Leopoliensi, Lublinensi, Belfensi, nec non Podoliæ, Voliniæ, Kioviæ, Circassiæ & Podlachiæ regionibus comprehenditur. eodem jure, quo Lithuania, atque adeo cum Lithuania in regni

Polonici ditionem concessit, sicuti & Samogitia, quæ Prutenis & Livonis intermedia cum Lithuania contigua est, ferax frumenti & leguminum, silvis & nemoribus amœnissimis exornata, sed nulla celebri urbe aut illustri oppido insignis. Masovia autem doctissimorum & fortissimorum virorum fecundissima, cum antea communi totius Poloniæ nomine censeretur, tunc primum peculiarem adeptæ est appellationem, cum Massaus live Masos Micislai Polonorum Regis pocillator, circa annum Christi c13 xxxiv, ardente bellis civilibus regno, mortuo Rege, provinciæ dominationem invasit, eamque de suo nomine Masoviam vocavit. verum à Casimiro I deinceps una cum Prutenicis auxiliaribus victus & tandem etiam supplicio affectus vitam cum Principatu amisit. nomen tamen semel regioni inditum ab eo tempore mansit, quamvis provincia ad amplissimi regni corpus reversa. Vistula, Narva, & Bugo irrigatur, & uros, quos & turos patria lingua vocant, boum silvestrium genus nigrum, sola producit. Metropolis ejus est Varsavia ad Vistulam, cui ligneo ingenti ponte conjungitur, ubi ob loci opportunitatem comitia regni celebrantur. secundum

dum eam Plofcovia dignitate præcipua est. utraque episcopalis civitas. Prussia sive Borussia, & Livonia supersunt amplissimæ provinciæ regni Polonici beneficiariæ, de quibus cum superioribus libris, qua ratione in ditionem Polonicam concesserunt, abunde dixerimus, non est quod earundem rerum repetitione lectori molesti simus. Initio apud Polonos summa potestas penes unum fuit, isque Lechus memoratur, de quo diximus. quo sublato Principis unius imperium pertæsa gens, XII ex omni procerum numero sibi Duces seu Palatinos creavit, quibus & summam universæ reipubl. commisit administrationem. sed rursus ad unum delata potestas est, qui Cracus fuit, Cracoviæ conditor, circa annum Christi 1000. cujus stirpe extincta Palatini rursus remp. gesserunt, donec Primislaus, homo plebeius, sed astuto ingenio & virtute supra nataleis, cum feliciter rem adversus Hungaros gessisset, anno LX seculi insequentis omnium suffragiis Princeps creatus est. quem alii atque alii longa temporum serie Principes secuti sunt usque ad Boleslaum I, qui ab Orthone III Cæsare, repudiato Ducis nomine, quo majores sui contenti vivebant, in civitate Gnesnensi Rex socius

& amicus Romani imperii appellatus est, anno Christi c101. quod cum successores diu servassent, eo tandem Boleslaus II post patratam Stanislai episcopi necem privatus est, quod tamen seculis aliquot deinceps Przemislaus resumpsit, ex nobilitatis consilio à Iacobo archiepiscopo Gnesnensi Regio diademate insignitus, anno c10 cxcv. Ab eo regium nomen mansit & dignitas regia, sed cum moderato potentie temperamento. nam quamvis Princeps supremam potestatem habeat, maxima tamen auctoritas remanet penes regni Senatum, qui ex nobilitate constat, plebe ab universa reip. procuratione omnino summoti. ita ut optimatum veluti auctoritas regio imperio, regia vicissim potestas senatus & equestrium virorum libertate temperetur: sic fere ut amplissimum illud imperium regio splendore refulgeat, & regia in eo potestas, quæ plerumque ad libidinem & insaniam vergens, cum cuncta licent, omnium scelerum & injustitiæ seminarium est, sapientissimis senatorum & nobilitatis animadversionibus intra æquitatis terminos contineatur. itaque cum apud alios quicquid Regibus placuit legis habeat vigorem, heic non modo nullam sine Senatus

natus consilio & nobilitatis assensu fert legem, sed & legibus regni ipse obtemperare jubetur. incredibilis tamen est Regum in Polonia majestas, ac subditorum erga eum cultus, cum ex præscripto Legum regnare judicatur. quod enim præcipuum est, summa est juris dicendi penes eos potestas: & quamquam nihil in quemvis sine publici iudicii auctoritate statuunt acerbius, condonandi tamen multas, & ab legibus patrata nece gratiam faciendi jus habent. possunt & ad repentinos reip. motus urgente periculo universam nobilitatem signo dato ad arma vocare, & irruentibus hostibus sub vexillis opponere, mercenarium militem conscribere, creare militiæ magistros, exercitum exauctorare, & in militarium sanctionum violatores animadvertere. sed potissima eorum in creandis magistratibus & honoribus ac dignitatibus in eos, quos dignos censuerint, conferendis facultas spectatur. nam archiepiscopos, episcopos, cœnobiarchas, ecclesiarum primicerios dicunt: Palatinos, Castellanos, Marescalcos, Cancellarios, Thesaurarios, qui sunt regni senatores, ex arbitrio suo faciunt. gubernatores, & quos capitaneos vocant, cæteroque regionum iudices ac

magistratus in singulis præficiunt provincijs secretarios, supplicum libellorum magistratos, ac reliquam curialium ministrorum turbam creant. plebeios homines propter egregia bello & pace erga remp. merita jure nobilitatis ornant. castella, pagos, vicosque regaleis viris de se ac regno bene meritis utendos concedunt. proscriptorum, & sine legitimis hæredibus decedentium agros nobilibus viris in perpetuum donant. Omnes demum legationes, leges, literæ, diplomata, privilegia, & universa fœderum, induciarum & bellorum negotia regio nomine conficiuntur, ac regiis sigillis firmantur, ita tamen ut in iis maximam auctoritatem tota regni universitas habeat. Ad hæc accedunt opes non mediocres. nam amplissimum regum est toto regno patrimonium, portoria ex mercatura complura. magna quoque pecuniæ vis ex fodinis salis è profundissimis terræ venis raro naturæ beneficio tanquam è saxo eruti quotannis in ærarium infertur. quales sunt apud Bochnam, & Veliscam in Satrapia Cracoviensi, apud Haliciam, Colomeiam, Salum, & aliis pluribus Roxelaniæ locis. præterea in desertis Podoliæ ad Borysthenem locus lacus est, cujus aqua sereno & ardente

ardente sole in solidum salem concre-
scit, ita ut homines cum jumentis &
curribus in eo tanquam in glacie ver-
sentur, sectumque in frustra arbitratur
suo avehant. sed vilitas annonæ, &
nobilitatis immunitates, ac sacri ordi-
nis inprimis, in causâ sunt, ut amplif-
simi regni, quam vicinorum, census
sit tenuior. nam nobilitas universa o-
mnibus soluta vectigalibus, bellica
tantummodo munera privatis obire
stipendiis tenetur, idque non nisi ad
propulsandam hostium vim intra Sar-
matici regni fineis. nam si ad inferen-
dum exteris gentibus bellum extra Po-
loniam proficisci jubeantur, singulis
ternis mensibus quinos aureos numos
stipendium in hastam accipiunt. ita
sacro ordine & nobilitate ab omni
onere immuni, coloni equestrium ho-
minum senos in singula jugera circiter
solidos agnoscendæ regis potestati
pendunt. regia item pleris moderatum
vectigal exsolvit. interdum regibus ex
amplissimi ordinis sententia licet uni-
versis regni ordinibus tributum impe-
rare in communis & publicos regni
usus. Tam exiguo ærario innumerabi-
lis, & qui cæterorum Christiani orbis
Principum opes superat, equitatus ex
milite voluntario apud eos conficitur.

nam Rex ex solis nobilibus, qui privatis sumptibus regno militare attricti sunt, centum quinquaginta millia gravioris & levioris armaturæ militum cogere, & in aciem, si necessitas ferat, educere potest. Secundum Regem maxima est & augustissima Senatus auctoritas, ad quem admittuntur Gnesnensis & Leopoliensis archiepiscopi & vii episcopi, quo in numero Borussæ episcopi non censentur. Post eos ordine veniunt Palatini numero xv, ut penes quos olim sublati regibus summa reip. administratio bis fuerit. Et ultimi Castellani Lxv, inter quos Cracoviensis Palatinus veteri prærogativa Palatinos omnes & dignitate & in dicenda sententia anteit. Sunt & alii, quos regni officiales vocant, puta Marescalli ii Poloniæ & Lithuanie, cancellarii item ii & totidem procancellarii, quorum illi ambarum nationum sigilla majora, hi minora servant: summus secretarius, & ii libellorum supplicum magistri, qui subditorum querelas ad Regem deferunt. Ita numerus omnium xcviii conficit, quorum alii majores, alii minores consiliarii appellantur, quibus & Sigismundus Augustus alios recenter adjecit. Senatores a Rege in consilium vocantur, præfentes

sentes quidem quoties opus est, absentes non nisi iustas ob causas, ut si comitiorum tempus incidit, aut nuptiarum Principis aut liberorum ejus celebrandarum causa, aut cum qui socius aut regno obnoxius dux in verba Regis juraturus venit. omnibus eadem est perpetua & constans tuendæ publicæ libertatis & propagandi regni voluntas. & cum deliberant, libere & sæpius acerrime sententias dicunt, Principem imprudentius regnantem objurgant, atque uno consensu & incorrupto judicio sanctissima majorum instituta & universas communis patriæ leges insuperabileis defendunt, quippe ex præcipua totius regni nobilitate generis & virtutum commendatione delecti & exacto fidei sacramento in Senatum cooptati. iis quoque summus honos à Principe habetur: nam & venientibus ad se caput aperire summa cum oris suavitate & in proximo sedendi potestatem facere Rex consuevit. Alii sunt præter senatores & regni munerum curatores, ut ærarii quæsttores, capitanei, quos vocant, qui sunt in minore Polonia XL, in majore XXX, in Massoviæ Principatu XII: vexillifer, pincerna, dapifer, sinætor. Splendidissimus militiæ totius regni ducis in

exerc-

exercitu magistratus, penes quem ut Principis vicarium in acie rei summa residet, potissimum excellit. quare hoc tam illustri honoris gradu non nisi primarii donantur senatores. Secundum quem & alii belli duces, quos campestreis vocant, sed longo proximi intervallo, numerantur. Ea autem summa Senatorum, & contra moderata Principis in Polonia potestas ex eo locum habuit, quod qui reipubl. clavum tenet, non naturæ legibus, quemadmodum cæterarum gentium Reges, in paternum & avitum regnum succedit, sed communibus senatorii & equestris ordinis suffragiis publicaue totius nobilitatis acclamatione Rex eligitur. & quanquam superiores Reges continuato fere temporum contextu alter alterum ex eodem genere exceperit, hoc non juri hæreditario, quod sibi vindicare prohibentur, sed virtutibus & innatis nobilitati Poloniæ erga regiam prolem studiis, ascribi debet, quæ natos paternæ virtutis hæredes futuros cum sibi persuaderet, quod in parentibus admirabatur, hoc de filiis eorum sperare facile potuit. ita tamen filii in paternum solum succedebant, ut non hæreditate, sed nobilitatis consensione regnum deferri existimarent,

electio-

electione eo consilio prudentissime instituta, ut si qui Reges, quod in summa potestate fere usu venit, aut ab officio deflectere, vel publicam oppugnare libertatem vellet, hac saltem necessitatis lege & liberorum caritate in officio continerentur. sic Piastorum stirps 10, Jagellonum familia c c circiter annorum spatio in Polonia ordine successorio regnavit. A primis regni incunabulis, hoc est, ab anno Christi 1025 usque ad Sigismundi Augusti obitum novies interregnum in Polonia fuit. & primum quidem, quanquam obscuris testimoniis numeratur, cum deficiente Lechi sobole, Visimirus seu Cracus ad regnum electione vocatus est. secundum post Craci mortem secutum est, quo tempore x i i Palatini rempubl. administrarunt. tertium fuit, cum dirempta de Principatu per equorum cursum controversia, Lesconi infimæ fortis juveni sceptrum obvenit. quartum post Popielum II Crusviciæ à muribus devoratum, ut tradunt eorum annales, quando Piastus ille, Crusviciensis civis & agriculator, probitate pollens, omnium consentientibus votis Princeps designatus est. quintum post Miecilaum II, quando uxor ejus ob regnum perverse administratum à
Polo-

Polonis imperium femineum exesit, Casimiro etiam hærede innocuo excluso, pulsa est. sextum, cum post Primsislaum ab Otthone Lango & Brandeburgicis occisum Vencellao Boemiar regi summa delata est. septimum post Casimiri Vladislai F. mortem, cum Ludovicus Hungariæ Rex Polonorum suffragiis ad regnum vocatus fuit. octavum denique, quando post Ludovici mortem Jagello Lithuanis regni gubernacula suscepit, cujus progenie in Sigismundo Augusto deficiente res postremo ad interregnum anno superiore rediit.

IV.

DE VALACHIA, EX
Thuani Historiarum lib. LVIII.



Dians Transilvaniam Valachia, ac proinde *Transalpin* dicta, ortum verius & septentrionem excurrit. Cujus regia hodie est *Iergovista* sive *Tarnovisa*, à Flacco quodam prætore Romano, ut indigenæ volunt, ita appellata; fidemque opinioni vulgari adstruunt, quod multis ex lingua Romana detortis vocibus usque adhuc in ea regione utuntur.

tur. Hujus limites sunt ab occasu Alta-
ta : a septentrione & ortu Hierasus;
qui, hodie Prustus, curvato flexu in Da-
nubium influens, insulam faucibus
suis efficit; ultra quam porrigitur se-
ptentrionem versus Moldavia LXIV
milliarium longitudine, & ipsa anti-
quæ Daciæ pars, in qua Getæ erant,
Ovidiani exilii sedes; quam Tyras, qui
hodie Nessler, infra Russiæ Poloniæ
& Podoliæ sineis ab ea parte claudit:
ab ortu pontus Euxinus: à meridie
Hierasus: ab occasu Valachia ipsa. Me-
diam interfecat Moldava, è Transsil-
vanix montibus paullo infra Hierasi
fontes ortus amnis; qui provinciæ dat
nomen; & Soczaviam, quæ est Despo-
tarum sedes, præterfluit; & inde rapi-
do cursu Hoinam, Dobenisam, Ar-
giamque parvos, sed perenneis amneis,
secum trahens, in Alutam effunditur;
qui postea Danubio juxta Nicopolim
excipitur. Hæ provinciæ, quæ Chri-
stiana sacra, sed secundum Græcorum
ritus, colunt, olim Hungarici impe-
rii beneficiariæ, atque adeo tributa-
riæ erant. nunc juris Turcici sunt;
postquam Mahumetes, qui Byzantium
ipsum Christianorum in oriente Im-
peratorum sedem in potestatem rede-
gerat, Casimiro Hungariæ & Poloniæ

Rege

Rege bello Marianorum equitum occupato , neque Petro tunc utriusque Valachiae Despotae laboranti suppetias ferente , eas subegit anno c15 cccclv; tributo etiam 11 c15 aureorum annuo tantum tunc imposito. postea, Turcicis imperatoribus vicissim Asiatico ac Persico bello occupatis , rursus Valachia modo Hungaris, modo Polonis paruerit. sed lacerato ac pene profligato Hungariae regno , & isto cum Polonis foedere , Turcici imperatores eas provincias , atque adeo Transilvaniam, tributarias fecere ; impositis pro libidine seu Palatinis seu Vaivodis : sic Principes vocant ; qui , ut sunt ad omnem offensionis aut gratiae auram mobilia horum populorum ingenia & infida, multoties etiam mutavere.

V.

DE LITVANA GENTIS

Origine & Moribus, ex Alexand.

Guagnini Sauromatia

Europæa.

Ptolomæus ille universi orbis geographus curiosissimus, his in regionibus, quæ hodie à Lituanis coluntur , & quæ eorum

eorum ditioni, utpote Russia, Podolia, Volhinia, Podlaffia Samogitiaque, sub-
sunt, hos populos colonias suas (quo-
rum hodie ne vestigium quidem appa-
ret) antiquitus habuisse recenset, Ga-
lindos, Bodinos, Geninos, Sudinos,
Cariones, Amaxobios, Stabanos, Stur-
nos, Nascios, Asurbios, VVibiones, Om-
brones, inter Lublinam & Brestiam,
Sargatiosque. Quos omnes ex Cim-
bris, Gotisque & Sarmatis, ortum
sumpsisse, idem Ptolomæus asserit. Sar-
matorum autem deductio cum latius
à nobis descripta pateat, Cimbrorum
nomen & successiones mihi explanan-
dæ videntur. Cimbro itaque à Go-
mero nepote Nohæ ex maximo nati
filio Iapheto ortos esse, nomenque ab
eo per tot secula paululum immuta-
tum trahere, consentiens omnium hi-
storicorum opinio est. Hæc posteritas
Iapheti, cum majorem orbis terrarum
partem in Europa Asiaque minori oc-
cupaverit, quod ipsi cum etymon no-
minis dilationem significantis, tum
fausta Nohæ parentis imprecatio por-
tendebant: pars eorum à Gomero orti,
ad Bosphorum Cimmericum Mæotidis
paludibus proximum, (qui de illis Cim-
merius est appellatus,) ultra fontes Ta-
nais fluvii, ubi in ducatu Rhesanensi

Moschoviæ Principi subiecto oritur, sedes tuas habuerunt. Postea successu temporis, quod haud difficile illis fuit, per regiones propinquas, Russiam, Lituaniam, Livoniam, & Borussiam, nunc Prussiam appellatam, & Cimbri-
cam Chersonesum, ubi Sæveci, Dani, Gelandi, progressi, toto eo litore se passim diffundentes late dominati sunt, & castrato paululum nomine, literaque interjecta, Cimbri nuncupati. Quando vero & qua occasione hæc migratio contigerit, quoniam nulla gentis ab eo tempore monumenta extant, ex quibus id constare possit, ignotum est. Cæterum, fuerunt semper Cimbri gens bellicosa, strenua, manu prompta, id enim res ab ipsis fortissime audacissimeque gestæ testantur. His namque coloniis septentrionalibus relictis in numero trecentorum milium, per Germanorum regiones in Helvetiam Galliamque inprimis penetrarunt. Deinde Hispanias populabundi vastaverunt. Inde annum circiter centesimum decimum ante natum Christum in Italiam excurrerunt, quam vastabundi passim deprædarent, Romanorumque Contulem Papyrium Carbonem cum universo exercitu fuderunt. Postea ab eisdem M. Iunius
Sylva.

Sylvanus, & ipse Consul, contracta in-
 terliciter pugna superatur. Aurelius
 deinde Scavrus Coniulis legatus amif-
 sis copiis Romanis, in manus eorum
 vivus perveniens, à Bolo Rege Cim-
 brorum occiditur. Id, Tacito affirman-
 te, actum est anno trecentesimo qua-
 dragesimo post urbem conditam. Tan-
 dem Romani majoribus copiis colle-
 ctis in aditu Alpium contra Cimbros
 exercitum opponunt, fusi tamen, & ad
 internecionem prostrati. Vbi C. Man-
 lius in pugna interfectus occubuit.
 Octuaginta vero millia Romanorum
 militum cæsa. Q. Servilius Cæpio, Im-
 perator exercitus, ex conflictu funesto
 vix cum denis elapsus, Romam tantæ
 cladis nuncius perveniens, bonis om-
 nibus publicatis, ex decreto Senatus,
 quod temeritate sua exercitum perdi-
 derit, jugulatur. Ajunt, Romanos uno
 in prælio majori clade & detrimento
 nunquam affectos esse : quamobrem
 suspensis metu animis, de exitu impe-
 rii sui magnopere solliciti, præsentique
 rerum suarum periculo vehementer
 conturbati sunt, cum hostes exitium
 Urbi minitantes propediem adventare
 nunciarentur. Cajum Marium ex Li-
 bya, ubi Jugurtham devicerat, ducem
 bellicosissimum & fortunatam voca-

verunt; duobusque annis ab illa clade Romanorum elapsis, Marius Cimbriorum & Teutonum ad aquas Sextias cruento prælio ducenta millia fudit; tantaque fertur cæforum multitudo, ut Massilienses, congestis defunctorum ossibus, vineas eisdem obseperint, sanguineque humano agri, quasi stercore multo pinguescentes, uberrimi feracissimique redditi sint. Itaque Cimbri attenuati numero & viribus, sed animo minime fracti, in unum conglobati, Q. Catuli Proconsulis exercitum in fugam verterunt, ad fluviumque Atesin castrametari sunt. Quo Marius summa celeritate advolans, junctis copiis suis cum exercitu Catuli, inito prælio xxix Iulii, centum quadraginta millia Cimbriorum occidit. Qua clade ad extrema redacti Italia egressi, patrias oras, utpote Daniam, Prussiam, Sueciam, Livoniam, Lituaniamque petierunt; ex quibus illi qui Lituaniam occupaverant, Gepidæ nuncupati fuere. Hac vero in regione, ubi Samogitia, Aneas Sylvius Massagetæ, gentem Plinio celebrem, confedis se testatur; Lituaniarum vero gentem, qui antiquitus Gepidi vocabantur, ex Gotis oriundam. Erasmus vero Stella pulchris rationibus affirmat, cum
Duec

Duce Litalano, five Litvvone Vedenuti Prussiae regis filio, anno Domini 1573, in has regiones vicinas, patris imperio, quas olim Alani incolebant, venisse, Lituaniaeque nomen à sui denominatione eisdem indidisse. Samogitiam vero à fratre ejusdem Litvvonis Saimone Principe appellatam, idem Erasmus Stella in Prussica historia testatur, quæ tunc temporis longe in Prussiam & Livoniam usque extendebatur: Similiter Lotialos, five Lotvvonos, qui nunc Livones post Germanorum ingressum Latinis dicuntur, ab eodem Litvvone cum Litvvania pariter nomen traxisse. Hæ autem gentes, utpote Pruteni, Polovvci, Samogitæ, Gepidæ, Lituani, Livones, Curlandi, Iatvvingi five Iazyges & Iaczvvingi appellati, ut unum idioma, ita eosdem mores, consuetudines, legesque & bellorum expeditiones in Christianos, concordî Marte semper habebant, nisi singulæ singulis Principibus finibusque certis dirimebantur. Iaczvvingi autem fuerunt populi crudelissimi, qui in finibus Lituaniæ, juxta Masoviam, ubi hodie Podlassia, colonias suas habebant, nec in bello referebant pedem, quin vincerent aut vincerentur: ideo bellis assiduïs interierunt; reliqui

eorum in Lituanos, Russos & Masoviras, ob vicinitatem, abierunt. Opinantur alii, Lituanos à lituo, quod cornu venatorium significat, dictos esse; quorum opinio, ut anilis & stulta, jure ab omnibus irridetur. Matthias autem Miechoviensis & Dlugosius, Polonicae historiae indagatores, ac annales Ruthenorum testantur, Italos, Duce Palæmone, vel ob tyrannidem Neronis, vel pro meritis exilium, aut ab Attila Hunnorum rege crudelissimas patriæ vastationes fugientes, has regiones, longa navigatione superata, ex sinu maris Balthici, quod Prussiam, Samogitiam, Livoniamque alluit, per Nemnam fluvium, Crononem Ptolomæo dictum, classè ingressos fuisse; quod & ipsa gens Lituanica strenue asserit. quamplures enim dictiones Latinæ & Italicæ idiomati eorum intermixtæ habentur. Ajuntque, hunc Palæmonem (quem ipsum nomen, Latinum Italumque esse prodit) cum certa comitiva ex nobilibus propinquitate junctis collecta, quorum præcipuos, Vrsinos. Columnas, Julianos, Cæsarianos, Gastaldos recensent, Lituaniæ nobilibus familiis & stemmatibus principia dedisse; vulgum vero Lituanorum, utpote colonos & agricolas, ex Gotis natos
atle-

asserunt; in hancque sententiam plurimi Polonica & Germanica ac Russo-
rum historia scriptores astipulantur;
quorum iudicio & auctoritati nos quo-
que acquiescentes, cum eisdem sentire
volumus.

Hic itaque Palæmon ob innatam
industriam à gente barbara Princeps
salutatus, eam nomine patriæ suæ Ita-
liæ (præposito articulo Italici in fœmi-
nini generis nominibus effereudis con-
sueti) *la Italia* appellasse creditur,
quæ postea longo temporis successu,
Italicis moribus idiomateque in bar-
bariem populi commutatis, Lituania
dicta est. Quidam etiam eosdem Ita-
los à littore maris Balthici, quod Prus-
siam, Livoniam, Lituaniæ ac Samogi-
tiæ extrema alluit, eo quod ibi prius
confederint, Lituaniam connominaſſe
putant. Succedente postea Palæmoni
quodam ex eadem gente Principe, Itali
recens Latinorum nomen non modo
deposuerunt, sed ignotam quoque &
peregrinam eorum incolarum lin-
guam, apud quos Principatum arri-
puerant, addiscunt in suam coopta-
runt, vivendique normam & modum
cùm eisdem barbaris susceperunt. Cæ-
terum, hæc gens Lituana longo tem-
pore à sui imperii primordiis obscura

fuit, Rutenorumque iugo subiecta, ut Princeps Kioviensis, Russiæ quondam Monarcha, ab eis perizomata suberaque, ob egestatem & soli sterilitatem, in signum tantummodo subjectionis exigeret: Donec Mendolphus sive Mendog, & VVitenen, Gediminusque, duces illustres heroica magnanimitate illa innata, dudum peritia rei militaris oppressa excitata, rebellionem contra Rutenos ab antecessoribus suis inceptam continuantes, unus post alium in Lituaniæ imperio succedentes, Russiæ Principibus partim strenuo Marte, partim astu frequentius aggressis, & quasi debellatis, sensim adeo viribus creverunt, ut iugo Rutenis omnibus injecto, etiam ad tributa sibi pendenda eos compellerent, quæ pluribus ab annis Rutenis ipsi pendebant, ac pro perizomatibus & subere aurum argentumque exegere.

VI.

QVÆDAM AD LITVANI-
 am pertinentia, ex Fragmentis
 Michalonis Lituani.

NOs Lituani ex Italico sangui-
 ne oriundi sumus. Quod ita
 esse liquet ex sermone nostro
 semilatinæ & ex ritibus Ro-
 manorum vetustis, qui non ita pridem
 desiere apud nos, videlicet ex crematis
 humanis cadaveribus, auguriis, auspi-
 ciis, aliisque superstitionibus, adhuc in
 quibusdam locis durantibus; maxime
 cultu Æsculapii, qui sub eadem, qua
 olim Romam ab Epidauro commigra-
 verat, serpentis specie colitur, & in ve-
 neratione habetur. coluntur & sacri
 penates, mares, lares, lemures, mon-
 tes, specus; lacus, luci. Sed nec admo-
 dum diu sacer ille perpetuusque, qui
 cremandis victimis Romanorum He-
 bræorumque more fovebatur, extin-
 ctus est per baptismatis undam ugnis,
 id est, ignis. Etenim & ignis, & unda,
 ær, sol, mensis, dies, noctis, ros, auro-
 ra, deus, vir, devir, id est, levir, nepo-
 tis, neptis, tu, tuus, meus, suus, levis,
 tenuis, vivus, juvenis, vetustus, senis,
 oculus, auris, nasus, dentes, gentes, sta,

R § sede,

fede, verte, inverte, perverte, aratum, occatum, satum, semen, lens, linum, canapum, avena, pecus, ovus, anguis, ansa, corbis, axis, rota, jugum, pondus, culeus, callis, cur. nunc, tractus, intractus, pertractus, extractus, intractus, immerctus, futus, infutus, versus, inversus, perversus, primus, unus, duo, tres, quatuor, quinque, sex, septem, & pleraque alia, idem significant Litvano sermone quod & Latino. Deveniant vero in hæc loca majores nostri, milites & cives Romani, missi olim in colonias, ad arcendum à suis finibus gentes Scythicas, seu, ut certior fert opinio, sub C. Julio Cæsare appulsi, Oceani adversis procellis; nempe cum is Cæsar, ut scribit Luc. Florus, victis Germanis & in Gallia cæsis, Rhenum proxima parte Germaniæ domita superans, ac deinde Oceano in Britanniam disjecta tempestatibus clasle, parum prospere navigaret. delatæ enim naves majorum nostrorum ad litus, ubi nunc est arx Samogitiæ Ploteli, creduntur egressi in terram. Quin & nostro tempore pervenerunt naves quædam transmarinorum in illud idem litus. Vbi nostri progenitores laborum & periculorum

rum maris pertæsi, & captivis tam viris quam fœminis onusti, cœpere in tabernaculis ad focos, more militari, adhuc in Samogitia durante, vitam degere. unde ulterius progressi, subegerunt vicinos populos Iaczuingos, deinde Roxolanos seu Ruthenos, quibus tum ut Moscis dominabantur Tartari Zavolhenses: & singulis Ruthenorum arcibus præsidebant ii, qui appellabantur Baskaki; è quibus exacti sunt à parentibus nostris Italis, qui postea Litali, deinde Litواني appellati sunt. Tum innata fortitudine, populis Ruthenicis, regionibus arcibusque è Tartarica atque Baskakorum servitute ereptis, ditionem suam à mari Samogitico, quod Baltheum dicitur, ad pontum Euxinum, ubi ostia Borysthenis, & ad fines Valachix, alterius Romanorum colonix, & terras Volinix, Podolix, Kioviæ, Sievvier, atque campestres regiones, usque ad terminos Tauricæ ac Tovvani trajectum Borysthenis omnia occupando, & illinc aquilonem versus ad ultimam & proximam metropoli Moscovix arcem Mozaïsko, ipsa quidem exclusa, sed VViazmam, Dorohobusz, Biela, Toropez, Luki, Pskovv, Novinorod, omnibusque citerioribus arcibus & provinciis

vinciis inclusis, prorulerunt. Postmodum amplificata sic virtute militarditione sua, diadema quoque cum nomine regio obtinuerant Principi suo Mindavgo, sacri baptismatis character insignito. Sed extincto illo rege, etiam nomen regum atque Christianum interierat, donec rursus vicina nobis & Christiana gens Polona, ad sacrum baptismum & regale fastigium anno Christi millesimo trecentesimo octuagesimo sexto invitaret feliciter hic dominantem proavum Sacrae Majestatis vestrae, divum Vladislavum, Lituanice Iagelonem nuncupatum, quo virtus duarum gentium confinium confociata fortior foret in reprimendo communi Christiani nominis hoste.

Iusticia quoque praestant nobis Tartari. nam reddunt unicuique statim quod ipsius est. Apud nos vero capit Iudex decimam partem rei iudicatae ab actore innocente. quae iudicis merces appellatur Peressud. quae ilico in tribunali solvenda est. Cum autem de minima fundi agitur particula, non decima datur, sed, licet non fuerit tanti pretii res iudicata, centum grossi; quorum unus duos cruciatus nummos Germanicos valet, cum dimidia cruciati

cruciati parte. majoris vero decimam capit semper summæ bonorum totius, quantacunque deducta fuerit in litem.

Ex injuriarum autem personalium & violentiarum utcunque insimulatarum causis, capit à reo ratione mularum tantum quantum adjudicat actori. adjudicat autem propter tanta sua lucra actori, aperte etiam calumnianti favens, pro offensione ejus qualicunque, mari sexagenas grossorum vicenas, fœminæ quadragenas: pro damnis vero realibus, quicquid calumniator peierans asseruerit, centenas & millenas, etiamsi ne unam quidem sexagenam valere appareat tota ejus substantia. Et pro homicidio, non juxta legem divinam, ut sanguis sanguine vindicetur, sententia fertur, sed pecuniaria fit, cum decimis magistratus. Quocirca frequentia hic committuntur parricidia. Et licet actor ingenuus in causis injuriarum victoria positus, placetur à reo mollibus verbis: at non judex. is enim semper pecunias haurit, ab hoc multitias, ab illo decimarias.

Capit & decimas à pragmaticis sanctionibus & transactionibus. In criminalibus vero causis, non decimam
sed

sed totum capit, quicquid furtivum aut latroni ademptum deprehenditur penes aliquem, qui ejus proventus appellatur Litze. Quando autem res ipsa furtiva penes furem seu evictorem ejus, portanda est ad alium judicem: valorem ejus integrum capit prior judex, ita ut necessum sit apud nos repetenti rem suam surreptam, impendere in magistratus plusquam res ipsa valeat. quapropter multi cernentes sua jumenta furtim abacta, aut vi crepta, non audent litem propterea intentare. Fur etiam in recenti crimine captus, non à magistratu loci illius in quo deliquit aut captus est judicatur, sed per multa viarum discrimina ducitur judicandus ad suum dominum, interdum ad talem in cujus domum furta inferebat. quamobrem secure furta committuntur. At apud vicinos nostros Tartaros & Moscos, jurisdictio in omnes baronum & nobilium subditos, tam in civilibus quam criminalibus causis, non privato cuiquam, sed publico ordinarioque competit magistratui, eidemque sobrio, & simul cum aliis habitanti. nostri autem, & singuli seorsim, & bibentes id agunt, remotis arbitris & testibus, ubi quidvis patrare licet. Capit etiam præses apud nos præter

præter seclum, 12 grossos à jumento quod quis rapit, & appellans erraticum, trahit illud ad stabulum curiæ. Sic & ab homine etiam immerito in carcerem detruso, totidem exigit grossos. prætendens, ea stipendia jure sibi, & carceris & stabuli ratione deberi. Famulus quoque judicis, executor sententiæ, capit decimam rei judicatæ partem. quin etiam citra judicium strepitum, accipit decimam debiti crediti, seu depositi, quantumcunque liquidi, etiam si minime eat inficias. Et Notarius decimam pene pro litteris diffinitivis, ac pro qualibet opera sua exigit aliquid: pro solo citationis sigillo ad causam unius grossi, quatuor. & quo carius omnia vendantur, necesse est citationem geminam, eamque sigillatam & manu protonotarii subscriptam esse: quod interdum aptequam fit, notario in aliis occupato, elabitur non citatus reus, ut eorum natura est fugere. Capit item alius judicis apparitor VVisz, diem reo dicturus, in causa vel minima, siquidem Palatini fuerit, grossos quinquaginta; si vicarii ejus, 30; si regius, vel se eum simulat, centum. Capit tantundem alter, id est, 100, vel 50, vel minimum 30. isque Deczki dicitur, qui reum accersit, & ad causam

causam cum citatione ducit. item satellites tantundem rapit, qui à contestata lite, ad testes sistendum examinandumve, aut ad agrum pratumve ab aliena pecude proculcatum aut depastum, seu ad aliud minus damnum videndum delegatur. Si pauper tantam pecuniam non habuerit, jumentis spoliatur. Iniquum & hoc, quod pauper aliquem è magnatibus citaturus, non invenit tum vel maximo præmio apparitorem. Nec hoc minus iniquum, quod vicinus meus potentior, ejusdem mecum pagi hæres, alterius sit fori: nec tam facile, ut ego, citatur: & quod appellationis remedium sublatum sit nobis, enormi pœna apposita, ut est in llat. Lit. dist. 6. art. 1. Prohibita etiam contra potentes vadia, quæ tenuibus sunt arma & quasi scuta ad protegendum. Ad hoc quicumque in testimonium nominantur, quibuscunque in causis, præterquam in limitariis, injurati fidem plene faciunt, solo quæstu falso testificandi viventes. Librum publicum ad referendas in eum venditiones & alia, præter privatas schedas, non habemus. Reus, etiam si manifestus fuerit rerum alienarum raptor atque violator, non tamen ante ad judicium accersitur, quam

quam post menstruum à citatione spatium. Adhæc dum jumentum, quod 50 vel 100 grossis valeat, mihi eripitur, summa agriculturæ opportunitate, ego raptorem citare in iudicium nequeo, donec prius citaturo cum satelliti solvero id integrum quod raptum valet, cum deinceps non solum solutio expensarum me non sequatur, sed nec reum de re ablata in iudicium trahere, nisi post menstrua quædam intervalla, liceat. Itaque iniuria affectus aut totum raptori permittit, aut vi vel fraude par refert.

Tamen si vero duo ex optimatum numero Palatini in omni Lituania fungantur iudicum munere, locis non admodum disiuncti inter se; verum hi qui sufficere possunt, ut tam numerosi populi & tantarum provinciarum lites diiudicent? præsertim cum iisdem curæ sit respublica, ut vocentur *voivodæ*, id est, belli duces. quo fit ut occupati multitudine & publicorum & privatorum negotiorum, diebus festis, nempe cum sunt liberiores à negotiis, de litibus cognoscant. Sed id etiam mali accidit, quod non habeant certis locis tribunalia. Sæpe sunt quinquaginta amplius milliaria querendi, iustitiæ consequendæ causa, ab

adfecto injuria. eunt miseri homines à finibus Samogitiæ & Livoniæ, ulque ad terminos Masoviæ & Moscovitæ, persequentes judicem ordinarium. Ad hoc habemus quotannis 40 dies, recolendæ dominicæ passioni, jejunio, orationique dicatos. quos litibus attentius prosequendis transigimus. Habent ii Voivodæ suos vicarios, qui itidem, curato bene corpore, pro tribunali sedere inter conviviorum strepitus solent, parum gnari jurisprudentiæ, sed in suo Pereslud emulgendero accurati. at Moscovitæ gloriantur se à nobis leges sumpfisse Vitovvdinas, quas nos jam contempsimus: à Tartaris vero arma, vestes, & rationem bellandi absque curribus, exoticis cibariis & potionibus.

 VII.

DE DVCATV SAMOGITIÆ,
ex Alexand. Guagnino.

SAmogitia Regio satis ampla, proxima Lituaniæ, à septentrione Livoniæ conterminata est; marique Baltheo sive Germanico ac occidente, nonnihil in septentrionem reflectendo, adjacet: Prussiam

siam quoque in vicinia habet. Nullo castro munito insignis est: civitates tamen in ea, cum pagis tam Regiæ quam nobilium, complures sunt. Huic regioni Præfectus, sive Capitaneus supremus, à Rege Poloniæ, magno Duce Lituaniæ, præponitur, neque temere is nisi gravissimas ob causas officio movetur, sed quoad vivit perpetuo manet. Episcopum habet Romanæ obedientiæ. Agrestis turba in humilibus casis, iisque oblongioribus, vitam ducit, in quibus ignis in medio accensus ardet, ad ignem vero paterfamilias cum domesticis servisque sedet, jumentaque & totam suppellectilem domesticam cernit: Solent enim sub eodem quo ipsi habitant tecto, sine ullo interstitio pecora habere. Majores eorundem cornibus animalium, urorum videlicet, pro poculis utuntur. Audaces sunt & strenui homines, & ad bellum prompti, loriceis aliisque plurimis armis, præcipue autem cuspide venatorum, utuntur. Equos adeo parvos habent, ut vix credibile sit, ad tantos labores, eos posse sufficere, quibus foris in bello domique in colendis agris utuntur. Terram non ferro sed ligno prosciunt: quod eo magis mirandum, cum terra eorum tenax & non arenosa

fit. Araturi, ligna complura, quibus vomeris loco utuntur, secum portare solent: scilicet, ut uno fracto, aliud atque aliud, ne quid in mora sit, in promptu habeant. Quidam ex provinciæ præfectis quo provinciales graviore labore levaret, multos ferreos vomeres fabricari fecerat: cum autem eo, sequentibusque aliquot annis, segetes quadam cæli intemperie expectationi agrorum non responderent, vulgus agrorum suorum sterilitatem ferreo vomeri pertinaciter adscribebat, nec aliud quicquam in causa esse putabat. præfectus eorum vulgi seditionem timens, amoto ferro suo, eos more agros colere permisit.

Provincia hæc nemoribus sylvisque abundat, in quibus horrendæ quandoque visiones fieri dicuntur. Mel nusquam melius nobiliusve, quodque minus ceræ habeat, albumque sit, quam in Samogitia reperitur. Sylvæque illic summas divitias ferunt. stipitibus enim cavatis mella passim promuntur. Sunt etiam nunc illic inter agrestes, idololatæ complures, quæ serpentes quosdam, quatuor brevibus lacerarum infat, pedibus, nigro obesoque corpore, Civojitos patria lingua dictos, tanquam

quam penates domi suæ nutriunt, eosque domo lustrata certis diebus ad appositum cibum prorepentes, cum tota familia, quoad saturati in locum suum revertantur, timore quodam circumstantes venerantur. Quod si adversi illis aliquid acciderit, serpentem deum domesticum male acceptum nec saturatum esse credunt.

Accidit hoc nuper in Lituania sex à Vilna milliaribus in pago quodam juxta civitatem Troki, quod quidam Christianus ab ejusmodi serpentis cultore aliquot alvearia apum emit. quem cum ad verum Christi cultum multo labore adduxisset, utque serpentem quem colebat occidere persuasisset, aliquanto post, cum ad visendas apes suas eo reversus fuisset, hominem facie deformatum, ore aures tenus miserabilem in modum diducto, offendit. tanti mali causam interrogatus, respondit, se quod serpenti deo suo domestico manus nefarias iniecisset ad piaculum expiandum hac calamitate puniri, multoque graviora, si ad priores ritus suos non rediret, pati oportere. Est etiam quatuor à Vilna milliari- bus Lavariski villa Regia, in qua à multis adhuc serpentes coluntur. Hæc quamvis non in Samogitia sed in Litua-

nia gesta sunt, pro exemplo tamen adduxi.

Agrestis turba in Samogitia sacrificium quoddam solenneque epulas gentili more sub finem mensis Octobris collectis frugibus quotannis celebrant hoc modo. Ad locum convivio epulisque sacris delectum omnes cum uxoribus, liberis & servis conveniunt, mentam fœno supersternunt, desuper panes apponunt, & ex utraque panis parte duo cervisæ vasa statuunt. Postea adducunt vitulum, porcum & porcam, gallum & gallinam, & cætera domestica jumenta, ex ordine mares & fœmellas. Hæc mactant gentili more ad sacrificandum hoc modo. In primis augur sive incantator quispiam, verba quædam proferens, animal verberare baculo orditur: deinde omnes qui adsunt jumentum per caput pedesque baculis verberant: postea tergum, ventrem, & cætera membra, concutiant; dicentes: Hæc tibi, ô Ziemiennik deus, (sic enim illum dæmonem agrestis turba appellat,) offerimus, gratiasque tibi agimus, quod nos hoc anno incolames & omnibus abundantes conservare dignatus es: nunc vero te rogamus, ut nos quoque hoc anno præfenti fovere, tueri ab igne, ferro, peste,

& inimicis quibuslibet, defendere digneris. Postea carnes jumentorum ad sacrificium mactatorum comedunt, & ab unoquoque ferculo, antequam comedant, portiunculam amputant, & in terram omnesque angulos domus projiciunt, dicentes: Hæc tibi ô Ziemiennik nostra holocausta suscipe & comede benignus. Omnesque tunc temporis lautissime solenniter & opipare epulantur. Hic vero ritus gentilis & in Lituania Russiaque ab agcessibus, quibusdam in locis observatur. Mare quod Samogitiam alluit, Balthicum, à quibusdam Germanicum, ab aliis Prutenicū dicitur: sinus Balthicus proprie nuncupatur. Interluit enim Cimbricam Cheronesum, quæ Germanis *Iutland*, Latinis *Iutia* vocatur. Alluit quoque Germaniam; & omnem Pomeranix regionem, atque longo tractu Livoniam, Curlandiam, Regionisque quasdam Moschorum Principis, Suetiam, Phinlandiam, Daniamque circumluit. Hujus Regionis Samogitiæ, Rex Polonus, magnus Dux Lituaniæ, titulo utitur. Vexillum album bicornè, stemmate Magni Ducatus Lituaniæ in campo rubeo insignitum, Samogitia in bello gestat. Incolæ Regionis, omnibus fere cum Lituaniis, vestiuntur habitu

cinericio, moribus, regione, idiomate, paucula differentia interjecta utuntur. Ideo nunc ad describendos mores Lituanorum orationem dirigemus.

Lituania admodum sylvoſa eſt, pro-ut & Samogitia. paludes lacuſque in- gentes & ampliſſimos, in quibuſdam locis maris formam referentes, habet. Præterea multos fluvi- os navigabiles. Quorum alii orientem verſus, utpote Bog, (Herodoto Hypanis dictus) Pere- petus, Tur, Svvillocz, & Bereſina, in Boryſthenem, vulgo *Dnepr* dictum, exonerantur. Boryſthenes vero plu- ribus fluviis hauſtis in oriente, tandem in meridiem decurrens, in Pontum Euxinum illabitur. Alii vero, Cronon, vulgo *Niemen* dictus, Vilia, Karevv, Bug, in occidentem nonnihil in ſe- ptentrionem reflectendò decurrunt, in mareque Germanicum juxta Geda- num celeberrimum emporium Pruffiæ exonerantur. Dzvvina autem, Ptole- meo Rubon, ex Moſchovia ortus, à Riga duobus milliaribus eidem mari commiſcetur.

Animalia in Lituania omnis gene- ris parva ſunt. Gens miſera, maxime in villis & pagis, gravi ſervitute op- preſſa. nam ut quiſque ſamulorum ca- terva ſtipatus; domum coloni alicujus ingreſ-

ingressus, impune quidvis facere, res ad
vitæ usum necessarias capere, absumere,
crudeliter etiam colonum verberare
potest. Colonis quavis de causa ad
dominos suos absque muneribus aditus
non patet, quod si etiam admittantur,
ad præfectos & officiales relegantur,
qui nisi munera accipiant, nihil
boni decernunt; & unumquodque verbum
judicis in Lituania aurum est. Coloni
quinque dies, aliquando sex, dominis
suis laborant. dies vero lunæ privato
labori conceditur. atque ut plurimum
diebus Dominicis (nulla enim Divorum
festa agrestes observant) quodvis opus
absolvunt, agriculturam exercent, segetes
prataque metunt, triturant, & id genus
alia. Hoc vero & in Russia peculiare
est. quod si interrogaveris, Quare
Dominico die laboras? respondere solent,
Nonne & die Dominico comedere oportet?
Imperatam pecuniam quotannis ter
quaterque pro defendendis regni finibus
pendunt. à dominis quoque tributis
adinventiciis graviter onerantur. Pane
atro & vilissimo, siligine una cum
spicis commolita, utuntur. Molendina
sive pistrina manualia agrestes in pagis
trina quinave domi habent, eisque
ad commolendas fruges utuntur;

dumque hæc molendina manibus vertunt, patrio more agrestem quandam concentum edere solent, dicentes, Melior; hocque verbum frequentius ad cantilenæ similitudinem repetunt. Id vero est tam viris quam mulieribus peculiare, quod de illa re, quam tunc in opere habent, cantilenas agrestes cantant. Tubas quoque ligneas oblongas habent, quas inflantes, mirum quandam & dissonum concentum edunt; aliquandoque unus duas insimul tubas harmonia quadam respondente inflat.

Omnes fere Litواني, & Samogitæ, Livonesque, vestitu vili cinericio communiter utuntur: ut cum turmatim vulgum stantem in foro conspexeris, neminem nisi cinericia veste indutum videas; cothurnosque ex tiliæ libro, vel ex pellibus jumentorum, una cum fetis detractis, conficiunt. Currus leves absque ullo ferri ministerio conficiunt, & omnia compangunt arboreis gomphis, & ligula ~~coacta~~ vicem ferri complent, rotasque ex uno ligno in gyro aptas contorquent. Pinguedine vel pice nunquam linunt currus, & quando multi insimul vehuntur, mirus quidam concentus querulorum axium longe auditur. Versus:

Neque

Neque linunt Ruteni querulos pinguedine currus;

*Haud picus auxilium stridulus axis
habet.*

Audietur veniens longe crepitare colassa:

Sic fragiles currus, Rute, vocare soles.

Nam faciunt habiles uno vectore quadrigas

*Inventas Ruteni, quas equus unus
agat.*

*Nec facile invenies ferrato harentia
clavo*

Plaustra, facit ligni cuncta ministerium.

*Et sine ferri usu pangunt sua plaustra
terebri,*

Et lignum ligno consolidare solent.

Frumenta omnis generis, primo in calidissima casa fumo exsiccant, & postea in horreo coram extructo excutunt.

*Arandi sèminandique modus in Russia
alba Moschovia confini, & in Magno ducatu Lituanie.*

In primis agros hoc modo præparant:

Circa festum Divorum Petri & Pauli, in æstate, ad festum usque assumptionis Mariæ, nemora myricetque excindere solent; quam excisionem arbutorum vulgariter *Lada* appellant. Nam si nemus densum fuerit, stramine supersternunt,

nunt, per hyememque sic durare patiuntur. Vere autem postea redeunte, post Paschatis festum, sole torrido aliquot diebus ingruente, illam prostrationem prædictam arborum, stramine supposito superstratoque, succendunt, & in cinerem comburunt. ubi vero terra combureretur, illic nihil fere nasceretur: ideo ligna incombusta congerunt, in struemque composita denuo succendunt. sicque in illa terra combusta & inculta, collectis duntaxat carbonibus, & titionibus superfluis, triticum seminant primo, & supra sementem, uno equo juncto aratro, arant & occant, in Russia videlicet. Litواني enim bobus cornibus aratrum trahentibus arare solent: tantaque ibi fecunditas dictu incredibilis subsequitur, ut Cererem in illis regionibus natam affirmares. Eodem modo & hordeum seminatur, metitur, & colligitur, nisi quod crassiora nemora pro hordeo exscinduntur, & pinguiorem terram triticum exigit. In hujusmodi autem agris per annos sex vel octo, fimo stercoreque non superposito, seminare solent.

Quod si arbores nimis altæ & crassæ in ea sylva, ubi seminaturi sint, essent: utpote pinus, fraxini, robora, &

id

id genus alix: eas non succidunt; nisi frondes ramosque circumsecant, ne solem agro præripiant. Rusticus vero unus, omnes arbores una semel ascensa circumsecabit non descendendo. instrumentum enim ad id factum, quasi sedile, ad stapedæ similitudinem secundum proportionem hominis sedentis factum, arbori fune longo appendit; sicque sedens, à puero, fune alia ab arbore ad arborem facile transfertur habetque ad latus alligatum lignum curvum, ad id studio præparatum, quo arbori appropinquatus, firmiter eam apprehendit, quam à vertice ad radicem usque circumsecat, & frondes illas eodem modo supradicto ætate redeunte succendit & seminat.

Siliginem postea seminant hyemalem super hæc culta novalia, tritico vel hordeo collecto: sed duobus vicibus ad siliginem arare coguntur, quam seminare incipiunt circa festum assumptionis Mariæ, xv Augusti. Quod si segnis agricola non absolverit seminationem ad alterum festum nativitatis Mariæ, quatuor hebdomadis, ad sequentem viii Septembris diem, tunc fructifero proventu consueti frustratur. Hanc seminationem siliginis hyemalem appellant. Vere enim redeunte, aliam,

aliam, *Æstivalem* vocatam, seminant.

Est quoque alius seminandi mos nuper adinventus, in prædicta prostratione succisioneque nemorani superius descriptorum, hoc modo: Duabus partibus hordei, tertiam filiginis intermiscere solent, quam commixtionem vere instante, tempore consueto seminant. eadem æstate hordeum solummodo demetunt. filiginem vero subter hordeum ad modum graminis paulatim densissime crescentem per hyemem durare sinunt: quæ sequente æstate adeo fecundissime densissimeque excrefcit, ut equo vix eam densitatem penetrare possis; & ex uno grano triginta pluresve spicæ pullulare in tantam altitudinem solent, ut vir equo insidens, vix ex ea appareat. Omnes vero agros Ruteni uno equo iuncto aratro proscindere solent. terra enim per se nimis facilis est.

Hic autem ordo in seminandis frumentariis, in tota fere Sarmatia observatur. Primo post festum Pachtæriticum seminant. postea filiginem æstivalem dictam: ab æstivali seminatione vulgariter *Iarzyca* appellatur, ad differentiam hyemalis filiginis, quæ, ut diximus, pro festo assumptionis Mariæ seminatur ad hyemem futuram: unde vulga-

vulgariter Ozimina dicitur. Ex hac si æstate seminaretur, nihil prorsus nasceretur, & è contra si æstivalis ad hyemem pro hyemali seminaretur, (quamvis sibi grano similes essent, & ejusdem quasi naturæ viderentur) nulli usui esset, sed in gramen inutile verteretur.

Hanc itaque æstivalem circa festum Paschæ seminant. Secundum agri possibilitatem præparationemque, Poloni, Lituani & Rutheni nigri, cum Mascovitis & Prutenis, propter cæli solisque beneficium, & regiones temperatiores, priori seminatione longe antecedunt Ruthenos albos & Moschovitas in Septentrionem degentes, qui ob intemperiem aëris potterius his omnibus seminare coguntur. attamen interdum eodem tempore agros demetunt. Hoc autem mirum est, quod siliginem seminantes æstivalem post Paschatis festum interdum aliquot elapsis hebdomadis, tamen eadem æstate, ut decet maturam quasi per octo duntaxat hebdomadas, demetunt, colligunt & recondunt.

Pisa circa ferias divi Adelberti seminant, vulgariter *Giroch* dicta, quæ ad longum usum exsiccata reservant.

Avenam & hordeum post Pentecostes festum seminant, quæ vulgariter

ter *Ouvies* dicitur. *Hordeum Ieczmiem* appellant.

Cicer undecim post Pascha hebdomadis elapsis ante D. Petri festum feminatur. *Tatarika* Polonis, *Grecicha* Rutenis & Lituaniis dicitur.

Rapæ circa D. Ioannis Baptistæ ferias feminantur. Et omnia eadem æstate seminata colliguntur, trituantur, triturateque in domibus reconduntur, ita ut granum ex penu ad seminandum depromptum, in decem, aliquando in octo hebdomadis, secundum solis clementiam, ad penu unde exivit revertatur, agricolæ suo centuplum fructum referens.

Poloni omnes, Ruteni nigri, (quorum Metropolis Leopoli est,) Malovitæ, Silesii, Pruteni & Lituani quidam, in horrea & acervos magnos recondunt frumenta, & aliquando apud bonum patrem familias quadringentos sexcentosve acervos, quasi turres quadrangulares eminentes reperies, ad quindecim pluresve interdum annos reconditi frumenti plenos.

Sed Ruteni albi, Moschovitæque omnes, & Lituani, statim de agro in penu frumenta defalcata & triturate congerunt & recondunt. quidam in cavernis subterraneis, in abditis sylvarum

rum studio ad id effossis, & intus bene cum corticibus arborum adaptatis, frumenta, insuper omnia victuaria, carnes porcinas salsas, & id genus leguminum ad victum pertinentium, vestesque & præcipuam suppellectilem, recondere solent, præsertim belli tempore, ubi miseri coloni securi sint ab incursu hostili frequenti & rapinis suorum militum.

Hoc autem apud eos in villis præcipue observatur: Si quis forte capite damnatus fuerit, de seipso, jubente domino, supplicium sumere, suisque manibus se suspendere, etiam si recusaverit, minis verberibusque exagitatus cogitur. Atque hæc nobis de Lituanis sufficiant. Hic tibi Lector candide sciendum restat, quod in hoc magno Ducatu, qui Polono Regi cum universis suis provinciis subest, plurima sunt oppida & castra, tam Regia quam Nobilium, Ecclesiasticorumque, quæ hic non sunt posita. Hic enim nos solummodo provinciales insignioresque civitates & arces, quæ olim pro Ducatibus cum suis territoriis habebantur, descripsimus. Sunt præterea complures Duces particulares in Lituania, Comitatusque; ex quibus Slucensis Ducatus celebrior est.

Princeps enim illius , quamvis Regi Polono Magno Lituaniæ Duci sub-
sit , & ad quævis mandata Regis exe-
quenda paratus fuerit , rerum tamen
in suo Ducatu, qui xxx miliaribus Po-
lonicis in longitudinem & latitudi-
nem patet , integre potitur , & thesau-
ro privato cum Italiæ Germaniæque
quibusvis Principibus magnis facile
adequari potest. Sunt quoque Duces
alii plurimi insignes , quorum respectu
Magnus Ducatus Lituaniæ dicitur. Ex
his primas obtinent Illustres & Ma-
gnifici Domini Radivilones, Dominus
Nicolaus Radivilus , in Bierze & Du-
bingii dux , lumen patriæ & alter Ci-
cero , Hectorque Lituaniæ , Palatinus
Vilnensis , & illustris Heros Nicolaus
Christophorus Radivilus , Dux in Oli-
ka & Niesvvez , Comes in Schidlo-
vvicz, Marchaleus Curie dignissimus,
fraterque suus idem Dux , Dei gratia
Episcopus Vilnensis designatus , Geor-
gii nomine gaudens. Ille quoque alter
Scipio illustris heros Dominus Ioannes
Chodkievvicus , Comes in Sklov &
Mess, Castellanus Vilnensis, Archimar-
chaleus magni Ducatus Lituaniæ, ex-
ercituumque imperator, & gubernator
Livoniæ , ac capitaneus Samogitiæ ge-
neralis , virtutum speculum insigne,
Mar-

Martisque & Minervæ alumnus. Insuper n ultos alios heroum antiquorum quorumvis dignitatem adæquantest duces, & viros insignes, Lituaniz celeberrimus Principatus fovet, quos figillatim recensere ut difficile ac longum, ita minus necessarium nobis videtur.

VIII.

IOANNIS LASICII
Poloni

DE DIIS SAMOCITARVM
cæteriorumque Sarmatarum.

SAmogitia mare attingit Balchicum. Cujus figura triangularis est. longitudo septuaginta miliarium Germanicorū.

Hanc separant fluvii: à Prussia Nemel; ab Curlandia, regione Livonica, Helingegau. quæ provinciæ, aliæque usque ad Bo. y. l. henem, in Pontum Euxinum illabentem, regis Poloniae imperium agnoscunt. In ea regionis sylvotæ parte, quæ ad Regiomontum, Academia, anno Christi 1544, 17 Augusti instituta, plurimum claret. Sunt antiqui Borussi: lingua, moribus ab iis diversi

Germanis, qui hodie permiffi Polonis, Pruffiam incolunt.

Tradunt veteres, majores Samogitarum, (Zamagitis enim fe ipfi vocant) Italos fuiffe. Neronem Imperatorem de bellica expeditione cogitantem, illos etiam exfules Romanos, qui in Giaros sterili quadam infula habitabant, evocare in militiam voluiffe. Verum hos metu crudelitatis imperatoriae confcensis eorum à quibus bis terve evocabantur navibus, ipfifmet autem cæfis, ad Pontum Euxinum appuliffe. dehinc per faltus, ubi olim Romana venatio fuit, quique hodie magna ex parte excifi jam, Ruffiæ, Podoliæ, Lituaniæque cognomina habent, ufque ad mare Balthicum, quod Ruffi, à Varetzgois quibusdam populis Livonicis, quibus tum parebant, mare Varetzgoie appellant, penetrafle. rei hujus ut idolatriam, gentisque calliditatem, Romanæ fimilem: ita sermonem ex Latino quodammodo, barbaroque conflatum, indicium effle. Michalo fragmine quinto de moribus Tartarorum, & fuorum Lituavorum, paulo hæc aliter refert. ait enim, claffis Iulii Cæfaris ex Gallia in Britanniam navigantis partem, coortis tempeftatibus, ad littus Samogiticum, ubi nunc eft arx Ploteli, per-

pervenisse, sæpeque etiam hodie in illud ipsum litrus, naves navigantium, vi ventorum ejici solere. ubi Lituanorum progenitores, periculorum maris pertæsi, & prædis onusti, in tabernaculis ad focos, more militari, & adhuc in eadem Samogitia recepto, habitarent. unde ulterius progressi, Iaczuingos atque Roxolanos subegerint. Haud absurda conjectura. Nam & Zamagitia, propter mare vicinum, & Lituaniam superiorem, terræ inferioris appellationem habet: & Lituanorum cum Samogitis idem propemodum sermo est, idem habitus, iidem mores, eadem ferme religio. Quæ regio cum aquilonaris sit, tam parvæ sunt in ea media æstate noctis tenebræ, ut radii solis occumbentis excipiant orientem, tumque plurimum agricolæ segetes demetant suas. nempe quod duabus ante meridiem horis, totidemque post, solis æstus ferre in agris messorum nequeant. Et licet vix ante, quam tribus post Pentecosten hebdomadis, agros conferant: tamen id ardor cœlestis efficit, ut eodem quo & apud nos tempore, messis fiat: æstas haud diu durer. Similis in Moscovia fervor, (mirandam divinam providentiam) sex hebdomadis, frugibus maturitatem adfert.

Secus fit in Islandia ultra Sueciam, sub ipso polo. ibi enim sex mensium dies est: totidem est nox: cujus tenebras focus perennis dispellit. qui locus abest à Stockholm, metropoli & regia Suecie, trecentis milliaribus Germanicis. Id Iohannes tertius, Rex Suecorum, qui nunc rerum potitur, cuique sua diuio bene nota est. euidam medico, is autem mihi narravit. Sita est Stockholm in ipso littore, trans mare Balthicum, è regione Samogitiæ.

Solum Samogiticum fertile quidem est, sed cultores ejus pigri, nec aliis quam ligneis, superstitione quadam, in arando utuntur vomeribus. Idcirco inopia panis laborant: cujus loco rapis tostis, quæ minori labore proveniunt, & instar humani capitis nascuntur, vetei soliti: his vero absuntis, ad panem comedendum se convertunt. Mellis albi, lactis, butyri, pecoris divites, pinguibus pascuis felices. Nec eis pisces defunt. Potus, hydromel & cervisia est. Hæc in vasis, ex corticibus factis, positis intus taxis fervidis ex aqua, frumento, lupulo, una nocte cocta, protinus fæces accipit, posteroque die bibitur. percommoda alvi purgandæ ratio. Præcui cornibus inorum ornatis (boves sunt sylvestres, valde

valle feroces) pro poculi, utuntur. Strenuos compositores, cantharo hydromelis, indusio, mantili, manicis, sudariolo, seu re quavis alia operis domesticiliberenter donant. Quibus cervisia non est, ita quam bibunt, proceri, agiles, animosi, robusti, ad arma prompti.

Vivunt autem vulgo centum annos. sunt enim fugaces, & modicis exercitiis dediti.

Vladislai Iagellonis Polonorum Regis opera, anno humanæ salutis 1413, (Lituaniam autem 1387,) Christiana religione initiati sunt. quibus episcopum Miednicum præfecit. duodecim pariteros dedit. dandis pecuniis, pannis caruleis, pileisque rubris, juxta monachem Schatria, ad baptismum amplectendum illexit. Vbi monacho regio, de mundo Adamoque à Deo creatis concionante, unus illorum hæc verbis Regem compellavit: *Mentitur, inquit, o Rex, hic homo, non admodum senex. multi enim nostrum centesimum annum superaverunt: tamen hac minime recordantur. eadem illi pueri quæ senibus cæli converso, eadem imperum vicissitudo, idem cursus & fulgor syderum fuit.* Cui Rex, officio & ipse concionatoris fungens, *Verum an, inquit: nec sum sacerdos; qui non sua ætate,*

*sed multis ante sœculis mundum divino
mandatu ex nihilo extitisse dixit.*

Rei pecuariæ adeo sunt studiosi, ut unus agricola sexaginta, alius duplo plus, paullo minus alius cornuti pecoris, præter oves & capras alat. Equi illorum parvuli: ob nimium opinor frigus: sed tamen robusti. quorum uno, anno Domini 1554, duobus florenis Vilmæ in Lituania emto, & trahæ juncto, vectus sum cursu celeri usque Cracoviam 120 mill. Germanicorum. Fœminæ pecori curando, viri agtis colendis dant operam. iidem deni aut viceni, plures vel pauciores, in uno tugurio linum, lanam, cannabim pectunt, nent, texunt, vestes conficiunt. Quicquid horum superest, id Rigam vel Regiomontum, hinc in Hollandiam, pretio tolerabili mittunt. lino enim maxime & cannabi, agros suos complent. Disperse per sylvas campoque degunt. rara oppida, nec pagos nimium multos, arces autem munitas nullas habent. quorum fenestræ meridiem versus spectant. Studio Sigismundi Augusti Regis, anno 1572, 7 Julii mortui, in cœtus & societates convocati. Mapalia, quæ turres appellant, sursum angusta, atque qua fumus & fœtor exeat, aperta, ex tignis, asscribus,

bus, stramine, corticibus faciunt. in his homines cum omni peculio, in pavimento tabulato stante, habitant. ita paterfamilias omnia sua in conspectu habet, & feram noxiam, & frigus à pecore arcet, ad ostium cubat, deastro foci custodia commissâ, ne vel ignis damnum domicilio det, vel prunæ nocte extinguantur. Vbi crebro accidit, ut vel sus vel canis ex olla in foco stante, carnes auferat: aut rostrum, aqua fervente, lædat. Qui in pagis degunt, ii caulas separatas ab æstuariis habent. Tam hi quam illi plumis concisis culcitra farciunt. quæ non possunt non pungere, & vigilantem reddere cubantem. Paterfamilias, mactatis autumnò avibus domesticis, iisque pecudibus ac bobus, quos te brumæ tempore non posse alere animadvertit, genio cum suis indulget: quæque supersunt, ea doctis inclusa, maritimis vendit. Foras egressus, alcem, aprum, cervum, avem, sciurum, bombardam, venabulo, balista, arcu conficit. Sunt enim jaculatores & sagittarii præstantes, in quorum curribus nihil omnino ferri invenias. omnia lignea, rotæ ex radicibus arborum inflexis, quas procul audias venientes, axibus, quod eas non illinant, stridentibus.

Virgo non ante nubit, quam triginta annos, aut minimum 24 expleat, & ipsa manibus suis, aliquot corbes vestium, omnibus cum spensio venientibus disperticendarum, paret. tum enim dat singulis vel indusium, vel mapam, vel mantile, vel texta è lana tibialia, vel chirothecas. hæc in agrum non prodit, ni prius parentibus interviat, & in omnibus morem gerat. idem facit filius. ac præmissi qui eam in matrimonium petant, primula omnium, num progenitoribus sit morigeræ, rei que familiaris studiosa, considerant. Et viri & foeminae, sunt amantissimi honesti. rarissima apud eos homicidia, furta, stupra, incestus. Puella stricto persequitur cultro se ad impudicitiam sollicitantem. quæ duobus, ante & retro pendentibus de zona tintinnabulis, nocte autem semper cum face incedit. quibus rebus monentur parentes, ubi sit, quid, & agat filia. Pater filio uxorem quærens, nec formam nec dotem spectat, satis est è dicens dotatam, si sit morata. quæ succi plena atque adulta, magna cum lætitia in domum soceri inducitur.

Præfectos, quos Civonias vocant, non adeunt, quin ipsis aliqua munuscula adferant. Summus toti regioni, dum

dum vivit, præest Lituanicus Senator. hodie est vir eximius Iohan. Kiska Palatino Vitepscensi natus. Inter eos qui minoris dignitatis sunt, fuit Iacobus Lascovius, Polonus nobilis, tractus Cassienfis, ex quo hæc percipie qui in hisce hominibus pie erudiendis, & in certa loca cogendis, Sigismundi Augusti iussu, plurimum operæ impendit. Cui Deum Vnum prædicanti, respondebant idololatæ: *Quid tu nobis Vnum Deum, quasi omnibus nobis potentiorē inculcavit plus uno muli possunt, plura plures agunt.* Idem agrum illorum ad 40 iugerum millia dimensus est. horum tria, uni rustico assignata, præter alia minutiora commoda, quinque florenos fructus annui Regi adferunt.

Iussu autem à Lascovio arbores excindere, invitissimi id, nec prius, quam ipsemet inchoaret, fecerunt. deos enim nemora incolere persuasum habent. sequitur persuasionem effectus. nam in sylvis illorum horrenda quædam vita ac ipectra, tam auribus quam oculis spectantium sese offerunt. Tum unus inter alios percontari, num etiam decorticare arbores liceret. annuente præfecto, aliquot magno nisu hæc repetens decorticavit: *Vos me meis antecibus, gallisque gatinaveis spoliatis;*
proinde

proinde & ego nudus vos faciam. credebatur enim demens, deos rei suæ familiariter perniciosos, intra arbores & cortices latere. Quorum tantus pene est numerus, quantus aliorum apud Hesiodum. Nam præter eum, qui illis est Deus Auxrheias Vislagistis, Deus omnipotens atque summus, permultos Zemopacios, id est, terrestres, ii venerantur, qui nondum verum Deum Christianorum cognoverunt. Percunus Deus tonitrus illis est. quem, cœlo tonante, agricola capite detecto, & succidiam humeris per fundum portans, hisce verbis alloquitur: *Percune devaite niem:ki und mana, dievuu melsu tarvi palti mressu. Cohibete, inquit, Percune, neve in meum agrum calamitatem immittas. ego vero tibi hanc succidiam dabo.* Verum postquam nimbus præterit, carnes ipse absumit. Percuna tere, mater est fulminis atque tonitruui: quæ solem fessum ac pulverulentum, balneo excipit: deinde lotum & nitidum, postera die emittit. Audros deo, maris cæterarumque aquarum cura incumbit. Algis, angelus est summorum deorum. Ausca, dea est radiorum solis vel occumbentis, vel supra horizontem ascendentis. Bezica dea vespertina, Breksta tenebrarum.

Ligic-

Ligicrus, is Deus esse putatur, qui concordia inter homines & auctor est & conservator. Datus donator est bonorum, seu largitor. Kirnis carafos arcis alicujus secundum lacum sita curat. in quos, placandi ejus causa gallos mactatos injiciunt, cereosque accensos in eis figunt. nimirum sicut ille avarus Euclio apud Plaut. in Aul. ture ac corona laris gratiam aucupabatur:

*Nunc tusculum emi, & haec coronas
floreas,*

Hæc imponentur in foco, nostro lari:

Ut fortunatas faciat nata nuptius.

Kremara porcorum ac suum est deus. cui similiter focos excitant, & cervisiam super eos fundunt. Pizio juvenis, sponsam adductura sponso, sacrum facit. puellæ quoque quendam Gonda adorant & invocant. Modeina & Ragaina sylvestres sunt dii: uti Kierpicrus hujusque adjutor Silinicrus, musci in sylvis nascentis: cujus in ædificiis magnus apud illos est usus. huic etiam muscum lecturi sacrificant. Tavvals deus, auctor facultatum. Orthus lacus est piscosus; quem colunt quemadmodum & Ezernim lacuum deum.

Sunt etiam quædam veteres Nobilium familiæ, quæ peculiares colunt deos. ut Mikutiana Simonaitem, Miche-

cheloviciana Sidzium, Schemietiana & Kiesgaliana Ventis Rekieziouum, alia alios. Kurvvaiczin Eraiczin agnellorum est deus: est & Gardunithis custos eorundem recens editorum. Prigiristis hic est, qui murmurantes exaudire putatur. jubent igitur ut quis summisso murmure, hoc vel illud loquatur, ne clamantem Prigiristis audiat. Derfinitos pacem conciliat. ut & Bentis is creditur, qui efficit, ut duo vel plures simul, iter aliquo instituunt. Lavvkpatimo ituri aratum vel satum supplicent. Priparseis est, qui augere neriendes existimatur. Rataimeza equorum habetur deus. ut VValgina aliorum pecorum. Krikthos cruce in tumulis sepulcrorum custodit.

Sunt & omnium auguriorum divinationumque observantes. habentque Apidomé mutati domicilii deum. nato cujusvis generis, vel cæco vel debili pullo, actutum sedes mutantur. Quin ipse quoque rex VVladislaus, gente Lituanus, has à matre superstitiones didicerat, ut eum diem infaustum sibi futurum crederet, quo primum calceum sinistrum fortuito accepisset. ad hoc movebat se interdum in gyrum stans pede uno, foras è cubili proditurus. quorum similia multa observantur

tur ab Samogitis. Ita olim Germani, Plutarcho in Caio Cæsare teste, non ante prælium cum hoste committebant, quam nova luna fulsisset. Et nostrum quidam infelicitè se venaturos sibi periuadent, si domo egressis mulier occurrat, seu quis certum numerum capiendorum leporum, vulpium, luporum nominat. Krutis suum est deus, qui religiose colitur ab Buduicis, hoc est, fabris ferariis. Laskona avellana- rum, Babilos apum dii sunt. hunc Russi Zosini cognominant. Sunt etiam deæ, Zemina terrestris, Austlicia apum. utraq̃ue incrementa facere credantur: ac cum examinantur apes, quo plures in alveos aliunde adducant, & tucos ab eis arceant, rogantur.

Nusquam autem vel candidius mel est, vel minus cereæ habet. unde illæ massæ cereæ, quæ navibus in Belgium, Galliam, Hispaniam deportantur. Præterea, sunt certis agris, quemadmodum nobilibus familiis, singulares dei. videlicet Devoitis agri Poiurskii, Vetusis Retovvskii, Guboi ac Tyverticos Sarakovskii, Kirnis Plotelskii. Vielona Deus animarum. cui tum oblatio offertur, cum mortui pascuntur. dari autem illi solent frixæ placentulæ, quatuor locis sibi oppositis, paullulum discissæ.

discissæ. ex Sikies Vielonia Pemixlos nominantur. VVarpulis is esse putatur, qui sonitum ante & post tonitru in aere facit. Cæterum quid agant Salaus, Szlotrazis, Tiklis, Birzulis, Siriczus, Dvvargonth, Klamals, Atlaibos, alii, que ejus generis, non libenter id Christianis aperiunt. Opitulatores illos hominum esse, ideoque invocandos persuasum habent. Numeias, vocant domesticos. ut est Vblanicza deus, cui curæ est omnis supellex. Dugnai dea, præest farinæ subactæ. Pestleias, inter pullos omnis generis recens natos, post focum latet. Tratitas Kirbixtu, deaster est, qui scintillas tugurii restinguit. Alabathis, quem linum pexuri in auxilium vocant. Polengabia diva est, cui feci lucentis administratio creditur. Asplenie, angularis. Budintaia, hominem dormientem excitat. Matergabia deæ offertur à femina ea placenta, quæ prima è matre sumta digitoque notata, in furno coquitur. hanc post, non alius quam paterfamilias, vel ejus conjux, comedit. Simili modo Rauguzemapati offerunt, posteaque ebibunt, primum vel cervisiæ vel aquæ mulsæ, è dolio haustum. quem Nulaidimos, illum autem printum è massa exentum panem, Tasvvirzis cognominant. Ei-

dem

dem cervisario deo offert, id est, præbuit paterfamilias cervisæ, post facies acceptas intumescens, spumantem pateram. tum demum & alii hauriunt. Si is absit, mater id familias facit. Luitbegeldas divas venerantes, ita compellant: *Luitbegelda per mare porire scilicet gilde skate. Vos dea transmissistis ad nos omnia semina fili, inea, in putamine glandis.*

Eadem turba agrestis, ut est auctor Alexander Guagninus, in Sarmatia, sub finem mensis Octobris, frugibus plane collectis, solenne quoddam sacrificium, eo modo celebrat. nam omnes ad sacras epulas coacti, mensæ fœnum, postea panem, ac ex utraque parte duo vasa cervisæ plena imponunt. deinde adducta utriusque sexus domestica animalia, suem, gallum, anserem, vitulum, & si quæ sunt alia, hoc ritu mactant. primus augur, certa verba prolocutus, animalis caput cæteraque membra fuste verberat: quem turba idem agens, ac hæc dicens, sequitur: *Hæc tibi, o Zemien, ille deus, gratias agentes offerimus: quod nos hoc anno incolumes conservaris, & omnia nobis abunde dederis. idem ut & in posterum facias, te oramus.*

Antequam vero ipsi comedant,
V unius-

uniuscujusque ferculi portunculam
 abscissam, in omnes domus angulos,
 ista dicentes, abjiciunt: *Accipe, o Ze-
 miennik, rato animo sacrificium: atque
 letus comede.* tum demum ipsi quoque
 prælaute epulantur. qui ritus etiam in
 nonnullis Lituaniæ atque Russiæ locis
 observatur, ac Ilgi dicitur. fieri id sa-
 crum Lascovius ait postridie festi o-
 mnium Sanctorum. qui dies est secun-
 dus Novembris. quo die Samogitiæ,
 Prussis, quibus erant oppignorati, qui-
 que in terra ipsorum fuere excisis, Vi-
 toldo Duci Lituaniæ (qui diem obiit
 1430, 27 Octob., VVladislai Jagello-
 nis patruelis frater) sese ultro subjece-
 runt. Tertio post Ilgis die, deum
 VVaizganthos colunt virgines, ut illius
 beneficio, tam lini quam cannabis ha-
 beant copiam. ubi altissima illarum,
 impleto placentulis, quas Sikies vo-
 cant, sinu. & stans pede uno in sedili,
 manuque sinistra sursum elata, librum
 prolixum, vel tiliæ vel ulmo detractum
 (ex quo etiam calceos contextunt) dex-
 tra vero craterem cervisiæ, hæc lo-
 quens, tenet: *Waiꝛganthos devaite an-
 ging mani linus teip ilgies, ikmani, nie
 duol munus nogus eithi. Waiꝛganthos,*
inquit, produc nobis tam altum linum,
quam ego nunc alta sum; neve nos nudos
incedere

incedere perantur. post hæc craterem
exhaurit, (nam & scemina bibaces
sunt) impletumque rursus, deo in ter-
ram effundit, & placentas è sinu ejicit,
à deastris, si qui sint VVaizgantho, co-
medendas. Si hæc peragens, firma per-
flet, bonum lini proventum anno se-
quenti futurum, in animum inducit.
Si lapsa, pede altero nitatur, dubitat de
fuerit copia. fidemque effectus sequi-
tur. Iisdem feriis, mortuos è tumulis
ad balneum & epulas invitant: toti-
demque sedilia, mantilia, indusia, quot
invitati fuerint, in tugurio eam ad rem
preparato ponunt. mensam cibo, potu
onerant. dehinc in sua mapalia reversi,
triduum compotant. quò exacto, illa
omnia in sepulcris, potu perfutis, re-
linquunt. tandem etiam manibus va-
lidicunt. interea hæc si auterunt, qui
in suis arbores cineris causa, quo sul-
lones transmarini carere nequeunt,
conburunt, & attères faciunt navium
natalem, in Oceanum mittendum.
Consimili huic errore, Christiani, sculo
beati Augustini, in cæmeteriis apud
memorias damnatorum, ut idem epi-
stola 64 ait, conestabantur.

Veri quædam Litones hoc tempore,
quidam Germanorum servitute pre-
muntur, monumentis mortuorum
V. a. cibum,

cibum, potum, securim, & nonnihil pecunie, hac cum naenia imponunt: *Transi*, inquit, *o miser*, *ab hoc rerum statu*, *in mundum meliorem*. *Vbi non tibi Germani amplius*, *sed tu illis imperabis*. *habet arma, cibum, viaticum*.

Cum autem nimia æstatis brevitæ fruges demestras plane ficcari non sinat, fit hoc sub testis ad ignem. Tum vero precandus est illis hisce verbis *Gabie deus*: *Gabie de uante pokielki, garunuleiski kurbixstu*. *Flammam*, inquit, *eleva*, *at ne demittas scintillas*.

Smik Smik Perlevenu. hunc deum Lituani vere araturi venerantur. prima agri lyra vomere facta, hujus ipsius est. quam huic qui illam duxit, toto anno transgredi haud licet: alioquin divum sibi infensum haberet.

Skierstuvves festum est farciminum. ad quod deum Ezagulis ita vocant: *Vielona velos atteik musmup und stala*. *Veni*, inquit, *cum mortuis*, *farcimina nobiscum manducaturus*.

Aityvaros est incubus, qui post sepe habitat. id enim verbum ipsum significat.

Kaukie, sunt lemures, quos Russi Vboze appellant: barbatuli, altitudine unius palmi extensi: iis qui illos esse credunt conspicui: aliis minime. his cibi

sibi omnis edulii apponuntur. quod nisi fiat, ea sunt opinione, ut ideo suas fortunas (id quod accidit) amittant. Nutriunt etiam quasi deos penates, nigri coloris, obesos & quadrupedes, quosdam serpentes, Givoitos vocatos. hos timore perculsi, dum ex antris ædium ad pastum appositum prorepunt, seque palli in ea recipiunt, aspiciunt & colunt. Si quid infortunii accadat cultori, serpentem male fuisse tractatum censent.

Suutis, & Miechutele, colorum dii sunt: quos in sylvis, colores ad lanam tingendam quærentes, venerantur.

IX.

ARTICVLI CONSTITVTIO

num bellicarum Magni Ducatus Lituaniæ, in Comitibus generalibus constituti, à supremoque & generali copiarum imperatore fortissimo, & heroe perpetua memoria dignissimo, illustri Domino Gregorio Chodkiewiczio, Castellano Vilaensi, confirmati & militibus imperati.



Omnes qui se obligaverit servitio Sacræ Regiæ Majestatis, debet in eo ad tempus præscriptum perseverare. Si vero

longius servitium militare indictum protrahamque fuerit miles autem servare an plius nolens in primo quartuali non indicaverit tunc indictum servitium sequentis quartualis adimplere tenebitur.

II In alterius armis nemo audeat servire, sub pœna amissionis honoris.

III Si quis è castis discesserit, servitio non finito; nobilis ille si fuerit, honoris; plebeius vero capitis pœna puniatur. Ille autem qui ejusmodi hominem occiderit, præsertim non habentem literas à Campiductore, sive Rotmagistro suo, iuste ab eo factum censetur.

IV Lites, discordiasque, milites invicem seminare non audeant, sub gravi pœna.

V Quod si aliquis ex militibus, præcipue vero pedestribus, arma sua stipendiaria, quibus hostilis impetus arcetur, lusu alearum amiserit, vel si eques equum militiæ destinatum perluserit, tam lucrator, quam amissor, uterque suspensionis pœna puniatur.

VI Quicumque in Campiductorem, sive Rotmagistrum suum, Decurionemve, vel etiam servus in Dominum suum, manu aut verbis inhonestis sese commoverit, capitis pœna plectatur.

VII Si

VII Si quis in custodes castrorum impetum fecerit, vel custodiam demandatam obire tenuerit, aut ad custodiam sine voluntate Campiductoris abiecit, capite puniatur: excepto, si excubiæ ordinariæ illum prævenierint.

VIII Quicumque vulneraverit aliquem in ducatu legionum sub extensione vexilli, pœna honoris & capitis puniatur.

IX Quicumque pedester in custodia locum suum non tenuerit, aut causa alicujus necessitatis inde discesserit, vel si in ordinatione aciei excubiisve obdormierit, vel officium injunctum indiligenter oscitanterque obierit, circumspectori excubiarum liberum erit talem interficere. Si autem Campiductori oblatus fuerit, capitis pœna puniatur, honoreque privetur.

X Si quis in custodiam campestris destinatus, sive ex muro cum hoste collocutus fuerit sine voluntate Campiductoris, convictus testimonio, pro ejusmodi facinoræ capitis pœna punitor.

XI Si aliquis miles ex thesauro Sacræ Regiæ Majestatis tam de tormentis pulverem globosve, quam de aliis bonis Sacræ Regiæ Majestatis aliquid in usum suum convertere ausus fuerit;

sine quavis misericordia, turpi & vituperoso mortis genere puniatur.

XII Si quis speculatorem ab hostibus missum in domo sua foverit, vel de illo notitiam habuerit; talis, omni misericordia semota, in quatuor partes dilaniator.

XIII Quicumque tempore necessitatis, sive conflictus, à vexillo in fugam sese dederit, aut verbo aliquo fugiendi causam alicui præbuerit, caput & honorem amittito: similiter qui tempore periculi non conseruerit manus cum hoste, puniatur.

XIV Si aliquis temerarie in terram hostilem irruerit, vel occasionem hostibus dederit, sine voluntate Campiductoris; caput amittito.

XV Tempore nominis dati (quod Polonice *hasło* dicitur) unusquisque miles in ordine suo pacifice permaneat. Quod si post hoc extra ordinem comprehensus fuerit, vel si nomen indictum interroganti proferre nescierit, capitis poena puniatur.

XVI Dato signo requiei per vocem tubæ, nullos clamores aut strepitus in castris aliquis facere audeat, sub gravi poena.

XVII Si quis litem aliquam tempore distributionis nominum excitaverit,

rit, vel bombardam in hostem exoneraverit, capite plectatur.

XVIII Tabernæ & nocturnæ commellationes prohibitæ & vetitæ tunc temporis sint, sub gravi pœna.

XIX Nemo militum audeat aliquid violenter alicui eripere, sub pœna suspensionis. quod si aliquid acceperit præter victum, quod unius grossi pretio constet, sine quavis misericordia juguletur.

XX Nemo militum victus acquirendi causa absque servo Campiductoris in villas audeat discurrere, neve alicui injuria inferatur, sub pœna gravi.

XXI Hominem alienigenam, advenam, & ignotum, nemo in servitium militare suscipere audeat sine licentia Campiductoris, sub gravi pœna.

XXII Servitorem alterius commilitonis, sive Decurionis, nullis ad se persuasionibus & promissis allicere audeat, sub gravi pœna.

XXIII Nemo militum equos stipendiarios currui jungat, neque causa nece litatis privata, quamvis opportuna, illis uti, vel alicui in usum dare audeat, sine licentia Campiductoris.

XXIV Advehentibus victum in castra, si aliquid per vim raptum fuerit, suspensionis pœna esto.

XXV Si quis in viam publicam mercandi præpiendique victus causa extra castra alieit turpe ob lucrum, graviter puniatur.

XXVI De emptione & venditione cibi & potus, Campiductor æstimationem faciat.

XXVII Quicumque ante æstimationem aliquid emerit, emptor pecuniis, venditor mercibus privetur. similiter & de eo intelligendum est, qui cariori pretio quam Campiductor constituerit, aliquid vendere ausus fuerit.

XXVIII Satellites à Campiductore missos, ad comprehendendum malefactorem, nemo verbis inhonestis proscindere audeat, sub gravi pœna. Similiter administratori iustitiæ carnifici nemo illudere audeat, sub pœna honoris.

XXIX Militum præfectus sub pœna honoris tenetur indicare, quot milites in legione sua desiderentur. Arcis vero sive civitatis, cujus præsidia agit, incolam aut civem ad militiam nemo suscipere audeat sine licentia Campiductoris, sub gravi pœna.

XXX Vnusquisque militum præfectus diligenter animadvertat, ne arcem fidei suæ conceditâ ad ultimum usque periculum vitæ tradere præsumat

mat, sub honoris & capitis pœna.

XXXI Decuriones militum, que, si rotmagister (quod ablit) per signa aliqua castrum hostibus tradere conatus fuerit, illum captum Campiductori præsentare tenentor.

XXXII Rotmagister, sive militum præfectus, ad refectionem & occlusionem portarum castrum, quotidie præsens tenetor adesse, neminique castrum tempore incongruo aperire audeat. Noctu vero omnes milites congregatos habere in arce tenetor.

XXXIII Nemo in castrum intro-mittitor, nisi certa noticia de illo habeatur, cujus sit, vel ob quam causam venerit; &, si iustam causam dixerit, solus in castrum absque famulis intro-mittatur, qui absque Campiductoris licentia intromitti non possint.

XXXIV Quicumque militum, maxime autem pedestrium, deprædationis causa in terram hostilem frivolus abierit, talis pœna capitis puniatur.

XXXV Si alicui custodia ordinaria venerit, ille autem præsens custodi non adfuerit, capitis pœna esto.

XXXVI Si quis custodiæ munus obiens, sequentis custodiæ adeuntem non expectando abierit temerarie, caput amittito.

XXXVII

XXXVII Cui ex ordine custodiam obire contigerit, idque muneris temerarie per ebrietatem alcarumque lusum neglexerit, caput & honorem amittito.

XXXVIII Nullus rotmagistorum commilitonumve extra arcem discedat, neque suos milites ad quamvis legationem negotiorum suorum destinare audeat, sine licentia Campiductoris, maxime vero Campiductore ibidem præsente, sub gravi pœna.

XXXIX Rem forte inventam nemo apud se pernoctare sinat, sed Rotmagistro suo sive Campiductori eam indicet, sub pœna patibuli.

XL Quicumque militum absque armis, ad quæ stipendia accepit, ambulaverit, vinculis corrigatur.

XLI Nemo rixas motusque aliquos in arce exercere audeat, sub pœna atrocis. quod si quis alicujus vñneraverit caput, item pro frivola gladii extractione, manum amittito.

XLII Ad quamvis justam defensionem arcis, maxime obsidionis tempore, nemo militum eorum, qui præsidia agentes in ea manent, propter seipsos laborare detrectet.

XLIII Rotmagistri & Decuriones, singuli suos milites semper instruunt, doceant.

doceantque, quomodo unusquisque in acie legitime ordinateque stare, & armis suis competentibus commode uti possit. quod si ex ordine aliquis toras excesserit, caput amittito.

XLIV Commilitones, sive Decuriones, honeste sese gerant erga Rotmagistrum tuum, non solummodo manu, verum etiam verbis. similiter & Rotmagister erga eosdem, neminem dehonestando, verberando. sed si quid aliquis peccaverit, in corona omnium Decurionum, sociorumque, eum judicet & puniat. rebellem vero Campiductori indicet.

XLV Quod si aliquis commilitonum, sociorumve, sive ipse locum-tenens, Articulos supra scriptos, honoris & capitis pœna prœmunitos, iuste & legitime non observaverit, eum Rotmagister suus Campiductori sub fideiussione & nobilitatis honore ordinate transmittat.

X.

PRUSSIAE CVM SVIS PRO-
vinciis, & civitatibus, compendio-
sa descriptio, ex Alexandro
Guagnino.



Præclarus ille Germanorum
legatus, & orator apud mul-
tos extraneos principes cele-
berimus, Aneas Sylvius, qui
in Prussia legationem frequenter ob-
ibat, scribit in suis Chronicis, quod
Prussia rectius & convenientius Vlmigavia
appellanda sit. & hoc non sine
causa: nam populus, qui hanc regio-
nem primo incolebat, Vlmigavus nun-
cupabatur. Ioannes autem Boemus
scribit, ab ortu solis in hanc Regionem
populos Amaxobios, Alanos, & Go-
tos, Venedotique, sive Vandalitas com-
migrasse. Matthias vero Miechovien-
sis, Polonorum Chronographiæ scrip-
tor, lib. 2. cap. 8. refert, Regem Bithy-
niæ Prussiam nomine, ab Hannibale
Carthaginensi admonitum, ut Roma-
nis bellum inferret: quod cum ille sus-
cepisset, male ei cecidit. longe enim
pluribus Romani totius orbis domini
quam Prussia rex Bithyniæ copiis vale-
bant. quocirca ab illis adeo cum uni-
verso

verso exercitu profligatus est, ut Bithyniam Regionem propriam relinquere cogeretur, & in Vlmigaviam longa peregrinatione venire, quam à suo nomine Prussiam appellavit. Commemorat & in alio loco eorundem Chronicorum idem Miecheviensis, multos Romanos in terram illam propter atrocita bella Romæ exorta migrasse, sequæ partim in Prussiam, partim Lituaniam, Livoniamque & Samogitiam distudisse. Erasmus vero Stella asserit, in hanc regionem gentiles quosdam populos, Sargatianos Gelhdanos, Alanos, Venedosque venisse, qui omnes in Vlmigavia, non diu tamen, domicilium habuerunt. Sebastianus autem Franc, Germanorum Chronographiarum scriptor, sic de Prutenis eorumque sedibus inquit: Pruteni proximi sunt Vistulæ, sive Vandalo fluvio, qui Poloniam à Germania determinat. hic fuit ex Silesia: Poloniaque minori & Maſovia præterlapſa per Prussiam Gedanum usque decurrit, ibique in salſum mare exoneratur.

Ab æquinoctio itaque Prussiam Saxoniam attingit: ab occidente Pomeralia & mare Balticum sive Germanicum. ab ortu solis Lituaniæ, a meridie Poloniæ regno & Maſoviæ Ducatui conter-

contermina est : à septentrione Curlandia Livoniaque terminatur. Regio est fertilissima , frugum pecorisque abundans. Incoluerunt illam (maxime autem juxta Vistulam fluvium) Vlmigavi , Alani , Amaxobii , Gothique, ut testis est locupletissimus Ptolomæus. Hæ gentes inprimis immundos spiritus & profanas creaturas adoraverunt, usque ad tempora Friderici Cæsaris hujus nominis secundi, cujus consensu & approbatione à Teutonici ordinis Crucigeris, qui primo Mariani vel Pauperiani nuncupabantur, perdomiti sunt, & ad fidem Christianam conversi , anno Domini 1216. De his fusius Chronica Pontificum De ordine fratrum Teutonicorum eorumque origine legi possunt. Poterit insuper Sebalitianus Francus in secunda parte Chronographiæ suæ videri.

Prisca antiquorum Prutenorum religio.

ANno Domini 503 , Gentilibus Prutenis, sive Vlmigavis , Rex quidam Bruteno dictus imperavit. qui cum justos annos ætatis consecutus esset, regium sceptrum diutius tenere resignavit , quietam vitam ducere instituens. quocirca fratrem Veydenutum successorem

forem sibi in regno elegit : traditoque fratri scepro , ipse Bruteno summus sacerdos gentili ritu effectus est , nomenque ei dignitatis inditum fuit Kicie Knieyto, quasi dicas, Proximus noster Dominus. Huic Pontifici suo Pruteni, & idolis, præclaram sane & cum maximo sumptu habitationem sub quercu quadam erexerant, locoq; Romanæ à Roma nomen indiderunt. Circa hanc quercum octo ulnarum in latitudinem & altitudinem tela optima sericea extenta fuit. in quam habitationem nemo præter Patriarcham eorum Kicie Knieyto dictum, & præcipuos ministros idolorum munia obeuntes, intrare poterat. Si autem aliquis invisendi, honorandi, adorandi vel offerendi gratia ad Idola venisset, tunc constituti Deorum ministri telam, ut idola viderentur, à quercu semovebant. Quercus hæc tripartita fuit. inter cæteras sylvas quercinas delectissimo in loco (ubi nunc oppidum Heyligenbeil, id est, Sancta securis, constructum est) sita erat. Ex una parte Prutenorum deum, qui Petuno, id est, fulmen, dicebatur, habebant. In hujus laudem & honorem ignis ex quercubus construebatur, qui die nocteque perpetuo ardebat, & nunquam exinguebatur. quod si

negligentia ministrorum ad hoc officium præstandum deputatorum ignem extinguere contingeret, capitali supplicio afficiebantur. Ex altera parte collocatum erat Patrimpo idolum, cuius cultus erat in serpente vivo retinendo, qui lacte, ut eo commodius viveret, alebatur. Tertia ex parte dæmoniacum idolum, Patelo nomine, situm fuit. huius honor in retinendo alienius mortui hominis capite consistebat. Habuerunt præterea alios multos deos, quos adorabant, cultuque divino prosequabantur; semper tamen inter querceta holocausta eis offerre solebant: & quot fere res habebant, tot præsides & deos constituiebant. Fuit igitur deus singularis Vurschayto gentiliter dictus, quem magno honore venerabantur, & pro lare sive deo domestico super omnia mobilia, jumentaque, utpote equos, boves, oves, capras, sues, &c. eum præponebant. Alter Deus fuit Shnevrato dictus; hunc super anseres, gallinas, anates, columbos, pavones, &c. constituiebant. Tertium Deum domesticum, Gurchho dictum, habebant: is omnibus esculentis cibariisque præponebatur.

Præterea tonitruis, lunæ, stellis, serpentibus, bubonibus, & canibus pene crea-

creaturis, divinum honorem deferrebant. Fuit hic populus quondam barbarus & incultus, nec ullam scripturam noverat. propterea nec fidem adhibebant, si quispiam diceret, hominem homini per literas animum & voluntatem aperire posse. Potus illorum, aqua melli commixta, & lac equinum erat. Liberales valde & inhospitales advenis se exhibebant.

*Divisio Prussia in duodecim
Ducatus.*

ANNO Divinae incarnationis 373, Vedenuto Princeps Prussiae (qui Brutenno fratri voluntarie sceptrum depONENTI successit) duodecim filios procreavit; quorum haec nomina fuere: Saymo, Neydro, Sudo, Slavo, Natan-go, Barto, Galindo, Varmo, Oggo, Pomedzo, Colmo, & Lituo. Cum jam Vedenuto Princeps centesimum decimum sextum annum attigisset, regiones Prussiae inter filios divisit, Saymonemque natu majorem summæ rerum praefecit. Atque ita Prussia in duodecim Ducatus, secundum filiorum Principis Vedenuti numerum, divisa est, & unusquisque à suo Principe nomen accepit. Quos hic secundum ordinem, cum sua dispositione, castrisque

& civitatibus, annorumque numero, quando videlicet à Crucigeris potissimum erecta sint, describemus.

Sudavia, Ducatus I.

PRImus & præcipuus Prussiæ ducatus Sudavia olim erat, qui à Sudavo Vedenuti filio, Principe suo, nomen sortitus est. Hic Ducatus omnes alios & præstantia & fertilitate antecellebat: nam quocunque tempore necessitatis, sex millia equitum, & octo millia peditum præstare valebat. In hac regione præcipui Nobiles & Proceres totius Prussiæ priscorum tempore sedes suas habebant. nunc autem paludibus & sylvis maximis obsitus scaret, nec ullum vestigium tam insignis & nobilis regionis remanet, præter septem pagos, quos coloni possident, in Luptavenfi territorio. tota enim est devastata à Crucigeris ordinis Teutonici, non aliam ob causam, quam propter inobedientiam & in-fidelitatem. Distinguit Sudavianam à Sambia regione palus quædam; à Ducatu vero Nadravenfi fluvius Layvo appellatus,

Sambia, Ducatus 2.

Sambia, nunc Szamland appellata, regio Prussiæ, à Principe Saymo nomen accepit. Hæc priori, cum potentia, tum fertilitate, non multum cedere videtur. poterat enim ex illa 4000 equitum, & 4000 peditum congregari. A Natangia regione fluvio Prægel dicto determinatur.

Sequuntur castra & civitates ad Sambiensem Ducatum pertinentes:

Lebenicht, condita anno 1256

Kneypach, anno 1380

Regiomontum cum castro & antiqua (ut illi appellant) civitate, 1260

Fischusia, 1269

Lechstet, 1289

Mulmelburgia, 1279

Girmavia, Bobetia, Tyrenburgia, Rudavia, Lubravia, Bonûdia, Neuhusia. Schaccia, Rositta, VVargia, Chremetia, Gaymen, Ceilgarbia, VValdovia.

His nominibus arces in Sambia olim appellabantur cum suis civitatibus, quæ omnes à Crucigeris bene murratæ & fossis cinctæ extiterunt. nunc quedam arces in curias judiciales redactæ sunt. quarundam etiam magna pars humi prostrata jacet.

Natangia, Ducatus 3.

Natangia regio à Principe Natango nomen ducit: quæ à Bartia regione flumine, Alla nominato, fecernitur; à Pomefania Patlaria fluvio determinatur. Regio est optima. Arces & civitates plurimas, prout inferius ordine descriptæ sunt, habet:

| | |
|---------------------------------------|-------|
| Valdovia civitas, condita anno Domini | 1256 |
| Girdavia civitas, anno | 1326 |
| Cintia oppidum, | 1313 |
| Crenburga civitas cum arce, | 1253 |
| Heyligenbeil oppidum, | 1301 |
| Friedlandia civitas, | 1312 |
| Schippenbeilia civitas, | 1319 |
| Brandenburga oppidum cum arce, | 1362 |
| Balga arx, | 1239 |
| Damnovia civitas, | 1400. |

Nadrovia, Provincia 4.

Regio Nadrovia à Principe Nadro denominata est. eam à Natangia fluvius Pregiel determinat; à Slavonia, Nara amne distinguitur. Hæc majori ex parte à fratribus ordinis Teutonici, propter infidelitatem incolarum, devastata est. Reliquiæ ejus & vestigia reperiuntur, casæ & tuguria, in quibus piscatores habitant.

Slav.

Slavonia, Ducatus 5.

Slavonia regio quondam, priscorum Prutenorum temporibus, pro Ducatu computabatur. A Principe Slavo nomine denominationem accepit. Ex maiore parte à Lituaniis Crucigerisque depopulata est. Eam à Lituania Memula fluvius determinat. Has infra scriptas munitiones & arces complectitur cum civitatibus & oppidis:

Ragneta, à Crucigeris fratribus constructa anno incarnationis divinitæ

Tilfa, anno

Renum, anno

Licovia,

Salavia,

Labia,

Tapia,

Vintburgia,

Christoverder,

Boytia,

Cestia,

Norbeitia,

Vonsdorfa,

Angerburgia,

Dringofortia,

Bartonia, Ducatus 6.

Bartonia à Barto Principe nominis etymologiam ducit. Cum Lituanis & Moschovitis, terminis disceptat. A Lituania 70 stagnis & solitudine à Galindia vero flumine quodam finitur. Nunc magna ex parte à Lituanis & Crucigeris pervastata est. Arces has cum oppidis, à Crucigeris erectas, complectitur:

| | |
|---|-------|
| Nordemburga, munitio à Crucigeris erecta anno | 1505 |
| Iohaniburga, anno | 1268 |
| Gurgburga, | 1259 |
| Insterburga, | 1342 |
| Richteverder, | 1396 |
| Bartovia, | 1365 |
| Rhenum, | 1375. |

Galindia, Regio 7.

Hæc regio à Galindo Principe Galindia nuncupata est. Cujus Masovia sylva ingens à Meridie fines excipit. Quondam tam populosa fuit, ut successu temporis, populus in ea progenitus locum non haberet. Vnde præpositi regionis obstetricibus severe mandarunt, ut nullam foemineæ sexus post partum prolem hac luce frui permitterent. quam rem cum minus observa-

servatam animadverterent, mamillas
fœminis, ne amplius prolem educa-
rent, amputarunt. quod facinus mulie-
ribus summæ tristitiæ & miseriæ causa
fuit. Erat autem in illa regione mulier
quædam, auctoritate, nomine & po-
tentia clara, quæ pro Prophetissâ ha-
beatur: oracula enim interrogantibus
dabat. Huic cum mulieres calamitates
suas exposuerunt, Prophetissâ illa, mi-
seræ sorti fœminæ condolens, dolos
quibus viros circumveniret, & perpe-
tratum facinus ulcisceretur, expiaret-
que, indagare cogitareque cœpit; con-
vocatisque omnibus proceribus, & no-
bilibusque viris Galindiæ, monuit eos,
ut Christianis bellum, sine ullo armo-
rum genere (eventus enim rerum præ-
dicere solita erat, quam celerrime in-
ferrent: hanc enim voluntatem deo-
rum esse, serio affirmabat. quibus Ga-
lindæ auditis, sine ulla mora (certum
enim esse credebant) juvenes senesque
valida manu inermes in Poloniam &
Masoviorum Christianorum provin-
cias cum impetu excurrunt, nactaque
ingenti hominum & jumentorum
præda, ad sua proficiscuntur. Interim
vero captorum Christianorum aliquot
aufugiunt, continuoque reliquis Chri-
stianis nunciant, quomodo Galindi

sine armis in terram eruperint. Christiani re intellecta bene armati Galindos assècuti maxima cruentaque strage profligant, prædamque repetunt; bel- lumque continuantes, fugientes hostes in regionem usque eorum persequuntur; quam armis & igne evertunt; reliquias tamen matronarum, ancillarum, & juvenum, in captivitatem abducunt. Has civitates & munitiones Galindia complectitur:

| | |
|--|-------|
| Orteleburgum castellum, cujus instaurationis annus est | 1266 |
| Rastenburgum oppidum, | 1329 |
| Neyburgum arx & oppidum, | 1238 |
| Passenhunia oppidum, | 1388 |
| Dreschlovía arx & oppidum, | 1338 |
| Lucia castellum, | 1348 |
| Luceinburgia oppidum, | 1349. |

Varmia, Regio 8.

VArmia sive VVermelandia regio à VVarmo Principe nomen sortita est. à Pomesania provincia stagno, & flumine à Passaria discernitur: à Nantangia parvis quibusdam fluviis. Has arces cum civitatibus complectitur:

| | |
|-------------------------------------|------|
| Reslél arx & civitas, extructa anno | 1337 |
| Sreburg arx, anno | 1348 |
| Bichoffstein civitas, | 1325 |
| VVar- | |

DESCRIPTIO. 321

| | |
|----------------------------|-------|
| VVartemburga civitas, | 1325 |
| Allenstein arx & civitas, | 1367 |
| Melsatia arx & civitas, | 1326 |
| Helsberga arx & civitas, | 1320 |
| VVermeditum arx & civitas, | 1316 |
| Gulstadia civitas, | 1326. |

Hogkerlandia, Provincia 9.

HOgkerlandia five Pomesania à Principis nomine Hogo appellata est. Eam à Natangia, Pallania fluvius separat : à Pomesania, duo fluvij, Melsink & Drafen appellati. Hatque arces cum oppidis complectitur:

| | |
|--|-------|
| Brandenburgum castrum & oppidum, extructum anno | 1258 |
| Frauemburgum oppidum, | 1279 |
| Tolkiemit oppidum, | 1365 |
| Munhusia castellum, | 1365 |
| Scharpoviâ, prædium, | 1400 |
| Elbingense castrum, constructum anno | 1237 |
| Civitas vero ipsa Elbinga, celebris & populosa, emporio clara, inflaurata est anno | 1239. |

Culmensis, Ducatus 10.

Culmia Regio Prussæ, à Culmo Principe denominationem trahit. A Polonia & Pomerania, Vistula fluvio secernitur: à Pometania, flumine Ossa: à Mi-

à Michlovía vero & Dobrinia territoriis, Drebnicz fluvio fines suos dirimit. Has civitates & munitiones habet:

Culmina, civitas ampla, erecta anno

1223

Vventslavia arx, anno 1215

Aldusia castrum, 1238

Grandentz arx & civitas, 1299

Gugeleburga civitas, 1230

Schonse arx cum civitate, 1305

Stralsburga arx & civitas, 1285

Bartonia arx, 1346

Neumarckt civitas, 1325

Rogosna arx, 1293

Colmense civitas, 1251

Torunia arx cum civitate amplissima, emporio clara, ad Vistulam condita anno 1235

Papavia arx, 1375

Frideck arx, 1331

Lipno arx, 1319

Lesna civitas, 1328

Golba arx & civitas, 1300

Luben arx cum civitate, extructa anno 1233

Reden civitas cum arce, 1233

Bergelavia arx, 1305

Lautergia arx, 1301.

Hujus Ducatus titulo rex Poloniæ utitur.

Pomesania, provincia II.

Pomesania à Pomesa Principe, finitur
ab aliis regionibus Vistula, Elbinga,
Drusno, Drobnicz, VVellera. multæ in
ea præclaræ arces & civitates, ut sequi-
tur, habentur.

Marienburga civitas ampla, anno Do-
mini 1302 extructa est: arx vero anno
1281 à fratribus Teutonicis crecta sub
Magistro ordinis Hartmano Comite
Heldroviensi, natura loci munitissima,
valloque fortissimo & fossa profunda
circumducta, muro & propugnaculis,
ac commeatu copioso, apprime firma-
ta, Regis Poloniæ præsidiis tenetur.

Nevvtichia opidum, extructum an-

no Domini 1329

Stum arx cum civitate, 1249

Cristburga arx & civitas, 1258

Preusmarck arx, 1329

Salfeld civitas, 1328

Merinek arx cum civitate, 1290

Holand arx & civitas, 1329

Lubistadia civitas, 1202

Osterrada arx & civitas, 1270

Rosenburga arx cum civitate, 1289

Marienverder arx cum civitate, 1311

Garnesia civitas, 1328

Germanica Eilovia arx cum civita-

te, 1337

Leb.

| | |
|-----------------------------|-------|
| Lehmulia civitas, | 1337 |
| Hohenstein civitas, | 1351 |
| Schönembergia arx, | 1359 |
| Rosenbergia civitas, | 1355 |
| Eilemburga civitas, | 1299 |
| Neumburga civitas cum arce, | 1289 |
| Salavia civitas cum arce, | 1306. |

Michlovía, Provincia 12.

Michlovía admodum angusta terra est. inter Brodnám & Drebnicz fluvios jacet. Hujus causâ Poloni cum tributibus Teutonicis perpetuas rixas fovebant. Nullam arcem præter unam civitatē Strasburgam, & tres munitiones, Berklii, Dornik, & Mechloviam habet.

Pomeraniæ regionem amplissimam, longo tractu mari adjacentem, unde & nomen habet, in Poloniæ regionum descriptione latius indicabimus. De qua multa bella Poloni cum Prutenis gentilibus & Crucigeris habebant. In hac sita est celeberrima urbs Gedanum sive Dantiscum appellata. à mari Germanico uno militari abest. eam celeberrimus fluvius Vistula præterlabitur, ibidemque amplissimis ostiis in mare exoneratur. Celeberrimum in ea totius Pomeraniæ & Prussiæ emporium est, regi Poloniæ subjecta, anno Domini 1285 translata.

Prutenorum prisca barbaries.

PRuteni Gentiles, barbarie indomita-
 rigentes, perversi & infideles erant,
 vanas creaturas quaslibet pro Diis co-
 lebant, nec se ad fidem Christianam
 converti patiebantur. Idiomate pro-
 prio à Livonico non dissimili uteban-
 tur. Polonis & Masovitis tributarii e-
 rant, sed frequenter nacta occasione
 jugum excutiebant: ideo multa bella
 longo tempore Poloni cum eis tenuerunt.
 Postea anno Domini 1211, Con-
 radus Masovix Princeps, ex regibus
 Polonorum genus ducens, à Prutenis
 Gentilibus sæpius variis excursionibus
 infestatus, ad Imperatorem Frederi-
 cum hujus nominis secundum legatos
 destinavit, implorans auxilia adversus
 infideles Prutenos. qui libenter fratres
 ordinis Teutonici Crucigeros, à Sara-
 cenis tunc temporis Hierosolyina pul-
 sos, in Prussiam 20000 misit, quibus
 Princeps Masovix Culmensem terram
 inprimis donavit, cum arce Dobiz-
 nensi, hac conditione, ut tempore ne-
 cessitatis subsidium sibi contra infide-
 les Prutenos ferrent, Prussiamque sub-
 jugatam insimul partirentur.

Hæc autem Prussix regio, plerisque
 sinuosis flexibus est ubique amœna. &

opor-

Prut-

oportunis portibus maris Baltici maxime commoda. urbium illustrium oppidorum, alicumque frequentia & opimis incolarum divitiis, opibusque ac terræ ubertate, supra modum claret. Pecoris omnigeni inæstimabili copia, piscationibus, venationibusque & sylvis fructuosissimis, aërisque temperie, cum amœnitate conjuncta, prædita est. & postquam fidem Christianam Prussia suscepit, 72 arces præcipuas & 62 civitates principales habuit, à Cruigeris domus Teutonicæ crectas. quarum numerus nunc, temporis successu, plurimum crevit. multæ enim & frequentes civitates ac oppida, munitionesque, tam à Polonis quam Crucigeris, vario Marte utrinque decertantibus extructæ sunt. Longitudo ejus ex Aquilone in Austrum, à Torunia urbe confini Masovix usque ad Memulam castrum cum oppido, quinquaginta octo miliaribus extenditur. In latitudinem vero quinquaginta miliaribus, Lituanos, & Masovitas contingens, patet.

Flumina præcipua & principalia in Prussia duodecim reperiuntur. Istula, five Vistula, quæ Silesiam, Poloniam, Masoviam & Prussiam præterlabitur. similiter Cronon five Nemen ex Lituania

ruania decurrens, Nogat, Elbinga, VVesera, Passaria, Alla, Prægel, Oila, Drebnicz, Lica, Lavia. Extant quoque alia plura flumina omni genere piscium abundantia, minus tamen hominibus, præcipue externis, cognita. Lacubus plurimis, aliquando septem miliaribus Polonicis patentibus, piscibusque omnis generis exundantibus, undique scatur. Gummi quoque genus lucidissimum, quod succinum sive gleisum, vulgariter bursin vocatur, in litore maris Balthici copiose colligitur. Cum autem Prussia, ut copiose superius descripsimus, barbarorum colonia antiquitus fuerit; Polonorum ac Teutonorum armis subactam, sacrique iniuriatam se agnoscit, qui in eam colonias suas, barbaris penitus fere extirpatis, deduxerunt: nuncq; tam Polonis, quam Germanis equitibus, pariter civibus agricolisque, frequens est. Barbarorum tamen reliquæ ad Curlandicum lacum hucusque supersunt, qui cum Livonibus & Lituanis vicinis, idiomate, moribus, habituque, concordant. Porro nulla in universo Poloniae Regis dominio regio reperitur, quæ tam frequentibus civitatibus, arcibus & oppidis, ut Prussia, abundet.

Hæc autem Prussiae regio amplissi-

ma, omniumque fructuum, tam ex terra quam aqua nascentium, abundantissima, duplex est, Ducalis & Regalis. nam Dux, gratia Regis Poloniæ, in suis civitatibus & arcibus integre rerum potitur, ut vassallus & feudalus ac beneficiarius regni: Regiomontique, quæ est civitas maritima, sedem suam habet. In qua collegium communis studii ab Alberto præfato, primo ex Magistro Duce creato, fundatum. Est autem Regius mons urbs emporio clara: ad eam enim merces ex septentrionis regionibus copiose apportantur. In hanc sedem suam magistri transtulerunt Marienburga nobilissima, eaque munitissima arce, ac totius Prussiæ progugnaculo. quæ cum se expugnari non pateretur, Casimiro Regi Poloniæ, ut diximus, pro certa stipendiorum militibus Ordinis persolutione, dedita est. In ea assidue milites præsidarii à rege Poloniæ asservantur, victu & omnibus ad bellum necessariis tam apprimè provisa, ut sex annorum obsidionem sustinere possit. Est enim Regalis Prussiæ (id est, illarum arcium & civitatum, quas Rex electus extra Ducem armis majorum suorum acquisitas possidet) caput & Metropolis. A Gedano septem miliaribus distat. Plurimas

rimas nobiles civitates & arces quas
superius enumeravimus, Prussia com-
plectitur.

Episcopatus vero quatuor Catholi-
cos, postquam fidem Christianam sus-
cepit, Prussia habebat: VVarmiensem,
Culmensem, Sambiensem & Pomesa-
niensem. nunc Sambienfis VVarmien-
si, Pomesanienfis autem Culmensi ad-
iuncti. VVarmiensem Episcopatum,
qui est præcipuus, Reverendissimus Do-
minus Stanislaus Hosius Polonus, Sa-
cræ Romanæ Ecclesiæ Cardinalis di-
gnissimus, singulari pietate, & vitæ
sanctitate, ac doctrina cælesti & scriptis
divinis coruscans administrat; qui mal-
leus Hæreticorum indefessus, & Ca-
tholicæ Ecclesiæ propugnator strenuus
jure censendus est. Culmensem Epi-
scopatum, Reverendissimus Dominus
N. Coslca, virtutum & doctrinæ spe-
culum insigne. Nunc de Pomerania
Regione amplissima dicendum nobis
occurrit. quæ etiam, Polonorum armis
antiquitus perdomita, imperio paret.
nam Boleslaus Rex bellicosissimus, an-
no Domini 1003 Russiæ Principibus
debellatis, strenuoque Marte confusis,
perpetuum victoriæ monumentum,
Herculeum imitatus opus, tres ferreas
columnas in Borysthene fluvio colloca-

vit. Deinde, anno Domini 1008, Saxoni-
bus bellum intulit, & omnem illo-
rum regionem, circa Oderam, ad Al-
bim & Salam fluvios, Chersonesumque
Cimbricam, quæ hodie Dania appella-
tur, summa belli dexteritate ditioni suæ
subjugavit. Urbes earum regionum
maximas, partim solo æquavit, partim
suis Polonis munivit, gentemque uni-
versam Pomeranorum barbaram &
incultam ad fidem Christianam susci-
piendam armis coëgit, & ut sempiter-
na memoria victoriæ felicissimæ apud
posteror extaret, in Albi, & Sala, Ossa-
que fluviis, columnas æreas inclytus
triumphator locavit. Totam Prussiam
ac Pomeraniam, Christianis infestissi-
mas, perdomuit.

Ducatus Pomerania.

Pomerania regio amplissima, ab Hol-
satia ad Livoniam usque, longo tra-
ctu juxta mare Germanicum extendi-
tur, unde & nomen habet. Pomorze
enim Slavis mari adjacentem regio-
nem significat. In hac Regione natio
Slavonica antiquitus confederat; sed
nunc Germani magna ex parte eam
incolunt. Has præcipuas civitates à
mari procul sitas complectitur; Steti-
niam, unde Ducatus Sterinensis dici-
tur,

zur, Neugardiam, Lemburgam, Stargardiam, Bergradum, Camenetiam, Publinam, Grifemborgam, & alias complures. Quæ vero mari impendunt, Colberg, Camin, Coslin, Gribsvvald, Sund, Puczka, Revecol, Louemburg, Hechel &c. lulinum in hac regione urbs erat celeberrima. nunc ruinis deformis jacet. Pro hac regione Polonicum Prutenis Gentilibus, & Crucigeris, longo tempore acriter decertabant. nunc titulo ejus Rex Poloniae, qui in ea majori ex parte rerum potitur, Durque Prussiae, feudalis Regis Poloniae, utuntur.

Gedanum, sive Dantiscum, hujus regionis metropolis, urbs amplissima & insignis, à mari Germanico uno miliari abest. Eam celeberrimus fluvius Vistula præterlabitur, ibidemque amplissimis ostiis in mare exoneratur. In ea totius Pomeraniæ & Prussiae celeberrimum emporium est. ex ultramarinis enim regionibus longinquis, Anglia, Britannia, Scotia, Gallia, Hispania, Svvecia, Dania, & Nordvvegia, naves ad eam appellant. Ex Litvania quoque, Russia, Volinia, Poloniaque, variae mercès fluviiis navigabilibus in eam deferuntur; præcipue vero siliginis & frumenti ingens copia ex supra nominatis

Y ; regio-

regionibus advehitur. Regi Poloniæ subjecta est, Castellaniumque à Rege præfectum habet. Ex mari in urbem perducta est fossa qua naves maximè intra mœnia veniunt. Burggravius cum proconsulibus, & consulibus, regio nomine civitatem administrant. Cives omnes fere Germani sunt, mercatoresque ditissimi, ita ut Gedanum ædificiorum pulcherrima dispositione, commerciorum varietate, maris Vistulæque oportunitate, incolarum & externorum incredibili multitudine, civium divitiis, & instrumentorum bellicorum, ad hostes propulsandos, ac machinarum ænearum numero, cum præcipuis Europæ urbibus, meo iudicio conferenda sit. Prætorium maximo sumptu, eoque regio, exædificatum, cum superba turri; ædesque sacræ, cum privatis, ingenti auri pondere, artificiose erectæ; Geldaque publicum urbis palatium; ac horologium divinis fere manibus elaboratum, cujus campanæ mirabilem quendam & suavissimum concentum edunt, secundum artificis voluntatem, & temporis convenientiam, in admirationem omnium gentium advenas attrahentes. Propugnaculum munitissimum in ipso maris portu extractum, frequentibus dire-

ctis

his machinis, ab armatis militibus custoditur. Vexillum totius Pomeraniæ, aquilam nigram in collo coronatam, gladium evaginatum manu humana tenentem, pro stemmate in campo aureo gestat, similem Prussiæ, quam in ejus principio expressimus.

Elbinga, civitas insignis ad ostia Albis fluvii, in littore maris magnificentissime & sumptuose extructa, splendidis civium opibus & mercatorum divitum frequentia claram spectabilemque se reddit. Ejus titulo Rex Poloniæ, scribens se Dominum terræ Elbingensis, maxime in privilegiis, utitur. Districtum enim amplissimum circumjacentem habet. Atque hæc de Prussia breviter dicta sufficiant.

XI.

ORIGO ET SERIES PRINCIPUM Teutonicæ ordinis.



Anno Domini 1188, cum Balduinus rex Christianus Hierosolymis regnaret, Saraceni & Barbari ex arce nomine Ptolomaida, latine Acona, Germanice Aeris dicta, variis excursionibus Sanctam terram infestare solebant. Quam-

obrem Rex contra barbaros Saracenos auxilium petiit à Christianis. Longobardi igitur sexaginta galeras, & in his quinquaginta millia virorum, in subsidium miserunt, cum quibus multi homines probi, piæ peregrinationis causa, in terram Sanctam profecti sunt. Horum numerus erat 500, partim ex Saxonia, partim ex aliis provinciis Germaniæ, qui omnes in unam navem congregati, Aconam usque pervenerunt. ubi per integrum annum, cum infinita multitudine Christianorum, Aconam, antequam caperetur, oppugnaverunt. In oppugnatione, multi Christianorum, telis barbarorum læsi erant. unde in morbum inciderunt, passimque sparsi, cum neminem in terra aliena, qui sublevaret inopiam, haberent, multi fame perierunt. Erant autem ex peregrinis præcipui, octo boni & pii viri Teutones, qui cum viderent Christianos tam misere interire, commiseratione ducti curam illorum susceperunt, diligentiaque illorum plurimi infirmi convaluerunt. Postea xenodochium, sive hospitale, sub titulo beatæ virginis Mariæ, Aconæ erexerunt. Primusque xenodochii præfectus, Henricus de Valpot electus est, ex Germania oriundus. hic maxi-

nam diligentiam in fovendis infirmis & egenis adhibuit. ultimum diem Aconæ peregit, ibidemque sepultus est, anno Domini 1190. Postea Balduinus Rex, Hierosolymis templum, & xenodochium, pro pauperibus & pluribus nobilibus infirmis, qui in bello Aconensi læsi erant, extruxit, sub titulo beatæ virginis Mariæ.

Tandem anno 1191 Clemens Papa hujus nominis tertius hunc ordinem confirmavit, & intitulationem dedit fratribus Teutonicis xenodochii Hierosolymitani beatæ virginis Mariæ. Præterea Divi Augustini regulam illis servandam imposuit, Stemmataque cum cruce nigra eos insignivit.

Postea Patriarcha Hierosolymitanus, singulos fratres Teutonici ordinis à Pontifice Romano confirmatos, alba chlamyde ex utraque parte crucem nigram habente ornavit, sicque illi habitum suum susceperunt. Fuerunt, qui vestiti sunt, xxiv fratres laici & vii sacerdotes. His lorica indutis, gladio accincto, missam celebrare concessum erat. nullus barbam tondebat, & super saccum stramine impletum, regula jubente, dormiebant. sed statim hæc mira quadam metamorphosi immutata sunt.

Secundus, Henrico de Valpoth, primo magistro Xenodochii Hierosolymitani, Otto de Karpen, nobilis Germanus, in magisterio successit, anno Domini 1200, sub Imperatore Romanorum Philippo hujus nominis II, & Innocentio summo Pontifice. Hic in humilitate & cordis simplicitate Deo & fratribus servivit. Sexto anno officium absolvit. Aconæque sepultus est.

Tertius ordinis magister, Hermanus Brand Olsacensis, electus est sub Pontifice Innocentio III, & Philippo II, in ordine Germanorum Imperatorum XXII, anno 1206. Præfuit officio quatuor annis. Pauperibus quantum potuit satisfecit. Aconæ sepultus est.

Quartus, Hermanus à Salicen, Nobilis Misnensis, Ottonis, & Friderici II, Imperatorum, Innocentii III & Honorii Gregorique IX, Pontificum, temporibus, anno Domini 1210, electus est. Hic omnium præclarissima privilegia Ordini à Pontifice, & Friderico II, Cæsare, consecutus est. Nam cum similtates & odia inter Pontificem Romanum & Fridericum Cæsarem exorta essent: ille hujusmodi cladem prudentia sua è medio sustulit. Sub eo Conradus Marchio Turingensis habitum suscepit. Bis mille nobiles, &

auratos equites Germanos in ordine habuit, quos 30 continuis annis rexit. Ejus temporibus fratribus Ordinis à Saracenis Hierosolyma pulsas, Prussia concessa est, Regum Poloniae, Conradique Ducis Masoviae, & Imperatoris Friderici II concessu. Quorum viginti millia in Prussiam venerunt, Prussosque Gentiles, auxilio Polonorum, ex terra Culmensi ejecerunt.

Quintus Magister, Conradus Turin-
gorum & Cathorum Marchio, sub Cae-
lestino IV Pontifice, & Friderico II
Imperatore, anno 1240, electus est. ha-
bitum Marienburgae in Prussia susce-
pit, cum multis nobilibus adolescen-
tibus, & viris eximiis, ac prudentibus.
Cum Prussis Gentibus multa bella ges-
sit, magnoque labore fines Regionum
Ordinis dilatavit, &, si quae ruinam
minarentur, illas resarciens optime
conservavit. Postea è vivis excessit. Ma-
rienburgae sepultus est.

Sextus Ordinis Magister, Poppa ab
Osterling, electus est Conradi IV Im-
peratoris & Innocentii IV Pontificis
temporibus, anno 1252. Multa praecla-
ra bella cum Prutenis, Livoniensibus,
& Syvantopolo Duce Pomeranorum,
gessit. Postea ante Ligniciam civitatem
cum Conrado Silesiae Duce, sanctae He-
duigis

duigis marito, à Tartaris totam fere Sarmatiam vastantibus interemptus est: à Christianis vero VVratislaviam delatus, ibique in Basilica divi Alberti, terræ mandatus est. Hujus magistri tempore Regiomontum constructum est.

Septimus Magister, Ioannes Sangerhusensis, officium suscepit, tempore Vilhelmi Comitis Flandriæ, Romanorum Imperatoris, & Alexandri IV Pontificis, anno 1263. Infidelium Prutenorum vires mirabiliter diminuit, Ordoque eo præsidente plurimum profecit. Dominicanorum Monasterium Toruniæ fundavit. Brandenburgæ quoque civitas cum arce, ejus temporibus ædificata est, anno Domini millesimo ducentesimo sexagesimo sexto. Tapia quoque munitio erecta. Annis duodecim præfuit. Treveris sepultus est.

Octavus Magister, Hartmannus, Comes Heldringensis, constituitur, sub Rodolpho XXVII Imperatore, Habsburgensi Comite, & Clemente IV Pontifice, anno Domini 1275. Vir pius & industrius extitit. Nadraviam Sudaviamque regiones Prussiæ debellavit, cum cæterisque finitimis longas acies tenuit. Eo præsidente, anno 1279, Me-

nia civitas ædificata est. Anno Domini 1281 Mariemburgense castrum erectum est. Venetiis ultimum diem clausit, ibidemque sepultus est.

Nonus Magister, Buichardus à Svenden, sub Rodolpho Cæsare XXVII, & Pontifice Ioanne XXI, electus est anno 1283. Eo præsidente, fratres ordinis, cum Pruthis infidelibus bellum acre larga sanguinis effusione gesserunt, eosque in integrum ad obedientiam compulerunt. Postea, septem annis in officio expletis, magistratu se abdicavit. Mortuus est Rodiis, ibidemque ad Basilicam S. Ioannis sepultus.

Decimus Magister, Conradus de Feuchtvangen, munus magisterii suscepit, sub Adolpho XXVIII Imperatore, & Nicolao IV Pontifice, anno 1290. Eo præsidente ordo multum profecit. Septem annis fratres in officio continuit. Pragæ, Bohemiæ metropoli, spiritum exhalavit, Trebniciæque sepultus est.

Vndecimus Magister, Gotfridus, Comes de Oloch, electus est, sub Cæsare Adolpho XXVIII Germanorum Imperatore, & Pontifice Cælestino V, anno Domini 1267. Hic Venetiam cum multis fratribus in Prussiam profectus est. Decem annis officium gessit.

Postea

Postea Comitibus celebratis, magistrum resignavit, in Germaniamque profectus, è vivis excessit.

Duodecimus Magister, Sofridus de Feuchtungen, anno 1307 creatus est, Alberti Imperatoris Austriæ Ducis & Clementis Pontificis temporibus. Hic selem Venetiis Prussiæ castrum Marienburgam transtulit: nam in terra sancta, Venetiis, Neapoli. & in Anglia sedes suas & præclara ædificia propter quasdam similitudines amiserat. Duobus annis officio præfuit. Marienburgæ mortuus est.

Decimus tertius Magister, Carolus Treverensis, susceptus est sub Henrico VII Imperatore, & Clemente V Pontifice, anno 1309. Erat insignis vir, prudens & industrius. Anno Domini 1312, eo præsidente, Memula arx in Curlandia regione Prussiæ fundata est, ad propulsandos Lituanorum incursus. Tandem prædictus Magister à Pontifice Romam citatus, adeo crimen obiectum auxilio Dei diluit, ut in adversariorum caput redundaret. Romaque discedens, in itinere, Viennæ morbo oppressus expiravit, ibique tumulatus est. Hujus tempore pestis per integrum annū tantopere grassata est, ut omnia frumenta penuria hominum in agris manerent.

Deci-

Decimus quartus Magister, Verne-
rus Vrseienſis, temporibus Cæſaris Lu-
dovici XXXIII & Ioannis Pontificis
XXII ſuſcepit officium ſuum, anno
1322. Ordini cum ſumma laude præ-
fuit. Cito poſt interemptus eſt à fratre
ordinis Ioanne Bunſdorffio, in vigilia
ſanctæ Elifabeth, cum ex vespertinis
precibus egrederetur.

Decimus quintus Magiſter, Ludol-
phus Dux Tuſiſurgenſis, ſive Bruſvi-
ciſis, ſub Ludovico XXXIII Cæſare
& Ioanne Pontifice XXII Magiſterii
ceſſitudinem ſuſcepit, anno 1325. Vir
pius & ſapiens extitit. Fratres ad cul-
tum divinum ſummopere compulſit,
largeque illis omnia adminiſtravit, ideo
eos liberalitate obediētes ſibi effecit.
Juſtitiam magnopere adminiſtravit.

Decimus ſextus Magiſter, Diſtri-
chus, Comes Aldemburgenſis, octoge-
narius jam, electus eſt, temporibus Lu-
dovici XXXIII Imperatoris, & Ioannis
XXII Pontificis, anno Domini 1329.
Eloquentia validus, autoritate gravis,
juſtitiaque rigidus extitit. Gentilibus
terrori fuit. Templum beatæ Mariæ
virginis Marienburgæ extruxit. Toru-
niæ obiit. tranſlatus Marienburgam,
in templo S. Annæ ſepultus eſt.

Decimus ſeptimus Magiſter, Rodol-
phus

phus Dux Saxoniae, Ludovici XXXIII Imperatoris ac Benedicti undecimi Pontificis tempore, in officium susceptus est, anno Domini 1339. Hic anno Domini 1341 magnas copias conscripsit, Neumarcoviamque oppugnavit. Interim vero Lituani Prussiam invaserunt, eamque fere totam igne & caedibus consumpserunt, multos captivos abducentes. quæ causa illi tantum maiorem attulisse creditur, ut mente captus, ab officioque depositus, præ maiore vitam terminarit. In Marienverderque civitate sepultus est.

Octodecimus Magister, Henricus Dufmariensis, Clementis VI Pontificis tempore officii dignitatem consecutus est. Sex annos in regendo ordine consumpsit. Cum Lituanis & Ruthenis bellum egregium, in die purificationis beatæ Mariæ, gessit, auxilioque divino decem millia inimicorum prostravit. E vivis postea decessit, Marienburgæque humatus est. Hic virginum cœnobium, Lebenich dictum, Regiomonti erexit.

Decimus nonus Magister, Henricus Kimpradiensis, Carolo Cæsare XXXII & Clemente VI imperantibus, ad dignitatem Magisterii accessit, anno 1348. Eo præidente Ordo doctis viris abund-

abundavit. Fratres in timore & amore Dei instruxit, annis 31 officio præfuit, Marienburgæ vitam terminavit, ibidemque sepultus est.

Vigésimus Magister, Conradus Zolner, temporibus Vencellai XXXIII Imperatoris Romani, & Urbani sexti Pontificis, ad officium vocatus est, anno Domini 1379. Multa egregia bella & facinora, contra Gentiles Lituanos & Samogitas, temporibus Keystudi, Iagielonis, Vitoldi, & Suidrigelonis, Ducum Lituaniæ, gessit. Ordinem in potestate octo annis tenuit. Mariemburgæ naturæ debitum persolvit.

Vigésimus primus, Conradus Valenrodenfis, Vencellai XXXIII Imperatoris, & Bonifacii Pontificis temporis, munus Magisterii oblatum suscepit, anno 1388. Vehemens & iracundus exstitit: totis viribus bello incumbebat. Monachos, Sacerdotes, & omnes ecclesiasticos, furore percitus, odio persequabatur, nullumque in hora mortis ad se venire patlus est. Anno 1321 fratres ordinis, armata manu, per fluvium Crononem, Lituanis Nemen dictum, ad arcem Cavvnensem in Lituaniam navibus terraque pervenerunt, ibique tres munitiones celerrime erexerunt, Neuverder, & Riteverder, & Metem-

burg appellatas. ex his Crucigeri Lituanis magna damna inferebant , regionem igne & ferro vastando, incolasque occidendo.

Vigesimus secundus Magister , Conradus Iungingen , ad munus obeundum vocatus est, Vencellao XXXIII Imperatore & Bonifacio Pontifice praesidentibus. Hic propter morum probitatem magnam laudem apud omnes obtinuit , pacisque observantissimus erat. Ideo ab Ordinis fratribus cum multa pati oportebat. Annis duodecim officio praefuit. Postea ex carceribus corporis liberatus , Marienburgæ Divæ Annæ templo humatus est.

Vigesimus tertius Magister , Vlricus de Iungingen, Conradi frater, Rupperto XXXIV Cæsare & Gregorio XII Pontifice munia obeuntibus, officium suscepit, anno 1404. Strenuus & bellicosus vir extitit. Regulas Ordinis non admodum observavit. Consanguineos odio prosequabatur , illorumque arces partim eripuit, partim destruxit. Cum Lituanis & Polonis plurima bella gessit. Hunc, postea Iagielo Rex Poloniae, & Lituaniæ magnus Dux Vitoldus, cruento prælio profligavit : ubi & ipse, cum plurimis Commendatoribus, quorum ducenti recensentur, cecidit. Dux quoque

quoque Stetinensis, & Olesnicensis, Kerczdorffque Dux exercitus Crucigerorum, à Polonis capti. Quinque millia Crucigerorum à Polonis cæsa sunt, Lituanorum tamen in castris Polonorum militantium septem millia trucidata fugataque in primo conflictu.

Vigésimus quartus Magister, Henricus Comes Plavenfis, sub Sigismundo XXXV Imperatore & Ioanne XXIII Pontifice electus est. Hic volebat ulcisci injuriam quæ à Polonis Crucigeris illata erat: sed antequam quicquam inciperet, ab officio dejectus est, & Engelsburgæ in carceres coniectus, deinde ad Lebsteg missus. ubi septimo anno in vineulis peracto fatis concessit. Sepultus Marienburgæ.

Vigésimus quintus, Michaël Sterbergenfis, Imperatoriæ culinæ Magister, Sigismundo XXXV sceptrum tenente & Ioanne XXIII Romano Pontifice, ordini præpositus est, anno Domini 1410. Primo anno, cum suscepisset officium, Iagielo Rex Poloniæ, & Vitoldus Dux Lituaniæ, Osterrodam, Helsburgensemque Episcopatum, Resenburgam, Elbingam, & Christburgum civitates depopulati sunt. Argentoratum obsederunt, re tamen infecta discesserunt. Novem annis Ordinis cu-

nam gessit. Postea, ut deponeretur, precibus obtinuit. Gedani vitam finivit. Marienburgæ vero sepultus est.

Vigésimus sextus, Paulus Rudolfensis, Sigismundi XXXV Imperatoris & Martini Pontificis tempore, Magisterli celsitudinem consecutus est, anno Domini 1419. Hujus tempore provinciae & civitates Prussiae ad Regem Poloniae Casimirum defecerunt, & jugum Crucigerorum excusserunt. Officium novem annis hic magister retinuit, mortuus tandem, Marienburgæque sepultus.

Vigésimus septimus, Conradus Erlichusius, Alberti XXXIX Romani Imperatoris tempore, officium suscepit, anno 1438. Hic à bello, quoad vixit, absinuit, nimio dolore ob fratrum perveritatem consumptus. Marienburgæ mortuus, ibidemque sepultus.

Vigésimus octavus, Ludovicus Herlichusius, sub Cæsare Friderico, hujus nominis III, fratres regere cepit, anno 1450. Hujus tempore Prussia ab Ordine descivit, ad Regemque Poloniae Casimirum major pars eorum defecit. Milites quoque Ordinis præsidarii Marienburgam Regi anno Domini 1457 pro summa 476000 florenorum vendiderunt, cum aliis castris & civitatibus.

bus. Postea Rex Poloniæ, capta arce Choynicze, pacem cum Crucigeris iniit. Atque ab hoc tempore Pomera-
nia Regno Poloniæ adjuncta est, pro qua Poloni 150 annis perpetuo cum Crucigeris belligerabant.

Vigésimus nonus, Henricus Rheus, Comes Plavensis, dignitatem Magiste-
rii assecutus est, sub Friderico hujus no-
minis III Imperatore, anno Domini 1467. Vndecim hebdomadis officio præfuit. Regiomonti in Cathedrali Ec-
clesia terræ mandatus est.

Trigésimus Magister, Henricus Co-
mes Ritherbergensis, anno 1470 of-
ficium suscepit, præfidentibus Frideri-
co III Imperatore, & Sixto Pontifice
hujus nominis quarto. Fuit vir rigi-
dus furibundusque. Theodorum Epi-
scopum Prussiæ captum in vinculis fa-
me peremit. Ordini annis septem
præfuit. Regiomonti sepultus est. Hu-
jus tempore bellum sacerdotum in
Germania fuit.

Trigésimus primus, Martinus Truch-
ses VVeczhausensis, sub Friderico III
Imperatore, & Sixto IV Pontifice, or-
dini præfectus est. Duodecim annis
præfuit. Casimiro, regi Poloniæ, obe-
dientiam præstitit. Regiomonti mor-
uus, ibidemque sepultus est.

Trige

Trigesimus secundus Magister, Ioannes de Tiefen ex Helvetia, celebri familia oriundus, Maximiliano scriptum tenente, & Iulio Pontifice praesidente, Ordinem in tutelam suscepit, anno 1489. Eodem anno Polonia Regi iuramentum praestitit. Postea eidem regi Ioanni Alberto auxilium contra Valachos ferens, cum exercitu profligatus, ipseque peremptus est. Regiomontum delatus, ibidem terrae mandatur.

Trigesimus tertius, Fridericus Dux Saxoniae, Turingorum & Hermandurorum Marchio, Maximiliani Imperatoris & Iulii Pontificis temporibus, anno Domini 1468, in festo divi Michaelis, Regiomonti Magistratum suscepit. Nunquam Regi Poloniae iuramento se obstringere voluit. qua de causa à Polonis saepius infestatus, in patriam suam Hermanduriam profectus. ubi, duodecim annis extra Ordinis fines exactis, mortuus est. Huius tempore Ioannes Albertus Rex Poloniae è vivis decessit, cui in regno Alexander frater germanus successit.

Trigesimus quartus, Albertus Marchio Brandenburgensis, Casimiri regis Poloniae nepos, Maximiliani Caesaris & Iulii Pontificis temporibus, Ordini solen-

solenniter cum ingenti pompa Regio-
monti præfectus est, anno Domini
1512. Sigismundo Regi Poloniæ avun-
culo suo iuramentum præstare noluit,
sed arces necessariis omnibus munivit,
ut se contra Polonorum incursum de-
fenderet. Magnum & diuturnum bel-
lum cum Rege Poloniæ habuit, in quo
ex utraque parte multi ceciderunt, eam
ob causam, quod iuramento se ob-
stringere Regi noluisse.

*Gesta hujus Magistri tempore
præcipua.*

ANno Domini 1519, in autumnò,
inter Sigismundum Regem Polo-
niæ, & Magistrum Prussiæ Albertum
Marchionem, bellum ortum est. An-
no 1520 Albertus Marchio, die festo
Circumcisionis Christi, Bransbergam
inopinate occupavit. Eodem anno,
Mielzak, Milimlyn, Regi traditæ sunt,
cum aliis plurimis civitatibus castris-
que. Quadragesimali tempore, mense
Aprili, copiæ Regis Oland civitatem &
arcem sub Magistro ceperunt. Eodem
anno Brandenburgæ arx & civitas à
Polonis capta & depopulata est.

Anno Domini 1520 Volfangus, Dux
Schonemburgensis, cum exercitu Or-
dinis decem millium peditum & qua-

tuor millium equitum, Gedanum oppugnavit, ex episcopique monte (ut vulgo vocant) civitati imminenti, quater mille globos tormentorum bellicorum, in civitatem frustratamen exoneravit. nullum enim hominem læsit, sibi vero ingens damnum in tormentis & globulis intulit: nam ex muro civitatis tormentum unum præstantissimum in mille frustra concussum est, & si aliquis ex exercitu se ostenderet, in hunc quatuor vel quinque tormenta ex turribus civitatis exonerabantur. tantaque miseria & penuria omnium Crucigerorum milites afflictæ erant, ut multis suorum desideratis, quibusdam captis, fuga sibi ab obsidione consulere cogerentur. Interea vero Poloniae Rex in subsidium Gedanensibus 1200 equitum electorum misit, qui milites Crucigerorum, à Gedani obsidione discedentes, insecuti sunt, plurimosque ex eis trucidaverunt, quosdam captivos abduxerunt, multi etiam à Cassubis & Pomeranis jugulati sunt. Postea Regius exercitus Dirschoviam & Stargardum arces occupavit. Choynicz quoque arcem cum civitate capta est. Postea cæteræ civitates & arces ultro se Regi Poloniae obtulerunt, & milites Ordinis unacum Crucigeris ex Frussia sunt ejecti.

Anno

Anno Domini 1525, die octava Aprilis, Prussia, quam primum religiosi Crucigeri videlicet tenuerunt, in mundanam politiam & principatum secularem cessit. Albertus enim Marchio Brandenburgensis, in ordine trigessimus quartus & ultimus Magister Crucigerorum, belli cum Rege Poloniæ pertæsus, difficileque contra stimulum calcitrare videns, Regem sibi per inter-nuntios fratres & affines suos reconciliavit, Cracoviamque veniens, juramentum solenniter Regi Poloniæ Sigismundo, in Majestate Regia ad id fabricata in medio foro Cracoviensi sedenti, Regalibusque induto, præstitit cum multis Principibus. Ibi prædictum Albertum Marchionem Brandenburgensem, post juramentum solenniter præstitum, Sigismundus Rex Principem secularem, equitemque, ut vocant, auratum creavit. Terrasque omnes Prusiæ certis sub conditionibus eidem, ut feudali, clientique, & subdito suo concessit, vexillumque illi suum sub insigniis Polonicis dedit. Atque hic finit ordo ille, ut vocant, Teutonicorum Crucigerorum in Prussia. Anno Domini 1526, Alberto Prusiæ Duci, soror Regis Daniæ in matrimonium data est: ex qua suscepit filium, Albertum

Fridericum modernum ducem Prus-
siae, qui etiam post mortem patris Re-
gi Poloniae juramentum homagium-
que solenniter praestitit. Nunc, quo
ordine & quibus ceremoniis hoc jura-
mentum praestitum sit, quoniam ipse
praesens rerum spectator fui, breviter
dicam.

Anno Domini 1569, mense Julio, in
Comitiis regni generalibus, Lublini ce-
lebratis, Albertus Fridericus Marchio
Brandenburgensis, Alberti Ducis Prus-
siae praedicti filius, patri in Principatu
succedens, juramentum Regi Poloniae
praestitit, hoc modo. Decima nona die
Julii, amplissimum suggestum, (sive Ma-
jestas, ut dicitur, Regia) tectum sericeis
& stragulis tapetisque pretiosis, in sub-
urbio Lublinensi sumptuose erigitur,
ubi Rex sessurus esset. Concursum sit ad
forum immensae hominum multitudi-
nis; opplentur viae, omnesque plateae,
quacunque incessus erat. satagit pro se
quisque vel ornatus splendido vestitu,
vel armis instructus apparere. Interim
Majestas regia ex arce in thronum pro-
ficiscitur; cingitur ingenti & splendida
Senatorum Procerumque universi Re-
gni corona, praecedentibus Principibus
viris, ac omnis ordinis consiliariis, &
aulicis. Vexillumque pulcherrimum &
amplis-

amplissimum album , novo Duci de more cum insigniis donandum , Erasmus Debinski , Cancellarii regni filius, præferebat. Postea Rex in domum quandam suggesto oppositam divertitur, ibique ornatu regali induitur, sandaliis videlicet aureis , alba Dalmatica, & chlamyde , sive Piviali ex panno aureo confecta , & Corona regia aurea, gemmis lapidibusque pretiosis concinne affabreque ornata; chirothecas quoque annulis gemmisque ornatas manibus imposuit. Induta Majestas regia ornamentis regalibus , de modo illa in suggestum procedit media inter reverendissimos Dominum Iacobum Vchanski Archiepiscopum Gnesnensem primatem regni, ac Dominum Padnievski Episcopum Cracoviensem, præcedentibus & subsequenter contiguis primariis Dominis , Consiliariis , Spiritualibusque . Gladium evaginatam ancipitem Dominus Andreas Zborovvski , Gladiator (ut dicitur) Regni, præferebat. Pomum aureum , cruce insignitum , Petrus Zborovvski, Palatinus Sendomiriensis, portabat , & sceptrum Stanisslaus Myslkovvski, Palatinus Cracoviensis, anteferrebat. Cum itaque sacra regi. Majestas in solio sedit, quatuor Germani process-

procures Prussiae, nomine Ducis sui, supplices venerunt, & genibus flexis unus eorum orationem facundo lepore ad S. R. M. recitavit. Oratione finita, regia Majestas quatuor consiliarios suos cum illis quatuor Germanis ad Ducem Prussiae accersendum misit. Veniens itaque illustrissimus princeps Albertus Fridericus, disertissima facundia orationem fecit ad S. R. M, singularem fidem, supplicitatem, & subjectionem testantem. Responsum est postea ipsi Principi consiliariisque ejus Latinis verbis, nomine Regis, Sacram regiam majestatem tam ipsum Principem quam omnes subditos & optimates ejus omni favore & gratia completi defendereque velle. Illis finitis accessit Princeps ad solium, & pedes regios genu flexus cum summa reverentia attigit: accepitque de sacrae regie majestatis manibus vexillum album insignitum aquila nigra, cum literis S & A colligatis in pectore, cum institutione ore Regis facta his verbis: Nos Sigismundus Augustus Rex, annuentes vestris & vestrorum subditorum precibus, tradimus & concedimus Illustritati tuae, prout parenti tuo illustrissimo tradideramus, in feudum, terras, civitates, oppida, & arces in Prussia: & ad eas

cas fui,
flexis
lepo-
e fini-
liarios
his ad
fit. Ve-
ps Al-
facun-
gingu-
subje-
est po-
us La-
am re-
Princi-
tima-
mple-
is ac-
es re-
eren-
regie
m in-
s &
utio-
os Si-
entes
preci-
mili-
timo
civi-
& ad
cas

cas Illustratam tuam investimus, per
hujus vexilli traditionem: ac institui-
mus gratia & benignitate nostra, qua
tuam Illustratam uti nepotem no-
strum carissimum complectimur. spe-
ramusque, quod ejus beneficentiæ no-
stræ & memor & grata fidelisque Illu-
stritas tua sit futura. Deinde Princeps
Prussiæ caudam vexilli tenens, super
libro Evangeliorum in hæc verba jura-
mentum præstitit.

Ego Albertus Fridericus, Marchio
Brandenburgensis, in Prussia, Stetinen-
sis, Pomeraniæ, Slavorum, Cassubio-
rum Dux, Princeps Rugiæ, & Burggra-
bius Norimbergensis, promitto & ju-
ro, quod Serenissimo Principi ac Do-
mino, Domino Sigismundo Augusto,
Regi Poloniæ Inviçtissimo, Magno
Duci Lituaniæ, Russiæque ac omnium
terrarum Prussiæ Domino & Hæredi,
sicut meo naturali hæreditarioque Do-
mino, & ejus Sacræ Majestatis hæredi-
bus, & successoribus regibus, & Regno
Poloniæ, ero fidelis & obsequens, ejus-
que Majestatis ac hæredum & totius
regni Poloniæ bonum procurabo, &
damnum præcavebo, ac omne id fa-
ciam, quod ad fidelem vassallum feu-
dalemque pertinet. ita me Deus adju-
vet, & hoc sanctum Dei Evangelium.

Accepto

Accepto huiusmodi juramento, Maie-
 stas Regia gladium ancipitem à Gla-
 diatore Regni Domino Andrea Zbo-
 rovski accepit, novumque Ducem ter
 præcinxit, inclinatum de more, dicens:
 Accingere gladio tuo super femur
 tuum potentissime. Postea ei torquem
 auream Regio munere non indignam
 imposuit. Mox omnis Ordinis Nobiles
 qui ad Equestre munus contendebant
 (in quorum ego numero, eodem more
 præcinctus fui) præcincti sunt. Quibus
 omnibus ex ordine solenniter peractis,
 ac depositis Regalibus indumentis,
 cum toto illo comitatu Duceque Prus-
 sia cum suis præcedente in arcem rediit.

XII.

L I V O N I Æ D E S C R I P T I O .

Addita est quoque brevis narratio,
 quomodo hæc regio in jus invictissi-
 mi Regis Poloniae Sigismundi Augu-
 sti, Magni Ducis Lituaniæ, cesserit, &
 quo pacto à Moschorum Principe &
 Syveciæ Rege diminuta fuerit.



Ivonia sive Lieflandia, Regio
 amplissima, ab Oriente, Rus-
 siæ, Moschorum Principi sub-
 jectæ, contigua est; Nervaque
 fluvius

fluvius navigabilis (in cujus utraque
 ripa duæ arces ejusdem nominis, una
 Livoniensium, altera Moschorum, sibi
 ex adverso sitæ sunt) imperium Mo-
 schoviticum à Livoniensi dislimitabat.
 Sed modernus Moschorum Monar-
 cha, Ioannes Basiliades, Derpt insigni
 urbe Episcopali cum sibi adjacente pro-
 vincia occupata, ulterius fines suos
 (prout inferius dicitur) promovit. A
 septentrione cum Sveciæ Regno &
 Phinlandiæ Ducatu fines suos sinu ma-
 ris Balthici determinat. Ab occidente
 mari Balthæo (quod Germanicum &
 Prutenicum appellatur) contermina
 est. A meridie Samogitiæ & Lituaniæ,
 nonnihilque in Occidentem vergens,
 Prussiæ adhæret. Nonaginta miliari-
 bus Germanicis in longitudinem, &
 quinquaginta in latitudinem, cum si-
 nu maris Balthici adjacenti extenditur.
 Sed nunc bellis sævientibus, pluribus in
 locis vastata & diminuta est. Continet
 autem in se plurima territoria, quæ pro
 Ducatibus computari possunt. Horum
 singula cum suis civitatibus & castris
 succinctè describi curabo. Sed pri-
 mo quomodo & quando Regionis in-
 colæ nomina Christo dederint, paucis
 aperiam.

Totum pene orbem terrarum, post

maximum illud universe terræ diluvium , fallacium dæmonum fraude seductum , veram unius Dei religionem, impio multorum & falsorum Deorum cultu, vanaque superstitione, commutasse constat. Quidam enim mortuos homines , propter merita beneficia & egregia gesta , cultu divino venerabantur. Alii malignos Dæmones, ementitis miraculis & prodigiis hominum oculis sese insinuantes, adorabant. Denique belluis atque serpentibus , & sculptis pictisque arte humana simulacris , gloriam veri Dei exhibebant. Donec Iesu Christi , veri Dei hominisque benignitas, & Evangelii ejus claritas, post multa sæcula, quasi lux clarissima, mundo cœlitus affulgens, has terras terribilesque tenebras discussit. Sed regiones Septentrionales , & omnes gentes ad Aquilonem vergentes, Christianæ religionis ignaræ , vano idolorum cultui diutius subjugatæ fuerunt. difficilis enim ad eos externis gentibus aditus erat , propter efferam barbariem , & crudelitatem populi. Romani etiam & Græci , qui primo fidem Christianam amplexi sunt , septentrionalium plagarum minus exactam notitiam habebant : unde factum est , ut Livonia , cum cæteris ad aquil-

aquilonem vergentibus regionibus, novissime omnium Sacro Baptisini fonte lavata fuerit. Demum, Friderici primi ex Ducibus Germaniæ Romanorum imperatoris temporibus, mercatores rem familiarem ex Germania per mare Balticum in Livoniam apulerunt, & gentis barbaræ simplicissimæque animos obmutua mercimonia commutanda pellexerunt. Erat autem hic populus miræ simplicitatis, opumque parandarum & rei familiaris jutto negligentior. melle enim expressio (quo maxime regio abundat) ceram, velut alias quisquilias & purgamenta, domibus everrebant. Postea succedente quæstu, & mercatoribus Occidentalibus eo loci confluentibus, Sacerdotes paulatim se illis immiscere, adjungereque, piæ peregrinationis causa, cœperunt, ut, mercatoribus videlicet thesauros Livonum acquirentibus, ipsi animas gentis Christo, per verbum Evangelii salutiferum, lucrifacerent. Erat igitur ea tempestate vir quidam, Meinardus nomine, in Lubeca, civitate celeberrima, pietate & sanctimonia vitæ insignis. hic una cum mercatoribus conscensa navi in Livoniam, anno partæ per Christum salutis millesimo ducentesimo, trajicit; & con-

spiciens, in tam insigni & præmatura
melle nullos operarios extare, conti-
nuo ibi unius famuli convictu conten-
tus, ætatem transigere constituit, ca-
samque sibi ex arbutis propter imbres
arcendos construxit. Paulatim deinde
hominum familiaritatem captare, &
tardio superato, adhibita jam mutui
convictus & contractæ notitiæ cum
incolis Regionis oportunitate, Reli-
gionis & rerum Divinarum eos admo-
nere cœpit, sensimque à vano Idolo-
rum cultu ad Christianæ fidei obser-
vantiam adducere; auspicanteque Deo,
& pium viri religiosi conatum secun-
dante, complures incolarum in agni-
tam veritatis doctrinam concesserunt,
quorum crescente numero, multo-
rumque animis (ut fit) rei novæ & in-
usitatæ religionis studio flagrantibus,
Basilica instauratur. Nec multo post
Meinardus à Bremensi Archiepiscopo
in Livoniæ Episcopum consecratur. qui
in melle Christi strenui operarii munus
adimplens, rem Christianam multum
adauxit, & magnam gentis partem ad
Christum convertit. Postea vitam cum
morte feliciter commutavit. Huic ex
vita decedenti Bertoldus Cisterciensium
abbas successit, qui contra irruen-
tes hostes fidei Christianæ, una cum
per-

peregrinis militibus, qui pietatis ergo ad militiam Christo exercendam ex Germania confluxerant, pugnare instituit. Vbi vero ad pugnam ventum est, equo infreni in mediam barbarorum aciem projectus confoditur. Tandem crescente multorum pietate, plurimi sacræ se militiæ devoverunt, Ordinisque fratrum Teutonicorum habitu suscepto, Ensisferos fratres sese nuncupaverunt. Sed cum rebus gerendis superesse non possent, hostiumque barbarorum vis undiquaque invalesceret, Teutonicorum fratrum Ordini in Prussia se conjunxerunt. Cum enim audivissent, quod Ordo Teutonicus Cruciferorum in tota Germania proficeret, Volquinus Præpositus eorum, à quinto in ordine Magistro Prusiæ Conrado, olim Comite Turingensi, in ordinem Teutonicum susceptus est, anno Domini 1234. Suffraganisque ejusdem Magistri Prusiæ Conradi, Gregorius summus Pontifex Romanus hujus nominis nonus, jussit ubique, & præcipue apud infideles Prutenos Livonosque, proclamari, quod Ordo fratrum à gladio in Livonia (qui nondum confirmatus erat) Teutonico ordini in Prussia unitus, incorporatus atque esset. Susceperunt itaque fratres à gla-

dio Livonienses, crucem, habitumque, more fratrum Teutonicorum in Prussia. Et semper ab hoc tempore Magistri Prussiae, à Livoniensibus Magistris tributa certa & obedientiam exigebant, usque ad tempora Alberti Marchionis Brandenburgensis, Magistri Prussiae, qui anno Domini supra millesimum quingentesimum decimo tertio, pecuniam, quam obedientiam, accipere maluit. Itaque Livonienses, data praescripta ingenti summa pecuniae, in posterum ab obedientia Prutenicis Magistris exhibenda liberati sunt. Hanc tamen libertatem paulo post per insolentiam suam amiserunt: Rex enim Polonorum Sigismundus Augustus eos in potestatem suam, prout inferius dicetur, redegit. Sed ad rem accedo. Livonienses Cruciferi, habitu fratrum Teutonicorum in Prussia assumpto, gravissimis bellorum laboribus cum barbaris fortiter exantlatis, haecenus rerum in Livonia potiti sunt, Magistrumque sibi elegerunt, qui cum Commendatoribus, seu etiam Praefectis, totam Regionem gubernabat. Erant praeter hunc in Livonia Episcopi quinque: utpote Archiepiscopus Rigensis: Derptensis, Habsclensis, Oseliae, Curlandiae, Revaliaeque Episcopi.

Hi

Hi sua munia strenue & magnifice
ut Principes obibant. Sed anno Do-
mini MDLVIII, Motchorum Dux,
Derpta sive Toirpato, insigni urbe E-
piscopali, potitus, Episcopatum Der-
ptensem penitus abolevit. Rex quo-
que Poloniae Archiepiscopatum Ri-
gensem cum omnibus arcibus & civi-
tatibus (rerum enim in Livonia po-
nitur) tenet. Revaliensem Episcopa-
tum Sveciae Rex, urbe Revalia capta,
administrat. Osiensem Episcopatum
& Abseliensem frater regis Daniae, Ma-
gnus nomine, una cum insula Oselia
possidet.

Ordinis Teutonici Magister, una
cum suis Commendatoribus, plurima
oppida & arces munitas possidebat. &
primo quidem ordinis Magister & Ar-
chiepiscopus Rigensis, simul & conjun-
ctim Rigam urbem metropolim regio-
nis occupabant; monetamque uterque
propriam, qua adhuc incolae regionis
utuntur, cudebat. Verum Magister,
praeter dominii & possessionis confor-
tium, arcem quoque ibi habebat. Hic
jam ordine territoria, arces & civita-
tes, tam Magistro ordinis, quam Epi-
scopis & Commendatoribus subjectas,
describere pergam. Haec vero sunt ter-
ritoria sive provinciae, in Livoniensi

dominio , quæ pro Ducatibus valent: utpote, Leitlandia , Vikeclandia, Curlandia, Semigalia, Estlandia, Virlandia, Maria, Gervendiaque.

Leitlandia sive Rigensis Provincia.

Leitlandia regio Livoniæ , præcipuas has arces & civitates , regi Poloniæ subjectas, habet.

Riga urbs celeberrima , totius Livoniæ metropolis ; muro fortissimo propugnaculiisque & turribus densis , tormentis bellicis apprime munitis, valloque inexcussò tribus ordinibus tormentorum, undiquaque munita; fossis duabus, ex utraque valli parte , circumducta , & stipitibus acutis circumsepta; rebus bellicis, tormentis & comæatu copioso, militibusque stipendiariis , pacis & belli tempore, bene provisâ. Arcem quoque bene munitam, & omnibus necessariis provisam , sibi adjunctam habet. in qua olim Magistri sedem suam habebant. eam nunc Gothardus Kietler Dux Curlandiæ, regis Poloniæ feudalîs, nomine regio administrat ; in civitatem tamen ipsam ius nullum habet. Administratorem enim, sive Capitaneum aliquem , cives sibi dominari (libertatem asserentes) non patiuntur: sed obedientiam & tributa

buta regi Poloniæ fideliter exhibent, ipsique civilibus legibus urbem administrant. Hanc urbem fluvius Dyvina amplissimus (ex Severa regione Russiæ, Moschovitæ Duci subiecta, ortus) una cum arce alluit, & duobus à Riga in mare amplissimis ostiis exoneratur. Per hunc naves ex mari, de ultramarinis regionibus, utpote Svvecia, Dania, Holsatia, & cæteris repositis provinciis, appellant: Ex Russia quoque & Lituania cineres, assères, ligna cæsa, & lævigata omnis generis ad naves fabricandas, frumentum quoque grandi copia, & cætera, importantur. Magnumque hac in urbe & celeberrimum est emporium. quamvis enim duobus miliaribus à mari distat, naves tamen omnigenæ facillime de mari sub ipsa mœnia urbis veniunt & redeunt.

Hæ vero arces, civitates & præfecturæ, Capitaneatusque, in hac Leitlandia sive Rigenfi provincia, continentur; Videlicet

Dunamunt, arx inexpugnabilis natura oportunitateque loci. Mari adjacet, in ostiis Dyveni fluvii, duobus à Riga miliaribus sita, præditiisque Polonicis munita. In ea omnes naves ex ultramarinis regionibus ad Rigam ve-

nientes, merces indicare, teloniaque persolvere, coguntur.

Blokhaus, munitio inter Rigam & Dunamunt, ad Dvvinam condita. In ea quoque omnes naves excutiuntur. Hæ autem duæ arces Rigenfibus maxime invisæ sunt.

Kircholm, arx murata ad Dvvinam fluvium, duobus miliaribus à Riga sita, in orientem procedendo.

Hæ quoque arces Dvvinæ impendunt:

Vxul, arx desolata, curia tamen in ea, ubi Præfectus manet, extructa. A Kirchholm duobus miliaribus abest. Crudelem illic quondam confictum, & hominum stragem insignem, cumulus ossium ingens congestus testatur.

Lenvard, arx ab Vxul quatuor miliaribus ad Dvvinam sita.

Ascherad, olim Palatinatus: arx ad Dvvinam munita. Moschovitæque ab ea aliquoties repulsi sunt. Quatuor miliaribus à Lenvarda abest.

Nitavv, Sefuegen, Georgenburk, Levvborg, Rossiten, Lucen, Luden, Nevenhul, arces muratæ absque civitatibus.

Dunemborg, arx ad Dvvinam munitissime sita. Commendator sive Palatinus ei olim Magistri nomine præfidebat.

Segevolt, arx & civitas, olim Ordinis. Marschalci primi à Magistro propria erat, cum cæteris ad eam pertinentibus, videlicet Levvburg, Nitavv, Georgenburg, & Choen castris.

Aries, arx; VVolmer civitas & castrum; Hermes arx. quatuor miliaribus à Pernavva & Phelin.

Has supradictas omnes arces, & civitates, cum suis Palatinatibus, & Præfecturis, invictissimus rex Poloniæ possidet, excepto Mariemburga castro, quod Moschoviæ Princeps occupavit. Adzel autem, & Rodempus, à Moschovitis exultæ & desolatæ sunt.

Archiepiscopatus Rigensis.

IN eodem territorio Rigensi Rex quoque Poloniæ omnes arces, civitates, Capitaneatus, & Præfecturas Archiepiscopales possidet.

Kokenhaus, arx & civitas, natura & oportunitate loci munitissima, ad Devinam fluvium sita, cæterarum Archiepiscopi arcium principalis.

Vxul, Lenvard, supranominatæ arces: Krevvburg, Landon, Sefuegen, Schamborg. Serben, Conemburg, arx cum civitate, Salis, Vansel, Dalen, Iengel, Treyden.

Smilten, arx à Moschovitis desolata,

Cremon, castrum olim Capituli Metropolitanæ Ecclesiæ Rigenfis.

Sancel, arx apprime munitissima, mari adhærens, ad Archidiaconatum Rigensem quondam pertinebat. Hæ itaque omnes arces, & civitates enumeratæ, Regi Poloniæ subsunt.

Arces nobilium in prædicto Archiepiscopatu hæ sunt: Nochrosen, Rosenberg, Mayan, Pierkiel, Roppe, Nabbe, Elner, & Bersen. Earum domini Polono Regi obtemperant.

Episcopatus Derptensis.

DErpt, sive Torpatum, sive Derbet, insignis urbs Episcopalis, & arx in colle munitissima, urbi impendens. Hæc anno Domini 1558, ab exercitu Moschorum Ducis, violenta oppugnatione cum tota circumjacenti provincia, capta est. Hæc vero arces ad hunc Episcopatum pertinebant: Faleanavv, castrum, & monasterium insigne; Neinhaus. 18 miliaribus à Derpt sita, Rutenis contermina; VVerbeke, Oldentorn Kiriepe, Verpech. Nobilium arces in hoc Episcopatu quatuor præcipuæ erant, videlicet, Olfen, Kanclichth Raden, Cunstal, sive Regental, omnesque à Moschorum Duce cum Episcopatu subjugatæ sunt.

Episco-

*Episcopatus Habselensis &
Ozelenfis.*

Vikechzlandia regio ad i Habselensem
Episcopatum cum suis arcibus &
civitatibus pertinebat. quæ quatuor-
decim miliaribus in longitudinem,
duodecimque in latitudinem patet,
mari Germanico adhæret, & has arces
complectitur, quas Svveciæ rex una
cum regione possidet.

Habsel, arx principalis cum civitate,
in qua est Ecclesia Cathedralis. Eam rex
Svveciæ vi ad deditionem coëgit.

Lode arx munita, quam Dux Cur-
landiæ Gothardus Kietler à Svvecen-
sum impetu nuper defenderat, & ali-
quot eis grandia tormenta ademerat;
sed postea ab eisdem capta est.

Lehal castrum, & civitas, in qua est
insigne virginum monasterium. nunc
præfidiis Svvecensium tenetur.

Ficzkel & Felin, arces, à Moschovi-
tis exustæ & desolatæ sunt.

Verder arx munitissima, ad fluvium
Zundam sita, ab ipsis Cruciferis Livo-
niensibus destructa & demolita est.

Ozilia insula in mari Germanico,
aliquot à litore miliaribus sita est. Ad
Ozelensem Episcopatum pertinet at.
Arces & civitates duas munitissimas
habet.

habet. eas Cruciferi regi Daniæ prodiderunt. quas nunc Magnus ejusdem Regis Daniæ frater possidet, Episcopusque titulo utitur. Harum arcium una Arnzburg, altera Sonenburg, appellatur.

Thuan. lib. LIX. ad annum 1574.

Ioanni Suecorum Regi hoc anno res parum feliciter cessere. Nam in Livonia, cum Nicolaus Achazius & Pontius Gardius Gallus cum Germanis & Scotis circiter v cto, qui superiori anno Revaliam venerant, ad recipiendam Vesenbergam medio inter Revaliam & Narvam itinere positam profecti essent, trimestri obsidione tempore perdesidiam transacto, tandem post aliquot irritas oppugnationes exitiosa inter Germanos & Scotos rixa exorta est, quæ & ad justum prælium devenit, in quo ex Scotis cto cto perierunt, cæteri cum vexillis suis ad Russos, qui Vesenbergam tenebant, transfugerunt. Itaque obsidione soluta Aprili mense, Suecici Duces re infecta ad sua redierunt. Russi successu elati ad rapinas effusi totam Harigiam ad Revaliæ usque portas excurrentes vastant. Nec melior fuit popularium ac rusticorum condicio sub Livonis equitibus; qui & ipsi rapinis & licentiæ assueti, nec suis qui

quidem parcentes, summaque immanitate cuncta diripientes, tota ea æstate bacchati sunt; & ad extremum, ut sævitiam perfidia cumularent, Hapselam, Lodem & Lealem arces, quas pro stipendiis exactis ab Ioanne traditas acceperant, Daniæ Regi, pacifcente Nicolao Vngerno Osiliæ vicario, vendunt xxx aureorum cio, solutione in viii Kal. Quintiles sequentis anni dilata. quod provinciæ detrimentosum, Livonis propudiosum, & emtori infructuosum fuit. Nam paulo post Russi Duce Knesio Mikita, licet illi pacem cum Dano haberent, Lodem, Lealem, Vikelam, & ipsam tractus illius metropolim Hapselam, præsidio & commeatu instructissimam, flagitiosa præfectorum sive ignavia sive perfidia, deditione capiunt, & expostulantem de injuria Danum ambiguo responso ludificati sunt.

Curlandia Regio.

HÆc regio in Livonia sita. A Septentrione maris Balthici sinu, ab Occidente vero, ubi Prussiam contingit, pelago, qui Curlandicus appellatur, aluitur. A Meridie Samogitiæ corfinis est, Regique Poloniæ subest. sed eam Gothardus Kietler, regis gratia & benigni-

nignitate tenet, tituloque ejus utitur. Has civitates & arces complectitur:

Vinda, arx cum civitate & Palatina-
tu. Polonis Kiefs dicitur. In ea Magistri
sedem suam habuerunt, & Comitibus
conventionesque celebrare soliti erant.
nunc Polonicis præfidiis tenetur, ad-
ministrante illustri & magnifico do-
mino Ioanne Chodkievvicz, Generali
Samogitiæ, & supremo Gubernatori
Livoniæ, ac magno Marschalco Magni
Lituanie Ducatus.

Goldingen, arx & civitas cum distri-
ctu amplo.

Grubin & Candaph, arces cum præ-
fecturis ditissimis.

Tuczkorn, Sabel, Durbin, Asem-
poth, Shruden, Frauemburg, Alfangen,
arces. Nevvburg, castrum in finibus
Samogitiæ.

Episcopatus Curlandie septem arces
continet, quas Magnus Regis Danie
frater possidet. Episcopatusque titulum
sibi usurpat. hisque nominibus hæ ar-
ces nominantur: Edvvalen, Pilchen,
Hafempot, Angermunde, Dondangen,
Neinhaus, & Ambothen.

Semigalia Ducatus.

Hic Ducatus Curlandie adhæret. A
Meridie Lituanie contiguus est.
Hæque

Hasque arces continet: Solemburg, arx & præfectura; Basemborg, Doblin, Nithavv, arces cum districtibus. Civitates nullas habet. Totumque territorium, una cum arcibus enumeratis, Curlandiæ Dux prædictus Regis Poloniæ gratia & benignitate commissum tenet.

Estlandia Ducatus.

Estlandiæ, sive Estoniæ Ducatus, mari Sveciæ à Septentrione adjacet. Has arces præcipuas cum civitatibus & præfecturis complectitur:

Felin, arx & civitas munitissima. Una cum ultimo Magistro Livoniæ Vilhelmo Furstemberg, feudali Regis Poloniæ, à propriis militibus stipendiariis Germanis Moschorum Duci dolose prodita est. Civitas ipsa exusta, arx vero præfidiis Moschoviticis munita, unaque cum districtu, sive Palatinatu, Moschorum Duci subest. Magister vero in ea captus, Moschoviam abductus, in vinculis spiritum exhalavit. Atque hunc extremum exitum Magistri Livonienses habuere.

Lais & Talczkosen, arces, à Moscho quoque occupatæ sunt.

Tarnest, sive Taurus, arx munitissima, præfidiisque Moschoviticis provisiva.

visa. A Lituanis, Duce exercitus illustr.
& magnifico domino Nicolao Radzi-
vvil Palatino Vilnensi, pulveribus
bombardariis suppositis ejecta, & cum
Moschovitis, à vi & impetu pulveris
volantibus eversa est. Ego etiam huic
oppugnationi cum patre meo inter-
fui. Hac autem arce expugnata & ex-
usta, Lituani quibusdam Moschorum
abductis, quibusdam occisis, velut
Tartari, arce desolata relicta & non
occupata, nec munita, (quæ facile in-
staurari potuit,) cum spoliis, tormen-
tisque & cætera supellectili bellica ab-
lata discesserunt, anno Domini 1561,
Iulii ultima.

Operpal arcem exercitus regis Polo-
niæ exussit & desolavit.

Has autem in hoc Ducatu arces rex
Poloniæ possidet:

Karxhaus, Helmeth, Rugen, Par-
navam, arcem insignem & munitam,
cum civitate, mari adjacentem. Hæc
à Sveciæ rege primum occupata erat,
sed postea à Polonis inopinate capta
in ditionem Regis Poloniæ cessit.

Virlandia.

TERRITORIUM hoc Livoniæ inter O-
rientalem & Septentrionalem pla-
gam situm, à Septentrione Balthici
maris

maris sinu terminatur, ab Oriente Nerva fluvio celebri, ex lacu Pleybas emergenti & in mare Balthicum ingredienti, alluitur. A Meridie Estlandæ, ab occasu Hariæ contermina est. Et octo milliaribus in longitudinem, à Nerva fluvio ad Revvaliam usque extenditur: hasque arces complectitur:

Nerva, arx & civitas insignis, munitissimaque, ad fluvium ejusdem nominis sita. Ex adverso in altera ripa arcem à Moscho erectam, Ianovv. Gorod dictam, habet. Atque fluvius prædictus Nerva, has arces interfrens, Moschorum & Livoniensium imperium olim dislimitabat. *Additio.* Hæc urbs hodie ob continua bella, & incendium, superioribus annis misere est deformata.

Tolzeburg, arx ad sinum maris Balthici, inter Nervam & Revaliam civitates æquali distantia sita. Distat à Revalia xv mill., & mœnia illius à fluctibus marinis pulsantur.

Vvesenbourg, arx & capitaneatus:

Berchholm, olim arx Episcopi Revaliensis erat. Atq; quoque, & Est, duæ arces nobilium Livoniæ: una Roberti à Gilsen; altera Bernardi de Tate.

Has omnes arces cum suo territorio Moschorum Princeps occupavit.

Verum rex Svveciæ jam eandem recuperavit.

Haria Provincia.

Haria juxta mare Svveciæ sita, in longitudinem sedecim miliaribus, & octo in latitudinem, extenditur. Cum Virlandiæque territorio pro Ducatu computatur.

Hæ arces in ea sitæ sunt:

Revalia, urbs celebris cum arce munitissima, ad sinum maris Balthici condita est. Sede Episcopali clara. Sub Rege Poloniæ à Svveciæ Regis exercitu occupata. Monetam Revalienses propriam quadrangularem cudunt. Revaliensis Episcopus arces aliquot sibi subiectas possidebat; in civitatem tamen nullum jus imperiumve habebat, sed Magister ordinis eam administrabat.

Badis, castrum & monasterium insignis, Succenses inopinata irruptione ceperunt.

Fegueur, arx olim Episcopi Revaliensis. A Moschorum duce expugnata, nunc tenetur.

Gervenlandia Ducatus.

Gervenlandia regio mari adjacens, septem miliaribus in longitudinem, sex in latitudinem patet. Frumentum

menti & cæterarum rerum ex terra nascentium feracissima. unam arcem, Vitenstein dictam, principalem, cum pagis & curiis compluribus nobilium, habebat. Eam sub Rege Poloniæ, Suecensium Rex occupavit. Bialy kamien, id est, albus lapis, Polonis dicta. In his territoriis sive provinciis Livoniæ prædictis (quæ etiam pro Ducatibus computari possunt) variæ sunt multarum gentium linguæ: plebs ipsa Livonica tribus fere linguis (non multum tamen à se differentibus) utitur, ad Lituanicumque idioma magna ex parte alludunt. Barl arie & moribus incultis rigent. Lituan's & Samogitis ob vicinitatem in omnibus per similes sunt. Vestitu vili, eoque ut plurimum cineritio, ad Germanicum habitum alludenti, utuntur. Ex tilia libro, more Lituanorum & Rutenorum, cothurnos connectere solent; vel ex jumentorum pellibus, una cum setis detractis. Fæmineus sexus in pagis, more gentis Cyganorum, (vel, ut quidam volunt, Cyrenæorum) vagabundæ, vestiuntur, vestitumque quibusdam globulis plumbi, cupri & electuariis exornant. Indusia quoque, circa collum præcipue, annulis intertexturisque variis ornant.

Crinibus passis mulieres vetulæ & virgines omnes promiscue incedunt. Capitis ornamenta quædam, mire ex globulis quibusdam confecta ad similitudinem unionum gemmarumve, varii coloris, gestant. Omnes fere matronæ, sagæ & incantatrices peritissimæ sunt, artibus magicis supra modum deditæ. Pane vilissimo teterrimoque, & cibariis simplicissimis, utuntur. Frumenta omnis generis, triturlanda excutiendaque, perinde ut Litواني, primo in calidissima casa, ad id præparata, iūmo exsiccant, & postea in horreo coram extructo excutunt. In ollis figulinæ artis nusquam, sed in lebetibus æreis, cup. eisve, in pagis & civitatibus coquunt; neque tibi ollam argilleam ullibi per totam Livoniam videre licebit. Paleis quoque frumentorum, vulgus magna ex parte cum farina filiginis mixtis, utitur. Et quamvis miserima gens fuerit, supra modum tamen callida, fallax, tumida, atrox, & ad cædes patrandas prompta. Polonos, Lituanos, Rutenos, cæterosque extraneos, Regi Poloniæ militantes, (extra Germanos, quorum sub iugo olim fuerunt) maxime invisos habent, eosque deprædatores & comestores banorum, fundique sui calamitatem, appellant,

lant, & ubi possunt, quoscunque milites astu circumventos & incautos opprimunt. Vni vel duobus viris transitus difficilis est, præcipue si apud agrestes pernoctaverint, nam somno oppressos, magna ex parte trucidant iustocantque. Diverforia in hac regione rara vel penitus nulla reperiuntur, sed ad curias & prædia viatores divertere, ibidemque pernoctare solent. Tempла quoque rarissime, nisi in arcibus, visuntur.

Cives & Nobiles omnes Germani sunt, Germanisq; moribus & idiomate utuntur. Fœmineus sexus pallia rubea, communiter capiti imposita, ad talos cum frequentissimis plicis gerit. Vittas mulieres in capitibus non gerunt, sed contricatos crines, (quos maxime nutriunt, vel ad id præparatos adaptant,) tam matronæ quam virgines capiti circumnectunt. Pileos sive biretos quadrangulares, more Cardinalium Romanorum, gestant; quædam vero palliis cum velamine, velut tecto, frontem & caput tegente, utuntur.

Sponsa, cum ad matrimonium contrahendum deducitur, corone argentea deaurata rotunda & in altum prominente ornatur; omnisque virginallis & matronarum chorus, rubeis palliis vestitus, longo ordine præit & sequitur.

tur. Cervisia ex hordeo & lupulo passim in pagis & civitatibus gustu amarissima, maxime differenti à cæterarum regionum cervisia, utuntur; atamen gens illa, & omnes Germani regionis incolæ, hunc potum suaviter præbunt.

Siliginis & frumenti Livonia dives est; adeo ut exteræ quoque & transmarinæ nationes, Lubeca, Ansterdam, Olandia, Dania, Sveciaque, ejus ubertatem percipiant; ad quas grandis copia frumenta è Livonia deportantur. In Livoniam quoque ipsam ex Russiæ Lituanicæque regionibus, fluvio Dvina & Nerva, siligo & id genus rerum plurimum abvehitur. Peccoribus & jumentis domesticis omnis generis abundat; lacubus, fluviiisque piscosis, & sylvis ad venationem idoneis referta; in quibus habet urfos, alces, vulpes, lynces, marturos, castores, & omnis generis animalia. Lepores in Livonia mutant æstate & hyeme colorem, perinde ut Helvetiis in alpibus: hyeme sunt albi, & æstate cinericii. Inferunt & Moschovitæ pelles ursarum albas in Livoniam, quas ex frigidissimis Septentrionis regionibus, maxime ex Dvina provincia Oceano glaciali adhærenti, acquirunt. Religiosissima gens Livonica,

nica, post susceptam Christianam fidem, Romanæ Ecclesiæ ritum ardentè observans erat. Domini etiam ordinis Teutonici, & ipse Magister, priusquam ad Lutheranismum desciscerent, religiosa pietate diligenter ordinis regulas, in moribusque & habitu cultum decentem, observabant. Divorum delubra, pietate & pulchritudine decorabant, quæ hodie à Lituanis pene demolita & desolata videntur: ditionemque suam ab omni incurso barbarorum strenue summa cum laude vindicabant: omnia denique illis ex voto (benignitate divina propter religionis antiquæ observantiam prosperante) cedebant: & Moschum barbarum, potentem hostem, à finibus suis sapissime summa cum victoria propulsabant; prout ex his duobus præclaris & victoriosissimis certaminibus (quæ mihi explanare lectori haud ingratum visum est) apparebit.

Ab anno, quo lux divina, humana in specie cœlitus mundo affulsit, 1381, Magnus Moschoviæ Dux, Livonien-
sum castrum Nienhuys, in provincia Derptensi, acerrime oppugnabat. cui oppugnationi ipse sua persona cum trecentis millibus armatorum intererat. Demum post diutinam & acrem

obsidionem , crebrasque irruptiones incenia & propugnacula diruta , labefacere inceptabant : obsessi etiam defatigati , & viribus exhausti ac destituti , divinæ propugnationi & tutelæ humiliter sese submitunt. ipse etiam præfectus arcis , nocte Veneris diem antecedente , insomnis ante aram quandam prostratus , flagranti corde orabat ut Deus in tam deplorato rerum statu sibi suisque auxiliari dignaretur , felicemque gravis obsidionis liberationem elargiretur. Sole igitur tenebras noctis diuciantiente , cum Moschovitæ certâ jam arcis expugnationem sibi promitterent , Præfectus ille è precibus exurgit , arcuque arrepto telum cum cuspidè præacuta , è fenestra propugnaculi in medium exercitum Moschoviticum jaculatur , & , aspirante conatibus Deo , ipse magni Principis cor lethaliter transfigit. Concurrent trepidi Moschovitæ , dominumque exanimatum levant , & cum magno ululatu deplorantes funestissimum casum Domini sui , relictis castris & arrepto cadavere , in Moschoviam , fuga sibi consulentes , pergunt. Livones ex arce sese proripientes , hostes fugientes persequuntur , per agrosque , sylvas & pagos , palantes assecuti trucidant , obruunt , telisque transfigunt ; & videntes

dentem, mirabili memorabilique modo
numinis auspicio se liberatos, arcum
ad perpetuam rei memoriam, Deo di-
catum, in Basilica arcis ad altare ap-
pendunt. Solebatque in eo templo cul-
tus divinus magna pietate & devotio-
ne peragi. Sed postea anno Domini
1551, Lutheranis dogmatibus assumptis,
nullum pristinæ pietatis vestigium
conspiciebatur: arcus tamen prædictus
immutatus ad altare pendeat. donec
tandem anno Domini 1558, Ioannes
Basiliades modernus Dux Moschoviæ,
eadem arce potitus, religionem quo-
que Lutheranam immutavit.

Aliud celebre & perpetua memoria
dignum prælium Livones contra Mo-
schoviæ Ducem gesserunt, anno 1500,
sub ordinis Teutonici Magistro, Do-
mino Voltero à Pletenburg. Qui cum
Moschis bellum inferre statuisset, publica
jejunia & solennes litanias, secundum
morem Ecclesiæ Romanæ, instituit;
nondum enim eos Lutherana doctri-
na à Catholicismo transversos egerat,
Menſeque Septembri, paulo post nati-
vitatem Mariæ virginis, exercitum or-
dinat. Rigenſis quoque Archiepiſcopus
mille Germanos equites adducit, Tor-
patenſis Episcopus quingentos, Reva-
lienſis & Habſelenſis itidem quingentos

simul. ita ut magister Livonicus se-
ptem haberet Germanorum equitum
millia, & quinque millia Curionum
pedestrium, (qui populi sunt Livoniæ,
in regione quæ Curlandia dicitur.)
Hoc cum exercitu Magister Ruffiam fi-
nitimam Moschoviæ Ducis invadit, ar-
cesque & oppida quædam expugnat.
Inde ipso exaltationis sanctæ circis die
ad urbem Pscoviam exercitum ducit.
Iuxta hanc sita est planicies duorum
miliarium latitudine patens. in quam
cum devenerunt, obviam illis proce-
dit Moschoviticus exercitus, centum
millia armatorum (in duodecim acies
distributus) continens. His adjunctæ
erant Tartarorum copię, barbarie fe-
roces, triginta millia conficientes. Ita-
que Teutonicus Magister, ubi aut tur-
piter fugiendum, aut ingenti cum ani-
mo adversus tantum exercitum, bar-
bariæ & animis formidabilem, proce-
dendum videt, nihil de victoriæ spe re-
mittens, aleam belli tentare constituit,
&, animis morum confirmatis, classi-
cum canere iussit. Moschoviæ quo-
que ex adverso signa tollere, patrioque
more tubas inflare, & timpanulas
(quas parvas singuli præfectorum ha-
bere solent) pulsare cœperunt. Magi-
ster Teutonicus, globos tormentarios se-
clo-

sclopetariosque, velut crebra continua-
que tonitrua, in Tartaros contorquet.
Tandem maximo clamore, strepitu,
armorumque coruscatione, utrinque
concurrunt. Tartari & Moschovitæ,
arcubus & sagittis assueti, densissimo
creberrimoque telorum jactu æthera
obumbrant; quæ tamen emissâ acrem
irrita verberabant. Tartari ubi prælio
à Teutonicis fusi fugatique fuere, duo-
decim Moschorum acies centum mil-
lia conficientes, viribus animisque re-
centes succedunt. Teutones cæcis Tar-
taris, ubi bellum recrudescente sentiunt,
quanto majorem hostium vim priori-
bus succedere vident, tanto majoribus
animis in hostes irruere, & velut ab in-
tegro nova virtute resumpta, ingenti
cum fremitu, cæsim punctimque, ver-
gente jam ad vesperam die, confligunt.
Ex Moschovitis qui supererant, fuga
sibi consulentes, in Pscoviam se reci-
piunt. Prælio itaque dirempto, com-
pertum est, ex Teutonicis unum dun-
taxat desideratum, compluresque, sed
non lethaliter, vulneratos: Moscho-
vitarum vero & Tartarorum circiter
centena millia trucidata; ita ut duo-
bus milliaribus cadavera passim pro-
strata jacerent: triginta vero millia
fuga elapsi sunt. Memorabilis sane

etiamplius, & sempiterna memoria dignum singularis virtutis & fortitudinis exemplum. Hac igitur clade suorum Moschorum Dux Basilius Ioannides audita, summo stupore admiratus, tantum exercitum à tam exiguo tanturpiter cæsum & prostratum, ad quinquaginta annos cum Teutonicis inducias confestim firmavit; Ruthenique & Moschovitæ ab eo tempore Teutonicos ferreos viros appellabant.

Ex his igitur felicissimis & victoriosissimis duobus Livonorum cum Moschovitis præliis (quamvis multa varii eventus prælia inter eos utrinque eveniebant) apparet, quod Livonienſes, ordoque Teutonicus, priusquam à Catholicismo deſceſcerent, manu divina contra quosvis incurſus hoſtium propugnabantur, omnibuſque rebus ex terra naſcentibus, & cæteris fortunis, copioſe affluebant. Vbi vero Lutherana dogmata amplecti anno Domini 1527 cœperunt, pietatem & religionem avitam cum omnibus virtutibus una excuſſerunt. Poſtea variis & diverſis plagis omnes paſſim graviffime afflicti ſunt; adeo ut univerſa elementa in vindictam eorum conſpirare viderentur. Terra enim regionis, quæ omnium frugum & fruſtuum legumi-

guminumque feracissima erat, victum (nihil proferens) illis denegabat. Aqua etiam lacusque olim piscosi nullos pisces dabant. Aer quondam saluberrimus, hominum saluti à Deo concessus, in venenum & contagium conversus erat. Igne etiam & ferro Moschovitæ universam Derptensem Provinciam crudeliter vastabant. Sed Teutonici fratres nobiles, & cives, hujus afflictionis culpam, & numinis offensam, Catholicis imputabant.

De intestino & civili Livoniensium bello, & causa expeditionis Regis Poloniae contra Magistrum Livoniensem.

Magister Livoniæ, cum omnibus Teutonici ordinis fratribus & equestri ordine, post Lutheranismum susceptum, Archiepiscopo Rigensi collegæ suo, ob non susceptum dogma Lutheri adversabatur. Hic autem Archiepiscopus ex illustri prosapia Marchionum Brandenburgensium genus ducebat, frater Alberti Marchionis Brandenburgensis, olim Magistri Teutonici ordinis, & postea Ducis in Prussia, neposque Regis Poloniae.

Magister itaque, Comitibus generalibus celebratis, conclusit & constituit,
 Archie-

Archiepiscopum bello appetendum esse. in quod totus ordo & nobiles cum omnium suffragiis consenserunt. Episcopus quoque Torpatensis Hermanus, ut erat inconstantis animi, facile ad oppugnandum Archiepiscopum indutus est. Revaliensis etiam & Habssellensis Episcopi, Magistrum metuentes, facile in castra ejus concesserunt. Et ita universa Livonia in Rigensem Archiepiscopum hostiliter conspiravit. Anno itaque .557, paulo post natalem divi Ioannis Baptistæ, ordinis Teutonici Magister, Vilhelmus Furstemberg, exercitum cum Commendatoribus conscribit. tres quoque Episcopi prædicti copias suas eidem conjungunt. Sicque instructissimo exercitu, & magno cum apparatu, Rigensem Provinciam hostiliter invadunt. Archiepiscopus Rigensis tametsi defensionem meditaretur, & magnam nobilium partem sibi adjunctam haberet, infirmior tamen erat, & viribus impar, ut tanti exercitus vim sustinere & propulsare neutiquam posset. In arcem itaque Cokenhusen, natura loci munitissimam, in edita rupe constructam, cum suis profugit. Magister vero eum cum universo exercitu ibidem gravi obsidione oppugnabat, tormentis machinisque belli-

bellicis muros fatigans. Sed neque tormentorum crebra tonitrua, neque validos hostium imperus muros labefacere poterant; sola fames & inedia obsessos ad deditionem compulit. Octavo itaque obsidionis die, portis adapertis, Archiepiscopo jubente, hostibus sese dederunt. Ordinis Teutonici Magister Archiepiscopum, non ut unius Provinciae & urbis Rigenfis consortem, non ut claræ prosapiæ Brandeburgensium Marchionum Principem, non ut Præsulem & Primatem, sed veluti barbarum hostem tractat, contumeliis & probris ludificatur, omnibusque oppidis, arcibus & pagis mulctatum, carceri mancipavit, totoque anno vincitum detinuit.

Rex Poloniæ Sigismundus Augustus, ubi id ab ordinis Marschalco (quem Magister bonis omnibus spoliatus, eo quod bellum contra Archiepiscopum dissuadebat, expulerat) rescivisset, nepotis sui fervilem captivitatem ægre ferens, Episcopum quendam in Livoniam ad Magistrum destinavit. Qui cum multis rationibus de liberando Archiepiscopo nomine Regis coram Magistro ageret, Magister neque excarcerandi Archiepiscopi nec componendorum dissidiorum spem præbuit. Itaque

que Legatus re infecta ad Regem revertitur. Qui, ut operam suam irritam cognovit, ordinis Magistro, omnibusque ejus auxiliariis, bellum denunciat. quo nuncio accepto, confestim magister ingentem thesaurum in Germaniam ad exercitum ibidem conscribendum, mittit; adductaque sunt aliquot millia equitum & sex vexilla peditum Germanorum in Livoniam. Rex Poloniae haud diu moram trahens, infectis signis in Livoniam contendit: equitum simul & peditum armatorum virorumque electissimorum centena millia, cum tormentis, amplissimaque bellica supellestili, procedunt. Ordinis Magister universos quos habebat praefectos & commendatores Regi opponit. Episcopi quoque tres, Derptensis, Revaliensis, & Habselensis, copias suas eidem conjungunt. Itaque ordinis Magister tunc temporis habebat Germanorum equitum septem millia & sex peditum vexilla, bene armatos. praeterea etiam agrestium aliquot millia Livonorum. Sed Magister, Polonorum validissima lectissimaque manu conspecta, victoriae spem prorsus abiecit; legatumque ad Regem, qui praesens in armis erat, ocus destinavit, prelium deprecando, & pacem humillime efflagitans.

gitando. Rex clementer & benigne respondit, Nisi viduas, pupillos, orphanos, & inopes, innocentelque colonos miseretur, nullo pacto pacem se cum Magistro initurum: sed ut Magister ordinis agnoscat, (inquit.) me sanguinis aut belli sitientem non esse, ipse, si pacem expetit, huc ad nos intra 18 horarum spacium accedat, Principemque & Archiepiscopum Rigensem una adducat. dein pacis & concordie rationem inibimus. Teutonicus Magister hoc responso accepto, confestim Archiepiscopum, qui non longe aberat, custodia liberari & è vinculis educi jubet. Ambo itaque, trecentis equitibus incrimibus stipati, ad regem veniunt. Ibi cum ultro citroque de pace ageretur, tandè concluditur, ut Magister ordinis Archiepiscopum in pristinum statum restitueret; omneque damnum & detrimentum eidem illatum resarciret; præterea Regi Polonæ stipendia in milites erogata persolveret. Graves hæc erant ordini Teutonico pacis conditiones. attamen Magister, metu gravioris periculi urgente, consensit, & secundum pacta omnia præstitit. Postea Archiepiscopo prædicto è vivis decedente, Rex omnes arces civitatesque, pagos, & curias, ad Archiepiscopatum per-

tinentes, jure propinquitatis in Livonia occupavit. Magistro quoque prædicto à Moschovitis in arce Felin per proditionem militum suorum capto, & in Moschovia in vinculis mortuo, tota Livonia cum suis Provinciis in jus Regis Poloniæ cessit. Atque hic ultimus Magister ordinis, Vilhelmus Furstemberg, Magisterium, Teutonicorumque fratrum Crucigerorum in Livonia ordinem, terminavit, absolvit, finemque supremum imposuit.

XIII.

IOANNIS BOTERI
P O L O N I Æ
D E S C R I P T I O.

Rex Polonia.

Poloniæ regnum nunquam tam amplum fuit quam nunc est; quod Magnus Ducatus Lituaniæ & Livonia ei adiuncta sint. Extendit se à flumine Notes & Obra, quæ id à Marchia dividunt, & fluvio Odera, qui ipsum à Silesia distinguit, ad Beresaiam & Borysthenem usque, qui ipsum à Moscovia separant: à mari Balthico ad flumen Niester, quod

quod id à Moldavia distinguit: & ad montes Carpathios, qui iptum ab Hungaria separant, usque. Occupat itaque a finibus Silesiæ, ad terminos Moscoviæ usque, inter Occasum & Ortum, cxx milliaria Germanica: nec minus ab ultima Livoniæ parte, ad fines Hungariæ usque. Cum itaque talis sit ejus forma, ut cum rotunditate participet, multo capacius est, quam quisquam credere posset. Multas amplasque Provincias continet: nempe Poloniam majorem & minorem, Mazoviam, Prussiam, Russiam, Volhiniam, Livoniam, Lituaniam. Inter eas Provincias Polonia, à Polonis inhabitata, inventa fuit. Prussia, cum parte Pomeraniæ, Podolia, Volhinia, Mazovia, Livonia, armis acquisitæ sunt. Lituania, cujus erat Samotgithia, & Russiæ pars, patrimoniales familiæ Iagelloniæ fuerunt. Anno enim mcccxxx Iagello, tunc Dux Lituaniæ, duxit in uxorem Hedvigim Principem, quæ familiæ regalis Poloniæ ultima erat. factusque fuit Rex tribus conditionibus. una fuit, ut Christianus fieret: altera, ut suos ad idem faciendum induceret: tertia, ut suam ditionem Poloniæ uniret. Ea conditio nostris temporibus (cum familia Iagellonica defecisset) adiam-

pleta fuit. Cum enim Reges se ditione hæreditaria, cujus merum habebant imperium, privare nollent, eamque electioni submittere, dilulerunt semper adimpletionem conventionis, allegantes, proceres & populum Lituanix id non passuros, ne illa admixtione amitterent gradum & dignitatem. Tandem tamen Lituani, cum ab una parte viderent deficere stirpem suorum Principum, (quæ, quod ad masculos attinet, defecit in Rege Sigismundo Augusto,) & ab altera parte sibi metuentes à potentia Moscorum, consenserunt ut uniretur. Livonia fuit quondam equitum Teutonicorum, qui in ea suum Præfectum specialem, qui Magnus Magister dicebatur, habebant. Sed cum anno MDLVIII, à Magno Moscorum duce, maxima ditionis parte spoliati essent, confugerunt ad Sigismundum regem Poloniæ, qui eos in suam tutelam suscepit; sed Livonia ante liberata non fuit, quam cum anno MDLXXXII Rex Stephanus id fecit. Regni Poloniæ pars plana est: exceptis enim aliquibus montibus, qui in minori Polonia visuntur, & aliquibus potius collibus quam montibus, quibus à Prussia distinguitur, omne reliquum explicat se in latissimos campos. Verum quidem

quidem est, quod in eo regno satis multæ sylvæ sunt, præcipue in Lituania, quæ illis occupatur. Minor & major Polonia frequentius inhabitantur, quam ulla alia hujus regni provincia. Idem dicendum fere est de Russia, Prussia & Livonia, quæ propter oportunitatem maris, portuum, & fluminum ibi concurrentium, aliis provinciis, civitatibus & fabricis ornatior, commerciis quoque & concursu mercatorum ditiores sunt. Cum enim ibi diu dominati sint equites Teutonici, ædificarunt civitates in morem Germanorum: arces quoque & loca præclara, quæ se extendunt ad longum littoris maris, amplius quam per octingenta milliaria. Habent multos & opportunos portus, dominanturque omni mercaturæ inter Poloniam & mare Balthicum. Est ea res magnæ consequentiæ: fluvius enim Vistula, qui ortum habet in extremitate Silesiæ, transfluit totam Poloniam minorem, & partem majoris, Mazoviam & Prussiam, conditque se mari Balthico, infra Gedanum, quo conducit per plusquam cccc millia navigationis (quo spatium recipit diversos alios fluvios) bonam partem siliginis, frugum, mellis, & ceræ regni. Ab alia parte Duina flumen nobilissimum (quod oritur ex lacu

Rutenigo auctum aquis , findensque mediam Livoniam) condit se mari sub Riga , ad quam urbem magnus concursus est. Sunt præterea in Prussia & Livonia multi lacus , inter quos unus , qui mare novum dicitur , quia antiquus non est , ad centum milliaria in longitudinem extenditur. In Livonia est lacus Peibas , plus quam 40 milliaria longus. Ex eo flumina , quæ Pernoviam urbem ad mare , & Narvam , alluunt , fluunt ; faciuntque duos portus satis celebres. Inter dictas civitates sita est Revalia urbs , quæ duabus supra dictis civitatibus non cedit. Samogitia , aliis provinciis incultior est , retinetque plus barbariei. Podolia aliis magis deserta est , non terræ vitio , (copiosissima enim est omnium rerum , quas fert clima , cui subiacet,) sed culpa Tartarorum , qui eam suis excursionibus adeo infestant , ut præ ipsorum metu aut fugiant incolæ , aut abducantur in captivitatem à Tartaris.

Opes.

POLONIÆ opes consistunt in copia frumenti , frugumque omnis generis. quibus tanta copia abundat , ut anno elapso , qui fuit MDXC , & anno præterenti , partim subvenerit necessitati

Genuen.

Genuensium, Thuscæ & Romæ, partim etiam gentium, quæ viciniore erant: ubi fame, non caritate extrema tantum, laborabatur. Abundat quoque Polonia melle & cera infinita. Cum enim omnes hæ provincie septentrionales, Polonia, Lituania, Russia, Moscovia, à natura vino donatæ non sint, ejus loco contulit illis mellis quantitatem incredibilem. ex quo hi populi conficiunt inter alia potionem delicatam & sanam. Apes mellificæ partim in sylvis, ubi arbores aut carie, aut hominum industria excavatas reperiunt: aut in alveariis, quæ rustici in campis posuerunt; aut in terræ puteolis, omnique in loco, ubi vel minimam oportunitatem reperiunt. Abundat quoque Polonia lino & cannabe, gregibus & armentis, equis quoque bonis & mulis. sylvestres equi quoque satis frequentes sunt. Inter sylvestria animalia est bisons magna bestia, equi indomiti, boves colore nigri, qui extra sylvam, quæ in Nazovia est, non vivunt. Thesauri regni consistunt in salinis Bacenæ & Veliscæ, quæ loca in territorio Cracoviensi sunt. Divitiæ Poloniæ ut plurimum inter dominos & nobiles satis bene divise sunt: nemo enim ex patrimonio adeo dives est, ut

alios præter modum superet, nec maximus redditus excedunt xxv aureorum millia. Soli Duces Curlandiæ & Regii Montis excedant metueritate. Quamvis enim hi tanquam regni feudatarii Regem superiorem agnoscant; non sunt tamen viva membra regni: non veniunt ad comitia regni: non habent suffragia in electione Regis, nec partem in regni gubernatione: nec pro dominis naturalibus habentur, sed pro extraneis, sicut vere sunt; Dux Curlandiæ nempe ex familia Ketterorum, Dux Regii Montis autem ex familia Brandenburgica. Omnis Prussia fuit olim Equitum Teutonicorum, qui ibi habebant (sicut ante diximus) Magni Magistrum specialem: qui cum viribus Polonorum resistere non posset, submisit se tanquam feudatarius Regi Casimiro. Cum deinde Magnus Magister Albertus Brandenburgicus Lutheranismum amplexus esset, factus est ex Magno Magistro Dux Prusiæ, quæ tunc in duas partes fuit divisa. In Regiam nempe, quæ immediate sub corona permansit, & Ducalem, quæ tanquam feudum Alberto & ejus successoribus relicta est. In Regia parte sunt Marienburgum, Torovia, Culma, Varmia, Gedanum: Ducalis partis (quæ reddit

reddidit cxx aureorum millia annui redditus) caput est Regius Mons civitas, quam Germani appellant *Kenings-be* 3, ubi Dux aulam habet.

Regimen.

POLONIE regimen potius Reipublicæ quam regni est, quod nobiles (qui magnam auctoritatem in Comitibus regni obtinent) Regem eligunt, dantque illi auctoritatem, quam velunt: tamen ipsorum potestas major sit. De electione Regis non habent legem, nec statutum aliquod, non regulam aut formam scriptam nec traditam. Tantum hoc scitur, apud Archiepiscopum Gnesnensem, interregni tempore supremam auctoritatem esse: ipse denuntiat dictas, præsidet in Senatu, proclamat novum Regem: sic ut cum Archiepiscopo Leopolis, & suis suffraganeis, qui tredecim, Palatinis, qui 28, Castellanis majoribus, qui 30 numero erant, antequam rex Stephanus instituisset novos Episcopos, Palatinos & Castellanos in Livonia, quam ipse acquisiverat, pauci alii intersint Regis electioni. Habent ibi quoque quandam auctoritatem nuncii terrestres. (ita appellant quosdam quasi agentes circulatorum nobilitatis, qui in provinciis habentur.)

Comitiorum tempore conveniunt hi in loco Senatui vicino, eligunt ibi duos Marescallos, per quos significant Senatui, quid desiderent, sed cum auctoritate fere Tribunitia. Crevit enim parvo ab hoc tempore eorum auctoritas existimatioque in tantum, ut auctores, & capita potius, quam ministri & participes deliberationum publicarum regni sint. fuitque unus, qui, exemplo Clodii, renuntiavit dignitati senatoriae, ut feret nuncius. Hi omnes simul, cum n. Rex eligendus est, restringunt magis magisque potentiam Regis, nec eam nimis excrefcere sinunt. Quamvis autem Corona Poloniarum à de reto nobilitatis dependet, non tamen legitur, ipsos unquam successores regios exclusisse, aut præterisse, nec regnum in aliam familiam transfuisse, excepta una vice, cum Ladislaum deponentes (qui tamen postea fuit restitutus) elegerunt VVenceslaum Bohemum. Filiarum Regum quoque semper ratio habita est, sicut olim Hedwigis, quæ Jagelloni ab ipsis collocata fuit. &, nostra ætate, Annæ, quæ Regi Stephano in uxorem data. Sigismundo III non parum profuit natum fuisse Catharina, Sigismundi Augusti & Annæ sorore, ut Coronam Poloniarum adipisce-

piacetur. Etsi autem Regis auctoritas ita ab electione dependeat: ejus auctoritas tamen, cum electus est, in multis rebus absoluta est. Ipsius maneris est convocare diætas, assignare tempus & locum, ut ipsi placet: eligit Consiliarios laicos, nominatque Episcopos, qui deinde manent Consilarii. Est absolute patronus reddituum Coronæ, & dominus eorum, qui ei immediate subsunt: in nobilium subditos nullum est jus. Est absolutus executor decretorum in diætis factorum: est supremus iudex nobilium in causis criminalibus. Habet in manu omnes modos remunerandi, beneficioque afficiendi, quos ipsi placet. Ut finem faciam, tantum potest Rex, quantum ipse dexteritate & prudentia valet. Propter rationes supra dictas vivunt nobiles in Polonia in magna libertate, faciuntque quod ipsis placet. Decreta Regis (sicut ipsi met dicunt) non durant plus quam tres dies: versantur cum Rege non tantum tanquam cognati (quod faciunt Franci) sed ut fratres. Sicut Rex cum plenaria auctoritate, eos, qui immediate subsunt, regit: ita & nobiles disponunt independentem de suis vassallis, in quos suorum u vicuiq; imperium plus quam regium est, habentque ipsos fere

tere pro mancipiis. Stabiliendo suo imperio, fecerunt Poloniæ Reges rem notatu admodum dignam. Sicut enim Romani suas vires amplitudinemque auxerunt, communicando jus Latii & civitatis Romanæ, aliis civitatibus, imo integris provinciis: ita & Reges Poloniæ extenderunt, unierunt, firmaruntque suum statum, participes faciendo privilegiorum nobilitati Polonicæ propriorum provincias armis aut alia via acquisitas ipsarumque nobilitatem Polonicæ nobilitati æqualem faciendo. Rex Ladislaus hoc modo aggregavit, imo univit Poloniæ Russiam & Podoliam: Sigismundus Augustus Lituaniam, Stephanus Livoniam. Aqualitas enim in commoditatibus & honore, reddit animos unitos in necessitatibus & periculis.

Vires.

Hujus regni vires, sicut & aliorum, consistunt in commeatu, pecuniis, peditatu, equitatu, armis & munitio-
nibus. De commeatu diximus supra. Pecuniis quidem non admodum dives est. Excipiendo enim portum Gedanensem non habet emporium alicujus existimationis. Merces autem, quæ ex portibus Prussiæ & Livoniæ evehun-
tur,

tur, non dicant regnum pecunia, imo
vix pannis ex serico & lana, qui ex
Flandria & Anglia: vino, saccharo,
aromatibus, fructibus, quæ ex Hispania
& Lusitania advehuntur, sufficiunt.
Eo usque ab alia parte quoque detertur
vinum Malvaticum sive Creticum, cu-
jus dolium LXX aureis venit. Cum de-
nique regnum mercaturæ addictum
non sit, nec civitates mercimoniis de-
ditæ sint, nec populi industria polleant.
Nobilitas autem magnanima sit, pro-
fusa in expendendo, quæque in victu
& vestitu plus quam in redditu habet,
consumat: cumque condimenta cibo-
rum, aroma, (quorum Poloni plus ab-
sumunt quam ulla natio) vinum, pan-
ni è serico, & potissima pars laneorum,
ipsi ab extraneis adferantur: fieri non
potest, ut regnum auro & argento di-
ves sit. Opes enim uniuscujusque regni
consistunt in eo, ut multæ merces in-
de evehantur, paucae inferantur: ut
eventitia pecunias externas eo trahant,
illata non essent. Ea in re consistunt
opes regni Neapolitani, & Ducatus
Mediolanensis: illud emittit maxi-
mam frugum, vini, olei, serici, croci,
equorum, fructuum, & aliarum rerum
quantitatem, quæ maximam externa-
ram pecuniarum vim eo pertrahunt.

Hæc

Hæc suppeditat multis regionibus frumenta, oryzam, pannos, feramenta, & merces omnis generis, recipitque parum rerum. Si regnum Neapolitanum, & regnum Siciliae, ita abundarent operis artificiose factis, sicut fructibus & bonis, quæ natura largitur, divites sunt, nulla alia regna eis possent comparari. Sed ut ad Poloniam revertamur, ejus reditus non sunt adeo tenues, sicut aliqui existimant. Reditus enim regni, qui ex intuitis salis & argenti percipiuntur, accedunt ad sexcenta aureorum millia quotannis. Verum quidem est, Sigismundum Augustum, reddituum partem oppignoralle. Rex quoque Henricus, uno ante fugam mense, ut sibi unam nobilitatis partem obligaret, ex redditibus plusquam pro cdc aureorum millibus quoque anno alienavit. Rex quoque potest applicando coronæ bona caduca, quæ reges privatis personis concedere solent, sibi magnos reditus parare. Dictorum reddituum magnam partem potest Rex sibi servare, parcereque sumptibus. Eos enim faciunt Litواني, quando rex cum aula in Lituania degit. idem quoque fit in maxima Poloniæ parte. Hoc parvi non facit is, qui perpendet, Scotiæ, Navarræ, Sardiniae regna

regnorum reditus non excedere centum aureorum millia quotannis: nec regna Aragoniæ, quoque triennio, plus quam c millia aureorum pendere. Reditus Regis Angliæ, antequam usurpavit bona Ecclesiasticorum, non excedebant sexcenta aureorum millia quotannis. Rex Poloniæ multo plus reddituum haberet, si erga suos Palatinos & Castellanos tanta liberalitate non uteretur. Concedit enim eis ut plurimum duas partes tertias, & fere semper omnes reditus, quos in ipsorum gubernationibus habet. Sed in necessitatibus bellicis, & arduis expeditionibus, (facto decreto in Comitibus regni,) gravat Rex populum magnis impositionibus aut tributis, quæ ex territorii percipiuntur, aut ex vectigali cerevisiæ, adscenduntque ea tributa ad talem pecuniarum summam, ut ea Rex Stephanus sustinuerit onera gravissimi triennalis belli, quod cum Magno Moscorum Duce gessit. Sed illud maximum est, quod nobiles propriis expensis, pro defensione regni, Regi inservire obligati sunt. Serviunt hi equis, armis instructi partim sicut nostri cataphracti equites, partim aliquanto levioribus, partim sicut Tartari. Dicuntur hi, Cosacchi. Horum ars est

est furari, depopulati, omnia vastare, pellundareque. Eunt in bella pomposi, ornati sagis & vestibus, quæ auro, argento, milleque variis coloribus discriminantur. Ornant se quoque pennis & alis aquilarum, exuviis leopardorum & urforum, vexillis labarisque multis variisque. Hæc aliaque ornamenta ipsos suis visendos hostibus terribiles faciunt, suosque animos ad feritatem ferociamque incitare possunt. Ipsorum equi mediocres sunt, sed agiles, & Germanicis longe animosiores. Aestimatur, Poloniam necessitate exigente centum, Lituaniam LXX equitum millia colligere posse; sed tantum circiter centum equitum millia educi posse existimant aliqui. Verum quidem est, quod equi Lituanici Polonicis longe inferiores sunt. Fidunt Poloni tantum magno numero sui equitatus, ut non verentes ullius hostis vires, parum de munitionibus extitendis solliciti sint; suumque exercitum in locis apertis, adversus hostes, pro patria, liberis, libertate, omnibusque suis bonis, magno animo pugnaturum credunt. Hostibus se nunquam, etiam in quacunque fortuna, terga obvertere profitentur. Sigismundus Augustus tentavit, ut in Comitibus regni deliberaretur de munienda

nienda Cracovia, propter Cæsaris vicinitatem: sed Polonis id persuadere nunquam potuit, tum quod nolint Regibus, medio præsidiorum, commoditatem dare, invadendi merum impetum, & absolutam dominationem: tum quod dicunt, sua pectora defendendo regno sufficere. Pedestrem militiam non habent, quod omnis regni populus divisus sit in mercatores & artifices, (qui oppida incolunt,) rusticos & villicos, qui rui in tali subjectione, sicut dictum est) degunt. Sunt itaque arma in manibus nobilium tantum, qui pedibus non militant. In necessitate peditibus Germanicis & Hungaricis usi sunt; habuitque rex Stephanus in expeditione Livonica, sub signis, plus minus xvi peditum Germanorum & Hungarorum millia. Ducendis tormentis bellicis, cuniculariorum & fossorum loco utuntur Tartaris & suis rusticis. Quod ad tormenta bellica eorumque apparatus spectat, regnum is satis instructum est: tum quod nobiles satis illorum in suis arcibus habent, tum quod illorum indigentiam pati non possit, ob Germaniæ vicinitatem, quæ metallorum ferax est, habetque multos magistros fundendi tractandique tormenta, atq. omne quod

ad usum armorum facit. Tanto quoque tormentis instructior est Rex Poloniæ, quanto minorem arcium numerum habet. Sunt tamen non parvæ considerationis arces Leopoldis & Camnetzy in Russia, arx Cracoviensis in minori Polonia, Poloscensis in finibus Moscoviæ, Mariemburgi & aliquorum oppidorum in Prussia & in Livonia, quæ oppida non à Polonis, sed ab Equitibus Teutonicis (qui earum dominerant) munita sunt. Poloniæ vires, quas commemoravimus, sunt & numero & natura tales, ut pauca Europæ regna eas æquent, non superent. Una res eis deest, nempe agilitas. Sed ad firmitatem cujuscunque status quatuor res requiruntur; nempe ut vires sibi propriæ, numerosæ, validæ & agiles sint: propriæ, quia ægre ei credi potest, quod alterius est: numerosæ, ut in rebus adversis & incommodis semper aliquæ super sint: validæ, quia numerus absque fortitudine parum juvat, imo potius molestiam quam auxilium adfert: agiles, ut facile colligi possint, impellique quo exigit necessitas. Polonis deest dictarum quatuor qualitatum ultima, agilitas nempe. quæ à rebus duabus dependet: una est Principis auctoritas: altera, prompta pecunia. Rex
potesta.

potestatem non habet in Polonia aliquid decernendi, bellum indicendi, onera ad conflandum pecuniam imponendi, absque consensu Comitiorum. Sed Comitia & consultationes, quibus multos interessè opus est, similes sunt machinis ex pluribus partibus multisque instrumentis constantibus, quæ progressum alicujus momenti non nisi longo tempore faciunt. Sed in rebus bellicis sunt ii Principes expeditissimi, qui soli imperare possunt, qui pecunias in promptu habent: alioquin in indicendis disponendisque Comitibus, ut decreta propositioni respondeant, deinde exequendo, colligendoque pecunias, tanti temporis jactura fit, ut ad expeditionem parum superfit, fugiatque occasio. Barones & nobiles Poloni tam magnos sumptus faciunt inviscendo comitia, hærentes degentesque in iis, ut ad bellum vires non supersint. Fieri posset, ut ad defensionem status promptior expeditiorque resolutio inveniretur, quod imminens periculum omnibus pavorem incutiat: sed ad aliquid acquirendum credo ibi futuram magnam tarditatem. Spes enim boni non adeo afficit, quam timor mali. Vidimus tamen Moscum abstulisse Sigismundo

Augusto statum Poloscentem & Smolocenſem, nec hic tamen perſenſit, aut vindicavit, ſicut tanto Regi regnoque conveniebat. Idem Moſcus abſque obſtaculo invaſit Livoniam, quæ ſe ſub umbra & protectione Sigismundi Auguſti contulerat. Tempore quoque Iſenrici Andegavenſis Regis Poloniae, Iohannes Moldaviae Princeps (qui magno animo & clariſſimis victoriis per aliquod tempus bella adverſus Turcas geſſit) à Polonis præter pacta ſœderis, inter ipſum & Sigismundum Auguſtum, deſertus fuit. Dicimus tamen, vires Poloniae per ſe numeroſas, independentes & validas, tantum agilitatis & promptitudinis habituras, quantum in Rege valoris, roboris & efficaciae erit. Ejus rei fidem fecit Stephanus Battoreus. cujus tempore Polonia non ſolum conſervavit ſibi nomen & exiſtimationem regni, quod ſe à viribus extraneis defendere queat: ſed quod etiam magni momenti acquisitiones de potentibus hoſtibus facere & referre valeat. Cum autem dixerimus de agilitate, quæ res viribus cujuſcunque ſtatus neceſſaria eſt, non præter inſtitutum erit, cauſas ipſius agilitatis adjungere. Præcipue ſunt (ſic ut dicimus) auctoritas Principis, qui motum

motum dat, & vis pecuniæ, quæ ipsum
conservat. Vidimus enim potentissi-
mos exercitus propter tarditatem, tor-
poremque capitis, tempus inutiliter
trivisse: & præclarissimas victorias
nullum fructum peperisse aut fecisse,
propter pecuniarum penuriam, sine
qua moveri non potuere milites. Mul-
tum quoque ad rem facit militum qua-
litas. Negari enim non potest, pedi-
tem Germanum & Bohemum ab agi-
litate laudari non posse. quæ laus abs-
que dubio, Italo, Hispano & Franco
debetur, non ob id solum, quod corpo-
re melius constituti sint, sed, quod plus
est, quod in bello minori contenti sint.
quamvis enim vinum non habeant,
non pavent: nec cadunt animis, si car-
nes desint; & quomodocunque cedat,
ferunt diutius inopiam & incommo-
ditates. Levis equitatus magis agilis est,
quam cataphracti; & tractatio sclope-
torum, quam lancearum. Id conside-
rantes Franci, ultimis bellis lancearum
usum, in quibus ipsorum militaris glo-
ria consistebat, reliquerunt, utunturq;
earum vice sclopetis, sicut equites Ger-
mani ense. Sed quo iudicio id fecerint,
excutiet alius. hic non dico, equitem le-
vioris armaturæ, in rebus bellicis abso-
lute cataphracto esse meliorem; id dico,

quod expeditior promptiorque sit. Multum quoque facit genus equorum: Flandrici multum superant Frisicos & Germanicos: nec minus præstant Hungarici Polonicis, Asturcone Turcicus. Barbarici prædictis sunt velociores. Inter utrosque sunt equi Neapolitani, qui vernacule *corsieri* appellantur. Quamvis enim Asturconi velocitate pares non sunt, perdurant in labore, feruntque melius pondus armorum, nec tardi sunt. Vt, quod verum est, dicatur: Experientia docet, equitatum Germanicum propter eorum tarditatem aptum non esse ad insequendum fugientes, nec ad effugiendum hostes. Si enim Valacchici, Hungarici, Polonici, Turcici, Mauri, Barbarici equites, Germanicos fuderunt, non possunt effugere: si illi autem rupti sunt, non possunt equi Germanici illos insequi. Falconum enim instar aggrediuntur hostes, rursusque avolant longissime. In expeditionibus maritimis, agilitate parum valent naves: destitutæ enim ventis moveri non possunt, neque verti: aliquantulum, sed parum, amplius faciunt magnæ ætatis naves, sed velocitate præstant maxime triremes, quas galeres vocant. Vidimus itaque, cunctos Christianorum, quorum vires

in navibus sitæ sunt, bonam æstatis partem, temporisque expeditioni commodi, in progrediendo trivisse. Turcicas autem classès cito institutum cursum effecisse. Nulla autem res Turcis in sua agilitate plus commodi contra nos adfert, quam ipsorum parsimonia, & nostra ingluvies. Vinum enim, simileque delitiæ, sunt nostris exercitiis tanto impedimento, quanto Turcis commeatus simul. Mirum itaque non est, quod ipsi in expeditiones eant quam optime instructi tormentis, globis, pulvere sulphureo, & commeatu: (iis enim rebus currus terra, triremes mari onerant:) non vino, pullis, rebusque non necessariis. Eunt denique in bella ut pugnent, non ut crapulæ indulgeant.

cendus est, ad Comititia in armis con-
 sistant, perinde ut consueverant præ-
 toriæ cohortes in acclamandis Impe-
 ratoribus Romanis: Eo loco jus in ar-
 mis; & juxta libitum ipsorum Rex eli-
 gitur; & quisquis eligi cupit, ei Nobi-
 litatis magis, quam Senatorum favor
 & gratia aucupanda est. Plerique sunt
 candidati Principes, qui in præsentī
 interregno proponuntur: verum
 quia celebriores sunt Dux Parmensis,
 Archidux Ernestus Austriæ, Vaivoda
 Transilvanix, vel ejus cognatus Car-
 dinalis Battoreus, & Princeps Suecix;
 de his meam sententiam declarabo,
 omittamque indigenas Nobiles, quos
 Piasios nuncupant, siquidem inaniter
 credi puto, fore, ut Polonica capita
 consensura sint ad unum ex se ipsis
 promovendum, cui cætera omnia na-
 tura æqualia subsint & obediant: quod
 a sexcentis annis nunquam accidit,
 post electum scilicet Piasium illum pri-
 mum hominem sordido genere na-
 tum, quo tempore Respublica non-
 dum leges, quibus utitur, constabili-
 verat, & populorum ingenia moresque
 plurimum à præsentibus disceperant.

Si ætatem, prudentiam, virtutem
 militarem Ducis Parmensis respex-
 erimus, nulla adversus illum exceptio

. D d 3 timen-

timenda videtur, cum jam provectæ ætatis, rerum humanarum experientissimus, & nostro seculo præclarus existat Imperator, materno genere Austriacam stirpem referens, quæ in eo Senatu plurimum pollet, ex domo Farnesia, & Farnesii Cardinalis Polonici Regni apud Sedem Apostolicam Protectoris nepos, à quo Cardinale Poloni publice & privatim in Italia eximios honores & plurima benevolentiae argumenta retulerunt: neque deficit illum pecunia, cujus ope apud Nobilitatem gratosus fiat, si tamen homines habuerit virtute atque eloquentia insignes, qui in Polonia causam suam tucantur: hæc quidem omnes dotes sunt, quæ magnum rei momentum ad eam Coronam consequendam asferre deberent.

Verum plurima, neque minoris considerationis eidem obstitura esse videntur. Primo quidem origo Italica nihil ipsum adjuvabit. nam tametsi proceres Poloni, qui Italiam aliquando inviserunt, moresque Italicos observarunt, nostram videntur nationem diligere: tamen in universum nihil minus convenit, imo illic nostra gens abhorretur, estque in abominatione, scilicet Italos astutos, & fraudulentum ingenii

ingenii homines putant. Mallent ipsi Regem, qui natura & assuetudine mores regionis amplecteretur, ac secum familiaritate quadam versaretur, quam in Principe Italo minime sperarent se comperturos, multo minus in Duce Parmensi, qui inter Hispanos in exercitiis educatus est, in quibus suprema semper auctoritate imperavit: quocirca propter ejus magnitudinem animi dubitarent semper, ut contemptis ipsorum legibus, animum ad opprimendam Rempublicam converteret: quin etiam Stephani Regis exemplum, qui superbius imperitavit, eosque ad humilitatem animorum coëgit, circumspetiores ipsos efficiet in futura electione. Præterea cum Respublica illa Turcicum bellum valde abhorrenter evitet, rebus præteritis edocta, cavebit in posterum, justamque timoris occasionem habere sibi videbitur, ne Dux Parmæ ob affinitatem atque clientelam, quæ sibi est cum Rege Hispaniarum, ipsius intuitu bellum excitet adversus Turcas quod postea extinguere opus arduum sit. quanquam Reges, vigore legum, absque Senatu & nobilitatis assensu, in publicis Comitiiis, neque de pace, neque de bello quidquam possunt decernere; tamen prudens aliquis

quis Rex occasionem aperire facile potest, qua se extra culpam poneret, suamque libidinem simul exequeretur: & profecto si Cosaccis frenum paulisper laxaret, nedum eos intelligaret, cum si naturales sint Turcarum hostes, saltem causa finium incredibiles motus excitarent. Neque hanc ob causam electio Parmensis Ducis Turcæ Imperatori quicquam placeret: proinde verisimile est, operam datum, & omni ope enixum, ut omnino excludatur. Stragem etiam, quam adversus hæreticos in Belgio admodum cruentam edidit, meo quidem iudicio ejus causam remoretur. nam Poloni hæretici, qui numero valent, ab eo semper abhorrebunt: neque injuste suspicabuntur, si Rex foret, ut ille, etsi adversantibus regni statutis, ipsos persequeretur, vel saltem commodis publicis & honoribus, qui omnes absque interventu Senatus per meram unius Regis auctoritatem distribuuntur, eos nunquam cohonestaret.

Archidux Ernestus Austriacus faventem habiturus est in eo Senatu Austriacam factionem, quæ ad hæc usque tempora Principibus illis plurimum addicta est. Princeps est singulari virtute præditus, generosus, & natura affabilis,

illis, demum Polonorum genio moribus responſurus videtur. Duo tamen illi, niſi me animus fallit, adverſabuntur. Primum quia Germanus eſt; nam miram Poloni cum Germanis antipathiam habent: & quanquam Archidux ille, qui benigniſimum gerit animum, forte gratiæ plurimum collecturus videtur, tamen dum conſiderabitur, ſub illius umbra & patrocinio in Poloniam Germanos, gentem inviſam, ingreſſuros, & hic auctoritatem habituros, id certe privatiſſimè & publice conſultantiũ mentes valde turbaret. Alterum impedimentum videtur eſſe, quia cum Polonica Nobilitas nihil potius & opratius habeat, quam antiquæ libertatis ſuæ jura tueri, quæ hæcenus ilibata ſervaverunt; inprimis caverent, ne vicinum Principem tot viribus & amicitiiſ validum eligerent, qui Regno frenum injicere queat, quemadmodum ab aliquo Auſtriaco ſibi tinere poſſent, & ab ipſo Erneſto, quem facile cupiditas inceſſere poteſt ſupprimendæ Poloniæ libertatis, illudque regnum hæreditarii juris facere, ſicuti in Hungarico & Bohemico fecerunt, quæ regna natives Reges non habebant. Et hæc ipſa fortallè dubitatio nobiles movit, ut electionem, quam Senatus in Maximilianum

num Imperatorem fecerat, in interregno Regis Galliarum exploderent. Quod si Turca in hujusmodi Comitibus aliquam habuerit auctoritatem, credibile est, eum minime passurum, ut Austriacorum Principum quispiam eligatur, ne Polonorum viribus aggregatis illam Hungariæ partem, quam occupaverunt Turcæ, recuperare, & Ottomanicum Imperium lacerare velit. Quod si etiam in eodem ambitu alii ex domo Austriaca, sicuti forte Ferdinandus & Carolus Archiduces, aut Maximilianus & Matthias ejus frater, concurrent, Ernesto major supererit difficultas. Transylvanus Regulus, ut nepos & hæres Stephani regis, nihil in ea successione juris habet. nam tamen antiqua fuerit consuetudo, ut filii atque etiam nepotes defunctorum, usque ad linæ sive stirpis totius occasum, in Regnum vocati fuerint; tamen spatio ducentorum annorum nunquam nepotes electi fuere, qui non ex stirpe regali descenderint. &, quanquam Stephanus Rex eximia virtute decoratus, deque toto regno optime meritus fuit, propter egregia facinora, quæ adversus suos hostes peregit: nihilominus, cum Poloni eum magis veriti fuerint ob ipsius potentiam, ac timuerint, quam dile-

dilexerint, cum ille in honoribus & commodis publicis parum proceribus satisfecerit: præterquam quod suorum bonorum parcus extitit, successoribus suis tenues opes reliquit. Neque Princeps ille alibi spem suam firmare potest, quam in auxiliis cognati sui Cancellarii, cujus auctoritas sicuti regnante Stephano cæteros proceres supereminerebat, ita nunc, quia nobilitatis odium subivit ob superbiam suam, & quia familiæ Sboroskæ primatem supplicio ultimo extinxit, credibile est, eum de culmine suæ potentie dejectum fuisse. Tamen cognatum non mediocriter juvabit, quia magni est vir ingenii, divitiis affluens, audacia promptus, & ad hæc Turcicis auxiliis, & pecunia, quæ eum non deficiet, nonnihil boni efficere valebit. Verum non usque adeo valiturus esse videtur, ut difficultates objiciendas queat diluere, præsertim nondum adultæ Princeps ætatis, cum is adhuc adolescentulus sit. quod si unquam Regnum illud adulto ac præstante Rege indiguit, per hæc tempora vel maxime indiget, propter occasionem, quam Moschorum civilia bella bene gerendæ reipublicæ offe-
runt. Et quanquam Turca ipsum, tanquam fiduciarium ac vasallum suum,
vehementius

vehementèr promotus videtur, quem-
admodum Stephanum ejus patrum
promovit, non video, Turcicam opem,
præsertim his temporibus. quibus im-
perii illius vires alio intentæ sunt, plu-
rimum eidem afferre posse adjumenti.
Nam Poloni, ut in interregnis immi-
nentibus assueti fieri, fines regni validis
præfidiis dispositis sorte muniverunt,
quo ab insultibus Turcarum, & cujuslibet
Principis qui molestariis inferre
tentaret, sese tutos efficiant, ac tuean-
tur. Cardinalis Battoreus ejus patris-
lis, & nepos ipse quoque Stephani Re-
gis, minora fortasse obstacula patitur:
propterea quod ætate jam adulescens,
& in ordine Ecclesiastico audit honori-
fice, notus & plurimum dilectus Sena-
toribus multis, ingenio & virtute pol-
lens, apprimè affabilis, & qui naturæ
Polonorum se adaptabit: nihilominus
credibile non est, ut natio illa, de pa-
truo ejus Rege haud jucundam servans
memoriam, & Hungaros immortali
odio protequens, dubitans etiam, ne
ipso electo Cancellarii amplitudo re-
sisteret, contenta sit unquam ad-
queinquam ex Battorea domo eligen-
dum. Princeps Sueciæ etsi adolescentu-
lus est, non tamen adeo acerba est æta-
tis, ut regnum capeßere, & paucis post
annis

annis recte gubernare nequeat; multisque virtutibus, ad eligendum se, & senatores & nobilitatem potest compellere. Nam quia ex materno latere Iajelloniam domum refert, quæ domus ob egregia illorum Regum facinora, & in Rempublicam merita, summopere à Nobilibus diligitur, & præsertim ideo, quia Reipublicæ aggregavit maximi momenti regionem, cujusmodi est Lituania: item quia nepos est ejus ex cuius autoritate magnam gratiam consequitur: præterea, quia suppetet ei pecunia, cum ex paternis thesauris, tum ab ipsa Regina, ad concilianda sibi nobilium studia: hæc mediis fidius magna sunt adminicula, unde facili negotio ad regnum promoveri posset. Verum si ad hæc adungeretur, ut rex Sueciæ amplificandi magis filii sui causa, Sarmatis offerret (ut eum facturum verisimile est, sui regni unionem ad Polonicam Rempublicam, si filium elegerint, nihil mihi superest dubitandum, quin ipse, cæteris omnibus candidatis suis superatis, coronam illam obtineret. etenim regnum Polonicum vicini regni accessioni mirum in modum lucrificeret, non solum in seipso, sed etiam propter bona plurima, quæ inde Polonorum emolumento con-

querentur, præsertim in compescendis subditis, ac speciatim Dantiscanis & prætensis Ducibus Prussiae, aliisque qui Suecorum ope nixi sæpenumero defecerunt, & contra proprios dominos reges Poloniae arma sumpserunt: cessarent quoque controversiae atque prætensiones iurium, quas Princeps Sueciae habet in Lituania, tanquam in Statu ad maternam hæreditatem spectante: quæ res inter illa duo regna ingentes motus excitare possent videntur: portus Narvæ in Livonia ad Polonos rediret, quem portum Sueciae Rex haud pridem occupavit, dum Stephanus cum Moscho bella gereret; quamobrem Poloni coacti sunt portum illum recuperare, acceptamque injuriam ulcisci. Sed quod magis resceret, illud est, quod junctis duorum regnorum viribus adversus Moschum progressus fierent feliciores; non enim ignoramus, Moschoviam modo civilibus dissensionibus vehementer agitati. Adeo ut ex iis, quæ diximus, non videam, cur Sueciae Princeps, si regni sui unio proposita fuerit, excludatur: quandoquidem probabile est, oblationem hujusmodi nihil minus viriam habituram, quam Iajellonis magni Ducis Lituaniae habuerit obla-

tio. is enim, ut Eduigem Poloniae Re-
ginam in matrimonium obtineret,
Ducatum suum reipublicae confocian-
dum proposuit: quae propositio tan-
tum effecit apud Rempublicam, ut
quanquam Hedwiges Gulielmo Archi-
duci Austriae ante promissa fuisset, jam-
que ille ad celebrandas nuptias Cra-
coviam advenisset, nihilominus Iajel-
loni concessa fuerit: cujus propago
sive linea postmodum annos ducen-
tos feliciter regnavit. Quod si Princeps
Sueciae Catholicam religionem secta-
tur, quemadmodum uno ore omnes
consentiunt, profecto nescirem, quem
Respublica Christiana Regem ipso pos-
set eligere fructuosiores: is enim, de-
bellatis Moschis, in magnitudine &
continuatione Imperii ceteros omnes
Europae Principes longo intervallo post
se relinqueret; quoniam ab ortu ad oc-
casum totam regionem, quae inter ma-
re Caspium & Germaniae terminos
comprehenditur, possideret: ab Austro
vero ad Septentrionem, à Caucaso us-
que ad ultima Scythici maris littora
imperii sui limites protenderet. quan-
tum vero Turcis terrorem tam ma-
gnus Princeps adeo vicinus incuteret,
quantumque auxilii fessis Christiano-
rum rebus adferre posset, unusquisque

ex seipſo id animi cogitatione confequitur.

XV.

IOANNIS BARCLAI IVDI-
cium de Polonia & ingeniis
Polonorum.

Hungariæ à Septentrione Po-
lonia eſt, inde ad Oceanum
procedens, Ruſſiæque con-
termina. Tot ſpatiis diſcuſa
regio pene nullibi in montes aſurgit;
& à planitie factum nomen, quam Scy-
thico verbo *Pole* appellant. Campi in
immensum patent, quos nix altiffima
hyeme obruit: hac diſcuſſa ſegetes cre-
ſcunt, non in indigenarum tantum
uſus; ſed & mari delatæ, per multa Bal-
thici littoris ſpatia, ſterilibus fundis
anniſve opem ferunt. Sævæ hyemes
terram fluminaque advinciunt. quia
violentia Aquilonis, nullis montibus
repercuffa, liberum ut in pelago cœ-
lum rapit. accedit Septemtrionis vici-
nia, & ibi emoriens Solis vis, præſer-
tim cum receſſit ad brumam. Natura
ſubſidium admovit profundiffimas
ſylvas, quæ & in ignem datæ frigoris ex-
pellant, & in ſuis præterea umbris ani-
malia

malia alant, quorum pelles fulciendis vestibus preciosissimæ habentur. Hac duplici ope utuntur in hyemem. Alio quoque commodo suis silvis obnoxii. quippe alicubi immensa examina apum fervent. Agrestia illa sunt, nec cujusquam cura aut pastum aut tecta accipiunt. Vacui quercuum ramis, aut truncis, inhærent; ibi cereas domos extruunt, & optimo melle implent. Hinc ingens facilisque in regionem proventus. Ceram mercatores devehunt; ipsi melle conficiunt potum, quem in deliciis habent. Flumina, paludesque, plus justo quasdam provincias obruunt; adeo ut æstate vix possint adiri. concretis per hyemem undis curricula habent, quæ lubrica glacies facile evolvit; ita per regionem feruntur: & hoc est commercii tempus quo externi ad eos conveniunt, ceramque & pelles mercentur, ac si quid præterea sub tam rigido cælo in pretium nascitur. Plerumque lapides extruendis domibus desunt. Lignis ad parietes utuntur, stramentoque operiunt; præterquam in celebrioribus oppidis, arcibusque Optimatum, quantum illa regio ferre potest, excultis.

Polonis ut plurimum dura vita, cælo aspero, nec populi moribus factis

ad nostri seculi venustatem. & hinc aliquando sæviora ingenia. Diversoria peregrinos excipiunt, longe à nostrarum terrarum ratione. Deducuntur in sedem, quæ inanis, & plerumque perforata ad accipiendum lumen parietibus, ventis quoque & hyemi patet. nulli quibus decumbant lecti, non erecta ad epulas mensa. longo ac multiplici clavo paries fixus est. Illic hospites sarcinas quas habent in ordinem appendunt. Multo deinde stramento sternitur solum; & hoc in illis diversoriis pro thoro est. Itaque per illam regionem processuri, ad iter ita se comparant quasi domum circumducant. cibos, & cætera in alimentum ferunt, lectulos in rhedis collocant; ut nudis illis tectis excepti, sua supellectile & famem & frigora arceant. Gens est ad ferociam, & licentiam nata, quam vocant libertatem; adeo ut infandæ barbariei legem multis seculis ibi solentem, vix nunc demum omiserint; Ea scilicet caverant, ut qui hominem peremisset, solveretur metu judiciorum, si in jacentis cadaver projecisset pauculos nummos, quorum numerus eadem lege destinabatur. Nec tam vile fecissent humanæ vitæ precium, nisi sui genii impetu
pro

pro levi facinore haberent humanum
 cruorem prodigere. Ipsam nomen non
 tantum servituris, sed & iusti ac legiti-
 mi regni oderunt. Rex ad patrias leges
 vi & armis adigitur. Nobilitas tristi-
 bus prerogativis se ipsa donavit, qui-
 bus possit sibi invicem & impune no-
 cere. quippe Principi non satis iuri
 est, ut quod peccaverint ipse vindicet.
 Maxime sibi credunt; nec major libe-
 do est libertatis in moribus, vitæque
 civili, quam in religionum & cele-
 stium rerum sensu; de quibus, ut pla-
 cet, sine metu & sentire volunt, &
 loqui, scilicet immani fiducia sui, qui-
 bus sapere alieno ductu pudet. Hinc in
 diversa hodie scissæ mentes, errorum-
 que omnium lues, quicunque antiqua
 secula polluerunt. Quisque in suæ fa-
 milia laudem intentus est; præsertim
 si in externos incidit, & expertes sua-
 rum fortunarum. Savire quam deci-
 pere promptiores; & ipsi magis frau-
 dibus quam vi patent.

XVI.

IX ALSTEDII

C H R O N O L O G I A ,

DE REGNO POLONIAE.

Q Vinque dynastiae hic recitantur. Prima est ante tempora Piaſti, quæ ad certos annos redigi non poteſt. Secunda eſt ducum Piaſtadarum, anno Chr. 806, quo Piaſtus ex ruſtico factus eſt dux Polonorum. Tertia eſt regum Piaſtadarum anno 1000, quo Boleſlaus filius Mieciflai, primi Ducis Chriſtiani in Polonia, creatus eſt rex ab Ottone III Imperatore. Quarta eſt regum Iagellonidarum, qui ſic dicuntur à Iagellone Lituano, qui baptizatus eſt anno Chriſti 1368, & Vladiflai I V nomen accepit. Quinta eſt regum exterorum, puta Hungarorum, Gallorum & Succorum, inde ab anno Chriſti 1571, quo moritur Auguſtus, ultimus Iagelloniae ſtirpis maſculæ. Succedit ipſi Henricus rex Galliae: & huic Stephanus Bathori Tranſylvanus anno 1576: & huic Sigifmundus III rex Sueciae anno 1587.

SERIES AC ORDO
PRINCIPVM AC REGVM
POLONIAE.

| <i>Anni nati Christi.</i> | <i>Principes.</i> | <i>Anni Regi- minis.</i> |
|-----------------------------------|-------------------|----------------------------------|
|-----------------------------------|-------------------|----------------------------------|

| | | |
|-----|--|----|
| 550 | Lechus Primus. Duodecim Palatini. | |
| 700 | Cracus. Lechus Secundus. | |
| 750 | Venda. Duodecim Palatini. | |
| 760 | Præmissus sive Lescus Primus. | |
| 804 | Lescus Secundus. | |
| 810 | Lescus Tertius. | |
| 815 | Popielus Primus. | |
| 830 | Popielus Secundus. | |
| 842 | Piaſtus regnavit | 19 |
| 861 | Ziemonitus | 32 |
| 892 | Lescus Quartus | 21 |
| 913 | Ziemomissus | 51 |
| 954 | Mieciſlaus primus Princeps Chri- ſtianus. | 35 |

Reges.

| | | |
|------|---------------------------------------|----|
| 909 | Boleslaus Primus cognomine Chrobri | 25 |
| 1025 | Mieciſlaus | 9 |
| 1041 | Gimirus Primus | 17 |
| 1059 | Boleslaus Secundus Audax | 22 |

E c § Prin-

Anni
nati
Christ.

Principes.

Anni
Regi-
minis.

1082 Vladislalus Primus cognomine
Hermannus. 20

1103 Boleslaus Tertius Crivoustus 36

1140 Vladislalus Secundus 6

1146 Boleslaus Quartus Crispus 27

1174 Miecislalus Senex 4

1178 Casimirus Secundus 16

1195 Lescus Albus cum matre Helena

4

1199 Miecislalus Senex ite-
rum } turba per
Lescus Albus cum } biennium.
matre }

1202 Miecislalus Senex tertium. Eodem
anno moritur.

1203 Vladislalus Lasconogus 3

1206 Lescus Albus tertium 20

1226 Boleslaus IV Pudicus 53

1279 Lescus Niger. 19

Reges.

1295 Præmissus Menses 7 aut 8.

1296 Vladislalus Locticus 4

1300 Vencellalus Bohemus 5

1305 Vladislalus Locticus iterum 28

1333 Casimirus Secundus cognomine
Magnus

1370 Ludovicus Vngarus

DESCRIPTION. 443

| <i>an. Chr.</i> | | <i>an. Reg.</i> |
|-----------------|-------------------------------|-----------------|
| 1386 | Vladislaus Iagello Lituanus | 48, |
| | mensēs 3. | |
| 1434 | Vladislaus Tertius | 10 |
| 1447 | Casimirus Tertius | 45 |
| 1492 | Ioannes Albertus | 9 |
| 1501 | Alexander | 5 |
| 1507 | Sigismundus Primus | 41 |
| 1548 | Sigismundus Augustus | 25 |
| 1574 | Henricus Valesius Gallus | |
| 1576 | Stephanus Batoreus Transylva- | 10 |
| | nus | |
| 1587 | Sigismundus Tertius, qui nunc | |
| | regnat. | |

XVII.

DE RE NUMMARIA POLO-
norum, ex Historia Salomonis
Neugebaueri à Cadano.

IN magna rerum omnium
copia, ut fit, major aliquanto
fuit superioribus temporibus,
quam nunc est, argenti & au-
ri, reique nummarie penuria, præfer-
tim cum auri & argenti metalla nulla
extarent, & minus nota essent Polonis
transmarina mercimonia. Neque pro-
prium habebant nummum Poloni, sed
externis & maxime Bohemicis usi sunt
alii

aliquandiu. Cœpit deinde ante ducentos annos à Casimiro Magno Rege Poloniæ æs & argentum signari ad Bohemorum exemplum. Aureos vero nummos primus omnium Sigismundus Rex nostra memoria signavit, bonitate & pondere Vngaricorum: tamen si Alexandri Regis quoque fratris ejus aureus nummus visus est. Sic autem crevit jam auri pretium, ut duplo nunc carior sit aureus nummus, quam fuit avorum nostrorum memoria. Id adeo partim propter luxum ac crebriorem auri usum, exportationemque ad externos, partim quia deterior nunc esse fertur reliqua moneta, cum ponderis diminutione, tum æris admixtione. Est autem ea multiplex. Ac grossius quidem argenteum numisma est cum admixto ære, olim vicesima octava. nunc sexagesima pars Vngarici, sexagena sexagesima, marcæ quadragesima octava, floreni tricesima. Sunt & minores grosso nummi. Medians quidem grossi dimidium, nona fere parte superans crucigerum Germanicum, sed jam æquatus. Solidus tertia pars grossi, ternarius sexta, obolus vero decima octava. Atque hi quidem nunc ærei sunt inalbati: superiori tempore habuerunt admixtum argentum, ut etiam nunc habent

habent grossi & medianes. Argentei vero sunt trigrossus ac segrossus, hic quidem sex, ille vero tribus grossis æstimatione par. Vtrumque primus signavit Rex Sigismundus primus. Sed jam pauci extant: exportantur enim & constantur ab avaris ludæis, mercatoribus, & argentariis apud gentes finitimas. Permagnus est autem etiam nunc apud nos usus externæ monetæ, quæ pro mercibus undelibet importatur.

XVIII.

DE VECTIGALIBVS REGIS
Poloniæ ex eodem Salomone
Neugebauero.

Vectigalia Principis aliquanto
luculentiora & ampliora
olim fuisse, quam nunc sunt.
Conferbant enim ei omnes
agrestes & ascriptitii quotannis tribu-
tum rastrale sive regale in iugerum seu
mansum duodenos grossos, & quidem
Pragenses. Solvebant & alias quasdam
cum nummarias tum pecuarias, fru-
mentarias, avenarias, & aliarum re-
rum pensiones: nec modo agricolæ, sed
& oppidani: quin & Nobiles non pe-
nitus immunes erant: jumenta quoque ei,
qua-

quacunque iter faciebat, alii secundum alios suppedirabant, & canes cum venatoribus ejus alere necesse habebant. Ne monastica quidem & alia ecclesiastica bona initio prorsus erant libera ab hujusmodi oneribus ac tributis: quorum appellationes videre licet in vetustis Principum diplomatis. Liberæ autem Principi erant ubique piscationes ac venationes: aliis non item, ne in suo quidem cuiquam fundo, absque peculiari Principis indulgentia. Multæ quoque maleficiorum Principi dependebantur. Exinde cum permagna esset rerum omnium ad victum pertinentium vilitas, & nec dum maritima cum externis populis commercia extitissent, non distrahebantur fruges & alii fructus prædiorum Principis, quæque ex pensionibus in cellam ejus comportata erant, neque ad unum aliquem totius regni locum (quod non sine gravi agrestium præiura futurum erat) convehantur, sed in præfecturis asservabantur. Cumque ad officium Principis pertinere existimaretur, non desidem & uni alicui loco affixum hære, sed obire omne regnum, ac fines ejus tueri, & omnium usibus sese exponere, querimonias afflictorum audire, jus dicere, tenuiores à potentiorum

tiorum injuriis vindicare, quoquo is
 venerat cum equitatu ac comitatu suo
 aulico, ejus præfecturæ fructibus ac
 proventibus alebatur, quoad ei mane-
 re ibi libuisset, opusve esset, sive quoad
 horrea cellæque sufficerent, seu deni-
 que descriptis cuique præfecto pro ra-
 tione præfecturæ & proventuum cer-
 tis temporum spatiis. Cæterum postea
 cum Principes vel certo se loco conti-
 nere, vel bellis distenti peregre diutius
 abesse cœpissent, distrahi cœpere fru-
 ctus prædiorum, qui præfectorum cum
 sua cujusque familia moderatis usibus
 superessent. Remissæ sunt deinde Prin-
 cipum beneficentia sacro & equestri
 Ordini, & utriusque adscriptitiis ac
 subditis pleræque omnes pensiones at-
 que onera. Nunc sane equestris & ec-
 clesiastici Ordinis homines nil Regi
 pensitare necesse habent. Ac ne oppi-
 dani quidem eorum, aut agrestes ad-
 scriptitii, præter binos grossos ver-
 naculos de manso pagano, & eo qui-
 dem solo, quem adscriptitius ipse sibi
 colit. Nam qui sacerdotibus & equi-
 tibus coluntur, itemque suburbani
 & scultetorum agri ab ea quoque
 pensione immunes sunt: ne subser-
 viunt quidem Principi sacerdotum &
 equitum homines agrestes & oppi-
 dani,

dani, præterquam ad arces tempore belli perficiendas, atque etiam novas, si id è senatusconsulto fiat, condendas. Non ita pridem Abbates & Præpositi monasteriorum certas pensiones, quæ stationes vulgo dicuntur, Regi denuo pendere cœperunt. Adscriptitii quoque ipsorum ad colendos Principi agros, subvectiones ac pensiones quasdam frumentarias revocantur, quo præfectorum regionum præsidio tutiores sint ab injuriis improborum. His autem exceptis, soli præfecturarum adscriptitii in suis quique præfecturis agros colendo, & vectigalia pensitando rem familiarem Principis sustinent: quæ nunc tamen aliquanto exquisitius curatur, quam olim. Habet is etiam è metallis mediocri vectigal. In iis autem conductitiarum operarum usus est: quarum impensa deducta, reliquum cedit Principi. Omnium vero metallorum in Polonia fructuosissimæ sunt salinæ. Sed habet in illis Nobilitas hanc prærogativam, ut in usum suum domesticum statis anni temporibus aliquanto minoris emat sale, quam cæteri homines. E telonis quoque mercium & vectorum provenit vectigal Principi. Cæterorum hominum nemo jus ullum habet instituendi

uendi & exigendi telonii, præter peculiarem Regis indulgentiam, idque ob necessariam extra ordinem refectio- nem viarum, pontium & aggerum. Cæterum paulum à trajectu fluminum in suo cuique solo instituere licet.

Duplex autem est telonium, vetus & novum. Ac vetus quidem exile est, quod ab iis solvitur, qui intra fines regni negotiantur. Novum autem majus aliquanto, quod boum, equorum, co- riorum, frumenti, lanæ, ceræ, sebi, & aliarum mercium, quæ ad exteras oras exportantur, & earum, quæ aliunde importantur, nomine pensatur. V- triusque immunitatem habent eccle- siasticus & equestris ordo, modo ne mercaturam quis exerceat, hoc est, ve- num ea exportet, quæ ipse abunde e- merit, ac non de suo pararit. Si quis tamen boves emptos suo pabulo ac frumento per hyemem aluerit, perin- de habetur, ac si domi ejus nati essent. Publice quoque civitates nonnullæ ha- bent immunitatem veteris telonii. Hæc igitur nunc sunt perpetua Princi- pis vectigalia: quæ distrahere, aut addi- cere cuiquam hæreditario jure Rex Ale- xandri Regis lege prohibetur. extra or- dinem nihil à quoquam, nisi forte à ludæis Regi pensatur. Ex his autem

vestigalibus Rex cum domestica familia sua sese sustentat: inde comitatui suo aulico stipendia præbet: inde in legationes, dotes & elocationes filiarum, arcium præsidia, & facta testæ, viarum publicarum refectiones, machinas & apparatus bellorum, præmia bene merentium de se, ac de Republica, & in alios usus impendit: inde & Senatoribus fere, ac magistratibus publicis, ac nonnullis sacerdotiis certi ac perpetui redditus antiquitus constituti sunt, partim pietate ac beneficentia Principum attributi, partim accepto in usus necessarios precio venditi. Et hæc de Rege & vestigalibus ejus.

F I N I S.

INDEX.

INDEX.

A.

| | |
|---|-------------------|
| A Brogandorum honorum ratio. | 174 |
| Academia. | 79. 238 |
| Alberti, Marchionis Brandenburgensis, Ordinis Teutonici magistri tempore gesta quedam precipua. | 359 |
| Albus lacus, & natura ejus. | 65 |
| Alce, & ejus natura. 69 70. & 239. | 240 |
| Aluta fl. | 255 |
| Ambra. | 55 |
| Animantia Polonia. | 69 |
| Appellatio. vide Provocatio. | |
| Aqua repida. | 63 |
| Arces. | 86. 266. 267. 418 |
| Archiepi, & copi. 4. 5. 115. Munia. | 142 |
| Argia amnu. | 255 |
| Aima seu. insignia gentilitia. | 103 |
| Armenorum religio. | 116 |

B.

| | |
|--|---------------|
| B Alnea. | 82 |
| Barones. | 1 |
| Belli ratio. 206. constitutio ex pro Duce. tu Litvania. | 309 |
| Bella Livoniensium. | 592. 393. 396 |
| Beresina fl. | 56. 239 |
| Bisontu fera historia. | 69. 71. 239 |
| Bogus, Bohus, siue Eurus, fl. | 60. 61. 244 |
| U f a. | Ber... |

INDEX.

| | |
|--|-----|
| <i>Borussi antiqui.</i> | 291 |
| <i>Borysthenes, Nieper dictus. 61. non est</i> | |
| <i>Bereżina.</i> | 56 |
| <i>Brunsb erga urbs.</i> | 85 |
| <i>Burggrabii.</i> | 160 |

C.

| | |
|---|----------|
| C <i>Amenecia urbs Podolia.</i> | 81 |
| <i>Campiductor.</i> | 147. 148 |
| <i>Cancellarii.</i> | 145. 250 |
| <i>Capitaneus, seu praefectus arcis.</i> | 154 |
| <i>Captorum in bello rat. o.</i> | 79. 108 |
| <i>Carbunculus.</i> | 93 |
| <i>Casimiria.</i> | 237 |
| <i>Castellani 8. 135. &c. 239. munia eorum. 143. autoritas.</i> | 250 |
| <i>Castorum natura.</i> | 70 |
| <i>Chodkievicii comites.</i> | 140 |
| <i>Chronon fl.</i> | 239 |
| <i>Cimbrorum historia.</i> | 257 |
| <i>Cleparia.</i> | 79 |
| <i>Cleri ordo. 168. electio.</i> | 171 |
| <i>Comites Poloniae.</i> | 103 |
| <i>Comitiorum ratio. 198. ecclesiasticorum.</i> | 205 |
| <i>Commercia Polonorum.</i> | 120 |
| <i>Consil. um publicum, id est, Senatus regius</i> | 139 |
| <i>Convivia.</i> | 97. 98 |
| <i>Coturnicum Polonicarum natura.</i> | 74 |
| <i>Cracovia.</i> | 78. 237 |
| <i>Cracus.</i> | |

INDEX.

| | |
|---|----------|
| <i>Cracus.</i> | 237. 245 |
| <i>Crinice locus, & natura ejus.</i> | 65 |
| <i>Cromeri familia & gentilitia.</i> | 107 |
| <i>Cruciferi notati. 225. de illorum initiis.</i> | |
| 320. 335. 343. magistrorum triginta | |
| quatuor historia. 344. &c. inter eos | |
| fratres Ensisferi. | 371 |
| <i>Cujavia.</i> | 238 |
| <i>Cuatores regni. 251. tenutarii.</i> | 158 |
| <i>Cypselorum & hirundinum mirabilis</i> | |
| <i>natura.</i> | 75 |

D.

| | |
|--|--------|
| D <i>Antiscum.</i> | 82 |
| <i>Dii.</i> | 300 |
| <i>Diœceses.</i> | 4 |
| <i>Dobenisa amn.</i> | 255 |
| <i>Donarocius flu.</i> | 57. 58 |
| <i>Drausenius lacus.</i> | 64 |
| <i>Duces Polonia.</i> | 103 |
| <i>Duces ante reges fuisse. 123. eorum que</i> | |
| <i>fuert potestas.</i> | 124 |
| <i>Duces exercitus.</i> | 147 |
| <i>Dunamunt.</i> | 375 |

E.

| | |
|--------------------------------------|--------------|
| E <i>Ecclesiastica munia.</i> | 168 |
| <i>Ecclesiasticorum immunitates.</i> | 177 |
| <i>Ecclesiasticus ordo.</i> | 117. 168 |
| <i>Elbinga.</i> | 83 |
| <i>Electrum.</i> | 55 |
| Ff 3 | <i>Ensi-</i> |

INDEX.

| | |
|---|--------|
| Ensisferi fratres, id est, Crucigeri. | |
| Episcopi. s. 135. illorum munia. 142. redditus. | 177 |
| Equestris Ordo. | 3. 100 |
| Equitatus Polonia. | 416 |
| Exactores tributorum. | 161 |

F.

| | |
|--|------------------------------|
| Familia. | 103. 104. &c. |
| Felin civitas. | 383 |
| Fera Polonia. | 69 |
| Fendatarii Polono qui. | 1. 2. 3 |
| Fluvii Polonia. | 36. 405 |
| Fons pestilentis natura. | 68 |
| Frigus hiemale in Polonia. | 51 |
| Fruges. | 50. 51. 52 |
| Fruventorum & seminandi arandique ratio. | 283. 286. 287. 288. 289. 388 |

G.

| | |
|---------------------------|-----|
| GDanum. | 82 |
| Gepidi, qui nunc Litvani. | 260 |
| Geta. | 255 |
| Glacies aestiva. | 54 |
| Gnesua. | 236 |
| Gophus lacus. | 64 |
| Graca religio. | 115 |

H.

| | |
|---------------------------------|--|
| Habitandi consuetudo Polonorum. | |
| 78. 86. 87 | |

Habid

INDEX.

| | |
|---|---------|
| <i>Habsel arx.</i> | 379 |
| <i>Ilabus lacus.</i> | 63 |
| <i>Hæretici in Polonia qui.</i> | 113.114 |
| <i>Hæreticorum malleus.</i> | 339 |
| <i>Hebraeorum vicus.</i> | 239 |
| <i>Hierafus fl. 255. eius fontes.</i> | ibid. |
| <i>Hirundinum Polonicarum mirabilis natura.</i> | 75 |
| <i>Hoina amn.</i> | 255 |
| <i>Honorum mandandorum ratio.</i> | 171 |
| <i>Hypocausta.</i> | 87 |

I.

| | |
|---|----------|
| I <i>Dololatria hispania.</i> | 276.277 |
| <i>Insignia gentilitia.</i> | 103 |
| <i>Insula.</i> | 79.84.85 |
| <i>Iudicia. 179. nobilitati. 191. plebi. 194. ecclesiastica. 179. politica. 181. Iudeorum ad quem pertineant.</i> | 7 |
| <i>Iumenta Polonia.</i> | 73 |
| <i>Iustitia Tartarorum & Lituanorum inaequalitas.</i> | 268 |

K.

| | |
|---------------------------|---------|
| K <i>Okenhaus.</i> | 377 |
| <i>Koningsberga.</i> | 83. 409 |

L.

| | |
|----------------------------------|----|
| L <i>Lacus Polonia.</i> | 63 |
| <i>Lacus pestilentis natura.</i> | 68 |
| <i>Lapides Polonia.</i> | 54 |

INDEX.

| | |
|--|--------------------|
| <i>Lechus.</i> | 236. 243 |
| <i>Legatorum & nuntiorum ratio.</i> | 201. &c. |
| <i>Leges Poloniae.</i> | 133 |
| <i>Lehal castrum & civit.</i> | 379 |
| <i>Leopolis urbs.</i> | 81. 288 |
| <i>Liblum, seu Lubovulia arx.</i> | 43 |
| <i>Lingua Latina quam Polonis usitata.</i> | 76 |
| <i>Litvania descriptio</i> | 239. 280. 289. Du- |
| <i>catus. 289. nomen. 240. 267. termi-</i> | |
| <i>ni.</i> | 267 |
| <i>Lituani.</i> | 282. 287 |
| <i>Lituanorum gentis deductio.</i> | 256. 255. |
| <i>conversio. 240. Princeps.</i> | 241 |
| <i>Livones. 282. 307. eorum bella.</i> | 392. |
| | 393. 396 |
| <i>Livonia descriptio. 366. & provincia-</i> | |
| <i>rum. 373. &c. descriptionis continua-</i> | |
| <i>tio.</i> | 387 |
| <i>Lode arx.</i> | 379 |
| <i>Lublinum.</i> | 80 |
| <i>Lutheranismus notatus. 80. 113. 114. 115.</i> | |
| | 391. 393. 396 |
| <i>Lutherus notatus.</i> | 219 |
| <i>Lubovulia arx.</i> | 43 |

M.

| | |
|--|--|
| M <i>Agistratus. 123. 144. 147. 148. ple-</i> | |
| <i>beus. 169. terrestres. 148. Vide</i> | |
| <i>Officiales.</i> | |
| <i>Magistratum redditus. 176. creandorum</i> | |
| <i>ratio.</i> | |

INDEX.

| | |
|---|----------|
| <i>ratio. 171. plebciorum.</i> | 175 |
| <i>Marchiones regi feudatarii.</i> | 1. 3 |
| <i>Mareschalci.</i> | 144. 250 |
| <i>Mariburgum.</i> | 84 |
| <i>Mariani, id est, Crucigeri.</i> | 320 |
| <i>Masovia.</i> | 244 |
| <i>Metalla Polonia.</i> | 52 |
| <i>Milites olim, qui nunc equites.</i> | 100 |
| <i>Militia.</i> | 97 |
| <i>Ministeria aulica. 161. viliora.</i> | 166 |
| <i>Mirabilis cocoma. 1455. 61. 65. 68. 75</i> | |
| <i>Moldava annus.</i> | 255 |
| <i>Moldavia.</i> | 255 |
| <i>Monasteria.</i> | 86 |
| <i>Montes Polonia.</i> | 49 |

N.

| | |
|--|----------|
| N <i>Arva fl. 239. 244. ejus natura.</i> | 61 |
| <i>Nerva arx & civitas.</i> | 385 |
| <i>Neister fl.</i> | 255 |
| <i>Niepe. id est, Borysthencs.</i> | 61 |
| <i>Nobiles, seu Nobilitas. 3. 100. ejus studia. 108. 109. 110. Lituania.</i> | 240 |
| <i>Notarius thesauri regii. 161. castrensis, seu campestris.</i> | ibid. |
| <i>Notessius fl.</i> | 59 |
| <i>Numaria res.</i> | 118. 443 |
| <i>Nuntiorum & legatorum ratio. 201. & c.</i> | |

INDEX.

O.

| | |
|---|-----|
| O fficia curia. 161. terrestria. | 149 |
| Officiales. 13. &c. 18. &c. 23. &c. 26. | |
| &c. 28. &c. 139. 144. 147. 148. 250. | |
| inter officiales qui non censeantur. | |
| 164 | |
| Ordines in Polonia. | 99 |
| Ordo Teutonicus. Vide Crucigeri. | |
| Olica Turor. | 240 |
| Oppida Polonia. | 78 |
| Ozilia insula. | 379 |

P.

| | |
|--|----------|
| P agi. | 86. 87 |
| Palatini. 7. 135. & 136. 137. 238. eo- | |
| rum jura & munera. 7. 142. 239. au- | |
| toritas. 259. Litواني. | 273 |
| Pauperiani, id est, Crucigeri. | 320 |
| Pecora Polonorum. | 73 |
| Peditatus ratio in Polonia. 209. 210. 417 | |
| Pisces Polonia. | 66 |
| Piscina arte manuque facta. | 65 |
| Plebs Polonia. | III. 169 |
| Ploscovia. | 248 |
| Ploscum. | 82 |
| Podolia provincia. | 47. 48 |
| Polona gens. 32. 33. sacra Christiana sus- | |
| cipit. | 236 |
| Polonia provincia. 1. divisio & partes. 4. | |
| 41. &c. 235. fines & ambitus. 34. 37. 39 | |
| fitur. | |

INDEX.

| | | | |
|---|-------------------|------------------------------|---|
| <i>situs.</i> | 32. 33. | <i>solum & calum.</i> | 48. 404. |
| <i>nomen.</i> | 34. 235. | <i>Rex.</i> | 1. 30. 402. |
| <i>regimen.</i> | 409. | <i>interregnum.</i> | 253. |
| <i>oper.</i> | 246. 406. | <i>veres.</i> | 412 |
| <i>Polonorum genera & ordines</i> | 99. 100. | | |
| <i>cultus corporis.</i> | 89. 99. 387. | <i>mores & habitudo.</i> | 90. idioma. 75. ingenia & instituta. 75. 88. 91. 92. 405. |
| <i>educatio & studia.</i> | 91. 437. | <i>virtus.</i> | 89. potus. 89. 90. 239. |
| <i>respublica.</i> | 123 | | |
| <i>Pomerania quadam descriptio.</i> | 334. 339. 340 | | |
| <i>Posnania urbs.</i> | 80. 138 | | |
| <i>Præfecturarum distinctio.</i> | 157. 158. | <i>reditus.</i> | 159 |
| <i>Præfectus arcis.</i> | 155. | <i>tenutarii.</i> | 158 |
| <i>Pralatorum reditus.</i> | 177. 178 | | |
| <i>Principes Poloniae olim sine titulo regis.</i> | 113 | <i>enrum potestas.</i> | 124. 146 |
| <i>Pripetius fl.</i> | 61 | | |
| <i>Procurator magnus.</i> | 155 | | |
| <i>Provocatio ad certamen.</i> | 191 | | |
| <i>Provocationum judicia.</i> | 187. 188. 189. | <i>in plebes.</i> | 194. 195. 196. 197 |
| <i>Prussiae fines.</i> | 45. ducalis. 214. | <i>regia.</i> | 216. |
| <i>alia descriptio</i> | 318. | <i>Ducatus duodecim.</i> | 323. |
| <i>descriptionis continuatio.</i> | 335 | | |
| <i>Prussorum ordinum distinctio.</i> | 219 | | |
| <i>Prutenorum antiquorum religio.</i> | 320. | | |
| <i>barbaries.</i> | 335 | | |
| <i>Prutus fl.</i> | 62 | | |

INDEX.

Q.

Quaestores teloniorum. 160

R.

R *Egina comitatus.* 166. 167. *inanguratio.* 127

Regius-mons. 83

Rex Polonia. 1. 30. 402. *primus qui.* 123. 245

Regum de electione dissertatio. 424.

creatio. 126. *officium.* 129. *potestas.* 125

247. *vires.* 412. *comitatus.* 164. 165.

equitatus. 249. *opes.* 246. 406. *cen-*

sus. 249. *vectigalia.* 128. 445

Religiones in Polonia quæ. 113

Revalia. 386

Riga. 374

Rivus Scepusii naturæ marabilis. 68

Rusia rubra limites. 47

S.

S *Al, lapidea duritie.* 53

Salina. 248

Salinatores. 160

Samogita. 282. 293. *Itali.* 292. *pigi.*

294. *frugales & annosi.* 295. *conversi.*

295. *eorum studium & vita.* 226. *dis.*

300

Samo-

INDEX.

| | | |
|-------------------------------------|---|-----|
| <i>Samogitia ducatus.</i> | 274.291. nomen & regio. 293. solum. | 294 |
| <i>Sanus fluxus.</i> | | 58 |
| <i>Sauromatia Europae regiones.</i> | | 234 |
| <i>Scepusium.</i> | | 43 |
| <i>Scriba thesauri regii.</i> | 161. castrensis. <i>ibid.</i> | |
| <i>Senatus regius.</i> | 135.139. convocatio. 141. autoritas. 250. munia. <i>ibid.</i> 251. potestas unde. | 252 |
| <i>Signa gentilitia.</i> | | 103 |
| <i>Slavonica gentis lingua.</i> | | 236 |
| <i>Socavia.</i> | | 255 |
| <i>Stanislaus Hosius.</i> | | 339 |
| <i>Succinum, vulgo ambr.</i> | | 55 |
| <i>Sylvæ Polonia.</i> | 50.436.437 | |
| <i>Synodi ecclesiastica.</i> | | 205 |

T.

| | |
|---------------------------------|-----|
| <i>T Arnest arx.</i> | 383 |
| <i>Tarnovisa.</i> | 254 |
| <i>Teloniorum quaestores.</i> | 160 |
| <i>Tenuta, & tenutarii.</i> | 158 |
| <i>Tergovista.</i> | 254 |
| <i>Thesaurarius.</i> | 147 |
| <i>Torpatum</i> | 378 |
| <i>Torunia.</i> | 83 |
| <i>Tributa pro peditatu.</i> | 211 |
| <i>Tributorum exactores.</i> | 161 |
| <i>Turæ boves.</i> | 244 |
| <i>Type.</i> | |

INDEX.

| | |
|--------------------------|-----|
| <i>Typographia.</i> | 95 |
| <i>Tyia, Neſter, fl.</i> | 255 |

V.

| | |
|--|------------------|
| V <i>Aivods, Palatini.</i> | 238.256.274 |
| <i>Valachia.254. hujus Princeps Polono</i> | |
| <i>ſeudatarius.</i> | 1. 2 |
| <i>Varſavia.</i> | 82.244 |
| <i>Varta fl.</i> | 59. 238 |
| <i>Velligalia Polonia.</i> | 128. 445 |
| <i>Velia fl.</i> | 239 |
| <i>Vilna fl, & opp.</i> | ibid. |
| <i>Vinda civit.</i> | 382 |
| <i>V. ſmirus, ſeu Cracus.</i> | 255 |
| <i>Viſtula fl.</i> | 56.237. ibid.244 |
| <i>Vitenſteyn.</i> | 387 |
| <i>Vitroſus.</i> | 54 |
| <i>Vladislavia.</i> | 238 |
| <i>Vlmigavia, id eſt, Pruſia.</i> | 318 |
| <i>Volucris Polonia.</i> | 74 |
| <i>Vrbes Polonia.</i> | 73 |
| <i>Vri boves.</i> | 244 |
| <i>Vrſorum captura.</i> | 73 |
| <i>Vxul, arx Livania.</i> | 376 |

Z.

| | |
|-------------------------|-----|
| <i>Zupparii quinam.</i> | 160 |
|-------------------------|-----|

F. B. L. N. I. S.
 V. H. L. T. H. E. L.
 C. A. P. I. T. U. L. U. M.
 C. A. P. I. T. U. L. U. M.

Summa Privilegii.


lastrum & Præpotentium D D.
Ordinum Federatarum bel. & Pro-
vinciarum decreto cautum est Rona-
ventura & Abrahamo Elzeviriiis, Aca-
de. mia Leydensis Typographis, Ne vis
præter illorum aut heredum voluntatem
101. in decennio proximo, his in regionibus
excudat, aut alibi extra Provincias ex-
cuscum inferat vendatve, librum hunc,
cui titulus, Respublica sive Status Re-
gni Poloniæ, Prussiæ, Lituaniæ, Livo-
niæ, &c. Quod si quis contempta auctori-
tate, directe vel indirecte, librum hunc,
totum, vel partem ejus, hoc sive alio mo-
do, intra dictum temporis intervallum
typis mandare, vel impressum alibi in
has oras inferre & vendere præsumpserit;
confiscatione exemplarium, multaq; in-
super sexcentorum florenorum, damna-
esto. uti latius patet in ipso Privilegio,
dato Hagæ in conventu D D. Ordinum
Generalium, xv Maii, clolcccxxvi.

G. V. HERTEVELT Vt.

Ad mandatum Præpotentium
D D. Ordinum Generalium.

I. van Gach.







Biblioteka Jagiellońska



stdr0021465

The image shows the front cover of an old book. The cover is decorated with a marbled paper pattern featuring irregular, cell-like shapes in shades of tan, brown, and black. A small, rectangular, light-colored paper label is affixed to the upper right portion of the cover. The label has the number '747' printed on it in a dark, serif font. The edges of the book's pages are visible on the left side, and the spine of the book is on the right. The overall appearance is aged and worn.

747